




XXV. 13. 10



BIBLIOTECA NAZ.
ROMA
VITTORIO EMANUELE





CHRISTOPHORI
FORSTNERI

In XVI. Libros Annalium, (quatenus extant)

C. CORNELI
TACITI
NOTÆ POLITICÆ:

*Hac ultimâ editione longè, quàm antè,
emendatiorēs.*




Cum Grat. & Privil. Sacr. Cæs. Majestatis.

FRANCOFURTI,

Sumptibus JOHANNIS BEYERI.

M. DC. LXII.



SERENISSIMO
JOHANNI
CORNELIO

Venetiarum Principi.

P. F.

Nimium erat , Se-
renissime Prin-
ceps , quòd supe-
riore anno cum Excellentis-
simo Senatu tam benignas
mihi in publico aures præ-
buiſti. Tu verò tanquam
merito gratiam habuiſti ,
meque ultro Equeſtri veſtro
Ordini adſcripſiſti. Ego qui-
dem quam mihi domi curta
ſupellex ſit, non ignoro: ſed
* 3 non

non oportuit me pro maximo beneficio , quia æqualem non possem , nullam gratiam rependere. Et hæc ad Cornelium Tacitum notæ politicę ad Cornelium Principem , etiam me non mittente , ultrò ibant. Præterea , civilis prudentiæ doctor , cum quo libentiùs , quam cum Prudentissimi Senatus Veneti sapientissimo Principe versaretur ? Denique pessimum Imperatorem , & scelera , flagitiâque cum factis promeret , locis occultantem , in altissima Europæ scena,

scena, coram optimo Principe produxi: quo utilissima comparatione foeda flagitiorum facies, & ex diverso virtutum tuarum pulcherri-
mus splendor pulcherri-
mum Orbi spectaculum re-
præsentarent. Vale. Pata-
vii XII. Calend. Octobr.
clb. lb. cxxvi.

Serenitatis Tuae

humillimus Client

Christophorus Forstnerus
Austrius.

*

4

Ad

AD
LECTOREM.

Humanissime Lector, exhibemus tibi nitidissima Editione Viri Clarissimi, Præstantissimique Christophori Forstneri Notas in Principem Politicorum, CORNELIUM TACITUM, opus eruditum & nunquam satis laudatum. Non opus est ambitiose muneri nostro pompam addere. Ipse hic liber totiens excusus satis seipsum commendat. Ridere illos soleo, qui verborum phaleras libris suis præfigunt, in ipso autem vestibulo credulum Lectorem

ctorem frustrantur. Hic a-
crem, subtilem, igneam Taciti
amplecti licet prudentiam si-
mul & mirari. Et quia ma-
gnus in Politicis artifex non
nisi erecta & magna ingenia
admittit, ad ejus normam hic
formavit suam Politicam Cl.
Forstnerus, notisque eximiis
instruxit, simulque faciem hi-
storiæ accendit. Non hic de in-
terpunctionibus literarum de-
liberatur. Febriculosares est iis
adherere, quæ nulli usui sunt.
Sed quid majus quam Princi-
pem formare atque arcana do-
minationis detegere? Præce-
ptis illis devincitur totum ge-

nus humanum. Sicut summus
ille gubernator universi cur-
eta vehit, ita ciues suos sapiens
Princeps. Qui Principem sa-
lubribus monitis instruit, regit,
flectit ipsum quoque Princi-
pem. Ingredere itaque hoc me-
cum Palatium, virtutes Prin-
cipum osculare, flagitia dete-
stare, denique artem illam hic
disce, qua feliciter Resp. regun-
tur, conservantur. Vale, &
instituto nostro fave.

Ho-



Honori Laborique

Forstneriano

S.

POLiticorum Doctor TACITUS,
à nullo non Politicorum sæpius ci-
tatus,

reconditiorem hodiè Prudentiam qui
docent ;

ab omnibus qui Politici esse amant,
assiduè lectus

à paucis verò sat intellectus,
nisi illa quæ tacet, sagaciter investigan-
tibus,

Multorum quamvis magno studio ex-
plicatus,

dubites tamen, an feliciorem
nactus unquam Interpretem

Felicissimo isthoc FORSTNERO.

tam eruditè penetrat vetera,
tam scitè adplicat ad hæc nostra,
palma vel hoc uno ut cæteris præripiat.

*

6

Nil

Nil Magno detraham, absit hoc! Lipsio,
Nec Scipioni quidpiam Amirato,
Gruterove & infinitis aliis;
Laus sua quemque manet:

FORSTNERUS tamen hoc uno, quod diximus, Omnes
Exsuperat, quævis pagina quod loquitur.

*amori in hunc librum singulari
testando*

P. L. M. Q.

Erudite

* * * * *
 * * * * *
 * * * * *
 * * * * *

Erudite HOSPEs

qui hunc *Librum* manu teris, oculo percur-
ris, ad *TACITI* medullam accede.

per has notas ille tibi obscurus alioqui & im-
plexus notior & planior fiet.

Per has ad *Tiberianas* technas, ut deſcines,
non ut fallas, pertinges.

Ad hanc *Cynosuram* tu
& in maleſida popularis aura ſtatione,
& in dubio *Principalis* malacia ſalo,
invidiam inter & gratiam,
tutus enavigabis.

Hic denique ediſceſ
& alios regere pro imperio, & te ipſum
pro dignitate.

Te felicem *TACITE* hiſce notis.
Te feliciorẽ *FORSTNERE* hac *TACITI*
notitia.

præconia ſua ultro tibi commodat *LOCU-*
TIUS.

non jam *TACITUS*, ſed merito *LO-*
CUTIUS,

ut
posthac nulli sis tacendus ori:
utque
Nota placeant nunquam sine
laude loquenda.

Laurent. Pignorius

amico eruditiss. ponebat.

Lectore

Lectori meo Salutem.

MI Lector, hanc variæ lectionis ambitiosam tabulam non hîc suspendissem, nisi, dum imprimitur liber, quidam de schola homo nullum à me bonum authorem laudatum, & ut ipse loquebatur, *allegatum* dixisset. Trajanum Boccalinum esse caput & caudam meæ scriptionis. Primum equidem non miror, Boccalinum inter bonos scriptores non censi iis, quibus præter Avicennam & Averroem nihil bonum est. Deinde, quare Principum artes, regnorum arcana, aulæ genium describenti Scotus, Albertus Magnus, & cætera quamvis magna, scholis tamen nata ingenia, testes producendi fuerint, nō video. Quid enim, nec Regionē, nec Eginardum, nec Abbatem Urspergensē, nec Othonē Frisingensē, nec Nauclerum, nec omnes denique historicos laudavi; quia nec omnes ad institutū meum faciebant. An
verò

verò etiam Berofus & Metasthenes, &
nugator Annius, & Turpini fabula, &
ex recentioribus ille, qui Fæfularum
antiquitatem asserturus L. Catilinam in
ea urbe Missam Spiritus Sancti audivif-
se scribit, *allegandi* erant? Justus Lipsi-
us in notis ad sua politica paucissimos
ex omni historicorum numero recen-
set, quos comparandæ prudentiæ ma-
gistros putabat. Nunc, quanto pluri-
bus ego doctioribus usus sim, ex
hac tabula vide, &
vale.

Ans-

Andreas Alciatus I. C. in hi-
storia Mediolan.
Aristoteles in polit.
Augustinus in lib. de Civitate
Dei & confessionibus.
Ammianus Marcellinus.
Arrianus.
Achilles Tatius.
Aeneas Sylvius.
A. Gellius.
Ant. Maria Gratianus.
Albericus Gentilis.
Ant. Perezius.
Andr. Maurocenus.
Antonius Contius I. C.
Arnoldus Clapmarus.
SS. BIBLIA.
Blondus.

C. Cæ-

C. Caesar.

Claudianus.

Clemens Alexandrinus.

Christophorus Besoldus.

Columella.

Cassiodorus.

Coriolanus Cepio.

Carolus Sigonius.

C. CORNELIUS TACITUS.

Dio Cassius.

Diomysius Halicarnassensis.

Euripides.

Florus.

Frontinus.

Festus.

Fr. Guicciardinus.

Fr. Balduinus I. C.

Fr. Bocchus.

Ge-

Gerardus de Roo.

Georgius Phranzes Protove-
stiarius Constantinopolit.

Guilielmus Neubrigensis.

Herodotus.

Heliodorus.

Helmoldus.

Hieronymus Conestaggius.

Iustinus Trogi Epitomator.

Impp. Constitutiones.

Iulius Paulus I. C. falsò pro
Patavino habitus.

Io Barclajus.

Io. Bodinus.

Io. Boterus.

Io. Baptista Cinus.

Io. Baptista Hadrianus.

Io. Baptista Pigna.

Io.

Io. Cuspinianus.
Iacobus Cuiacius I. C.
Iustus Lipsius.
Io. Baptista Egnatius.
Iac. Augustus Thuanus.
Iulianus Goselinus.
Leonardus Aretinus.
Lucanus.
Lactantius.
Lampridius.
Lazarus Superantius.
Laurentius Pignorius.
M. Cicero.
Marcianus I. C.
Mamercus Panegyrista.
Martialis.
Nicetas Choniates.
Nicephorus Gregoras.

Ni.

Nicolaus Machiavellus.
Orland. Malavolta.
Ovidius.
Pomponius I. C.
Plutarchus.
Polybius.
Plinius uterque.
Philostratus.
Polyænus.
Pomponius Mela.
Polydorus Virgilius.
Paulus Paruta.
Paulus Æmilius.
Pandolfus Colenutijs.
Paulus Iovius.
Petrus Iustinianus.
Petrus Matthæus.

Paul-

*Paullus Manutius in descri-
ptione Transylvaniae.*

Q. Curtius.

Salustius.

Seneca Philosophus.

Seneca Tragedius.

Suetonius.

Statius.

Spartianus.

Sozomenus.

Sextus Aurelius Victor.

*Scipio Ammiratus in disp. ad
Tacitum & Historia Flor.*

Scipio Gentilis I. C.

T. Livius.

Thucydides.

Theophylactus Simocata.

Tryphonius I. C.

Tra-

Trajanus Boccalinus.
Thomas Dempsterus.
Thomas Campanella.
Tiberius Decianus l. C.
Vellejus Paterculus.
Valerius Maximus.
Virgilius.
Vopiscus.
Ulpianus l. C.
Ubbo Emmius.
Xenophon.
Xiphilinus.
Zonaras.

CHRI-

(I)

CHRISTOPHORI
FORSTNERI AUSTRII

NOTÆ

POLITICÆ,

Ad Librum 1. Annalium.

C. CORNELII TACITI.

URBEM *Romam à principio Reges habuere*] quemadmodum principiorum, gentium, nationumque imperiorum penes Reges fuit, testante Justino, (*Lib. I.*) & Sallust. (*in Catilin.*) his verbis: igitur initio Reges, nam in terris nomen imperii id primum fuit. Quibus Aristoteles adstipulatur, *XI. Polit.* fuerat, inquit, antiqua Civitatum gubernatio paucorum & regia. Et his omnibus antiquior scriptura sacra, interprete D. Augustino *XV. de Civitate Dei XX.* Cainum cum successoribus, & post terrarum illuvionem Nembrot Reges fuisse asserit. Inde sua Principatui antiquitas, & ex antiquitate dignitas constat.

A

Con-

Consulatum L. Brutus instituit] Monarchia sive legitimus Principatus, cū in tyrānidem degenerat, corrigitur aristocratico, sive optimatum imperio. Plerumq; enim qui optimates ab unius tyrannide patriam liberarunt, ipsi sibi dominatum adsciscunt: ut apud Trogi Epitomatorem, qui Magos sustulerant ipsi forte de imperio certant.

Dictatura ad tempus sumebantur.] Omnis imperii arcanum est, præcipuos magistratus temporarios facere: qua de re alibi commodior monendi locus erit. *infr. ad lib. II. ad verba: cæterum Tiberio &c.*

Qui cuncta discordiis civilibus fessa, nomine Principis sub imperium accepit.] Popularis dominatus cū senescit, in anarchiam & omnium rerum confusionem transit: ejusq; non aliud remedium est, quàm potens unius dominatus. Certè Roma in ea conditione erat Cæsaris & Augusti temporibus, ut impossibile esset, recuperare libertatem. Omnia factio-

Etionibus laborabant. Salva esse Roma
 nō poterat nisi beneficio servitutis. *Se-
 nec. V. de benef. XVI.* Non enim ultra ferre
 poterat libertatem. Tot millia hominū
 pugnabant, nō an servirent, sed cui. *Sen.
 II. de benef. XX.* Quid tibi vis? M. Cato,
 exclamat in epistolis Seneca, jam non
 agitur de libertate: jam pessundata est:
 quæritur, utrū Cæsar, an Pompejus pos-
 sideat Rempublicam. Quid tibi cum ista
 contentione? nullæ tuæ sunt partes, do-
 minus eligitur. Hoc intuitu Pōponius
 I. C. (*in l. II. ff. de orig. jur.*) necesse fuisse
 scribit, per unum consuli Reipublicę: &
 Tacitus noster, paulò inferius: nō aliud
*discordantis Patriæ remedium fuisse, quàm
 ut ab uno regeretur: & alibi (i hist.) pacis
 interfuisse, omnem potestatem ad unum
 transferri.* Non enim gradu, sed præci-
 piti cursu à virtute descitum, ad vitia
 transcursum: vetus disciplina deserta,
 nova inducta; in somnum à vigiliis, ab
 armis ad voluptates, à negotiis ad oti-
 um erat conversa civitas (*Vell. Pater II.*)

omnia virtutis præmia ambitio possidebat. (*Sallust. in Catilin.*) suspectum erat provincialibus Senatus populique imperium, ob certamina potentium, & avaritiam magistratuum; *invalido legum auxilio, quæ vi, ambitu, postremò pecuniâ turbabantur.* (*Tacit. I. Annal.*) Rebus modicis facile æquitas habebatur, postquam subactò orbe, & æmulis urbibus, Regibusq; excisis securas opes concupiscere vacuum fuit: prima inter Patres plebemque certamina exarsere: modò turbulenti Tribuni, modò Consules prevalidi; & in urbe ac foro tentamenta civilium bellorum. Mox è plebe infimâ C. Marius, & nobilium savissimus Lucius Sulla, victam armis libertatem in dominationem verterunt. *Cornelius Tacitus, II. Histor.*

Multi mirantur, Romanos auspiciis L. Bruti, ejectis Tarquiniis felici ausu libertatem adipisci potuisse: M. verò Brutum occiso Cæsare idem decus appetentem, infeliciter rem tentasse. Nec absque causa mira videri debet ista fati di-

diversitas. Quippe Tarquiniorum regnum temporum vetustate coalitum erat, & radices egerat: Cæsaris novella potestas. Primis temporibus exigua Populi Romani potentia; Cæsar in maximam urbem inciderat. Libertatis bonum vetustissimis Romanorum, uti assuetis, regiae dominationi incognitum; postremi se suosque maiores multis sæculis in libertate vixisse meminerant. Quæ omnia faciliorem M. Bruto libertatis recuperationem, difficiliorem Lucio efficere debebant. Verum enim verò cum Lucio Bruto tyrannos ejicere sine tumultu, sine cæde (quod in conversionibus Rerump. aut nunquam aut rarò accidere solet) contigerit: Marcus verò eodem ardore recuperandi libertatem à tyranno occupatam armatus nihil profecerit: diversorum effectuum diversas fuisse causas consentaneum est. Roma primis temporibus de urbis suæ pomœrio propagando eoque contra finitimorum invidi-

am tuendo sollicita, ingenti, ac prope
incredibili libertatis studio tenebatur:
nec erat paucorum ambitio, nec parti-
um studia, quę insequentibus tempori-
bus invaluere. Omnium ordinū consi-
lia, cogitationes, opera deniq; patrię sa-
lutem & amplitudinē spectabant. Non-
dum solutiore mollitię sobria vetustas
infecta, nec ambiciosi mensis, nec fla-
gitiosis quæstibus inhiabat: sed unani-
manti ardore summi, & infimi inter se
congruentes ad speciosam pro Rep.
mortem tanquam ad portum aliquem
tranquillum & placidum properabant.
(*Ammian XXXI*) Postea morum cor-
ruptela ab armorum perpetuo studio
(quod cū libertatis æternitate pugnasse
alibi ostendemus) & militum enormi
licentiâ orta est. His enim imperatores,
ut promptam illorum operā contra ini-
micos suos, & interdum contra ipsam
quoq; Remp. haberent, effrenem liber-
tatē permittebant. Inde reliquos quoq;
ordines pervasit malum. Qui magistra-
tus

tus sibi aut suis petebant, donis & omni ambitu suffragia civium emercabantur; ipse quoq; Senatus non jam aut publicæ rei memor, in factiones discesserat, & adhærebat partiū ducibus auctoribusque novitatum. Unde omnia confusio- nis plena erant: *nihil usquam prisci & integri moris*: (C. Tacit. I. Annal.) nec qui virtute præstabat; sed quo ditior quisq; & insolentior, eò facilius ipsi ad honores aditus patebat. Dum ergo Roma à factionibus immunitatis libertati studebat, urbisq; dignitatem, & imperii amplificationem unice sibi propositam habebat; pronum fuit Lucio Bruto totū populum tam egregii facinoris sociū habere; & semel partam libertatem retinere: quod corruptā Republicā quæ nisi beneficio servitutis salva esse nō poterat, M. Bruto impossibile fuit. Præterea magna diversitas non modò inter primos Romanos, & ultimā Romuli facē fuit, sed & inter illos, qui dominationē affectabāt. Tarquinii n. superbia, insolentiā,

lentiâ, crudelitate omnium in se odia provocaverant. Cæsar verô militem donis, populum universum comitate, spectaculorum epulorumque magnificentiâ, & profusâ largitione suum fecerat: quibus viribus fultum cùm occidisset Brutus, nil aliud actum est quàm quòd Cæsari, qui clementiâ regnum se stabiliturum putaverat, Octavius ab illo adoptatus, in eundem militem, plebisque favorem successit; qui cum Cæsaris exemplo didicisset, tyrannicas vires indulgendo, ignoscendoque everti; securius remedium existimavit, uti sævissimis nobilissimorum civium proscriptionibus: quibus factum est, *ut seq. & domum & pacem sustentaverit*: (Tacit. 1. Annal.) denique imperium tanquam rem hæreditariam, nemine contrariante, in Tiberiam transmiserit.

Ex quo liquet, verum esse quod quidam tradit, civitatem corruptis moribus viventem & à primis institutis degenerantem, etsi tota tyranni familia

extinguatur, nunquam se in libertatem
 asserere posse. Quamquam autem nul-
 lum potest esse illustrius documen-
 tum, quàm quod modò de Romanis
 attulimus: sunt tamen & alia hinc inde
 in historia, non veteri tantùm, sed &
 recenti, quæ idem ostendunt. Athenæ
 perpetuis conversionibus subjectæ e-
 rant: & Solon, qui Remp. optimis le-
 gibus formaverat, illam adhuc vivus
 Pisistrati tyrannide oppressam vidit.
 Nam corruptio illius populi facultatem
 subministrabat omnibus, qui occupare
 libertatem volebant. Syracusæ cùm
 breve tempus libertas affulsisset, in an-
 tiquam servitutem reciderunt. Medio-
 lanenses mortuo Philippo Vice Comi-
 te (*Blondus Amir in hist.*) & Florenti-
 ni occiso Alexandro Duce (*Ioann Ba-
 pusta Hadrianus in hist.*) novis dominis
 in prædam concesserunt. Ut verissimè
 Cosmus Medices Cardinali Salviato
 dixerit, in tanta opum inæqualitate,
 morumque corruptione Florentinam

Reip. non amplius esse libertatis capacem ; quæ optari potius quàm sperari debeat (*Cinus I. de vita Cosmi*) Cæteræ Italiæ civitates , ex quo se obedientiæ Imperatorum Romanorū subduxerunt fræno, quo regerentur, potenti destituta, non tanquã liberæ, sed ut in factiones miserè scissæ, egerunt. Et Guicciardinus (*lib. XIII. hist.*) ob tot principatus, in quos distracta est Italia, & diversa imperantium consilia, quibus quisq, suam potentiam augere aut tueri cupit, penè impossibile esse fatetur, pacatam eam agere. Et alius ait, nullã provinciam verè felicem esse, nisi unius sive Reip. sive Principis imperio contineatur. De Scenēsibus speciatim notat Guicciardinus (*I. hist.*) magis nomen tenuisse libertatis, quàm vim ac potestatem. Distractos enim perpetuo in multas factiones, illi parti subjectos fuisse, quæ pro conditione temporum, & auxiliis innixa exterorum Principum, superior esset. De Mutinensibus apud Ioan. Bapt. Pignam

in historia Principū Atestinorum (lib. IV.) atrocissimi casus, & sævissimæ tragædiæ narratur quas hîc enumerare nimis longū foret. Frisii à Rollonis Normanni discessu, cōtinuatâ libertate patriis legibus Remp. administrabant: Imperatorem Romanorum suūm Principem revereabantur: ejusq; Legatum, qui diffusis Reip. membris uno imperio legitimo colligandis concordiam ordinum tueretur, è medio sui creabant; Potestatis nomine, Italorum more, ei imposito. Pōst consuetudine Præfectum hunc supremum creandi intermissâ aliquoties, cum seorsim sibi consulere membra ejusdē Reip. inciperent, unumque corpus in partes plures scinderetur: libertas quidē, in hostē externum consensus, cætera omnia paria: sed vitio ferè communi immodicæ libertatis domi non semper eadem quies aut cōcordia. Nam inter familias nobiles, quæ opibus & auctoritate eminebāt, æmulationes sæpius exortæ in factiones (Vet-

cooperatorum & Scringiorum , barbara & infauſta nomina) populum diſtrahebant; armaque civilia ſumpta, ac in mutua perniciem exercita : donec tandem ad orientem Friſia, decoctâ libertate in Grethanæ familiæ (ex quâ orientalis Friſiæ Comitum origo) ditio- nem, cæteræ partes Ultrajectinis & Monafterienſibus Episcopis, Ducibusque Saxoniz, mox Goldris, poſtremò Bur- gundis cederent (v. Ubb. Emm. in hiſt. Friſ.)

Donec glſcente adulatione] tria ſunt hiſtoricæ veritatis impedimenta, inſci- tia, adulatio, odium. Veritas, inquit Ta- citus (l. hiſt.) pluribus modis infracta : primùm, inſcitiâ Reip. ut alienæ : mox libidine aſſentandi, aut ruruſus odio ad- verſus dominantes. Et hîc: Tiberii, Caique & Claudii, ac Neronis res flo- rentibus iſſis ob metum falſæ; poſt- quam occiderant , recentibus odiis compoſitæ ſunt.

*Sine ira, & ſtudio quorum cauſas pro-
cul*

cul habeo] nota, historias verissimè scribere, qui non immixti gestis, quæ ipsi scribunt, amoris odiique causas nullas habent. Mihi Galba, ait Tacitus (1. *hist.*) Otto, Vitellius, nec beneficio, nec injuriâ cogniti, &c.

Postquam Bruto & Cassio cæsis] nota obsecro, nota, quibus artibus, qui Rerump. libertatem opprimunt, utantur. Devicerat Augustus diversarum partium duces; sed & illos quorum ope inimicos oppresserat: usitatâ Magistratum appellatione relictâ, militem donis, populum annonâ, cunctos otii dulcedine pellexerat. Interim sentiente, aut contradicente nemine munia Senatus, Magistratum, legum, ad se trahabat. Ferocissimi per acies aut proscriptione ceciderant: Cæteri ex servitio honores, ex contumacia exitium sperabant, aut timebant. Provinciæ; quæ superbè & avarè habitæ erant, mutationem status amabant. Porro Augustus recens imperium multiplici liberorum
& pro-

& propinquorum subsidio firmavit. Eadem erant veterum Magistratuum vocabula: & ipse Augustus usitatâ principis appellatione contentus. Juniores post Actiacam victoriam, etiam senes pleriq; inter bella civiû nati. Nullus penè reliquus, qui Rēp. viderat. Verè Trajanus Boccalinus. (*l. Ragguag. LXXIV.*) primæ hujus paginae Annalium Taciti præceptis à Medicis felicissimè curatum esse cancrum populi Florentini ait. Junge his quæ diximus, & compone Cosimi Medicæi acta ut à Joanne Baptista Hadriano, & ejusdem nominis Cino scribuntur: jurabis ex Taciti scholâ prodiisse. Adversæ factionis duces, Strozius, Valerius, cæteri; ad montem Murium capti, & deinde carnificis manu cæsi. Veteres Reip. inane simulacrû in XLVIII. viris consistebat. Eadē Magistratuum appellationes, quæ stante Rep. duodecim collegia, sex Procuratores, octo practici, Montiû officiales, Camerlingi & cæteri. Verum ipse Princeps

ceps vi ipsâ horum omnium munia ad se traxerat. Excubiæ, arma, cætera aulæ. Miles ex Germanis lectus in forum, miles in curiam comitabatur. Nobiles Florentini, quantò quis servitio promptior, opibus & honoribus augebantur. Pisæ, aliaque Florentini dominii oppida, cùm antè Magistratuum avaritiâ lacerarentur, & alias etiam inviti parerēt, hanc mutationē non abnuebant. Plebs Florentina, in genito erga Nobilitatem odio, & jam sub Alexandro, annonâ, ludis, & otii dulcedine capta superiores Reip. turbas, velut præteritam maris tempestatem ex securo littore gratissimo horrore recordabatur.

Ad tuendam plebem] quicunq; dominatum appetiverunt, libertatem & plebis patrocinium cupiditatibus suis obtenderunt. De quo alibi dicam.

Populum annonâ] consentit Italorum adagium, quo dicunt, panem in foro, justitiam in tribunali, securitatem ubique, boni imperii signa esse. Cosmus

mus superior Medices , cum Joannem Annibalis F. Bentivolum ad Bononiensem principatum capeffendum dimitteret, inter cætera Reip. gerendæ præcepta tria hæc præcipua dediffe dicitur annonæ curam fedulò ageret : omnibus nullo discrimine jus diceret: ab alienis uxoribus abstineret. (*Ioh. Bapt. Pigna VII. histor. Arestin.*) Cæterum quantum interfit , pascere plebem , quamq; illi aberrent, qui ab expilatione & inopia civium Principum salutem dependere arbitrantur , alibi quoque tractavimus.

Quæ vi, ambitu, postremo pecuniâ turbantur] ita assolet in corrupta Republica. Vis, ambitus, pecunia omnia possunt. Quàm vellem ! non hac infirmitate Europæ nostræ provinciæ penè omnes laborarent. Nisi me omnia fallunt, funus erunt ; aut vehementissimâ, & ingratissimâ medicinâ pellenda erit tanti morbi vis.

Subsidia dominationi] numerosa proles

les subsidium aulæ, ac dominationis, & munimentum Regni bonis authoribus (*Sueton. Tacit. hic & 4. & 5. histor.*) dicitur: contra principis orbitas contemnitur. (*Alexander Magnus apud Q. Curt.*) Ubi enim certus successor est pravi aliorum spes cohibentur (*Tacit. III. Annal.*) Inde Tacitus plenam Cesarum domum cupitis Seiani moram attulisse ait (*III. Annal.*) Non legiones, non classes perinde firma imperii munimenta sunt, quam numerus liberorum. (*Tacit. 4. histor.*) Hinc pium juxta & prudens consilium eo, ab iisque semper Principibus usurpatum, qui imperium recens partum firmasse in familia memorantur; imperium in filii natu grandioris manus consignare, titulos & dignitates servare. Divus Augustus sororis filium Marcellum, dein generum Agrippam, mox nepotes suos, postremo Tiberium privignum, in proximo sibi fastigio collocavit. (*Tacit. I. Annal. & I. histor.*) Joannes Comnenus Alexium filium

prætulit. Sapiientissimus mortalium Salomon Rex uxorum delinimentis persuasus veri & unici DEI nostri cultu relicto ad fictitiorum Deorum religionem animum vertit. Suleimanus Turcæ Roxolanæ Uxoris persuasionem inductus Mustafam filium strangulari præcepit. Alia infinita, ne similitudo fartietatem pariat, prudens prætereo.

Abolenda magis infamia] sæpè Principes bellis fessi pacem quidem tacite suspirant, cæterùm eam ab hoste petere neutra pars ex dignitate sua esse putat. Quo casu apta ratio est, alium præbere se medium, qui monendo, rogando, denique quovis modo tanquam invitatos ad ea cogat, quæ potissimùm uterque cupit. Ita neuter indecore pactus videbitur. Anno Christi M.D. xxxvii. Leonora Franciæ, & Maria Hungariæ Regina sorores germanæ inter Carolum Quintum Cæsarem, & Franciscum Galliæ Regem octo mensium inducias pepigerunt. (*Hadrian. II. histor.*) An-

no M.D.xxxxiv.Ferdinandus Rex iisdem Principibus medium se interposuit. Anno M. D. xcviij. Clemens octavus Pontifex inter Philippum Hispaniarum, & Henricum Gallorum Reges pacis proxeneta fuit. (*Petrus Matth. i histor.*) Et olim Turcarum imperatorem veritum, ne ob amissam Eubœam Christiani Principes communibus viribus in se irent, interventu novercæ, Christianis sacris addictæ, cum Venetis pacem tentasse accepimus. (*Coriolanus Cypio lib. i. de gest. Petri Mocenici.*) Denique cum superioribus annis inter Paulum V. Papam & Remp. Venetam exortæ discordiæ essent, Cæsar, Galliæ, & Hispaniæ Reges variis cautionibus, quibus utriusque servaretur authoritas, pacem firmarunt: quæ res novissimè summa & fide & prudentia descripta est à Petro Sarpo (cujus verum nomen est Paulus ex ordine monachorum Servorum.)

Eadem Magistratum vocabula] quâdo



lium ut ambitiosorum quorundā motus, & multorum ad quosdam regii generis viros concursum reprimeret, vivus ab exercitu imperatorem salutare iussit (*Nicetas Choniates 1. Annal.*) Hugo Capetus, ad quem à Caroli Magni familia Francium regnum transiit, ne in nondum firmato regno, exoreretur, tantā mortalium cupiditate rerum novarum moles, Robertum filium sibi cooptavit. (*Paulus Æmilius lib. 3. de rebus gest. Franc.*) Cosmus Hetruriæ Dux imperium vivus filio tradidit. (*10. Bapt. Cin. 7. de vita Cosmi. Thuanus lib. 35.*) Apud Persas olim non licebat Regi in expeditionem proficisci, nisi prius successorem nominasset. (*Herodot lib. 7.*) Postremò eo fine plerique Principes Christiani successuros sibi titulis quibusdam, quibus certus successor velut digito demonstretur, insigniri solent. In Imperio Germanico Romanorum Reges, in Gallia Delphini, in Britannia Walliæ principes vocantur. Olim
in

in Cypri Regno primogenitus, Galileæ.
 (*Coriolan. Cepio. lib. 3. de gestis Petri Mo-*
tenici) & in Neapolitano regno Salerni
 Princeps (*Scipio Amirat, in vita Ioannæ*
Reg. Neap.) appellabatur. Ut meritò
 Alexander Magnus reprehendatur,
 quod rogatus, quem imperii hæredem
 faceret? non nominatim aliquem dixe-
 rit, sed dignissimum. Quâ voce, velu-
 ti classicum inter amicos cecinisset, aut
 Eridos pomum immisisset, ita omnes
 in æmulationem confurrexerunt, ut
 infestissimis odiis, bellisque, & inaudi-
 tis parricidiorum sceleribus, se mutuo
 persecuti sint. (*Iustinus*) Est tamen ca-
 sus, quo nominare successorem exiti-
 osum est: de quo vide Arnoldum
 Clapmarium (*3. de Arcanis Rerum publ.*
10.)

Senem Augustum devinxerat adeò) ple-
runque senes juvenicularum amoribus
obnoxii sunt: Augustus tam sapiens,
tam cordatus Princeps neglectæ su-
æ soboli per adoptionem inductum
præ-

prætulit. Sapiientissimus mortalium Salomon Rex uxorum delinimentis persuasus veri & unici DEI nostri cultu relicto ad fictitiorum Deorum religionem animum vertit. Suleimanus Turcæ Roxolanæ Uxoris persuasionem inductus Mustafam filium strangulari præcepit. Alia infinita, ne similitudo fartietatem pariat, prudens prætereo.

Abolenda magis infamia] sæpè Principes bellis fessi pacem quidem tacitè suspirant, cæterùm eam ab hoste petere neutra pars ex dignitate sua esse putat. Quo casu apta ratio est, alium præbere se medium, qui monendo, rogando, denique quovis modo tanquam invitos ad ea cogat, quæ potissimum uterque cupit. Ita neuter indecore pactus videbitur. Anno Christi M. D. xxxvii. Leonora Franciæ, & Maria Hungariæ Reginae sorores germanæ inter Carolum Quintum Cæsarem, & Franciscum Galliæ Regem octo mensium inducias pepigerunt. (*Hadrian. II. histor.*) An-

no M.D.xxxxiv.Ferdinandus Rex iisdem Principibus medium se interposuit. Anno M. D. xcviii. Clemens octavus Pontifex inter Philippum Hispaniarum, & Henricum Gallorum Reges pacis proxeneta fuit. (*Petrus Matth. i histor.*) Et olim Turcarum imperatorem veritum, ne ob amissam Eubœam Christiani Principes communibus viribus in se irent, interventu novercæ, Christianis sacris addictæ, cum Venetis pacem tentasse accepimus. (*Coriolanus Cæpio lib. i. de gest. Petri Mocenici.*) Denique cum superioribus annis inter Paulum V. Papam & Remp. Venetam exortæ discordiæ essent, Cæsar, Galliæ, & Hispaniæ Reges variis cautionibus, quibus utriusque servaretur authoritas, pacem firmarunt: quæ res novissimè summa & fide & prudentia descripta est à Petro Sarpo (cujus verum nomen est Paulus ex ordine monachorum Servorum.)

Eadem Magistratum vocabula] quādo



do Rerump. formæ convertuntur, & vel in Optimates populum vel transferre summam potestatem tyrannis cogit: vel, ne collidat optimates ambitio, ne unam gentem factiones dividant, in Regem confertur purpura, solium, sceptrum; quia id sine legum & consuetudinum mutatione fieri nequit: umbra saltem relinquenda est, & simulacrum ejus, quod adimitur. Jus imperii valeat; inania transmittantur. Ita post exactos

- Româ Reges, quia quædam sacra per ipsos Reges factitata erant, nec ubi Regum desiderium esset Regem Sacrificulum Romani creaverunt. (*Livius* 2.) iterum cùm ad unum Resp. pervenisset, levibus adhuc & tenuibus regiæ potestatis munimentis, Augustus eadem magistratuum vocabula reliquit quidem: at ipse munia Senatus, magistratuû, legum in se transtulit nullo adversante. Titulorum inania contempsit; usitatâ Principis appellatione contentus. Romani, Latini nominis populis sub
foede-

foederis nomine dominati sunt. Et simili fraude prætexto foederis & protectionis titulo olim magnam Frisiæ partem Groningani sub imperium suum redegerunt. (*Vbo Emmius 31. & 32. histor. Fris.*) C. Cæsar (*Dio Cassius lib. 43.*) Tiberius (*Tacit. I. Annal.*) & Nero (*Suetonius in Nerone cap. 17. Tacitus I 4. Annal.*) Senatum privatarum causarum judiciis occuparunt; quò ipsi tutius & liberius dominatu fruerentur. Carolus Martellus, cum Franciæ regnum non affectaret modò, sed revera teneret quoque: regios titulos averfatus est, Princeps Nobilitatis appellari contentus. Qua arte Pipino filio Regnum obtinuit. (*P. Æmil. lib. I. in fine.*) Ulricus Grethanus, primus orientalis Frisiæ Comes, cum eam dignitatem ab Imperatore Frederico III. in scio Frisiorum populo accepisset; nec diploma in lucem producere, aut profiteri novum honorem apud ferocem & libertatis retinentissimum populum aude-
ret:

ret: tempori rem in præsens invidiæ futuram reservavit. A priori vivendi instituto minimè recessit; comis benignus, placidus: non domini, sed Rectoris Frisiæ orientalis nomen præferre, Comitum titulum prorsus dissimulare, Generosi appellationem interdum admittere, interdum ne hanc quidem poscere: denique talem se comparare, ut auctoritate potius quàm imperio regere, sæpiusque litium arbiter quàm iudex esse videretur. Quibus artibus factum, ut admirabili studio & ipsum & posteros populus semper persecutus fuerit. (*Vbbo Emmius 24. historia Frisia.*) Carolus Quintus Imperator Florentinæ Reip. formâ immutatâ, specioso ac plausibili libertatis nomine relicto, eandem unius imperio subiecit. (*Ioannes Bapt. Hadrian. l. histo. Ioannes Bapt. Cinus lib. I. de vita Cosmi Maurosenus lib. 4. histor. Venet.*) Ut mirer ego quid in mentem venerit Florentino illi, in disputationibus scribenti, in con-

ver-

versionibus regni in popularem vel Optimatum statum, relinquendam esse pristinae formae aliquam speciem; verum quando à populo vel optimatibus ad unum transfertur rei summa, omnia ita immutanda esse ut pristini status, neque vestigium ultra extet. Certum quidem est, effectu Remp. omnino mutari, & quae antè senatui, vel populo compete-
bant, arbitrii Principis fieri; qui in Republica potentes fuerant, premi aut extingui; denique, quod Critias apud Xenophontem (*II. histor. grec.*) ait, nullas Rerump. mutationes sine hominum caede contingere: inde tamen non consequitur, umbram saltem prioris status conservandam non esse: quod vel unius Augusti actis comprobatur. Sustulerat ille proscriptione crudelissimâ, quoscunque conatibus suis obnitentes deprehenderat: munia legum, Magistratum ad se traxerat: denique unus omnia poterat.

Omnia Caesar erat. --

B

Et

Et nihilominus prioris Reipublicæ, libertatis speciem aliquam reliquerat. Sed de hoc suprà quoque diximus.

Bona libertatis] cuius non ultra capax erat Roma :

Plures] boni scilicet & qui tuta & præsentia quàm vetera & periculosa malebant.

Alii cupere] quibus nimirum in turbatis rebus unica spes.

Scelus Vxoris suspectabant] semper enim de morte Principum atrocia quæque finguntur, cædes, venena, alia; vel amore in defunctum, vel odio in suspectos.

Vxori Martia aperuisse] Ministrorum & rebus Principis sui sanctissimum esse debet, & oblivioni simillimum silentium. Plurimos secretorum profanatio perdidit. Exemplo est Fabius Maximus, de quo hic Tacitus, & Plutarch. in lib. *περί ἀδολεσχίας*. Granio Marcello inevitabile crimen fuit, *scdissima quæque ex moribus Tiberii sparsisse*. (Tacit hoc libro)

Cof.

mus primus, Hetruriæ Dux, Sforzam Almenum Perusinum ferventissimâ apud se gratiâ, quòd de secretis suis amoribus imprudenter quædam vulgasset, suâ manu occidit. (*Ioannes Bapt. Cinnus lib. 8. de vita Cosmi.* Plus est, quòd necessitate interdum adigi videntur Principes, ut secretorum suorum arbitros, quamquam fidissimos, & in nullo peccantes violare cogantur. Quod quidem à proditione parum abesse videtur. Alimus ex Sicilia Proceribus, cùm contra Petrum Aragonium Carolum Regem arcanis literis evocasset; comperto literas illas in Petri manus pervenisse, Garsiam Nicosium sibi à secretis, qui illas scripserat, ne vel præmiorum spe, vel tormentorum metu rem proderet, occidit, projecto capite in mare & reliquo trunco in arcano domus sue sepulto. Ut proinde nescio quis à Lysimacho Rege gratiam petere iussus sapientissimè mihi precatus videatur, ne secretorum suorum quicquam sibi communicaret.

Latique interdum nuntii vulgabantur, donec provisus quæ tempus monebat, simul excessisse Augustum, & rerum potiri Neronem fama eadem tulit.] velocissima est de Principum morte fama: quam etiam sæpe ante mortem vulgatam esse notavimus. Credimus (*inquit Ammianus* 18) neque enim dubium est, per ærios tramites famam præpetem volare. Antequam Maximus tyrannus occisus esset in Gallia, Romæ in circo Maximo populus incertum ratione quadam percitus an præfagio, Sylvanus devictus est, magnis vocibus exclamavit. (*Ammian. Marcellin. 15. hist.*) Mense Aug. anni Christi. MDXCviii. Hispaniæ Regis mors in Gallia nuntiata, demum Septembri mense insecuta est. Elizabetha Angliæ Regina, quo primum die decubuit, in Gallia mortua dicta fuit. (*Petrus Matth. 6. histor.*) Denique excessum D. Matthiæ Imperatoris, quo ego tempore Viennæ Austria fui, in ipsa urbe aliquot antè horis, quàm

quàm is contigit, vulgari memini. Ne igitur interregni tempore res turbentur, illi qui secretorum regionum arbitri sunt, mortem Principis celare debent, atque suppressere, usque dum necessariis omnibus provisit, de certo successore sit transactum. Agrippina in morte Claudii Cæsaris cunctos aditus custodiis clausit; crebroque vulgavit, ire in melius valetudinem Principis: quò miles bona in spe ageret: (*Tacit. 12. Annal.*) Valentiniano Cæsare mortuo, Merobaudes, ne Gallici milites ad seditionem prolaberentur, pressio Principis excessu Sebastianum militari favore sublatum, & eò maximè tunc cavendum, longius amandavit: & ocius Valentinianum Valentiniani F. quadrum lecticæ impositum in castra adductum, sexto post Parentis obitum die, Augustum solemni more nuncupavit. (*Ammian. Marcell. lib. 30.*) Suleimano Turcarum Imperatore in castris ad Zigetum mortuo, Muhametes

purpuratus, ne res vulgaretur, Medico occultè necato, tam diu rem secretam habuit, donec Filius Selymus Constantinopolim advolans, in sede imperii paterni consideret. (*Ant. Maria Grætan. 1. de bell. Cypr. Annal. Hungar.*) Christiani Oldenburgici Comititis in urbe sua à Saxonibus obsessi mors sicut ipse æger præceperat, miro studio celata tantisper est, donec hostiles copiæ, moræ tædio, quod futurum ipse prospexerat, dilaberentur. (*Vbbo Emmius 7. histor. Frisia.*) Denique hoc modo Molucris Scirisii, Maurorum Regis in prælio contra Sebastianum Lusitaniæ Regem expirantis, (*Hieron. Comestagg. 11. de Conjunct. Portug. cum regno Castilia*) Amurathis Turcarum Imperatoris, & Caroli Mansfeldii ad Strigonium defuncti mors per aliquot dies latuerit.

Primum facinus novi principatus fuit, Posthumi Agrippæ cedes:] tyrannicæ Politicæ necessaria lex est, tollere omnes,

mnes, qui meliori jure in occupato regno nituntur: quâ de re paulò inferius dicam. Debuit igitur Tiberius, qui fraude, & novercalibus artibus procuratâ adoptione in familiam Augusti irrepserrat, universum Augusti sanguinem cædibus & venenis persequi.

Neque imperasse se] qui aularum flagitiis, & principum sceleribus instrumenta se præbent, nec ipsis, quibus infandum addixere ministerium, grati sunt. *Graviorum facinorum ministri, quasi exprobandes adspici solent.* (Tacit. 14. Annal.) Ita Anicetus, qui cædem Agrippinæ jussu Neronis patraverat. Levi post admissum scelus gratiâ, dein graviore odio fuit. (Tacit. 4. Annal.) Inde turbæ ex rapinis & expilationibus ministrorum ortæ nulla ratione expeditius componi possunt, quam si istorum artifices scelerum, velut publicæ victimæ cæsi meritissimos afficiantur supplicio, & in horum locum alii, accepti populo incorruptisq;

ptisque moribus substituantur. Ferè enim fit, ut vix unquam Princeps, sæpius ministri & amici incusentur: & læsi cives more canum, lapidem, non jacentis manum mordeant. Et hoc commune bonorum, malorumque Principum remedium est. Nam & illi quæ se insciis ab improbis gesta sunt, cæde fontium expiant, & hi sua peccata, alienum crimen, alienam invidiam faciunt. Commodus Imperator seditionem plebis Cleandri pessimi hominis supplicio compescuit. (Dion. lib. Lxxij.) Cæsar Borgias crudelissimus hominum, ut sævitix famam à se averteret, Remirum Orcum, quo præcipuo tyrannidis instrumento usus fuerat, capite plecti jussit. Tiberius sævitix suæ ministros, *ut perverti ab aliis nolebat, ita plerunq, satiatus, & oblati in eandem operam recentibus, veteres & pro graves afflixit.* (Tacit. 4. Annal.) Contrà imprudenter Valentinianus Cæsar gregariorum etiam levia puniebat errata, præforum

etorum verò flagitia progredi sinebat in majus ; & ad querelas in eos motas, plerunque obsurdescebat. Inde in Britannis seditiones, in Africa clades, & in Illyrico vastitates emerferunt. (*vide Ammianum Marcellinum lib. 29. & 30.*

Ne arcana domus] omnia imperia, sua, quibus innituntur, fundamenta habent : certas, inquam, conditiones, & ad illas accommodatas leges regulasque, quarum observatione illorum stat salus : quas ideò arcanas vocamus, & nemini notas esse convenit, nisi ipsis Principibus, & qui secreti Senatus pars sunt. Augustus, teste Tacito, & Suetonio, Tiberio imperii breviarium reliquit. Sanctissimus Hebræorum Rex Davidis filium Salomonem sibi successurum de iis, quæ ad regni salutem maximè pertinere visa sunt, monuit. Denique Carolus Quintus Imperator filio Philippo II. & hic Philippo III. secreta imperii administrandi mandata, dederunt. Hæc arcana non esse vulganda,

sapienter hîc monet Crispus. Imperia regnaque famâ stant: nec è re est, hostes aut dubios amicos scire, quæ nostræ vires, quæ debilitas, quæ consilia sint. Cleomenes Spartanus, ut asserit Plutarchus in illius vita, quod Ægyptii regni arcana perdidicisset, in illo regno jussu regionum ministrorum occisus est. Apud Venetos nullum majus piaculum est, quam nimia cum Senatoribus, & his, qui Senatui à secretis sunt, familiaritas. Nolunt enim illi, (& sapientissimo sanè consilio) ab externis suæ Reip. secreta explorari. Malunt haberi rustici, inhumani, contemptores, quàm Reipublicæ suæ arcana vulgari.

Neve vim Principatus resolveret, cuncta ad Senatum vocando.] Ea imperandi conditio est, ut non aliter ratio constet, quàm si præter Principem nulli reddatur. (*Tacitus hic*) Lex & Princeps, qui animata lex est, jubcant, non disputent. Jussa, velut ex abdito cœlorum fulmina, vereantur omnes: nec unde
aut

aut quare veniant, curiosâ, nec profuturâ indagatione inquirant. Perit sua principi Majestas, resolvitur Principatus vis, si factorum rationem reddere cogatur.

Cuncta per consules incipiebat, tanquam vetere Republ.] De simulacris rerum publicarum dixi quædam supra ad verba: Eadem Magistratum vocabula &c.

Ex formidine, ne Germanicus &c.] meritò Tiberio formidandus erat Germanicus. 1. quòd verus sanguis Augusti erat: ipse contrà per uxorium ambitum, & senili adoptione irrepserat. 2. quòd in ejus manu tot legiones, imensa sociorum auxilia. 3. quòd mirus ejus apud populum favor. Omnia non sine ratione Tiberio suspectanda. Nam nec securus esse potest Princeps, maximè qui vi fraudeve occupavit alienū imperium, superstite priorum regum progenie: & in illorum qui armorum potentes sunt, manu est, ut regnet Princeps,

ut pereat. Illi vim imperii, illi nervos potestatis cū tenere se cernunt, vix pares erunt stimulis, sollicitantibus integritatem suam, & quantum possit, si audere velint, superbè monentibus. Mens potentiæ conscia, & regii fastigii dulcedinem delibans, adulantium vota, cinctum fortibus viris latus ad quid non impellent? Denique populi favor indignatione replet Principem, æmulum ferre nescientem: indeque multis exitio fuit incautus populi amor.

*O funestus multis populi
dirusque favor!*

exclamat Seneca (*in Octavia*:) & Tacitus (3. *Annal.*) breves, inquit, & infau-
sti Populi Romani amores. Exemplum,
prætor infinita, quæ profana historia
suppeditat, quæque alibi recitamus,
extat in S. Scripturis, de Davide, quem,
ex quo populo gratus esse cœpit, *Sau-
les Rex perpetuo odio persecutus est. Posuit
eum Saul, inquit Sanctus Spiritus, super
viros belli, & acceptus erat in oculis uni-
versi*

versipopuli, maximèque in conspectu famulorum Saul, & paulò post subjungit: non rectis ergo oculis Saul respiciebat David à die illa, & deinceps.

Testamentum illatum] alii consilio institit Agrippina Neronis mater, quæ Claudii testamentum recitari non permisit: *ne antepositus filio privignus, injuria & invidia animos vulgi turbaret.* (Tacit. 12. Annal.) Sed credo sanum fuisse utrumque consilium. Verebatur Agrippina invidiam Populi, cui Nero primâ juventâ par non erat. Tiberius judicium Augusti meritis videbatur; & tantis rebus exercitus, maturâque prudentiâ inanes rumores timere non poterat.

laetantiâ gloriâque ad posteros] mihi sanè hoc Augusti consilium minimè probatur; vanæ cujusdam gloriæ desiderio successorum salutem periculo exposuisse. Fallitur qui hoc beneficio conciliare sibi suisque adversarum partium primores voluisse scribit, neque
inanis

inanis ista substitutio tertio gradu facta unquam exitum habitura videbatur, cum Augusti domus tot munimentis insisteret. Et è contrario scriptos tertio gradu ad improbas spes concipiendas, & Augusti hæredes primo secundoque loco scriptos tollendos movere poterat. Ambitioni omnis fenestra claudenda. *Primæ dominandi spes in arduo sunt; ubi fueris ingressus, adsunt studia & ministri.* Jactantia verò & gloria ad posteros, quæ causa à Tacito affertur non movere sola debebat Augustum, ut anceps, & vel ad salutem vel exitium ambiguum usurparet consilium.

Ea sola species adulationis supererat] quæ scilicet libertatem præ se ferebat, cum re ipsa adulatio esset. Cujus exemplum extat infrà lib. 3. annal. ubi cum Tiberius L. Ennium ob frivolum causam majestatis postulatum inter reos recipi nollet, Atejus Capito, quasi per libertatem, non debere patribus eripivim statuendi ajebat, neq; tantum malefi-

lefcium impunè habendum. Sanè lentus effet Imperator in fuo dolore, Reip. injurias ne largiretur.

Libertatis improspere repetita] vide fuprà ad verb. *Cuncta discordiis civilibus feffa, &c.*

Cum occifus Cafar aliis peffimum, aliis pulcherrimum facinus videretur] etiam noftri ævi homines de cæde Cæfaris variè judicant; & de juftitiâ, vel iniquitate tyrannicidiorum variè difputant. Sed in ifto controverfiarum genere temerarium eft, fed & intutum pronunciare. Interim fecuriffima eft noftri Taciti fententia; bonos Principes optandos: qvalescunq;, non aliter ac fterilitatem, hyemem, cæteraque naturæ mala tolerandos. Etiam magnum contra percuffores tyrannorum, aut qvorumcunq; Principum, præjudiciu eft occultu DEI judiciu. Miramur fæpè, & cum horrore occulto intuemur DEI Opt. Max. juftitiâ, Principem, hoc eft, vicariorum fuorum injurias

jurias cædesq; severissimè vindicantem. Plenæ sunt omnes historiæ talium exemplorum. Sed ego maximè eminentia adducam. Percussorum Cæsaris neque triennio quisquam amplius supervixit, neque suâ morte defunctus est. Damnati omnes, alius alio casu perierunt pars naufragio, pars prælio: nonnulli semet eodem illo pugione, quo Cæsarem violaverant, interemerunt. (*Sueton. in Jul. cap. ult.*) Rudolphus Sueviæ Dux, cùm contra Henricum IV. Imperatorem, dominum suum conspirasset, in prælio dextram, quâ illi fidei jusjurandum præstiterat, amisit: ex eoq; vulnere mortuus est. (*Helmoldus in Chronico Slavor. lib. I. c. xxviii.*) In actis posteriorum Imperatorum Constantinopolitanorum evidentissima divinæ Nemesis indicia cernuntur: quæ huc adscribere nimis longum esset. Adolpho Nassovio, in prælio ad Spiram cæso, quotquot vel socii fuerant fœderis contra eum initi, vel fœderatis auxilia

xilia tulerant, pœnas dederunt. Comes de Hagerloch occisus: Otto de Ochsenstein submersus aquis: Episcopus Moguntinus in sellâ sedens apoplexiâ extinctus: Episcopi Argentinenſis latus gladiô famulus hausit; Comes de Leiningen phrenitide correptus: & Albertus Austriacus, qui ipsi successit à fratris filio Ioanne trucidatus est: qui tamen & ipse cum conjuratis ultionem divinam sensit. Nam Walterus de Escembach totâ vitâ pastore agens post triginta annos miserè moriturus nomen suum manifestavit. Rodolphus de Wart equi caudæ alligatur, & fractis rota membris necatus est. Ioannes profugus per sylvas & ferarum latibula Pisis tandem perpetuo carceri mancipatus est: Ulricus de Palm Basileæ latitans, in domo, quæ vocatur Conversarum, miserè obiit. (*Cuspinianus in Adulpho & Alberto*) De exercitu illo ingenti, qui deserto Mauritio ad Phocam tyrannum descivit, adeoque miserrimæ

necis

necis Mauritio causa fuit; alii in conflictu, alii ultricibus fulminum ignibus, alii fame & egestate, alii denique gladio periere. Auget miraculum, quòd cum Heraclius, qui Phocam proximè secutus est, copiarum numerum iniisset, duos omnino ex tanta multitudine, quæ dominum prodiderat, superstites invenit. (*Theopilaëtus Simocata 8. historiarum*) Gabriel Comes Mongomerius cum Henricum II. Gallie Regem in equestri certamine imprudens lethali vulnere, læsisset, post quindecim annos, revera nullo alio crimine nocens, securi percussus est. (*Thuanus*) Quo insigni exemplo omnes discant, solo casu non consilio tantum nocentes effici, quicumque vel imprudentes perniciem principibus attulerint.

Quod idem dies accepti quondam imperii princeps, & vite supremus; quod Nola in domo & cubiculo, in quo pater ejus Octavius, vitam finivisset.] Sunt qui certos statosque dies sibi suisque felices, aut

aut infaustos esse, five verâ five superstitionis observatione notarunt. Turcæ totum mensem Augustum conatibus suis felicem esse, autumant. Illo Magnus Ismael in Calderanis campis, & Campso Gaurus Memphiticus Rex ad Singam devicti, & Metone in Peloponneso à Bajazete in potestatem redacta, Zigetum captum est; & quod majorem facit mirationem, iv. Cal. Septemb. qui vulgo est vicesimus nonus Augusti, & Rhodus & Buda, & Belgradum expugnata & Ludovicus Rex ad Mohazium cæsus est. (*Thuanus lib. 37.*) An. Christi MD. LXVII. Gotha, & in ea Ioannes Fridericus Saxo, die quâ Misericordias Domini vocat Ecclesia, captus est: quâ die ac penè horâ antè viginti annos Ioannes Fridericus Septemvir, ejus parens apud Mulbergam à Carolo V. acie victus atq; captus est. Cæterum, ut temporibus, ita personis quoq; , certa omnia inesse creditur. Inde q; notatum est, regna, & imperia plerumq; vel concidisse,

disse, vel saltem insignem subiisse mutationem, sub principibus cognominibus primis imperii auctoribus. Persarum regnum sub Dario & Cyro coëptum, altero Dario imperante, corruit. Idem accidit in Macedonico regno; cujus prima incrementa fuerunt sub Philippo Alex. finis Philippo Persei patre. Libera Roma facta est, auctore L. Bruto; in dominationem recidit, temporibus M. Bruti. Constant. Magnus imperii Bizantini fundator fuit: quod eversum atque ad Turcas translatum est, imperante Constantino ex familia Palæologorum; & horum uterque matrem habuit, Helenam nomine. Balduinus primus ex Latinis eripuit Constantinop. imperium Græcis; Græci ab altero Balduino id receperunt. Primus Veteris Romæ post everfam libertatem Dominus Octavius Augustus fuit: ultimus Augustulus, cui imperium extorsit Odoacer Herulus Ezelini Patavinorum tyranni condita ab Alberico

rico gens in eodem nomine desiit. Urbano II. Pontifice Maximo Hierosoly-
 ma recepta à paganis, Urbano III. reci-
 derunt in servitutem. Heraclius Cæsar
 de Cosdroe Persisq; Sanctam Crucem
 recuperavit; Heraclio Patriarcha rur-
 sus amissa est. Primo Lusitaniæ Comiti
 nomen fuit Henricus: Ultimo Rege
 Henrico defuncto, ad Hispanos illud
 regnum transiit. Hæc quid sunt, quam,
 Sydus, & occulti miranda potentia
 fati?

*Ad arma civilia actum, qua neque
 parari possunt, neque haberi per bonas ar-
 tes.]* Quemadmodum caloris vinon
 modo sicca, verum etiam quæ in pro-
 pinquo sunt, humida, absumuntur, ita
 bella, etiam quæ iustâ causâ suscipiun-
 tur, nefanda quæque opera, cædes, stu-
 pra, sacrilegia secum trahunt. Nemo
 Martem ita in potestate habet, ut nus-
 quam exorbitet. Nulla ducis prudentia,
 nulla industria, nulla severitas tanta un-
 quam fuit; quæ hoc potuerit officere,
 ut

ut quod natura noxium est, fieret innoxium. Vbi tātum armorum (*Verba Theodori Gothorum Regis sunt apud Æmili-um lib. 1. de reb. Franc.*) corporumque sub signis stabit, quis cruori legem dabit, unde, & quantus fluat? Ad ista facinora qui spontè provolat, nullam illorum potest à justo DEO sperare veniam: nec qui necessitate trahitur excusatur, si non animum habet, bellum pace commutandi, ubi prima fuerit occasio: in civilibus maximè armis, quæ, ut noster Tacitus ait, *neque parari possunt, neque haberi per bonas artes. In Pace causa & merita spectantur; ubi bellum ingruit, innocentes ac noxii juxtà cadunt.*

Non aliud discordantis Patriæ &c.]
Dixi supra ad verba, *cuncta discordiis civilibus fessa &c.*

Principis nomine] vide supra ad verba, *eadem Magistratum vocabula &c.*

Pauca admodum vi tractata, quo ceteris quies esset.] hæc nos paulò post explicabimus.

Vita

Vita ejus variè extollebatur &c.] de vivo Principe vix unquam vera dici scribive possunt. Virorum enim, sicut Vellejus ait, ut magna admiratio, ita difficilis censura est. Quamobrem suspecta non sine ratione habentur rerum gestarum monumenta, quæ de spirantibus adhuc Principibus litteris consignantur. Historia de vivo scripta premenda est: ejusque evulgatio in eam temporum felicitatem differenda. quâ sentire quæ velis, & quæ sentias, dicere liceat.

Ut ab uno regeretur] certa regula traditur, non ad institutionem modò, sed & reformationem Rerump. unius imperium necessariò requiri: & nullam Rempublicam, nullum regnum, sive à primis initiis rectè institui, sive jã ante male formatũ & institutũ novis planè legibus rectè emēdari posse, nisi hujus rei potestas ab uno solo dependeat. Multitudo igitur consulentiũ potius apta est conservādis legibus, quàm iis excogi-

cogitandis ferendisq;. Cleomenes exactis Ephoris ad se Spartanæ urbis, in qua nullus tunc legibus locus erat, imperium traxit. (*Plutarchus in Cleomene*) Augustus Cæsar, occiso Antonio, amoto Lepido, sui juris Roman facit? & hac ratione Romuli cædem fraternam, & Titii Tatii necem, tanquam necessariam constituendæ Romanæ Reip. defendit aut excusat Machiavellus. Impie! scelesto!

Proscriptionem Civium, divisiones agrorum; ne ipsis quidem qui fecere laudatas.]
 In novo Principatu aliis remediis Tyrannus, qui vi aut fraude dominationem occupavit, insistere debet; aliis legitimus Princeps, qui jure, legibus aut moribus regno potitur. Quamquam non ab omni violenti consilio tyrannis argui potest. Sunt quædam solius tyrannidis propria, quædam bonis Principibus cum tyrannis communia: & solo fine bona vel mala. A me nemo requirat, justa ab injustis, moderati Prin-

Principatus & tyrannidis subsidia munimenta-que separatim tradere. Nimia temeritatis, sed & capitalis audacia foret, censorem me constituere sine suffragio, actionum, quas nisi à Maximo Deo judicari nefas est. Mihi propositum, ut alibi (quod semel profiteri sat est,) ita hic quoque, non quæ Principes decent, sed quæ facere solent, historiâ monstrante viam, tradere, nulla hinc juris, æqui bonique quæstio. De facto, de consilio Principum tractatur: juris disceptatio aliis relinquitur. Igitur, cum naturali ratione convincamur, quibus quidque artibus comparatum est, iis facile conservari: consequitur, vi fraude-que, aut omninò invitis gentibus (quòd & sine injusta vi, fraudeque contingere potest) parta imperia, violentis modis conservari: & ut alicubi Seneca inquit, scelera sceleribus tuenda esse. Si enim verum est, Principes ante omnia operam dare debere, ut regnent sine æmulo; & si nunquam securus est Princeps,

in novo regno, quàm diu vivunt qui inde exacti sunt, vel qui fortiori jure in illo niti se existimant: quis non videt, *periculum ex misericordia* (*Tacit. 3. hist.*) & tollendum omnimodo esse sanguinem priorum Regum, sæviendum in insignes viros, atque ad eò omnem formidolosam Virtutem; denique lieto- res, delatores, carnifices, cruces, secures unica incolumitatis munimenta esse: cum clementiâ nunquam extingui possit odii semel concepti rabies, & desiderium perpetuum vindicandi vel suas vel patriæ injurias. Quod vel solius Cæsaris exemplo manifestum est; qui indulgentiâ suâ illorum, quibus incautè ignoverat, conjurationibus locū fecit. Contra Tiberius Cæsar, cum se in Augusti familiam irrepsisse, aliosq; ex Augusti sanguine se potiores superesse sciret, indeq; omnem magnâ Virtutem odisset, timeretque; ferro & venenis sibi securitatem peperit, crudelissimus hominum, & lutum sanguine maceratum.

Au-

AD CORNEL. TACIT. 51

Augustus quoque Cæsar, mitissimus alioquin Princeps, non feritate animi, aut innatâ crudelitate, sed necessitate, quæ violentos regnorum occupatores tenet, adactus, ad sævissimam Nobilitatis Romanæ proscriptionem descendit. Unde Tacitus hoc loco, *proscriptionem civium, divisiones agrorum, ne ipsis quidem qui fecere, laudatas fuisse*, scribit.

Ut non mirum sit, quosdam Tyrannorum nonmodò tranquillo imperio gavisos, sed & suâ morte obiisse. Cum enim hi omnem crudelitatem in Regni primordiis plerumque uno impetu effuderint; & *quadam vi tractarint, quo cæteris quies esset*, accidit plerumque, ut homines dementati nova Principis bonignitate atque munificentia præteritæ sævitæ obliviscantur. Quod jam allato Augusti exemplo, & Agathoclis Siciliæ Regis, qui quamquam fraude cædibusq; Syracusarum tyrannidem habebat, tamen nullius unquâ insidiis aut conjuratione petitus legitur,

manifestum fit. Cæterùm qvi Cruore delectantur, qvi Regni sui non auspiciã modò, sed continuata tempora suppliciiis insigniunt, qvibus miserum senectutis instrumentum est, perpetuò exercitię crudelitatis recordatio, non modò si violenter occupaverunt imperia, sed & legitimi Principes suorum conspirationibus, & plerunqve violentâ morte in historia memorantur. Et in his illud Satyrici verum est.

Ad generum Cereris sine cade & sanguine pauci.

Descendunt Reges, & siccâ morte Tyranni.

Tiberius tamen, quamqvam totâ vitâ crudelissimus & suâ morte defunctus & nullas in caput suum conspirationes expertus est. Sederat ille tectâ semper crudelitate, & *subdolus fingendis Virtutibus* (Tacit. 4. Annal.) & Sejanum, cæteraqve sævitix instrumenta ipse, ubi satis usus erat, pervertebat; nec nisi ultimis vitæ suæ annis, in scelera simul ac dede-

dedecora, quæ tamen Caprearum diverticulo procul Româ occultabantur, prorupit, verû enim verò, quod quosdam Principum crudelitate semel effusa regnum sibi firmasse diximus, id quidem Augusti atque Agathoclis exemplis satis comprobatur: sed sunt in contrarium quoque qui infausto exitu idem tentarunt. Ferdinandus Albæ Dux Belgarum Pocerum primos, Egmondanum & Hornanum capite plexit; arbitratus *nihil ausuram plebem, principibus amotis*. Quam autem infeliciter successerit hoc consilium; novit orbis. Prudentius olim Vitellius Iulium Civilem periculo, quod ei ab iratis militibus impendebat, *exemit præpotentem inter Batavos*, inquit Tacitus (*lib. I. histor.*) *ne supplicio ejus ferox gens alienaretur*. Ecce domesticum illius gentis exemplum; cujus imitator esse debuerat Albanus. Athenarum Dux à Florentinis ad ordinandam Rempublicam suam vocatus, cum iisdem insisteret mo-

dis, per seditionem urbe pulsus est (*Leonardus Aretinus Scipio Amiratus in historia Florentina.*) Nicolaus Carrariensis supplicio Conradi Vigontii, exulis quidem, sed prævalidi clientelis in urbe Patavina, animos civium ita exasperavit, ut vocato Cani Scaligero urbem tradiderint (*Ioh. Bapt. Pign. 4. hist. Aretin.*) Sciendum igitur, Tarquinianum istud consilium decapitandi summa papaverum nemini prosperè succedere, nisi qui iisdem, quibus Augustus & Agathocles, subsidiis se instructum sciat. Erat Agathocles Carthaginiensium fultus classe, qua patriæ servitutem imponere facile ipsi fuit. Augustus præter favorabile Cæsarium nomen legionibus armatis & Aquilis Romanis, quibus imperii salus continebatur, nitebatur. Illæ suum nutum spectabant, quos olim pro Roma strinxerant gladios, tunc in illam expedire parati erant: ut facillimum foret, iisdem armis, quibus nobilitatem sustulerat, populares

res quoq, seditiones, si quæ exortæ fu-
issent, comprimere. Cæteri, quorum nō
est eadem conditio, quales Albanus &
Athenarum Duces fuerunt, cū quæ
crudeliter egerunt, vi armisq; defende-
re non possent, indignationi & furori
populari expositi remanent. In his igitur
securior modus est, alere divisiones
illas inter Populum & Optimates, quæ
libertate fugatâ Dominum accersive-
rant, & paulatim, nec sentientibus ju-
gum imponere: quod quibus artibus
obtineri possit, ex iis, quæ alibi docebi-
mus, apparebit.

*Quamquam fas sit privata odia publi-
cis utilitatibus remittere*] exempla ma-
gnanimorum hominum, qui suas inju-
rias Reip. condonarunt, retulit ad hunc
locum Scipio Amiratus, quæ non tran-
scribo.

Pompejum imagine pacis] Sextus Pom-
pejus bello contra Octavium tenebat
Siciliam & Sardiniam, tuebatur se locis
firmis, & famē inopiamq; Italiæ impor-
tabat.

tabat. Vinci nunquam potuit, nisi brevi pace. Ea pacta cum illo est; exules recepti, & vires abductæ, corruptus ejus miles, & quid dicam? terribilis ille, & paulò antè Neptunus, vix unâ navi effugit, cervices gladio præbuit; & intra annum extinctum totum bellum. Vetus hoc novum fieri posse ac debere, in bello nupero Regis Hispaniarum contra Belgas fœderatos svasit Just. Lipsius in consultatione, quæ extat apud Rudolphum Boterum in historia. Bellum, inquit Lipsius, cum Batavis hætenus infelix, nec nunc felicius, nisi in tota facie rei aliquid immutetur. Loca valida omnia habent, loca opportuna, militem exercitatum, & satis bonum, victoriis animosum; ordinem aliquem in ærario, & tota gubernatione, quamdiu bellum & metus est, haud facile solvendum. Ut ista remittantur, & amittantur, pax aliqua sit & quies: quæ nunquam in talibus bellis inita sine bono aperto Regis. Majestas illa nominis, &

& occultum in animis vinculum illos trahit, aut potius extrahit, qui malè abierunt: quidam gaudebunt, datum sic regressum. Centeni aliquot homines aut milleni ad Regem ultrò redibunt, si occasio redeundi suggeratur. Hæc præsidia hostibus detrahimus: & amplius in plebeja aut plurium illa gubernatione occasiones inter ipsos dissidiis damus. Mihi crede, habent odia, factiones, & sua, vulnera: sed occuluntur ea omnia, impendente magno illo metu, qui æqualiter tangit omnes. Remitte paululum: ad ingenia & vitia sua redibunt: ut boves instante lupo coeunt, capita & cornua jungunt: abeunte quisque sibi pascit. Hæc Lipsius: cujus consilium hætenus secuti videntur Hispani; nec omnino irritò conatu. Vix ab Rege metus cesserat, cum prorupere in dissidia, & factiones Proceres & Populus. Plus Hispanus duodecennialib. induciis quam quadraginta annorum bellis profecit. Et simili consilio

callidissimus dolorum fabricator Tiberius Gelbanicum monet: se novies à Divo Augusto in Germanias missum, plura consilio quàm vi perfecisse. Sic Sugambros in ditionē acceptos, sic Suevos, Regemq; Maroboduum pace obstrictum. Posse & Cheruscos cæterasq; rebellium gentes, quando Romanæ ultioni consultum esset, *internis discordiis relinqui.* (Tacit. II Annal.)

Ex quo verū esse apparet, instrui belli artibus in nostram perniciem, cum quibus assidua & continua bella gerimus. Fortuna belli artem victos quoq; docet. (*Q. Curtius 7.*)

Inde apud Thucydidem (lib. I.) Corinthii bellum gerendo cum Atheniensibus (ij tunc rei navalis peritiâ cunctis Græcis lōgè erant superiores) se quoq; bellicarum rerum scientiam adepturos sperant. Ipsi Athenienses agrestes primum & armorum rudes, bellando cum Persis bellare didicerunt. Ægyptii diurnitate bellorum, ac toties viribus

cum

cum Christianis Hierosolymitanis collatis artes bellicas apprehendere, (*Paulus Emil. 7.*) Veteres Germani longâ adversus Romanos militiâ insueverunt signa sequi, subsidiis firmari, dicta Imperatorum accipere. (*Tacit. 2. Annal.*) Cum Agesilaus in bello contra Thebanos vulneratus esset, Antalcidas, bonum factum ! exclamavit. quidni hanc mercedem recipiat ab illis, quos arma tractare docuit; Lycurgus legibus suis prohibuit adversus eosdem sæpius pugnare. (*Plutarch.*) Cum enim acerri-
ma illa virtus sit, quam ultima exprimit necessitas, nihil tam triste aut difficile est, quo non ad pulchra vulnera, contemptumque mortis excitentur hi, qui pro aris focusque, pro liberis & uxoribus dimicare coguntur. Itaque ipsis periculis prudentiores fiunt, & à fortuna multis rebus ereptis usum accipiunt benè consulendi. Inde Turcarum Imperatores nunquam diuturnū cum Christiano aliquo Principe bellum gessisse,

fisse, Joannes Boterus, & Trajanus Boccalinus testantur; quadruplici, opinor, fine. Primò, ne innumerabilibus exercitibus, quibus diù alendis nulla regna, nullæ provinciæ sufficere possunt, subacti populi ita affligantur, ut longo post tempore spiritum atque vires recipere nequeant, adeoque imperantibus inutilis sint. Deinde ne longo bello fortem, invigilantem & ad omnia intentum hostem efficiant: utque postea redituris securum & pace emollitum adoriri liceat: & ipsi veteranum semper militem, nostri novum inexpertumque habeant. Tertiò, quia longo usu didicerunt illi, malè sanum esse consilium, gentes numero infinitas, locorum spatio immensas percurrere, quæ deinde obtineri nequeant. Corpora enim nostra pingvescere edendo pauca, & benè digerendo vomitu reddere, qui supra ventriculi vires ingerunt. Subactas gentes, non eodem quo vincuntur, prælio domari. Tempore, industriâ, pace opus esse,

esse. Denique verendum quoque Turcis est, ne nimis progressibus, & suspectâ finium propinquitate Principum Christianorum alto fomno sepulcorum potentem indignationem in se concitent: eamque fuisse causam Trajanus Boecalinus scribit, ob quam ab ultimis in Hungaria bellis destiterunt Turcæ; ne scilicet Viennæ Austriæ, fortissimi Germaniæ & Italiæ propugnaculi amissio Germanorum & Italorum terribilem vim irritaret.

Itali bellicam suam scientiam ab illis, quæ ultra Alpes sunt, gentibus, habent. Ante Caroli Galliæ Regis in Italiam adventum, cum in bellis longè major esset gravis armaturæ equitum, quam peditum usus, & tormenta muralia ad trahendum vehendumq; incommodissima, quamvis crebra prælia committebantur, tamen intra paucos strages consistebat, interdum ne unus quidem cadebat. Etenim ferreis laminis totis coopertis, mortis periculum, si quando
 equis

equis dejicerentur, deditiōe effugere facillimum erat. Oppida aut castella, non quidem defensorum peritiâ, sed obsidentium ignaviâ tam facilè servabantur, ut nulla esset adeò parva aut neglecta sedes, quæ vel maximas hostium copias per multos dies non sustineret; adeòq; difficillimum esset, aliis possessa occupare. (*Guicciardinus 15. histor.*) Historiæ Florentinæ scriptor ait, tantam exercituum illâ tempestate ignaviam fuisse, ut vel unus equus caput aut caudam movendo hostibus terrorem incuteret. In prælio quodam inter Venetos & Florentinos quamvis id ab ex-oriente sole ad medium usq; diem protraheretur, nemo tamen ex tantis copiis occubuit, equi tantū aliquot vulnerati, & præterea equites aliquot capti sunt. In alio quodam prælio capta equitum tria millia, ac mille pedites: quatuor omnino cæsi, vulnerati triginta. (*Petrus Justinianus 7. historia Venetæ*) Iterum alibi, cum quatuor horas durasset

rasset pugna, præter unum equitem,
 nullus occubuit: atq; ne is quidem vul-
 neribus confectus, sed eqvo excussus &
 contritus animam efflavit. Porro, quæ
 in acie militum istorum fuit imbellia
 eadem erat in expugnandis oppidis aut
 castellis ignavia. Quamvis exigua arx
 maximos exercitus sustinere poterat.
 Itaque præstabat singulis in turribus
 præsidia collocare: quippe modica ad
 id impensa sufficiebat, & ab validiore
 hoste campo pulsi retinebant tamen
 arces (*Pign. 4. histor. Atest.*) Alphonfus
 Rex Neapolis Fluvianum Castellum
 exiguum nec situ nec opere, nec idone-
 is defensoribus munitum ante trigesi-
 mum diem expugnare non potuit. Ca-
 stellinum nulla re ad sustinendam ob-
 sidionē instructū, cū quadraginta qua-
 tuor dies oppugnasset, cum ignominia
 relinquere coactus est. Tanta nimirū fe-
 rocia exercitibus, tantum periculum à
 bellis istius temporis erat, ut municipi-
 pia, aut castella quæ hoc seculo, tanquā
 nullo

nullo modo ad defensionem comparata, deferi cospicimus, tunc temporis, quasi nulla ratione expugnari possent, defenderentur. Verùm ubi Carolus Rex in Italiam primùm pedem intulit, novarum gentium terror, peditatus ad aliam belligerandi rationem instructi ferocitas, & præcipuè tormentorum tonitrua tanto universam Italiam terrore repleverant, ut iis, qui acie se opponere non audebant, nulla relicta esset salutis spes. Quippe ubi ad urbium oppugnationem ventum erat, homines imperiti in deditioe salutem quærebant: & si defensio parabatur, eundem intra diem cœpta patrataque obsidio. Sic Regnum Neapolitanum & Insubria eodem ferè die & oppugnata & victa. Sic Veneti unico profligati prælo omni continentis imperio cesserunt. Sic Gallis nec conspectis quidem Mediolanum hostes deseruerunt. Ergo cœperunt deinde hominum ingenia, offensionum acerbitate perterrefacta, ad pugnan-

gnandi rationes inveniendas acui; oppida aggeribus, fossis, aliisque operibus bellicis muniri: unde urbes ad maximam sunt redactæ securitatem, & homines universas belli artes perdidicere.

Sed Lepidum specie amicitiae deceptos]
 O igitur miseram sæpè Regum potentiam! in qua raræ felicitatis est ad bona privatorum, nec suspecti commercii humanitatem pervenire. Privatorum liminibus vera amicitia includitur; Pax gentium & incolumitas regnorum non amicitia vicinorum, non fœderibus, sed armorum motu sustinetur. Et profecto intuenti mihi, quæ in aula geruntur, & Principum sortem, quibus præcipua rerum ad famam dirigenda, & denique totum aurati liminis genium; videtur illud simile tabernæ, in qua fuci venduntur, ubi nihil est syncerum; omnia personata, ad fallendum facta pervicacissima ars aularum est, amorem fingere. Omitto dicere infidas spes,

spes, & trepidos metus, & nunquam
qvicta aulicorum vota. Ipforum Princi-
pum inter se gesta vide fucis scatens &
dolus, qvos necessitas & imperii salus &
penè honestum jubent. Rara est inter
illos vera, nec utilitatis spe rumpenda a-
micitia; & quæ ut inter privatos, solâ
virtutis pulchritudine placeat. Et quâ-
qvam alio mercimonii genere dehone-
stari creditur familiæ claritudo tamen
amicitiis tanquã negotiatione, augere
rem, regiû habetur; ut nec fœdera, nec
sanctissima fidei pignora, suo vinculo,
nisi utilitas subsit, ligent. Hinc non mi-
nus verè quàm falsè & argutè Boccali-
nus dixit, fumum vendere privatis in-
terdictum, solorum Regum mercatu-
ram esse (*Boccal. cent. II. c. 65.*) & alibi,
omnes lineas actionum regiarum con-
currere in unum centrum, qvod est e-
vacuare socii loculos, & inde implere
suos. (*cent. I. c. 3.*) Inde etiam solemne
est Principibus, qui occultas simulta-
tes inter se gerunt, donec in aperta bel-
la

la istæ erumpant, interim donis, & muneribus, & legationibus nova regna, conjugia, victorias, natum regni hæredem gratulari, & omnia benevoli animi signa utilissimâ simulatione præferre.

Post Antonium Tarentino Brundisinoque fœdere] In fœderum conventionem mutua quidem defensio aut publicum bonum prætenditur; sed quoniam suum quisque commodum spectet minimè in societatem venturus periculorum alienorum, nisi magnum inde ad se emolumentum perventurum speraret, dubitari non debet, diversi enim sociorum fines sunt, qui animos & vires plerumque in diversa trahunt, ex communi aqua in suum quisque fundum ducit. & dum quisque suis rebus consulit, commune bonum negligitur. Subsidia neque paria, neque eo tempore quo constitutum est, submituntur. Hinc suspiciones, quærelæ, animorum alienatio; hinc dissidia, & fœderis distractio ac desertio. Inde Gvicciardinus (2. *histor.*) inquit, fœdera

dera inter multos iēta eā firmitate non esse, ut sperari non possit, unum fœderatorum aut remissio- rem fore, aut ab aliis disjunctum iri : cū citò primi impetus defervesce- re, citò varietate sententiarum inter eos exortâ fides debilitari soleat. Plus dicit alius quidam, sicuti Romanis olim salutare remedium contra Tribunitiam ambitionem fuit ipsa multitudo Tribunorum ; ob quam semper illorum unus in partes senatus pertrahi potuit, qui deinde collegis intercederet ; ita semper Principi auxilio etiam esse posse ipsam hostium in suam perniciem fœderatorum multitudinem ; quorum unus, indulgendo ei, quæ privatim sibi quærit, facile à fœdere abduci possit. Quo intuitu Franciscus Sforza Ludovico XI. Franciæ Regi Procerum suorum rebellionē agitato suavit, ut in dissimili cujusque causa singulis eorum suam spem objiceret. nihil denegaret. Ita res illorum retrò ituras ; ac arte disjecto præsentī belli

belli conatu cætera proclivia fore reb.
ex sententia componendis. (*Æmilius*
lib. 10. de reb. gest. Franc.) Et eodem re-
spectu apud Guicciardinum dicitur,
pœnitentiâ ductos Venetos quod Fa-
ventiæ restitutione Pontificem à fœde-
re cum Maximiliano Cæsare, & Ludo-
vico Galliarum Rege inito non alic-
nassent, Denique pro generali regula
quidam (*5. lov. in vita Sforz.*) tradit;
cum uno ex tribus hostibus pacem,
cum tertio bellum faciendum.

Pleraque igitur fœdera, vel quòd u-
ni partium satisfactum est, vel quòd
non ea quæ sperabatur inde redundet
utilitas, vel quod turpis lucri cupiditas
ista denique detegatur, dissolvuntur.
Exempla sunt, de Atheniensibus & so-
ciis apud Thucydidē; (*lib. 6.*) de fœde-
re inter Macedones, Achæos, & Epiro-
tas icto, apud Polybium; (*lib. 4.*) item
inter Anglos & Hispanos contra Gal-
liæ Regem apud Guicciardinum; (*lib.*
11. à quo post acquisitum Navarræ Re-
gnum

gnū refiliit Ferdinandus Hispanus nec adigi potuit ullo modo, ut arma sua Anglis ultrà jungeret. Quo factum est, ut ipsis etiam re infectâ domum redire necesse fuerit. Nec felicius successit fœdus inter Alexandrum VI. Pontificem, Reges Galliæ, Hispaniæ, Lusitaniæ, & Rempub. Venetam contra Turcas magnâ hominum expectatione cōclusum. Venetis quidem cum Gallis in Mari Ægeø quædam prosperè cesserunt; sed primo anno reliquorū fœderatorum vires frustrâ expectatæ & sequenti totum fœdus spongiâ confossū est; propter dissidia ob Regni Neapolitani divisionem inter Gallum & Hispanum exorta. Ludovicus XII. Galliæ Rex, posthabita, quā cum Venetis sanxerat, amicitia, in eorum exitium penè omnes Europæ Principes excivit, & Franciscus I. Rex cū illi pacificationis cum Cæsare spes affulsisset, neglectis Venetis solus cum Carolo convenit, amica Rep. exposita gravissimis periculis.

lis. Ex Coniacensi fœdere, quo Franciscus Galliaæ Rex, Clemens Pontifex Maximus ac Resp. Veneta sociatis armis libertatē tueri, ac nimiaæ Cæsaris potentiaæ obsistere decreverant, nullus initio erat, qui tot copiarum terrâ mariq; paratu brevi Italiam in pristinū statum restituendam non arbitraretur re tamen atq; experiētiâ, ut sæpè aliàs, ita tunc quoq; compertū est, fœdera plus auctoritate & famâ, quàm viribus posse. Nam præter Laudem Pompejam occupatam, & Cremonam deditione receptam nihil memoratu dignum gestum est; dum auxiliorum dilatione nihil satis tutò tentari poterat. A fœdere illo, quod inter Pontificem Max. Hispaniarum Regem. & Rempub. Venetâ adversus Turcas initū est, primi omnium Veneti, quòd Hispanum suas tātum utilitates cōsectari suspicarētur, recedere coacti sūt, quo facto ingēs illa ad Nau-pactū victoria nihil omnino rei Christianæ profuit : & nostri acquisitis navibus

vibus regna amiserunt. Et sanè sanctissima hæc Respub. quæ etiam infidelibus fidem servat, sæpius injuria temporum, amicitias mutare, & servandæ publicæ rei causa, ne frangeretur in scopulis, obliquare cursum coacta est. Quod nos docet Paulus Paruta Eques & Procurator S. Marci, historiæ scriptor prudentissimus, quoque nullus Guicciardini profundam sapientiam civilem felicius expressit. Is (5. *historia Venetæ*) Dominicum Trivisanum, primum illius Reip. Senatorem, & S. Marci Procuratorem his verbis in Senatu perorantem inducit: cogimur parere necessitati temporum, & sæpe mutare voluntatem, propositum, amicos, & inimicos; suspectam habere omnem externam potentiam, timere multa, fidere paucis, & perpetuâ vigiliantiâ aliorum actiones observare, ut ad illas institua-
mus nostras; habentes in ista inconstantia unum constantissimum & firmissimum propositum; conservatio-
nem

nem status nostri, & magnitudinem
 Reipublicæ. Hæc Trivisanus: cui adsti-
 pulatur Leonardus Hemus homo gra-
 vis, consilii, ut vocant; Sapiens, domi
 forisqve variis pro patria negotiis ex-
 ercitus. Ejus hæc sunt apud eundem
 Parutam (VIII. histor.) verba: Non du-
 bitavimus accedere modò huic, modò
 alii, qvomodo nobis svadebat tempo-
 rum ratio & utilitas nostra. Tertius de-
 cimus nunc annus est, cùm Regi Fran-
 ciæ fœdere juncti essemus. Verùm a-
 dolescentibus Cæsarianarum partium
 viribus in Italia, nec comparentibus
 Francicis auxiliis, ut impossibile vide-
 retur impetum hostis sustinere, Cæsa-
 ris fortunæ cessimus: secuti consilium
 qvod nobis suggerebat securitas rerum
 nostrarum, Cæsaris desideriiis morem
 gerentes residuum Gallicorum exerci-
 tum Italiâ ejecimus. Verùm paulò post
 resurgente Gallicâ factione, cum ipse
 Franciscus Rex expeditionem suo du-
 ctu adornaret, relicto, qvod cum Cæsa-

D

re

re nobis intercedebat, fœdere, veterem cum Gallo amicitiam confirmavimus: cui cum adversè omnia & contra opinionem successissent; dissipato exercitu, & ipso Rege capto, ut victoris potētīe in tempore obviam iremus, denuò cum Cæsare pacti sumus: cujus magnitudo atque potentia cum inciperet esse suspecta, ut primùm in Franciæ Rege jam tunc liberato experiendorū armorum cupidinem advertimus, socios nos illi præbuimus exigendis ex Italia Cæsarianis. Hæc non omninò duorū annorum spatio gesta sunt. Et certè sapiens fuit consilium servire temporibus: hoc enim Remp. servavimus eiq; cum dignitate pacem restituimus. Hæc Hemus.

Nuptiis sororis illectum] quod de fœderibus dictum est, etiam in affinitatibus Principum fieri assolet. Sparguntur à Regibus filiæ, aut sorores, in eos quos fallere amicitiae specie volunt, vel ad tempus placare: nihilq; deinde sui sanguinis pignoribus, nihil nominum, quæ mu-

mutuò inierunt, reverentiâ moti, pacem & bella ex temporum & fortunæ estimant ingenio. Ita Arrubas, Rex Molossorum, dum sperat affinitate Philippi Macedonum Regis incrementa Regni, proprio regno ab eodem privatus in exilio confenuit: (*Iustin. 8.*) Hac arte ab Augusto Antonius Triumvir nuptiis sororis illeclus subdola affinitatis pœnas morte exsolvit: (*Tacitus hic.*) & Saulles Hebræorum Rex Michaëlam filiam Davidi sibi invito in matrimonium tradidit, quò promptius ipsum subverteret. Privatorum est, eligere matrimonia ex amicitiae affectu vel morum concordia; Regibus ista suavitas exuenda. Horum enim ea fortuna est, ut nunc indignos & exosos per sanctissima fœdera sibi jungant, nunc omnium nexuum jura omnisque sanguinis necessitudinem inhumana crudelitas negligat. Charissimus est, qui præcipuâ utilitate potentiam alit; & affinitates pulcherrimæ censentur,

tur, quæcunque Regnum stabiliunt. Carolo VIII. Gallia Regi Margarita Maximiliani Imperatoris filia desponsa erat: quam ille, cum jam aliquot annorum moram in Gallia fecisset, non aliam ob causam repudiavit, quàm ut Annam cum amplissima dote Britannia Armorica, quæ morte patris sine mascula prole defuncti ad eam devolvebatur, uxorem ducere posset: (*Guicciard. 1. histor.*) quam deinde viduam factam Ludovicus XII. repudiata priore uxore, quæ Caroli VIII. soror fuerat, eandem ob causam sibi conjugem fecit quæsito colore, quasi prior illa ingratis sibi à fratre collocata fuisset (*Guicciard. Lib. 3. histor. vide Boccalin. Cent. 2. c. 87.*)

Lollianas, Varianasque Clades.] mos est vulgò, fortuita ad culpam trahere, de quo commodior dicendi locus erit infra libro quarto.

Consulti per ludibrium Pontifices.] Ita Principes religione ludunt; omnium actionum suarum auctorem Deum faciunt;

ciunt; Religionis & iustitiæ titulo ambitionem suam velantes. Suum quisque bellum sacrum prædicat, hostes quisque suos impios dictitat, suam quisque causam sanctam nominat. In ore omnium sanctum piisque veratur: consilio, conatu, animo secus agitur. Theologia (*consilium conscientia vocant*) & Iuriconsulti venalem stylium propensioni Principum suorum accommodant. Plura dicam inferius hoc ipso libro.

Comparisonem deterrimam sibi gloriam quasivisse) Augustus Tiberio, luto sanguine macerato imperium tradidit, quo ipse desiderabilior fieret: (*Svetonius in Tiberio cap. 21.*) & ut hic loquitur Tacitus, *quoniam arrogantiam savitiamque ejus introspexerat, comparisonem deterrimam sibi gloriam quasivit.* Et ipse Tiberium gavisus dicitur, succedere sibi Caligulam; quem deleturum flagitiorum suorum memoriam, scelerum magnitudine sperabat. (*Dio Cassius lib. 58.*) Improbum consilium! Non alio magis

approbatur animi magnitudo, quàm quòd optimus Princeps non timeat eligere meliorem. (*Plinius in Paneg. ad Trajan.*) In Principe, qui electo successore vitâ concessit, una, eademque certissima divinitatis fides est; bonus successor. (*Iustin. lib. 12.*) Virtutes successoris gloriosissimum sunt defuncti Principis epitaphium. (*Simocata 1. histor.*) Natricem subjectis, & Phaëthontem regno suo educat, qui impium filium successorem habet. (*S. Sueton. in Calig. cap. 2.*) Reges, qui prolis suæ educationem negligunt, Remp. negligunt; cuius salus à bona Principis institutione pendet. Minora sunt belli mala quàm pravæ institutionis: quippe illa non nisi ad tempus durant; hæc, quoad vivit Princeps. (*P. Mattha. in vita Philippæ Catanensis.*)

Quam arduum, quam subjectum fortune, regendi cuncta onus] Vera quidem res est, sed si modo vera fatemur, omnibus istis difficultatibus ardentior est dominandi lubido.

Qui.

Quibus unus metus, si intelligere viderentur,] non evulgasse modo Principum arcana, sed in ea invitis illis penetrasse, sæpè capitale fuit tam infelicitè sagaci. Nemo sine certo exitio Tiberii sensuum abdita explorare poterat. (*Tacitus hic. Dio (Cassius lib. 57.)* P. Ovidius, cum nescio quid, quod Octavius Augustus nollet, in secreto vidisset, solum vertere jussus est. Hinc ejus vox.

*Cur aliquid vidi ? cur noxia lumina
feci ;*

Livia Augusta interrogata quibus artibus Augustum sibi conciliaffet ; duabus, respondit : quod nec curiosè inquisivi in illius facta, & quamvis nota ejus adulteria dissimulavi. (*Dio 58.*) adde quæ dixi ad lib. 2. verb. *haud cunctatus est ultra Germ. &c.*

Cum proferri libellum recitarique jussit.] Svetonius in Augusto capite ultimo librū istum, de quo hīc Cornelius noster, Breviarium Imperii appellat. Opes publi-

publicæ, inquit Tacitus, continebantur, quantum civium, sociorumque in armis: quot classes, regna, provinciæ, tributa, aut vectigalia, & necessitates ac largitiones. Quibus verbis gemina sunt, illa apud Ciceronem; (*3. de legib.*) Est Senatori necessarium, nosse Rempublicam; idque latè patet, quid habeat militum, quid valeat ærario, quos socios Resp. habeat, quos amicos, quos stipendiarios, qua quisque conditione sit, lege, fœdere &c. Apud Thebas Ægyptias structis molibus legebantur indicta gentibus tributa, pondus argenti & auri, numerus armorum equitumque & dona templis, ebur atque odores, quasque copias frumenti & omnium utensilium quæque natio penderet. (*Tacit. 2. Annal.*) Assverus Persarum Rex negotiorum regni diaria legisse scribitur. (*Esther. 6.*) Amurathes Turcarum Imperator omnium imperii negotiorum memorias scriptas habebat? tributorum, vectigalium, onerum, regnorum,

rum, virium; quas mensæ ad id destinatæ in arcano cubiculo impositas perpetuò volutabat. (*Lazarus Superantius in Ottomano*) Has regni vires, hos nervos ita descriptos, soli Regi, & qui ei ab arcanis consiliis sunt, notos esse convenit. Vulgus Scholasticorum tripertito illo Thesauri politici opere, & aliis quibusdam schedis hinc inde à falsariis quibusdam divenditis, omnem politicam sapientiam contineri putat. Plura quidem ibi tradita Reip. gerendæ præcepta contemnenda non sunt: sed opes publicas, tributa, vectigalia, arma, vires, onera, aut, ut ipsi vocant expensas, certo pondere, numero, mensura, definire ineptæ præsumptionis est. Ut enim taceam, quod, ut dixi, solis Principibus nota sunt; etiam mutantur perpetuò, augmentur, minuuntur, ista, de quibus loquimur, regnorum munimenta. Pace, bellis, pestilentia modò omnium bonorum affluentia, modo vastitas inducitur. Ut stultissimi hominis sit, ex

præteritorum temporum observatione de hodierna regnorum conditione iudicare. Impius Hetruscus de Germanica & Gallica Rep. singulares libellos scripsit, mendacissimos falsissimosque si ad hæc tempora exigas. Sed credo non abhorrentia à sui ævi conditione scripsisse.

Addideratque consilium, coercendi intra terminos imperii incertum metu, an per invidiam.] Crediderim ego, metu potius fecisse. Acceperat in Germania cladem Varianam: belli ambigua expertus erat; longa pace Urbs, Italia, Provinciæ respirabant: exteri Reges amici sociique Populi Romani appellabantur. Quo rerum statu firmando novo Principatui pax opus erat, non nova bella. Cætera, quæ de coërcenda inter terminos imperiorum magnitudine dici possunt, alibi differuimus.

Pridem in visus, tanquam ductâ in matrimonium Vipsaniâ M. Agrippæ filia, quæ quondam Tiberii Vxor fuerat, plusquam
civi-

civilia agitare.] Invisi Principibus fuere semper, qui ex regio sanguine ductis uxoribus regio fastigio imminere visi sunt, & quod plus est, etiam generos suos odio habuisse quidam leguntur. Saules Hebræorum Rex promissas Davidi filiæ nuptias cum protegere amplius non possot. ex eo timere generū cœpit. (1 Reg. 18.) Cum Batshabæa Salomonis Regis Mater alteri filiorum Adoniæ Abisacen, quæ patris olim senectutem foverat, in matrimonium petiisset, Salomon, quare postulas respondit Abisacen? pete & regnum. (3. Reg. 2.) Tiberius Agrippinam maritum petentem repulit, *non ignarus, quantum ex Republica peteretur.* (Tac. 4. Annal.) Et idem Tiberius Sejano Liviam Drusi olim uxorem negavit. Falleris, inquit ille, Sejane, si te mansurum in eodem ordine putas, & Liviam, quæ Cajo Cæsari, mox Druso nupta fuerat eâ mente acturam, ut cum Equite Romano senescat. (Tacit. 4. Annalium.)

Vitellius metu & odio Dolabellam, quod Petroniam uxorem ejus in matrimonium accepisset, Interamnæ interfici jussit. (*Tacit. 2. histor.*) Philippus Vicecomes filiam Francisco Sforziæ toties promissam, non nisi vi coactus collocavit. (*Blond histor. ab inclinat. Rom. Imp. decade 3. lib. 4. & 5. lo. Bapt. Pigna. lib. 6. & 7. histor. Atest.*) Carolus Audax Burgundiæ Dux cum modò Calabriæ Duci, modo Allobrogum Principi, modo Maximiliano Austriæ Duci, modo aliis, spem nuptiarum filiæ suæ faceret, nulli tamen usque dùm vixit eam despondere voluit. (*Philippus Comineus 3. de vita Ludovici I I.*) Infinitis aliis exemplis in historia passim obviis supersedeo.

Pollionisque Asinii Patris ferociam retineret.] Antonius Contius, & Albericus Gentilis (*in l. 5. Cod. de leg. lul. Majest.*) ex Joanne Andrea referunt, justè vereri Principem proditionem & scelus eorum, quorum parentes sibi vel præ-

prædecessoribus hostes fuerunt. Exemplum notantur hæc. Bruti Regum exactoris progenies post quingentos annos in necem Cæsaris novi Regis conjuravit. De tribus Corneliis, Sullâ, Cinnâ, Lentulo notum est ex Salustio. Jam & Sp. Cassius, & L. Cassius, C. Cassius Chærea, & Avidius Cassius hîc sunt: quorum primus damnatus hoc crimine pœnas luit: (*Livius*) secundus in principibus conjurationis Catilinarîæ fuit (*Salust. in Catilina.*) tertius auctor conjurationis in Cæsarem: (*Sueton. in Iulio cap 80.*) quartus princeps consilio & manu in necem Caligulæ: (*Sueton. Dio. lib. 59.*) quintus deniq; damnatus conjurationis in Marcum. (*Xiphilinus lib. 71.*)

Divitem promptum, artibus egregiis, & pari famâ publicè suspectabat.) Apud Tyrannos, nobilitas, opes, omissi gestique honores pro crimine sunt (*Tacit. 1 histor.*) Sed & boni Principes nimium eminentes viros suspectos habent; quâ de re,
& in

& in eam remediis aptiori loco fusissimè dissero.

Dixerat capācem, sed aspernantem:]
 & hoc elogium ipsi salutem attulit. Sub Principibus, Tiberii similibus inertia pro sapientia est. *Ex nulla re major securitas, quam inertia. (Tacit. in Agric.)*
 Dicam alibi.

Scaurum, cui implacabilius irascebatur, silentiō transmisit.] fulmina nubium densitatem difficilius eluctantia violentiùs cadunt.

Ejusque curatissimis precibus protegeretur.] Celsæ in aulis potestates, videntes incitationem Principum ad multorum augeri discrimina, maturitate & consilio iras mollire debent, non adversando jurgandoq; cùm parùm congruit, ad rabiem evibrare eas. Quemadmodum Galli Cæsaris uxor, Megæra quædam mortalis, inflammatrix sævientis assiduè, humani cruoris avida, nihil mitiùs quàm maritus, stridebat in exitium multorum præcep: cum
 eum

cum potius lenitate foemineâ ad veritatis humanitatisque viam reducere utilia suadendo deberet; ut in Gordianorum actibus factitasse Maximini truculenti illius Imperatoris legimus conjugem. (*Marcellinus lib. 14. histor.*)

Neque populus ademptum jus questus est, nisi inani rumore:) simile est, quod suprà dixit Tacitus: mortuo Augusto paucos bona libertatis *incaſsum* disse-ruisse: & alibi; Monnium seditiosos milites in hyberna reduxisse, *turbidos, & nihil ausos*. Ita ferè semper, ubi capita ducesque defunt. Nullum ex inani questu & murmure vulgi periculum est. Nihil unquam agere, nihil edicere, aut statuere Reges poterunt, quod quidam ex populo non improbent & carpant; sed inani rumore.

Intermiserat solita munia.] militares seditiones plerumque ex otio, abundantia, & solitorum munerum intermissione oriuntur. (*Polybins lib. 1.*) cu-
jus

jus exemplum hîc est in Pannonicis legionibus: quas seditio incescit, nullis novis causis, nisi quòd vacabant aures pessimorum hominum sermonibus, & *mutatus Princeps licentiam turbarum, & ex civili bello spem premiorum ostendebat*: Inde miles luxum & otium cupere, disciplinam & laborem aspernari. Continuo igitur labore subigendi sunt milites; etiam in ipso otio. Otii vitia negotio discutiuntur. Quo intuitu vallum, fossas, pabuli, materiæ, lignorum adgestus adversus otium castrorum excogitata Tacitus ait. (*infra hoc libro.*)

Procax lingua.] cujus farinæ homines alibi Tacitus *pravè facundos* appellat: seditionum fomenta, imò causæ. Ut non sine ratione rerum potentes odio habeant illos, qui verborum potentes & in vulgus gratiosi habentur.

Nisi novum & nutantem adhuc Principem precibus, vel armis adirent.) Plerumque novi Domini importunis postulationibus obruuntur, & parùm in tempo-

tempore incipientes eorum curæ onerantur. Sed prudentes Principes in illo regnandi exordio, & fortunæ dementamento nihil concedent, cuius eos post poenitere possit. Congratulationis illa tempora sunt, non negotiorum.

Enim verò militiam ipsam gravem, infructuosam: denis in diem assibus animam & corpus aestimari. hinc vestem, arma, tentoria, hinc sævitiam Centurionum, & vacationes munerum redimi. at hercule verbera, & vulnera, duram hyemem, exercitas aestates, bellum atrox, aut sterilem pacem, sempiterna.] hæ querelæ haut vanæ iustius à nostris militibus usurpari possent. Veteres certa stipendia, prædæ partem, munera ducum, Imperatorum donativa habebant; nostri post sanguinem fusum, post truncos artus, cum non egenæ tantum vitæ subsidium, sed & præmia fortitudinis suæ invidenda meriti essent, stipem ostiatim petentes conspiciuntur. Lachrymabile & miserandum hodiernæ militiæ dehonestamentum!

mentum! infelix documentum ingrati-
tudinis Principum! Et nihilominus u-
bi primùm ftrepit tympanum, concur-
runt miselli, ignoti inter se ignorantef-
que; purgamenta urbium suarum, gu-
lofi, maximi mulierum mœchi, labo-
rum fugientes; nomina sua in militiam
profitentur; non fanè quòd alios præ-
da onustos domum reduces viderint,
(quippe maxima pars aut in illo car-
nis humanæ macellò cæditur, aut nu-
do corpore, detritis tegminibus, & gla-
dio in scipionem mutato redit) sed si-
ve fatali vecordiâ, siue ignaviâ eunt;
non in hostem, sed *hospitibus tantum*
metuendi (Tacit. 3. *hiflor.*) & in rustico-
rum gallinaria egregiam pugnam edi-
turi.

Peteretque militibus missionem ab sex-
decim annis. cetera mandatu-ros ubi prima
provenissent.] Prudenter in hoc quidem
militum vulgus. Inconsulti hominis
plura simul petere. Præterquam e-
nim quòd qui rogatur, offendi potest,
in

in ejus quoque arbitrio erit, ex multiplicibus precibus, negatis, quæ profutura, leviora concedere. (*Bocc. 2. c. 81.*)

Ad terrorem ceterorum adfici verberibus] quæ remedia sint in rebelliones, alibi tradidi.

Tristissima quæque maximè occultantem.] Necessaria cladum & rerum adversarum dissimulatio est. Solet enim vulgus improspers æquè ac prosperis immodicum, spe, metu turbari; principi, magistratibus casus, etiam qui nullâ humanâ ope provideri potuerunt, adscribere: tributa, bellorum nervos, recusare. Quæ ut vitentur, & recentibus consiliis lapsa restaurentur, necessariû est, suppressere atrociam. De Galliæ quibusdam civitatibus Cæsar testatur (*6. de bell. Gall.*) habere legibus sancitum si quis quid de Rep. à finitimis rumore aut famâ acceperit, ut ad magistratû deferat, neve cû alio communicet; quod sæpè homines temerarios atque imperi-

tos

tos falsis rumoribus terreri, & ad facinus impelli, & de summis rebus consilium capere cognitum sit. Magistratus, quæ visa sunt, occultant, quæque ex usu judicaverint multitudine produnt. Alexander quoque Magnus dicitur acceptâ clade mortem denunciâsse his qui acta vulgassent. (*Q Curt. 7.*) Et Scipio ab Syphace legatos, frustrâ auxilium à suo Rege expectari nunciantes, eadem lætitiâ excepit & dimisit, ac si optata nunciassent; ita ut milites in propinquo auxilia esse, & legatos reverti, ut maturarent, arbitrarentur. (*Lip.*) Aliud exemplum suppressi de infelici Africana pugna & nece Sebastiani Regis nuncii extat apud Conestaggium in historia belli Lusitanici (*lib. 1.*) Ita tamen mala dissimulanda sunt, ut interim remedia malorum quærantur. Secus si fiat taciturnitas malorum nutrimentum erit: ut eam vocat castissimus amorum scriptor. (*Heliodor. 4. Ethiopic.*) Quemadmodum Vitellius, fractis ad
Cre-

Cremonam suis partibus nuncios claudis occultans, stultâ dissimulatione remedia potiùs malorum, quàm mala distulit. Consultanti vires supererant, spesque: sed è contrario læta omnia fingens, falsis ingravescebat. (*Tac. 3. histor.*)

Addendum hîc est illorum Principum consilium, qui literas hostium, quibus militum civiumve fides ad scelus sollicitabatur, suppressere tutiùs judicarunt. Sapienter omninò! Etsi enim satis benevolentia & fidei suorum confidat Princeps: tamen non sunt imbuendæ aures promissionibus, & corruptionibus. Patet vel unius insidiis vita; nihil nefas avaritiæ est. Quod si verò plurib. innotuerit proditiōis merces, in parte consilii erit Eumenis Regis factum. Epistolæ sparsæ erant totis castris, quibus, qui Eumenis caput ad Antigonom detulissent, maxima præmia definiebantur. Eumenes vocatis ad concionem militibus primò gratias egit,

egit, quod nemo inventus esset, qui spem cruenti præmii fidei sacramento anteponeret, deinde callidè subnectit, confictas has à se literas ad experiendos fuorum animos. Hoc facto, & in præsens dubios fidei deterruit, & in futurum providos, ut, si quid tale accidisset, non se ab hoste corrumpi, sed à duce tentari arbitrarentur. (*Iustin. 41.*)

Nullis certis mandatis] Varii adeò, & incerti rerum eventus sunt, ut plerumque pravis successibus maximarum rerum momenta vertantur, quæ nullis humanæ prudentiæ ratiocinationibus ante videri queunt. Ut inde satius sit, ministros Principū nullis certis mandatis ex re capturos consilium ad negotia dimitti. Quod in bello, ducibusque maximè opus est. C. Cæsaris hæc apud Dionem (lib. 38.) verba sunt: quibus domi sedentibus movetur bellum, ita ut querelæ initiò per legationes fiant; utique tunc necesse est, de eo deliberari, & scisci, deinde exercitus & imperatores mit-

mitti: sed quæ jam egressis eductisque
copiis bella exoriuntur, ea non in dis-
ceptationem, adducenda, sed tanquam
ipsa necessitas approbaverit, jusseritque
antequam ingravescant præoccupanda
sunt. Hoc modo Romæ postquam in-
terveniente SCto populus bellū semel
decrevisset, ejus administrandi potestas
Consuli tradebatur: Senatus sibi pacis
tantūm firmandæ jus reservabat, cætera
in imperatoris potestate erant; dimica-
re, aut abstinere pugnâ, obsidere urbes,
solvere obsidia, & quæ sunt his similia.
Itaque Cæsarem Tranquillus scribit, re-
gibus atque provinciis per terrarū or-
bem aliis captivorum millia dono ob-
tulisse, aliis citra Senatus populique au-
ctoritatem, quò vellent, auxilia submi-
sisse. (*Suet. in Jul. c. 21.*) Quod si Sena-
tus consuli se ab Imperatoribus de sin-
gulis belli actibus voluisset, minore uti-
que curâ & industriâ ea curassēt, quæ ad
victoriâ faciebāt: quod & rei benè gestæ
gloriam & cladis infamiam cū Senatu
com-

communem habituri fuisset. Et cum nullâ minùs, quam, quâ putatur, viâ procedat bellum (*Thucyd* 1.) & multa, quæ nunc non apparent, ex intervallo bellum aperiat: (*Liv.* 28.) evidens est, neminem emergentibus casibus commodius rectiusq; statuere posse, quàm qui præsens negotiis interest: amittiq; rerum gerendarum occasiones, si hinc inde mittendo Senatus aut Principis exquiratur voluntas. Olim in Rep. Florentina & Venetiis hodie (*P. Iustinian. 6. histor. Venet. Thuan.* 47.) qui ad bellum mittuntur non suis relinqvuntur consiliis: sed arbitrium de summa re certis finibus circumscriptum domo secum afferunt in castra; ut sæpè ne quidem tormenta bellica illi ad feriendos muros, vel aliô locô, modôve aliô collocare audeant, quam quô mandatum ipsis est: nec nisi gravissima defuncturis poena iussa Senatus transcendere licet. Quod ut salutare est in isto Optimatum statu, ita egregias benè gerendæ rei occasio-

casiones sæpè corrumpit. In populari statu tardior adhuc consultantium consensus, & ex eo difficilior placitorum executio est. Res gerendæ hæc duo, celeritatem & silentium poscunt; quorum utrique inimica est multitudo. Florentini pro hujus mali remedio habuerunt, ex omni civium numero præstantes aliquot viros deligere, futuros rerum & consiliorum bellicorum arbitros, ne singula ad multitudinem referendi necessitas esset. *Leon. Aretin. in histor. Florentin.* (Et Senis aliquando 18. Viri cum liberrima potestate constituti, qui belli negotia procurarent. *(Orland. Malavol. 4. hist. Sen.)*)

*Magnâ apud Tiberium auctoritate, re-
tor juveni, & ceteris premiorum pericu-
lorumque ostentator.*] Varia sunt artium
vitæque genera, quorum quodque fu-
os habet cultores ac veluti mystas. Pe-
ritus quis esse potest artis medendi, ali-
arum rudis: & qui scitissima carmina
scribit, cum artium Reip. gerendæ im-
E peri-

peritum esse, haud rarum est. Præcipua igitur rerum cura esse debet; quemque ministrorum iis adhibere negotiis, ad quæ natura & institutione facti sunt: exemplo Constantii Imperatoris, qui neminem in regia rebus gerendis repentinum adhibuit, sed qui post decennium officiorum magisterium, vel largitiones vel simile quippiam esset rectorus; apertissimè noscebatur. Et valde rarò contigerat, ut militarium aliquis ad civilia regenda transfiret; contraque non nisi pulvere bellico indurati præfiebantur armatis. (*Ammian. 21.*) Et ut hic laudem, ita notam meruit Ludovic. XI. Franciæ Rex, quòd Sartorem pro Feciali, pro legato tonsorem, Medicum pro Cancellario haberet. (*Bodin. 6. de Rep.*) Constantinopoli pontifex aliquando fuit (Patriarcham dicunt) literarum & omnis scientiæ adèò rudis, ut ne elementa quidem literarum pingere sciret: sed quòd Oeconomicae solertiæ magister erat, & agros colere, plantare arbo-

arbores, curare vineas, ædificia scite
 struere norat, quicquid granaria quic-
 quid cellas vinarias implet, solertissime
 procurabat, summo sacerdotio dignus
 fuit judicatus, pessimo errore. (*Niceph.
 Greg. 7.*) Ludovic. Sforzia callidissimus
 alioqui Princeps, in eo tamē turpiter la-
 pfus est, quòd Galeatio Sanseverino pe-
 rito utique equorū domitori, sed inex-
 perto duci exercitus & belli contra Gal-
 liæ Regē curam cōmisit. Quasi idē sit,
 generosū tractare equū, aut in ludicris
 certaminibus hastam frangere, & exer-
 citibus præesse (*Guicciard. 4. hist.*) error
 etiam in Eugenio Papa notatur, quòd
 Balthasaris Offidani operā in maximis
 pace belloq; negotiis uteretur; homi-
 nis nullā neq; prudentiæ neq; virtutis
 laude insignis, quàm quòd, quo tempo-
 re Eugenius urbe profugerat, ipse Ha-
 driani molem custodivisset, (*Pigna. 6.
 hist.*) Carolus V. Imperator suarum in
 Italia partium fortunam penē evertit,
 quòd Didacum Mendozam, summā

apud se gratiâ , sed imparem omninò tanto oneri rerum Italicarum procurationi admovit : documento Principibus , quàm perniciosus sit illorum error , qui in eligendis ministris magis gratiam quàm virtutem & meritum spectant. (*Io. Baptist. Cin. 3. de vita Cosmi*) Sebastianus Lusitaniæ Rex ab illis qui pueritiam , & juventam ejus rexerant , præter temeritatem & nimiam sui confidentiam nihil didicerat. Se solum mirabatur ; suas opes viresque magnificiebat. (*5. Coneſtag. in histor. belli Luſit. Trajan. Boccal. cent. 1. c. 54.*) Imprudens juvenis , & non nisi magistris suis tractabilis , negotiorum , casuumq; humanorum ignarus segni numero , quem armis oneraverat , & monachorum aliquot audaciâ Mauros debellari posse rebatur. Exemplum cæteris Principibus non de schola homines (quibus præcipua causa esse debet , intimare Principibus cœlestis iræ timorem , commendare religionis cultum , expellere

lere animis cupiditates quæ Reges, ac Principes summis illecebris, præmiisq; invitant ad peccandum; non è cathedra in tribunal, ex suggestu in publicorum negotiorum curam involare, & regnandi præcepta præscribere, quæ in scholis tantùm librisque ab omni negotiorum usu semoti contemplari assueti sunt) non hos, inquam, sed egregiæ fortitudinis duces, & expertæ prudentiæ Senatores esse, à quibus Principum adolescentia sit regenda.

Illi, quoties oculos ad multitudinem retulerant vocibus truculentis strepere: rursum viso [Cæsare trepidare.] Causa & Imperatorum majestas magna sæpè in bellis momenta sunt; & rebelles, quantumvis potentes, cùm ad suæ militiæ ignobilitatem respiciunt, animos demittunt.

Cùm arbitrium Senatus & patris obtenderet] Familiaris Principibus ars est, temporis lucrandi causâ pacem, fœdus, transactionem speciosis & irritis no-

minibus jactare: (Tacit. 2. histor.) homines suos mittere; qui ubi innexis studio difficultatibus, aut concessis levioribus negotium eò usque protelaverint, ut interim licuerit domino providere rebus suis, cùm ad causæ caput ventum est, non posse de eo sine novo mandato agere, ajunt. Quomodo Carol. V. Imp. amicorum federatorumque desideria sæpè frustratus est, quòd illorum postulatis sine Ordinum Imperii auctoritate satisfieri posse negaret. Ubi largiri flagitiosum, & negare periculum est; differre remedium est. Cætera dixi ad lib. 4.

Quòd is ante alios ex gloria belli firmare Drusum credebatur.] Id fatum est omnium, qui in aulis plurimum auctoritatis habent, ut, sive quod ita credant homines; sive quòd ipsum Principem incusare, plenum periculi arbitrentur, omniū facinorū reos agant gratiosos.

Ut sunt mobiles ad superstitionem percussa semel mentes] Nulla res multitudinem

nam efficacius regit, quàm superstitio;
 alioquin impotens, sæva, mutabilis, ubi
 semel religione capta est, meliùs vati-
 bus, quàm ducibus paret. (*Q. Curt. 4.*)
 Hoc philtro dementarunt subjectos si-
 bi populos Numa Pompilius, (*Lactant.*
1. divin. instit. 22.) Scipio Africanus, L.
 Sulla, Q. Sertorius, Minos, Pisistratus,
 Lycurgus, Zaleucus, quod apud Vale-
 rium (*1. c. 2.*) legimus, qui cum Diis
 Deabusve colloquium consortiumque
 fingeant. Midas quoque Phrygiam
 religionibus implevisse dicitur, qui-
 bus tutior omni vitâ, quàm armis fuit.
 Sanè Polybius (*lib. 6.*) ridet superstio-
 nes, quas tamen ad retinendam in offi-
 cio multitudinem accommodatissimas
 esse censet. Non putandum est, inquit
 idem, (*lib. 10.*) Lycurgû adeo fuisse re-
 ligiosum, ut in omnibus Apollinis con-
 silio uteretur, neq; Scipionem somniis
 & Deorum colloquiis instructû fuisse:
 sed hæc illi finxerunt, quod sine Deorû
 auspiciis populum periculosa ausurum,

& paradoxis fidem adhibiturum non credebant. Quod si tanta vanæ & falsæ superstitionis vis est, ut miseros mortales eâ luserint antiqui Principes, legumque latores, vel ipse potius malus dæmon; quid non faciat in animis nostris vera nostra, sanctaque religio? Sanctus ille terrarum ac syderum actor, ipse unigenitus Summi Patris Filius à Spiritu Sancto in Virginis utero conceptus mortalitatis miseriis spontè subjectus denique sua morte (immane redemptionis pretium!) *in peccatis mortuis*, & sub Diaboli regno captivis, vitam & libertatem peperit, sibi que æternorum aliquando gaudiorum, regnique cohæredes adscivit. Hæc religio, hæc immensi beneficii conscientia non dulci amoris œstrô abripiat humanas mentes? non irrequietâ quadam cupiditate nos teneat placendi tam magno amatori, tam benefico patri? non pro cultu illius, pro aris tuendis in pulchra vulnera, decoramque mortem ruamus? Non hu-

manæ

manæ fortitudinis, sed à Deo inspiratæ constantiæ fuerunt, quæ, qui primi post Christum vixerunt, pii homines pertulerunt. Prius carnifices tormenta defecerunt, quàm ipsos constantia. Ad equuleos, ad gladium, crucemque & cæteris mortalibus horribilia supplicia ipsi festinantes contendebant; calcantes abdicantesque è contrario, quæ homines habent pretiosissima, honores, opes, gratiam cæteraque quibus ambitio aut avaritia pretium fecerunt. Hæc sola, veraque religio rectrix est humanæ vitæ, iusti iniusti que norma, perturbationum gubernatrix, franum in prosperis, in adversis solatium, spes in dubiis, unica deniq; mentis domina. Cæca Gentilium superstitio, falsæque religiones, ut primo impetu à credulis prompte recipiuntur; ita ii aliis, qui eundem hamum objiciunt, capi faciles sunt. Qui enim semel erroribus credere assueverunt, vani, mutabiles, infidi recentissimo cuique versabiles animos

applicare solent. Ex diverso nostra religio uni firmissimo fundamento JESU Christo inædificata intellectum ab errorum tenebris, voluntatem à pravorum affectuum tyrannide liberat; denique sola homini veram ergo Deum pietatem, in superiores reverentiam, in æquales amorem atque benevolentiam infundit. Et absq, hoc vinculo esset, quo hominum societas maximè continetur: nec ferrò, nec cætera poenarum acerbitate satis coercita foret improborum licentia, aut tuta innocentia. Calliditas aut potentia peccantium omnia judicia aut eludant aut perfringant: conscientia & cœlestium minarum metus cohibent. Quis enim putet Sanctum Numẽ, quod omnium est origo virtutũ, & fas rectumq; mortalium animis ingeneratã ratione præscripsit, iis vitiis delectari, quibus passim naturam corrumpimus? Non potest hanc, quam cernimus, legem naturæ dedisse nisi justissimus auctor: justus autem ille non erit, si feret

ret abire impunè tot scelera. Ubi igitur amor recti, & ambitus gratiæ divinæ tetigit animum : nihil illi antiquius est, quàm recedere à vitiorum periculis, jã tot mortalium exitio infamibus. Carolus Magnus Imperator (exemplo monstrandum est, quod de religionis vi dixi) cùm Saxonum pervicacissimos animos & nullâ unquam vi, nullâ pœnarũ severitate fractos (exempli causã unâ vice ad terrorem cæteris injiciendũ quatuor mille, & quingentos, eosq; dedititios severo & atroci supplicio sustulerat) mollire non posset, non, ut prius, præfectos iis imposuit, qui regiam potestatem ac vim referrent: sed ut quamque partem bello denuò devicit, Episcopis à se creatis, hominibus piis ac religiosis assignavit, qui & docerent populum, & auctoritate potiùs ac nomine venerando, quàm imperii specie præessent. Successit consiliũ: & ferro indomiti religioni succubuerunt. (*Vbbo. Emm. 4. hist. Frisic.*) Et ab omni evobellorum

lorum quantumvis impiorum causam prætenderunt homines religionem. Sua quisque arma sancta prædicat, suam causam religiosam. Deus, pietas, cultus divinus prætexuntur. Quibus sanctis nominibus hodieque multi utuntur non alio fine, quàm ut unius populi animos dividant, inimicos debilitent, in fociis Regnis sibi factiones parent, & animum & amorem alii debitum sibi furentur. Ferdinandus Aragonius Hispaniæ Rex omnes suas cupiditates colore religionis textit (*Guicc. 12. hist.*) Pipinus translato à Merovæi stirpe in se Franciæ regno; ut non magis invictas ipsius vires formidarent populi, quàm religionem revererentur, Stephanum Romanum Pontificem, à quo coronaretur, inungereturque Româ in Galliam traduxit. (*Paul. Æmil. lib. 2. de reb. gest. Franc*) Apud Turcas caput ac princeps religionum Muphtis est à Rege delectus. Is magnam obtinet auctoritatem. Illum tanquam oraculum adeunt.

unt. Et quamvis præcipiendi atque imperandi jus nullum habet: tamen cuivis ex lege illum consulere licet. Brevi responso in oraculi modum, quid censeat, significat; tantumque in eo ponderis est, ut illi contradicere sit nefas. Gravissimis de rebus, quæ ad summam imperii pertinent, Rex justitiæ ac religionis opinionem affectans ab illo sententiam poscit: ut religione tactos populos ad ea, quæ animo meditatur; conficienda facilius flectat: licet is assentando plerumque propensione Principis exploratâ, eam, quæ placere possit, sententiam teneat. (*Lazarus Superant. in Ottom. M. Anton. Gratian. lib. 1. de bello Cypr. Andr. Mauroc 4. histor. Venet.*) Sed hæc religionis improba ostentatio nō est nova. Ita enim Jeroboamum Regem novam introduxisse religionem sacri libri tradunt, ne templi Hierosolymitani, & antiquæ religionis majestas populos, qui ad ipsum desciverant, regi suo reconciliaret. (*3. Reg. 12.*) Et
 initio

initio belli Peloponnesiaci sacrilegii Atheniensium vindices se professi sunt Lacedæmonii (*Thucid. 1.*) & Philipp. Macedoniæ Rex, dum velut è specula libertati civitatum Græciæ insidiatur, avidè arripuit Phocensium sacrilegium & expeditionis contra illos à civitatibus cæteris sibi datum summum imperium; non tam sceleris ultionem expectens, quàm occasionē quærens, qua victos victoresq; pariter suo imperio subjiceret; quod & obtinuit facilè. (*Iust. 8*) Et hoc quidem religionis mercimoniū in profanis Ethnicorū regibus prudentia videri possit; Christianos autem Principes ea decet sententia; timorem & amorem DEI OPT. MAX. felicissimā esse gubernandi populos artem; neque sine ultimo scelere nomine divino abuti licere ad regendas ambitionis & avaritiæ nefarias artes.

Et quæ casus obtulerat in sapientiam vertenda ratus.) Omnino simile est, quod, qui novi Orbis historiam scripsere,

psere, tradunt: Christophorum Colum-
bum populis illis, cùm lunæ defectionem
prævidisset, cœlestis irę formidinē
injecisse, eosq; sibi in omnibus obtem-
perantes fecisse. Est viri, & ducis non
deesse fortunæ præbenti se, & oblata
casu flectere ad consilium. (Liv. 38.)

*Etsi qui alii bonis artibus grati in vul-
gus. & paulò inferiùs : commotis per hac
mentibus & inter se suspectis tyronem à ve-
terano &c.]* has & alias sedandarum se-
ditionum artes congeffi ad lib. 4.

Fortioribus remediis agendum.] Benè
consultum hoc quidem in casu; cùm
militem superstitio urgeret, & per Drusi
artes illi suspecti divisiq; inter se essent,
ut non facilè denuò coituri viderentur.
Cæterùm falli sæpè vehementiorū sua-
sores consiliorum, ex iis constat, quæ
dixi suprà ad verb. *ne ipsis quidem, qui fe-
cere laudatas &c.* Certè Blæsus, cū quo-
dam ad terrorem cæterorum adfici ver-
beribus, claudi carcere jussisset, flagrà-
torem inde vim fecit, & plures sedi-
tioni

tionem duces dedit. Valtherus Athenarum Dux, Florentinorum tyrannus, cum in se conjuratum rescivisset, unum ex suspectis comprehendere iussit. Unde cæteri arreptis armis illum urbe eiecerunt. Guilielmus Pazzus, cum Aretinos defectionem parare præsensisset, non libratibus suis aut rebellium viribus inermis Aretium profectus, cum ex conjuratis unum carcere claudi iussisset, à cæteris ipse captus est.

Sublatis seditionis auctoribus.] v. s. ad verb. ne ipsis quidem qui fecere laudatas.

Terrere, ne paveant &c.] Plebs aut humiliter servit, aut superbè dominatur. (*Liv. lib. 34.*)

Venisse tempus, quo veteranis &c.] hæc seditio ex iisdem, quibus superior, causis cœpit, quòd mutatus Princeps licentiam barbarum, & ex civili bello spem præmiorum ostendebat: & quod audito Augusti fine, & initio Tiberii duces ob justitiam aut gaudium inter-

mi-

miserant solita munia. Ut indè superiores notæ hîc nos à novo labore sublevare possint.

Sua in manu sitam rem Romanam &c.] v. quæ dixi ad lib. 4.

Id militares animos alius conjectantibus præcipuum indicium magni atque implacabilis motus, quòd neque disiecti vel paucorum instinctu, sed pariter ardescerent, pariter silerent; tantâ aequalitate & constantiâ, ut regi crederes.] Piraticum bellum à Pompejo Magno confectum gloriosissimis ejus facinoribus connumeratur, quod piratæ certis legibus inter se adstricti, & ut Dio Cassius scribit, veluti Remp. quandam habebant. Et superiori sæculo magna atque implacabilis militum Hispanorum in Belgio seditio habita, cùm illi distributis muniis castrensibus sub certis ducibus leges ordinesque sibi statuerent; quibus inter se obligarentur.

Quantò summa spei propior, tantò impensus pro Tiberio niti.] Ambigo, bonita-

nitate & certo animi consilio an metu
 recusaverit imperium Germanicus. Ut
 sane ab omni crimine abfuerit, non ta-
 men ita se gessit, ut non suspectare de
 eo Tiberius debuerit. Civile ingenium,
 mira comitas, indulgentia, liberalitas,
 Cæsaris virtutes fuere; (si tamen virtu-
 tes sunt, quibus patriæ libertatem sub-
 vertit.) quas in Germanico Tacitus &
 alii laudant. Asperum esse, severum in-
 exorabilem militaribus flagitiis Han-
 nibal, Corbulo, alique quorum inte-
 merata fuit fides, duces prætulērunt.
 Cùm in Orientem Germanicus à notis
 exercitibus traductus esset, multa tùm
 quoque grata in vulgus usurpavit; sine
 milite incedere, pedibus intectis, & pari
 cum Græcis amictu. Quid? quòd contra
 Augusti instituta, non sponte Tiberii,
 Alexandriam introiit; (*Tac. infra lib. II.*)
 quòd Agrippina compressit seditio-
 nem, cui nomen Principis obsistere
 non potuit? non simplices ex curæ u-
 bi fœmina manipulos intervísit, signa
 adit,

adit, largitionem tentat (*infr. hoc lib.*) suspecta quoque popularitas fuit, ambitiosè filium ad concilianda vulgi studia gregali habitu circumferre, Cæsaremque Caligulam appellare. Denique capitalis imprudentia fuit, de suo missionem, stipendia, præmia militibus largiri, quæ non accipi nisi à Principe, aut Principis nomine par est. Ut inde Proculus quidam apud Amianum Marcellinum. (*lib. xv.*) Sylvanum necessitate compulsus principatus insignia suscepisse ex eo arguat, quòd paulò antè donatum stipendio militem, Constantii Imperatoris nomine allocutus sit, fortis esset & fidus, unde apparuisse, si præsumere fortunæ superioris insignia conatus esset, auri tam grave pondus daturum fuisse ut suum. Iulianus quoq; quòd petenti cuidam gregario, ut barbam detonderet, dedisset aliquid vile, calumnias multorum effugere haud potuit. (*Ammian. xvii.*) Deniq; Gonsalvus Magnus, quòd præmiis & largitioni-

tionibus favorem Regi debitum sibi quæsiuisset, gratiâ illius excidit. Ut non vano metu Tiberius, si casus daretur, ausurum Germanicum suspectare potuerit: qui cùm Galliæ, Hispaniæ, Italiæ, quod cuique promptum, arma, equos, aurum offerrent, armis modò & equis ad bellum sumptis, propriâ pecuniâ militem juvit. Fidus sanè fuerit: prudens certè non fuit, qui tantas affectati imperii suspiciones præbuit, aut cùm semel cœpisset, non complevit. Omne consilium tepidum in isto casu capitale est. *Nullus in eo consilio cunctationi locus est, quod non potest laudari nisi peractum* (Tac. I. hist.) *Privatis cogitationibus regressus est: & prout velint plus minusve sumitur ex fortuna. Imperium cupientibus nihil medium inter summa aut precipitia.* (Tacit. II. Hist.) Regna non in rem actione civili vindicantur, non tribus Prætoris verbis adjudicantur, sed cruentis plerumque judiciis repeti solent: in quibus actio bellum est; iudex gla-

gladius, probatio victoria; sententia denique & rei judicatæ executio mors aut servitus. Alii homines ut vestes, sic honores & dignitates, impunè induunt, exuuntque : regna non nisi cum vita deponuntur. In solium intrantes caput inferunt : inde nisi protractus pedibus efferri non potest.

Arguere Germanicum omnes, quòd non ad superiorem exercitum pergeret.] Et fortassis seditiosus exercitus hoc modo à Duce velut pro derelicto habitus, agnito dedecore ad sanitatem rediisset. Certè Alexandro Magno simile huic consilium prosperè successit. Postquam enim à seditiosis cognitum est, Persis ducatus datos, barbaros in varios ordines distributos, atque Macedonica iis imposita nomina, se verò ignominiose penitus rejectos esse; non jam amplius conceptum animis dolorem perferre potuerunt; sed concursu in regiam facto, interiori duntaxat retentâ tunicâ, arma ante januam poenitentiae signum,

gnum, projecerunt; ac præ foribus stantes intromitti se, sibi que ignosci suppliciter atque flentes orabant, utq; Rex suppliciis suis potius saturaret se, quam contumeliis. Ipsos nisi veniâ impetratâ non discessuros. (*Quint. Curt. 10.*) Alphenus Varus præfectus castrorum in exercitu Vitelliano seditionem militum compressit, vetitis obire vigilias centurionibus, omisso tubæ sono, quo miles ad belli munia cietur. Inde torpere cuncti, circumspectare inter se attoniti, & id ipsum, quod nemo regeret, paventes, silentio, patientiâ, postremo precibus ac lacrymis veniam quærebât. (*Tacit. 2. hist.*) Julianus Cæsar turbas militares minitandò discessurum se ad vitam privatam sedavit. (*Amm. lib. 25.*) Deniq; ipse Germanicus, cum uxorem tantum & filium in Treveros mittere pararet, movit truces militum animos, nihil aque flexit, ait Tacitus, quàm invidia in Treveros, &c.

Quia plerumque ad concilianda vulgi studia

studia eo tegmine pedum induebatur.] Nihil præter virtutem & vitium magnoperè nos moveat in nostris vel externis gentibus. Ridemus quidem plerumque aliorum populorum vestes; scilicet necdum ex animo imagine nostræ consuetudinis deletæ. Sed cùm ipso tempore iis placemur: apparet non ipso vitio, sed ignorance nostrâ displicuisse primùm visa. Hominis igitur prudentis est, transire in mores & vestitum illorum, cum quibus versatur, et inde laudatur Alcibiades in vestiendo, convivando, conversando accommodasse se genti, cum qua erat; hacque comi facilitate gentium regumque amorem sibi conciliasse. Ubi Athenis degebat, jocos, ludis, equis domandis, & reliquæ urbanæ lautitiei studebat: Lacedæmone, quicquid molle fuerat, in Spartanâ duritiem mutabat. Cum Thracibus pugnando & bibendo vitam agebat. Apud Persas deliciis & luxu nulli cedebat. Hippolitus Medices Clemētis VII. Pontificis.

tificis in bello Hungarico legatus Hungaris peracceptus erat, quòd interdum equo ad ipsorum morem instrato, ipse quoque Hungaricè vestitus, obequitaret.

Pœnas de singulis in. hunc modum exercuit.] Iste mos puniendi noxios per commilitones nostro ævo reductus videtur. Solent enim rei plerumque à commanipularibus sclopetis trajici, militari vocabulo *archibugiare* vocant. Istius quoque bellici moris apud Ammianum mentio fit, (*lib. 29.*) His verbis: prisco more militibus dedit occidendos.

Vt avellerentur castris] simili consilio Alexander Farnesius sedatâ periculosâ illâ Hispanorum militum seditione, eos confestim in Galliam auxilio fœderatis misit; ne reliqua quoque castra contagione inficerent.

Vbi avaritiam aut crudelitatem consensu objectavissent, solvebatur militia.] O salubre institutum! quod si servarent
non

non in castris modò, sed & togatis officiis nostri Principes, næ pauciores habituri essent, furti, peculatus, & concussionum reos judices & præfectos. Sed alibi locus commodior erit dicendi, quibus remediis judicantium pravitas coërceri queat.

Immotum adversus eos sermones, fixumque Tiberio fuit, non omittere caput rerum, neque se remque publicam in casum dare.] Prudentis est, non modo non periculis & labore, sed nec infamie timore & vanis rumusculis à constantia dimoveri. Stultus meritò haberetur, qui Julio mense iter faciens non ferret locustas stridentes. Hoc intuitu apud Thucydidem (lib. I.) Archidamus suos Spartanos laudat, quod eorum, qui adulationibus laudibusque eos ad pericula concitarent, blandimentis non moverentur; nec eorum, qui pudore illos & doloris sensu inflammare tentent, verbis à proposita morum constantia dimoverentur. Quincti Fabii præci-

F

pua

pua laus est, quòd quamvis vulgi rumoribus timidus & ignavus argueretur, tamen à sententia, quâ cunctando Hannibalem vinci posse sperabat, abduci se minimè passus est. Memorabilia sunt verba, quibus Æmilio Cos. ad bellum proficiscenti, adversus finistram interpretationem firmitudinem persuasit; Duobus ducibus agebat, unus resistas oportet. Resistes autem adversus famam, rumorosque hominum, si satis firmus steteris, si te neque collegæ vana gloria, neq; tua falsa infamia movebit. Gloriam qui spreverit, veram habebit. Sine, timidum pro cauto, tardum pro considerato, imbellem pro perito belli vocēt. Malo te sapiens hostis metuat, quàm stulti cives laudent. Et ab tali constantia profecta sunt illa Quinctii Cincinnati verba: Vellem equidem vobis placere, Quirites, sed multo malo, vos salvos esse, qualicunque erga me animo sitis futuri. Militum maximè liberioribus vocibus dux succensere, nō de-

debet. Et si enim vel in agmine deficientis, & fatigati, vel in acie periclitantis, vel in tabernaculo ægri aliqua vox asperior est excepta: merentur tamen fortibus factis, ut ea debeat dux tempori magis imputare quàm animo. Cum quid accidit tristius, omnes rei sũt; corporibus suis, qui utiq; non oderunt, infestas admovent manus: parentes liberis occurrant, & ingrati & invisi sunt. Contra cum donis onerantur, cum præmiis onusti revertuntur, quis ferre militares animos potest; quis illam aſacritatem continere? Militantiũ nec indignatio, nec lætitia moderata est. Ad omnes affectus impetu rapiuntur; vituperant, laudant, misereantur, irascuntur. Sed omnes cogitationes, omnes inter se loquentium voces, signum tubæ datũ componit. In suos quisque ordines currit, & quicquid irarum in tabernaculo conceptum est, in hostium effunditur capita. Et propterea Joannem Comnenum contemptu & ignorantia

tia simulatione militum murmura persecutum scribit Nicetas Choniates (1. *Annal.*) Cæterum de tota hac quæstione, num Principi conveniat ferre de se loquendi libertatem, doctissimi Fratres tractant, Scipio & Albericus Gentiles; alter in disputatione ad titulum Codicis Justiniani, *Si quis Imperatori maledixerit*: alter in secundo de conjurationibus. Quibus adde Cremutii Cordi orationem apud Cornelium nostrum. (4. *Annal.*) Variè enim, ut Principum ingenia vel mitiora fuere, vel severiora, linguæ violentia, temeritasque verborum vel contempta vel punita fuit.

Non omittere caput rerum] Erat Roma caput & sedes Imperii orbis æterna. (l. 3. c. *de Cons.*) Unde ab Ammiano Marcellino Urbis æternæ glorioso insignitur titulo: à Martiali terrarum Dea gentiumque; à Tullio tertia Catilinaria, arx gentium; in dissertatione Hadriani Imperatoris & Epicteti, fons imperii

rii orbis terrarum, mater gentium, regum possessio, Pacis æternæ conservatio dicitur. Erat in illa urbe Capitolium, sedes Jovis, Palladium, & Ancile, imperii pignora. Et inde jus petierunt gentes, nationesque universæ. Ibi, nec alibi Orbis Dominum fieri posse diu populis omnibus persuasum erat: & divulgato hoc imperii arcano, posse etiam alibi quàm Romæ Cæsarem fieri (*vid. Tac. I. histor.*) à Senatu in exercituum furiosam libidinem & insanas licitationes potestas legendi Imperatores ipsius imperii exitio transiit: nec tamen uno momento. Plerumque enim grande momentum in nomine Urbis & prætextu Senatus inesse putabatur. Inde Otho ad milites (*infr. I. hist.*) concionatur: *Senatus nobiscum est; sic fit, ut hinc Resp. inde hostes constiterint. Quid? vos pulcherrimam hanc urbem domibus, & terris & congestu lapidum stare creditis? Muta ista & inanima intercidere ac reparari promiscuè possunt: eternitas re-*

*rum & pax gentium, & mea cum vestra
salus incolumitate Senatus firmatur. Hinc
auspicato à parente, & conditore urbis no-
stræ institutum & à Regibus usque ad
Principes continuum & immortalem sic-
ut à majoribus accepimus, sic posteris tra-
damus.*

Hæc reverentia, quæ erga metropo-
lin civibus ingenerata est, Principem
movere debet, ut non nisi extremis ur-
gentibus necessitatibus regiam urbem,
quæ veluti cor est unde reliqua mem-
bra vires accipiunt, deferat. *Neque enim
decorum Principi, si una alterave civi-
tas turbet omittere urbem, unde in omnia
regimen.* (Tacit. 3. Annal.) Quæ ratio
est, ob quam Tiberius ire & oppone-
re tumultuantibus legionibus majesta-
tem imperatoriam noluit. Diversi
consilii stoliditatem evidenter mon-
strat Uguccionis Fagivoli infelicitas. Is
cùm Pisis pranderet, Lucam à se defe-
cisse audivit. Cùm igitur properè con-
scenso equo præsentiam suam rebelli-
bus

bus opponere vellet, vix egressus urbe, alia rebellionē Pisas quoq; amisit: (*Author vita Castrucii Castrac.*) adeoque uno prandio, (quod deinde Canis Scaliger falsè dicebat) duas urbes abligurivit. (*Orland. Malavolt. in hist. Senens.*) Certè sedis Imperatoriæ in Orientem à Constantino facta translatio, versus Occidentem provincias hostibus nominis Romani prostituit. Illæ enim quasi pro derelictis habitæ barbaris animos fecerunt, ut velut vacuum possessionem apprehendentes obvia quæque invaderent. (*Leon. Aretin. 1. hist. Flor. 10. Bapt. Pig. 1. hist. Atest.*) Cumque seculorum lapsu Germani (ad quos Imperii splendor pervenerat) vel ob expeditiones in Palæstinam vel alias ob causas procul Italiâ degerent, & domesticis curis abstracti ad Italicarum rerum procurationem animum advertere non possent, extiterunt, qui domi præpollentes urbium suarum dominiū occuparunt. Hoc modo Scaligeri Veronâ & Tarvisio,

Passerini & mox Gonzagæ Mantuâ, Garrarii Patavio, Turriani, & post Vicecomites Mediolano, Atestini Ferrariâ, Mutinâ & Regio Lepidi, alii aliis urbibus potiti sunt. Clemens V. Pontifex nomen Pontificium & dignitatem Româ in Galliam transtulit. Inde in regno Pontificio repentè novi domini exorti sunt. Malatesta Arimini, Ordelaphus Forojulii, Manfredus Faventiæ, Polentanus Ravennæ, Vicanus Viterbii, Cesenæ Sinibaldus, Urbini Feltrius, Camerini Varanus, alii alibi dominationem occuparunt, Tanti Gallicana mansio Pontifici stetit. (*v. Leon. Arcin. & Scip. Amirat. in hist. Florent. Pign. in hist. Atest. Bernard. Corius in Mediol. histor. Taurell. Saraina in hist. Veron. Hieron. Rubens in hist. Ravenn. Flan. Blond. in hist. ab inclinat. Imp. hinc inde.*

[*Cui major è longinquo reverentia.*] major alibi commoditas erit dicendi, quibus artibus Principes auctoritatem famamque sibi concilient.

Quos

Quos igitur anteferres? ac ne postpositi contumelia incenderentur.] Octav.

Farnesius cū urbium suarum Parmæ & Placentiæ æmulationes sciret, ne postposita altera contumeliâ incenderetur, nomen suum, sicubi scribere necesse erat, hoc modo signasse dicitur; Octavius Farnesius Dux P. & P. Marmertini & Panormitani hodieque accerrimis styliis de Principatu inter se digladiantur? nec Rex ullô præjudicio horum illorumve intentionem probat, aut improbat. Consentaneum est, istam contentiunculam inter duas regni Siculi urbes dignatione & opibus primas studio foveri.

Adolescentibus excusatum quadam ad patrem rejicere] vide quæ notata sup. ad verb. Cum arbitrium Senatus & patris obtenderet.

Nam in pace causas & merita spectari: ubi bellum ingruat, innocentes ac noxios juxtâ cadere.] Ubi tantum armorum corporumque sub signis stabit, quis

cruori legem dicet, unde & quantus fluat? adde quæ notavi sup. ad verb. *ad arma civilia actum &c.*

Et quidam bonorum cæsi] Arma multitudini sine moderamine tradita nunquam benè usurpantur. Finis est, seditiosos, improbos coërcere: Quisque publicæ vindictæ specie suas injurias exsequitur. *v. plura ad lib. 4.*

Sex & viginti socias cohortes, octo equitum alas, quarum eâ seditione intemerata modestia fuit.] Auxiliarium sociarumque cohortium intemeratam fuisse hac seditione modestiam Tacitus asserit. Ex quo verè affirmabo mixtos ex variis gentibus, ingenio, & linguâ differenti-
bus exercitus ut facilè inter se in æmulationes confurgunt, ita rarissimè simul & uno consensu contra ducem aut ipsū principem moveri. Hannibal, cū in hostium terrâ annos tredecim procul à domo variâ fortunâ bellum gereret, exercitu mixto ex colluvione omnium gentium, quibus non lex, non mos, nō lin-

lingua communis, alius habitus, alia vestis, alia arma, alii ritus, alii propè Dii essent, uno quodammodo vinculo ita illos colligavit, ut nulla unquam seditio extiterit. (*Liv.* 38.) Quod si verò contingerit, ut varium ejusmodi exercitum rebellionum nefas contaminet: difficillimus labor est, eum ad officium revocare. Quod Carthaginenses experti sunt, qui, ut est apud Polybium, mercenariorum suorum rebellionem in extremum perdendi status periculum venerunt. Notabo hic etiam singulare hoc præceptum politicum; in seditionibus aut conjurationibus opprimendis utendū esse peregrino milite: ne linguæ commercio aut contagione factionis cum his hæreat, in quos armatur.

Festam eam Germanis noctem, ac solemnibus epulis ludicram.] Festi dies, nūdinæ, nuptiæ, belli facinoribus & arcanis conjurationibus apta sunt. Stilico Gothos pascha feriâtes oppressit (*Æmil.* 5.) Primum Belgarum fœdus cōtra

Hispaniarum Regem in nuptiis Montignii factum est. (*Conestag. I. histor. de bell. Belgic.*) & Hugonotarum San-Bartholomæana cædes in nuptiis Navarræi peracta. (*Conestag. §. de bell. Belgic. Thuan. §2.*)

Profana simul et sacra, & celeberrimum illis gentibus templum, quod Tanfana vocabant, solo æquantur] quod jure gentico adversum fuisse videtur: quippe quo observatur, ut qui aliorum regionem cum armis ingrediuntur, templis in ea temperent. (*Thucyd. 4.*) Sævire quidem, & hostium castella, portus; urbes, villas, naves, fruges devastare, aliaque his similia, quibus illorum vires ætterantur, nostræ confirmentur, leges ac jura belli permittunt: ea verò destruere, quæ nec propriis rebus emolumentum quicquam afferunt, nec hostibus detrimenti, ut sunt templa, porticus, itatuzæ, aliaque hujusmodi, rabiosi hominis est ac planè furentis. (*Polyb. §.*)

Nullo

Nulla metu, non antepositis vigiliis] ambitiosæ diligentiaæ esset, quæ de vitiosa securitate omnibus, in ore & calamo sunt, hîc congerere. Mihi multas chartas impleisse sapientia non est.

Tiberium latitiâ curâque affecere] v. sup. ad verb. quantò summæ spei prior &c.

Nec alia tam intima Tiberio causa, cur Rhodum abscederet] Adulteriis parari, & firmari regna quibusdam creditum est: (v. quæ dixi infr. ad lib. 3.) Præterea & quidam eodem fine conjugum reginarum compertam impudicitiam infami lenocinio tolerasse leguntur. Iuliam filiam Augustus Cæsar Tiberio uxorem dederat, fœminam ultra fidem humanam lasciviam, effrenem, viri contemptricem. Grave quidem Tiberio erat sufferre proterviam istam: sed imperii Romani spes (immane tolerantiaæ præmium!) & ne soceri animum à se abalienaret, ipsum oneri ferendo parem fecerunt. Ne tamen præsens suis

ocu-

oculis intueri cogeretur illam contumeliam, quam neque vindicare licebat, neque ferre poterat, philosophiæ & otii causa, ut ferebat, Rhodum successit. Hæc prudentia vocatur. Ex diverso Jacobum Borbonium stultitiæ arguunt, quod libidinis Ioannæ II. Neapoleos Regina, à qua regnum illud dotale habebat, ut privatae feminae admissa punire in animum induxisset, Unde & uxorem & regnum perdidit. Ita judicant quibus *omnia serviliter pro dominatione* agere prudentis esse persuasum est.

Neque ipse abhorrebat talibus studiis.]

Veteribus auctoribus celebrati Reges atque Respub. ludorum spectacula efficacissimum regnandi instrumentum habuerunt, & conservandi pacem publicamque quietem, quam facilè conservant inter se populi, quibus perpetuus lætitiæ sol nullis adversitatum nubibus impeditus (modò ne ad luxū, qui prosperis rebus insinuare se solet, & securitatem, prolabantur) affulget: & ex contrario

trario mortale consilium prudentibus
 æstimatur, infauſtâ trucique modestiâ
 velut cruci perpetuò affixos aut equu-
 leo tenere populos. Sed in his omnibus
 modus esse debet. Tyrannidis mitissi-
 mum arcanum est, velle luxui esse dedi-
 tos, quorum ferocia imperantium arbi-
 trio obſtatura timetur: omnia indistin-
 ctè duella prohibere pœniſq; vindica-
 re: in præcipuis urbibus ingentibus ſû-
 ptibus vaſta extruere theatra, amphitheatra, circos, lacus in quibus ſaltatio-
 nes, venationes, ludi, naumachiæ exer-
 ceantur; quarû rerum infanâ dulcedine
 ubi ſemel inefcatur vulgus, neq; reipub.
 curâ ullam habere, neque militaris de-
 coris, honeſti gloriâ tangi ſolet. Tûc o-
 mne quod vivunt vino & teſſeris impẽ-
 dunt, & luſtris; & voluptatibus & ſpe-
 ctaculis; eiſque templum & habitacu-
 lum & concio & ſpes omnis Circus
 eſt maximus. (*Ammian. Marcellin. 28.*)
 Ita poſt Neronis mortem apud plebem
 ſordidam & circo & theatris ſuetam
 ſum-

summum erat Neronis desiderium ;
 eoque pronior in Othonem favor , ut
 imitatione luxus Neroni similem, (*Ta-
 cit. 1. histor.*) Trucidato per insidias A-
 lexandro Florentinorum primo Duce,
 plebs de recuperanda libertate ne co-
 gitavit quidem ; mœsta, & rumorum a-
 vida; quod Alexander annonâ, ludis &
 omni popularitate cunctos in sui amo-
 rem rapuisset. (*Cinus 1. de vita Cosmi*)
 Cyrus Lydis arma & equos ademit,
 cauponasque & lenocinia exercere ius-
 sit: & Aristodemus Cumanorum ty-
 rannus civium suorum liberos ad vicesi-
 mum usque ætatis annum fœminarum
 more educari iussit, vagâ indutos &
 muliebri tunica, capillis calami stratis,
 capite fertis redimito, omni denique
 habitu mulierem mentientes. (*Dionys.
 Halicarn. 6. Rom. Antiq.*) Iisdem illece-
 bris Scytharum animos sibi devinxit
 Ioannes Comnenus Imp. (*Nicet. Choni-
 at. 1. Annal. adde quæ de eadem gente sunt,
 apud Niceph. Gregor. 2, hist.*) His non o-
 mninò

mninò absimilia sunt, quibus mitigandis Britannis usum esse Cn. Agricola scribit Tacitus; *sequens hyems*, inquit ille, *saluberrimis consiliis absumpta*: namque ut homines dispersi ac rudes, eoque bello faciles, quieti & otio per voluptates assuescerent hortari privatim, adjuvare publicè ut templa, fora, domos extruerent; laudando promptos, & castigando segnes. Ita honoris amulatio pro necessitate erat. Iam verò principum filios liberalibus artibus erudire, & ingenia Britannorum studiis Gallorum anteferre: ut qui modò linguam Romanam abnuebant, eloquentiam concupiscerent. Inde etià habitus nostri honor, & frequens toga paulatimque discessum ad delinimenta vitiorum; porticus & balnea, & conviviorum elegantiam. Idque apud imperitos humanitas vocabatur, cùm pars servitutis esset. Literarum studia emolli-
re, atque adeò effœminare animos credita sunt. Gothi magnum librorum numerum, cùm jamjam ignem subjecturi essent, intactum reliquerunt; quòd illis
flu-

studiis hostes suos imbelles factos crederent. Catoni quoque solenne fuit dicere, Romanos tunc Remp. perdidisse, quando Græcas literas amplecti cœpissent. Idem auctor Senatui fuit, ut tres Oratores, qui nuper Athenis vincerant, è vestigio domum remitterentur; quippe verebatur, ne Romana juven-tus, scientiarum illecta dulcedine, à militiæ studio & laboribus abstraheretur.

Populum, per tot annos molliter habitum nondum audebat ad duriora vertere.] Prudentes Principes nunquam ab uno extremo ad alterum transfiliunt: de quo benè hic Amiratus; melius Malvez-zus. Adde quæ ego suprà dixi ad verba: eadem magistratuum vocabula.

Civile rebatur misceri voluptatibus vulgi.] dixi ad lib. 2. ad verb. prompti aditus, obvia comitas &c.

Nihil ausuram plebem, Principibus a-motis.] periculosa sententia: quam exposui, s. ad verb. proscriptiones civi-um

um &c. & ad verb. fortioribus remedi-
is agendum.

*Gener invisus, inimici soceri quæque a-
pud concordēs vincula caritatis, incita-
menta irarum apud infensos erant.]* ita
infr. (lib. 4. hist.) Julius Briganticus. so-
rore Civilis genitus, ut ferri acerrima
proximorum odia sunt; invisus avun-
culo infensusque.

Nam spes incesſerat diſſidere hoſtem.]
Populos inter ſe diviſos diſſidentef-
que adoriri ſucceſſit interdum, ſæpè la-
ceſſenti nocuit. Cogitanti mihi, quæ di-
verſi eventus cauſæ fuerint, ſuccurrit,
vocatos ab alterutra diſcordium parte
proſperè moviſſe, ſuâ ſponte alienam
in ſe pugnam derivans ſuo ſibi, quod
dicitur, jumento malum quæſiſſe.
Quippe primo caſu & noſtris & alte-
rutrius partis armis ſociatis facilè eſt,
infirmiores opprimere: & ea odiorum
civilium rabies eſt, ut partiū altera, quæ
externos vocat, plerumque neglectâ
propriâ ſalute, nihil quàm æmulorum
exi-

exitium quærat. Adeò penatum & patriæ caritas civium diffidiis concedit, ut everti patriam, sibi que alienum jugum accedere homines malint, quàm popularibus concedere. Exterorum præda esse præoptant, quàm cum popularibus quietè agere: & quod suis viribus consequi non possunt, excidio patriæ quærunt; peregrinis gentibus æmulisque non magis ad bellum, quàm ad prædam & veluti patriæ possessionem accitis. Altero verò casu, cum utramque partium externus hostem habeat: non idem sperari debet eventus. Imò probabilius est, descensuros ad consilium, quod unicum ad salutem superest, civilia odia ponendi, conjunctisque viribus eundi in hostem: quem omnium libertati tendere insidias, facile omnes advertunt. Veientes & Hetrusci cum discordes Romanos aggressi essent, victi sunt; Philippus Vicecomes Mediolani Dux sæpius Florentinorum furoribus imminens, cum ultrà

vicies centena millia nummum aureorum expendisset, nihil omnino profecit. Hispani, à Francisco Gallia Rege in suis finibus laceffiti, confestim rebellionem favissimam animosque suo Regi infensos posuere. (*Gnec. 14.*) De Gallis Christophorus Morus homo civili prudentiâ quàm maximè insignis dicere solebat; illos perpetuò inter se digladiari, seseque mutuis vulneribus conficere: verùm cùm viderint, Hispanos inde occasiones captare, suisque commodis intentos, statim in communè contra externum hostem conspirare. (*Pet. Matth.*) Tutiùs igitur est, dissentiente inter se una gente, quiescere; dùm mutuâ se cæde conficiant. Ita miseri patriam viris, armis, cæterisque belli nervis exhaurientes tibi pugnabunt; nec deinde supervenienti resistere poterunt. Consilii quoque pars est debiliori parti occultè submittere auxilia, sed quæ trahendo in longum bello sufficiant. Quomodo Alcibiades Tiffaserni
sua

sua fit, ne nimis enixè Lacedæmonios juvaret, quippe memorem esse debere, alienam se victoriam, non suam instruere eatenus bellum sustinendum, no inopiâ defereretur. Nam Regem dissentientibus Græcis arbitrum pacis ac bellifore; & quos suis non possit, ipsorum armis victurum. Domesticis itaq; bellis Græciam obterendam, ne externis vacet; exæquandasque vires partium, & inferiores auxilio levandos, commeatus maligne præbendos; classem regiam non totam mittendam; ne aut victoriam daret, aut necessitatem deponendi belli imposeret. (*Inst. lib. 5. hist. Xenophon. 1. histor. Grac.*) Plura ex veteri historia non addo; ex nova unum. Cùm Pistorienses intestinis dissensionibus laborarent, & Florentini modò huic modo alteri factioni faverent; brevi eores deducta est, ut Pistorienses pertæsi tot molestiarum sponte se suæque omnia in Florentinorum potestatem traderent.

Barbaris, quanto quis audacia promptus, tanto magis fidus, rebusque motis potior habetur.] ita lib. 5. hist. turbidus miscendis seditionibus, & plerisque gratus vecordi facundia. & inf. eod. lib. atrociora Inguimerus (suadebat) & lata barbaris,

Proditores etiam iis, quos anteponunt, invisunt.] exempla vide apud polyhistoros.

Gloria ac libertatis, quam Segestem flagitiose servitutis, ducem sequerentur.] adi ad notas ad lib. 3. verb. ob magnitudinem æris &c.

Cecinam cum 40. cohortibus Romanis, distrahendo hosti per Bructeros ad flumen Amasiam misit.] Hæc est illa nostris moribus tanto operè laudata virium hostilium divisio; quam satis apto vocabulo Diversionem appellant: cum, ne unâ mole bellum igruat, nos quoque nostris & fœderatorum viribus distributis, pluribus locis hostem laceessimus: eique qui nobis bellum intulerat,
domi

domi suæ negotium faceffimus. Quomodo Romani, maximis suis necessitatibus, & extremis, cum ab Hannibale non semel victi essent, dimissis, quibus summopere indigebant, exercitibus, ducibusque, denique summâ erarii inopiâ, & in Italia, & Hispania, & Sicilia & Græcia uno eodem tempore cum Carthagenensibus bellum gesserunt. Quod sane unicum ipsis ad salutem superfluit consilium. Demus sane, fingamusque Marcellum, & Scipiones, & ubique Carthagenensibus oppositos milites in Italiam contractos: sed tunc, & Sardinia & Sicilia in hostium potestatem concedebant; & ex Hispania Hasdrubali, quo minùs fratri auxilio veniret, nihil obsistebat, & Philippi Regis minæ impunitæ erant. Ita augescente vi Romana Hannibalis quoque arma potentiora fiebant; & fortuna pro Carthagine, Romanis adversa. Consultius igitur fuit Sardiniam & Siciliam servare; grande momentum, subjectæ forent
aut

aut hostes: tum auxilia, quibus deficientibus Hannibalem procul à patria in hostico bella cientem, sine alia vi corrumpere necesse erat, succidere. Sanè nullà vi ex Italia abstrahi potuit Hannibal, nisi cum Scipio, ille qui postea Africanus usurpatus est, ipsam Africam patriamque hostium adortus est. Venetis quoque salutare fuit idem consilium, Prælio victi erant à Genuensibus, ut Romani à Carthaginensibus: & hostis urbi imminebat. Excidium ita depulsum est. Facto cum Bernabovæ Vicecomite fœdere, Genuenses summâ vi domi suæ aggressi sunt. Inde factum, ut, quæ suis, qui Fossam Clodiam occupaverant, submittere auxilia parabant Genuenses, domi retinere cogerentur: & civitas in Venetorum potestatem rediret. Sed de his parcè dicendum mihi est, ne fortassis Hannibal aliquis me Senæ Phormione dementiorem juvenem vocare possit. Plura dixit Paulus Paruta lib. I. disputationū politicarum cap. 6.

G

Qua-

*Quadragesimum id stipendium Cecina
parendi aut imperitandi habebat: secunda-
rum ambiguarumque rerum sciens, eoque
interritus.*] Miratur Dio Cassius Coc-
cejanus (*lib. 42. hist.*) historicus profe-
ctò prudentissimus, & immeritò à Ju-
sto Lipsio in catalogo prudentiæ Do-
ctorum (*in not. ad polit.*) præteritus,
quid causæ fuerit, quòd Pompejus
Pharsalicâ acie victus, neque pristina
virtutis, neque multitudinis illorum,
qui prælio supererant, memor, neque
eo secum perpenso, quòd sæpè levissi-
mo momento fortuna illos, quorum
afflictæ res sunt, in integrum restituo-
re soleat, animum desponderit, & o-
mnem omnino à se spem abdicaverit;
cùm tamen superioribus temporibus
summâ animi constantiâ usus bene
semper in adversis rebus sperare con-
sueffet. Causam dixerit, quamquam in
alio subjecto Theophylactus Simoca-
ta, (*2. hist.*) his verbis; φοβεραὶ αἱ μετα-
βολαὶ παρὰ τὰς ἐλπίδας συρρέουσαςαι.
μετὰ

μετὰ γὰρ τῶν πραγμάτων καὶ τὰς γνώμας
 αἰεὶ ἔχουσιν. I. mutationes inopinæ ter-
 rent animum, quando cum rebus ipsas-
 quoque cogitationes & consilia inver-
 tunt. Consentit Polybius (*lib. 2.*) cujus
 hæc sunt verba: multi sunt, qui, quando
 de summa rerum decertaturi sunt, ea
 tantum ob oculos sibi ponunt, quæ ex
 victoriâ commoda consecuturi sint; &
 svari futuri boni titillatione ratiocinā-
 tur, quàm jucundè illis bonis usuri sint:
 casus verò sinistros non considerant,
 nec quid in omnem eventum fieri de-
 beat, secum animo volvunt. Inde acci-
 dit, ut multi, cùm victi essent, turpiter
 se gesserint. Hæc Polybius. Et ipse Di-
 on in hanc sententiam concedit. Pom-
 pejus, inquit, quòd multis modis se Cæ-
 sare superiorem esse persuasum habe-
 ret, nihil omninò prævidit. Neq; enim
 idoneo loco castra posuit; neque refu-
 gium sibi, si superaretur, paravit: cumq;
 rem extrahere, atque ita victoriam si-
 ne prælio obtinere posset (nā & singu-

lis diebus copiæ ejus augebantur, & rerum necessariarum copia ipsi suppetebat) tamen signa contulit. Unde factum est, ut præter opinionem victus, neque consilium, neque spem fortunæ denuò periclitandæ capere potuerit. Idem scribit de Spartanis Thucydides (*lib. 4.*) Pylo & Cytheris præter opinionem ab Atheniensibus occupatis, tanto in universum metu & stupore perculsos, ut non in communē consulere, non congregi cum hoste auderent; quicquid ultrà aggrederentur, infaustum inauspicatumque fore, inidoneo in bellistimore, augurantes. Quemadmodum autem improvisi casus dejicere animum solent: ita repentina & insperata felicitas plerumque in insolentiam vertit. Ex quo sequitur, eos qui variis fortunæ casibus jactati & exerciti sunt, *secundarum ambiguarumque rerum scientes*, neque adversis in rebus omnē spem abjicere, neque in prosperis quicquam de animi constantia remittere.

Non

Non potest athleta magnos spiritus ad certamen adferre, qui nunquam fugilatus est. Ille qui fudit sanguinem suum, cujus dentes crepuerunt sub pugno, qui supplantatus adversarium toto tulit corpore, nec projecit animum projectus; qui, quoties cecidit, contumacior surrexit, cum magna spe descendit ad certamen, (*Senec. Ep. 13.*)

Iuvit hostium aviditas, omissâ cade prædam sectantium) O quantum decus paratum erat, superioribus annis nostris exercitibus; cum ad Agriam profligatis Turcis etiam Imperatoris Ottomanici capiendi spes erat, nisi militum aviditas prædæ præproperas manus admovisset. *Obstitit vincentibus prævum inter ipsos certamen omissio hoste spolia confectandi.* Sed vanum est, exercitum nulla disciplinâ imbutum, destitutum stipendiis tenere velle.

Fortè equus abruptis vinculis vagus clamore territus quosdam occurrentium obturbavit. Tanta inde consternatio irru-

*pisse Germanos credentium, ut cuncti ru-
erent ad portas &c.*] Ludibria mortali-
um! quæ universa quidem vitæ tempo-
ra conditionesque, sed bellorum maxi-
mè fortunam nobilitant: in quibus una
vox, aut nutus, aliave vanitas partium
successus mutavit. Aratus Achæorum
Imperator cum quibusdam civibus de
Cynætheorum urbe sibi tradendâ pa-
ctus erat: & convenerat, ut ille insidiis
cum exercitu prope urbem lateret nec
antè moveret, quàm in tumultu, qui an-
te portem erat, hominem palliatû, circa
medium diei, conspiceret. Id signum
fore movendi. Venit Aratus, & consci-
os expectat. Ecce autem circa quin-
tam diei horam, civis quidam, cujus o-
ves non procul urbe pascebantur, pa-
storem accessurus urbe egreditur, tumu-
lumq; palliatus ascendit, oculis pasto-
rem vestigaturus. Aratus falso ratus si-
gnum sibi dari, properè imò præpro-
perè ad urbem advolat; sed exclusus
portis omniq; spe, confusus abiit (*Po-
lyb.*

hb. 10.) Simillimum est casui, qui hinc à Tacito refertur, quod scribit Paulus Æmilius in sexto Historiæ Franciæ. Christiani Ptolomaida obsidebant. Saladinus non procul à nostrorum exercitu cum suis copiis confederat. Pugnabatur; & ad nostros inclinabat victoria, cū quidam ex nostris equitibus ante signa res gerens in pedes se excepit, & equus solutus in castra refugiebat. Sublato à circumstantibus clamore, ut prehensis habenis sisteretur, qui rem ignorabāt, de antesignanis actum rati, cesserunt, & suā fugā reliquam turbarunt aciem. Arnulfus Cæsar Romam diu frustra obsessam per occasionem leporis forte in urbem refugientis cepit; Romanis stationibus ludicro hostium insequentium clamore atq; impetu tanquam vero cōterritis. Hoc solum deerat, urbi Orbis terrarum victrici dedecus, ut à lepore capta diceretur. (*Sigibert in Chron.*) Perusiæ olim duæ factiones erant in Odos & Balionos divisæ; hi superiores, illi

exules. Sed cùm (quæ civilium dissensionum vicissitudo est) una nocte quorundam conjuratione Oddi in urbem recepti essent, & in ipsorum manu esse victoria videretur; una vox eam illis eripuit. Obtinebat illorum temporum mos, ut publicæ civitatum viæ catenis noctu clauderentur. Præmiserant igitur exules quendam è suis, qui clavâ ferreâ obices claustraque perfringeret. Qui cum insequentium, seseque mutuo prementium impetum non ferret, & multitudine penè obrueretur, ut retrocederent, exclamavit. Vox ista cùm ad proximos initio, inde ad extremum quoque agmen pervenisset: ita omnium animos fregit ut ab hostibus pelli primos rati, seque ad fugiendum moneri, effusissimâ fugâ, quâ venerant, abirent.

Hosti facile excidium, & paucos & semermos cogitanti, sonus tubarum, fulgor armorum, quantò inopina, tantò majora offunduntur: cadebantque; ut rebus secundis

dū avidi, ita adversis incauti.] Quamquam sufficere poterant, quæ paulo superius dixi; tamen & operæ pretium erit, quædam alia hic apponere, non aliena loco. Nulli in bello conatus feliciorum exitum sortiuntur, quàm de quibus hostis minimè suspicatur. Omne enim subitum hosti formidabile est. (*Xenophon. 3. Cyropæd.*) Inde C. Cæsar hyberno tempore, & ut Tranquillus loquitur, spurcissimis tempestatibus vel infido se æquori committere, vel alias ad expeditionem proficisci solebat, quo incautioribus hostibus superveniret. (*Dio Cass.*) Julius Agricola, cùm contra Monam insulam pergeret, deficientibus navibus, depositis omnibus sarcinis, lectissimos auxiliarium, quibus nota vata, & nandi usus, quo simul seq; & arma, & equos regunt, ita repente immisit, ut obstupefacti hostes, qui classem, qui naves expectabant, nihil arduum aut invictum crederent sic ad bellum venientibus. (*Tacit. in Agric.*)

Recentibus exemplum est in historia Italica. Novaria oppidum à Gallis obsessum ab Helvetiis defendebatur. Sed cùm Altosaxium celebrem bello ducem postera die majori cum militum numero expectari ab hostibus Galli cognovissent, desperatâ expugnatione castra ab urbe lapidem moverunt. Et sanè spes erat victoriæ ob stipendiorum & comineatuum angustiam propinquâ. Verû irrita facta illa est facinore Motini, unius è tribunis Helvetiorum, ob audaciam plane stupendo. Is convocata suorum concione vehementi oratione hortatur, irent, & ultro hostes in suis castris adorirentur; rem, quanto difficilior & periculi plenior videbatur, tanto feliciùs exituram. In partibus esse noctem, illatos tumultus & terrores geminaturam. Igitur provectâ jam nocte, cùm in vallum eniterentur, primùm à tormentis ingentem cladem acceperunt. Nec minùs tamen illi incredibili ferocia non vulneribus, non periculis, solâ morte

morte sistebantur; & neque cadentium
 & pereuntium miserabili ululatu deter-
 riti pertinaci testudine ad locū, in quo
 tormenta disposita erant, succedebant.
 Atrox ibi facies rerum! Utrimque infe-
 sta nox, incertis per tenebras, quid op-
 pugnare potissimum oporteret, vel tu-
 eri, donec Germani milites, qui in Gal-
 licis castris stipendia facientes fere soli
 illā nocte egregiam pugnam ediderant,
 oriente jam sole amissis tormentis ce-
 derent. Ergo victoria penes Helvetios
 fuit tanta fama toto orbe celebrata, ut
 multi cōsiderata consilii audaciā, mor-
 tis certissimæ cōtemptu, ferociā pugne,
 & felicitate successus non dubitaverint
 anteferre facinus istud omnibus forti-
 bus factis, quæ Græcas atq; Romanas
 implēt historias. Scilicet, pugnasse pau-
 cos contra multos sine equite, sine tor-
 mētis, nullā adductos necessitate (quip-
 pe Novaria extra periculum erat, & po-
 stero non parvam suorum manum sibi
 accessuram sperare poterant) denique

gloriam cum periculo, quàm ignobilem securitatem maluisse. (*Guicci. xi. Hist. Parut. i. hist.*)

Addam hic quod Joannes Marnixius (*sect. 7. axiom. 15.*) præcipit, usitata & communia stratagemata assiduò revolvere: quæ, quo magis contemnuntur, eò faciliùs fallant.

Postremò & illud hîc observandum est, civitates recens captas esse sæpiùs, non aliâ magis occasione, quàm hostium securitate, & quòd victis in præcordia posse redire virtutem non putarant illi. Quomodo Fr. Sforzia Brixiam aliquot post diebus quàm capta erat, recepit. (*P. Justinian. in hist. Ven. & vide ejusmodi consilium Tentiapli Elei apud Thucyd. lib. 3.*)

Sed fœmina ingens animi, munia discis &c.] Non me vanè ostentabo, historias illustrium fœminarum recitando, quas Joannes Boccacius, Balthasar Castilionæus, aliique congesserunt.

Accen-

Accendebat hac onerabatque Sejanus] alibi locus erit dicendi de aulicis æmulationibus.

Propriâ pecuniâ militem juvit.] v. s. ad verba. Quantò summæ spei prior, &c.

Cuncta mortalium incerta, quantoque plus adeptus foret, tantò se magis in lubrico dictitans.] Illustrat hanc sententiam elegantissimus locus apud Ammianum Marcellinum (*lib. 14.*) quem hic adscribam: Versabiles fortunæ motus, qui ludunt mortalitatem; nunc evehentes quosdam in sydera, nunc ad Cocyti profunda mergentes: cujus rei cum innumera sint exempla, pauca tactu summo transcurram; Hæc fortuna mutabilis & inconstans fecit Agathoclem Siculum ex figulo regem, & Dionysium gentium quondam terrorem Corinthi literario ludo præfecit. Hæc Adramitenum Andriscum in fullonia natum ob pseudo-Philippi nomen evexit: & Persei legitimum filium artem ferrari-

am

am ob quærendum docuit victum. Eadem Mancinum post imperium Numantinis summâ atrocitate Veturium & Claudium Corfis substravit, feritati Carthaginis Regulum. Istius iniquitate Pompejus post quæsitum Magni ex rerum gestarum amplitudine cognomentum ad spadonum libidinem in Ægypto trucidatur. Et Eunus quidam ergastularius servus ductavit in Sicilia fugitivos. Quàm splendido loco multi nati, eadem rerum dominâ connivente, Viriati genua sunt amplexi, vel Spartaci? quot capita, quæ horruere gentes, funesti carnifices absciderunt? Alter in vincula ducitur, alter insperatæ præficitur potestati, alius à summo culmine dignitatis excutitur. Quæ omnia si scire quisquâ velit, quam varia sunt & adfida, arenarû numerum idem jâ desipiens & montiû pondera scrutari poterit.

Legis Majestatis reduxerat] Capita legis Julia, quæ olim Cornelia fuit, majestatis quæ hic à Tacito relata, latius
ex-

explicantur à Scævola, Ulpiano, Martiano in l. 1. 2. 3. 4. D. ad Jul. Majest.

Facta arguebantur, dicta impunè erant] similis locutio est lib. 3. Annal. *vana à scelestis, dicta à maleficiis differunt*: sanè apud bonos Principes. En auream Impp. constitutionem: Si quis modestiæ nescius & pudoris ignarus improbo, petulantique maledicto nomina nostra crediderit laceffenda, ac temulentia turbulentus obtreçtator temporum nostrorum fuerit: eum poenæ nolumus subjugari, neque durum aliquid nec asperum volumus sustinere: quoniam si id ex levitate processerit, contemnendum est; si ex insania miseratione dignissimum; si ab injuria, remittendum. Euge! belle! Non repeto, quæ dixi ad verba: immotum adversus eos sermones &c.

Falanio objiciebat accusator, quod inter cultores Augusti, qui per omnes domos in modum collegiorum habebantur, Cassium quendam mimum corpore infamem adsei-

adscivisset: quodque venditis hortis statu-
am Augusti simul mancipasset &c.] simili-
lia, imò magis ridicula, quam animad-
versione digna sunt, quæ apud Con-
stantium Imp. pro majestatis crimine
valuisse Ammianus Marcellinus scri-
bit. (*lib. 16.*) Nam si quis super occen-
tu foricis, vel occurfu mustelæ, vel si-
milis signi gratiâ consulisset, aut anile
incantamentum ad leniendum adhibu-
isset dolorem; reus, unde non poterat
opinari, delatus raptusque in judicium
pœnaliter interibat. Si qui remedia
quartanæ, vel doloris alterius collo ge-
staret, sive per monumentum transisse
vespere malevolorum argueretur indi-
ciis: ut veneficus, sepulchrorumque
horrores, & errantium ibidem anima-
rum ludibria colligens, pronunciatus
reus capitis, peribat. (*Ammian. lib. 19.*)
Quidam Agentium in rebus in Hispa-
nia ad cœnam invitatus, cùm inferen-
tes vespertina lumina pueros exclama-
se audisset ex usu, Vincamus, interprê-
tatus

tatus atrociter delevit nobilem domū.
(Ammian. lib. 16.) Eadem sub Valentiniano & Valente pestis. In chartis clari cujusdam municipis genitura Valentis cum inventa esset; quamquam is fratrem suum Valentem quendam fuisse, dudumq; obiisse docuisset, quasi Principis constellationem collegisset, trucidatus est. *(Ammian. 29.)* Adolescens quidam visus in balneis admoveere marmoris manus utriusque digitos alternatim, & pectori, septemque vocales litteras numerasse, stomachi remedium id arbitratus, in judicium tractus percussus est gladio post tormenta. *(Ammian. 29.)* Philosophus quidam Coeranius eâ causâ tormentorum immanitate occisus est; quod ad conjugem suam familiariter scribens Græco sermone addiderat: σὸ δὲ νόει καὶ σέφε τὴν τύλην.
(Ammian. 29.) Illud oblitus sum, quod Constantiii imperio accidit. Faustinus Viventi Præfecti Prætorio F. quod petenti per jocum cuidam Nigrino, ut
eum

eum Notarium faceret, respondisset, hominem ridens: fac me imperatorem, si id impetrare velis; cum Nigrino & aliis interfectus est. (*Am. 30.*)

Granium Marcellum prætorem Bithynia, Quæstor ipsius Capio Crispinus majestatis postulavit, subscribente Romano Hispione: qui formam vitæ iniit, quam postea celebrem miseria temporum, & audaciæ hominum fecerunt: Nam egens ignotus &c. O pestem humani generis! & optimo ditissimoque cuique exitiabile malum: eoque formidabilius, quod non tyrannicas tantum, sed & bonorum sæpe Principum aulas inhabitat. Sub initium belli civilis inter Vitellium & Vespasianum, cum nihil equè fatigaret, quàm pecuniæ cōquisitio: eos esse belli civilis nervos dictitans Mucianus, jus aut verum in cognitionibus, sed solam magnitudinem opum spectabat. Passim delationes, & locupletissimus quisque in prædam correpti. (*Tacit. 2. histor.* Aurelianus Imp. post Gallienum & lamen-
tabi-

abiles reip. casus exinanito ærario tor-
 rentis ritu ferebatur in divites ; & Va-
 lentinianus Augustus post procinctus
 Parthici clades indigens magnitudine
 impensarum , ut militi supplementa
 suppeterent & impendium , crudelitati
 cupiditatem opes nimias congerendi
 miscebat. (*Ammian. lib. 30.*) Quæ ut
 armorum necessitate & ærarii angustia
 & à bonis principibus usurpata vix ac
 ne vix quidem excusata sunt ; ita reli-
 qua scelera , omnemque improbita-
 tem excedunt , quæ potentes quidam
 in aulâ viri , quorum plus habendi cupi-
 do ultra mortalem modum sese attollit,
 in vitam , & fortunas aliorum audent ;
 eò crudelius plerumq; quò difficilius
 plurium , quàm unius ingluvies satiatur.
 Hiantes amicorum in magna fortuna
 cupiditates ipsa Principum facilitas in-
 tendit: *cum apud infirmum & credulum*
minore metu & majore premio peccetur
(Tacit. 1. histor.) Colligunt se qua-
 tuor vel quinque viri , atque unum
 con-

consilium capiunt ad Principem decipiendum; dicunt, quid probandum sit. Princeps, qui domi clausus est, vera non novit; cogiturque hoc tantum scire, quod isti loquuntur; facere iudices, quos non oportebat; amovere à Rep. quos retinere debebat. Denique bonus, optimus, cautus, venditur Imp. Quæ Diocletiani Cæsaris querela est apud Vopiscum. Præcipuè tamen detecta in Principem conjuratione aliquâ & civilis belli victoria grassari solet ista latronum improbitas. Si quis enim militarium vel honoratorum, aut nobilis inter suos rumore tenus insinulatus est, fovisse conjuratorum aut rebellium hostiumve partes, trahitur: & inimico urgente, quasi sufficiente hoc solo, quod nominatus sit, aut delatus aut postulatus, capite, vel mulctatione bonorum, vel exilio damnatur. Qui divitiis honestè partis affluunt, qui prædia, villas, hortos, & amœna secessuum habent, parum est, imò pro lucro deputan-

mandum, si ad venditionem coguntur. Optimis conditionibus facta venditio ejus rei est, quæ nisi demittatur, vi auferri potest. Potentiores, quod jure consequi nequeunt, vi extorquent.

--- cuicumque monile

*Contextum gemmis, aut pradia culta
fuisse:*

*Ruffino populandus erat: dominoque
parabat*

*Exitium fœcundus ager: metuenda co-
lonis!*

*Fertilibus laribus pellit; detrudit a-
vitis*

*Finibus aut aufert vivis, aut occupat
heres.*

*Congestæ cumulantur opes, orbisque ru-
inas*

*Accipit una domus: populi que servare
coacti:*

*Plenaque privato succumbunt oppida
regno.*

Claudian. lib. I. in Ruffin.

Intentatur crimen aliquod grande, &
mor-

morte piandum. Immissi deinde in rei ædes repertoria & indices conficiunt: ubi inter charas, & secretiorum literarum evolutiones facile est subdere aliquid; quod innocentis famam oneret. Illud post profertur in judicio, recitaturq; & ex eo velut infallibili testimonio convictus miser damnatur. Tum quoq; si quæ defensiones ad Principem perferendæ scribuntur, supprimuntur, neq; profectò, si, ut ille loquitur, quis ascendat quadrigas Jovis, effugere poterit nefarias noxiosissimorum hominũ artes. Et propterea cauti Principes, ne calumniis & improbitati veluti fenestras aperirent, punitis, quos manifesta scelera ad supplicia vocabant, de cõplicibus inquiri noluerunt. Theodosius occiso Valentiniano quodã seditionis forũ duce de conjuratis quæstionem agitari noluit; ne formidine sparsa per multos reviviscerent provinciarum compositi turbines. (*Ammian. 28.*) Et Tiberius Cæsar, alioqvi sanguinis humani sitientissi-

tissimus, quamquam multi è domo sua,
 equitesq; ac Senatores sustentasse opi-
 bus, juvisse consiliis Pseudo-Postumū
 Agrippam dicerētur, in illos haut quæ-
 sit. (*Tacit. 2. Annal.*) Sanè inquiri in-
 nocentes, nemo, qui quidem rectè sa-
 piat, reprehendet. Nec enim abnuimus,
 salutem legitimi principis propugna-
 toris bonorum & defensoris, unde sa-
 lus quæritur aliis, consociato cuncto-
 rum studio muniri debere. Sed illud
 lugubre est, & deplorandum, illos, qui
 inqvirendis reis, in majestatis maximè
 crimine, constituuntur, *datâ calumniæ*
indulgentiâ (*Ammian. 19.*) mandatorum
 terminos supergressos fluminis modo
 fortunis complurium sese repentinos
 infundere; (*Ammian. 14.*) & cum ma-
 lis bonos, cum nocentibus innoxios
 trahere atqve jugulare. Venationem
 dices! quippe ut quis vel carne, vel
 pretiosâ pelle venatori placet, in retia
 pertrahitur, nec latronum interest,
 quid quisque deliquerit. Multi præter-
 ea

ea publicæ vindictæ specie privatas
offensas & suas injurias ulciscuntur.

Subserviunt isti latrocinio, velut venatici canes venatoribus, homines quidam egentes, ignoti, irrequieti, complicandis calumniarum nexibus indissolubiles: artium cruentarum diri magistri, & ut lanista ex equuleo & carnifice quæstum fructumque captantes: (*Ammian. 13.*) homines cum gemitu nominandi; (*Ammian. 22. & 28.*) spiritus ferini latrones quibus invitis nullus potest reperiri insons; (*Ammian. 28.*) noxiæ & harenariis feris magis maleficæ bestię; (*Ammian. 29. & 28.* omnium ærumnarū coagula, (*Am. 29.*) cruciarii; (*Ammian. 29.*) dispendiis communibus pasti; (*Amm. 30.*) odorandi vias periculorum admodum sagaces; (*Amm. 14.*) tartarei denique malorum omnium fabricatores; (*Amm. lib 29.*) qui dum occultis libellis sævitix principum aut amicorum ejus adrepunt, mox clarissimo cuique aut ditissimo

mo periculum facessunt, *potentiam apud unum aut paucos, odium apud omnes adipiscuntur; ex pauperibus divites, ex contemptis metuendi, verniciem aliis ac postremo sibi invenientes* (*Tac. hic*) Horum alii ignoti & vilitate ipsa parum cavendi ad colligendos rumores per urbes destinantur, relaturi, quæ audiunt; & honoratorum circulis assistendo, pervadendoque divites, domos, quicquid noscere possunt latenter intromissi per posticas in regiam nunciant: id observantes conspiratione concordi ut fingant plurima, & cognita duplicent in majus. Unde accidit interdum, ut si quid in penetrali secreto nullo citioro ejus vitæ ministro præsentè paterfamilias uxori in aurem susurraverit, id postridie sciat Princeps. (*Amm. 14.*) Adduntur haut rarò custodes, qui in consultas voces excipiant; *nuncios, introitus, aperta secreta velut in annales referant*, convivialium denique fabularum simplicitatem odiosè exaggeratam in aulam

H de-

deportent. (*Tac. 2. Annal.*) Aliud syco-
phantarum genus est, qui cum illo, quē
subversum volunt, jaciūt fortuitos ser-
mones, ut fraudis amoveant suspicio-
nem, tum blandiuntur illi, quò captent
benevolentiam; post aliquid rerum su-
arum arcanarum illi committunt, ut fi-
dem mereantur sinceritatis. His artibus
irretitus ille bonus animi sui secretum
prodit, quod illi per calumni as auctum
ad Principem deferunt. Solent etiam
tales interdum per amicitiaē speciem de
ficto periculo præmonere, ut odium
aut diffidentiam ferant: quomodo A-
grippinam Germanici viduam dolosē
monuit Sejanus paratum ei venenum,
vitandas Tiberii epulas. Tunc inter
ministeria vitæ secretioris Principum
aures occupantur, & negotia torquen-
tur, verbisque premuntur aut elevan-
tur, & parvo negotio deflectuntur aut
intenduntur; quemadmodum semper
ex supercilio aut remissione dicentis
subitam efformamus, & maximè effica-
cem

cem in mentibus imaginem rerum, quas primum audimus.

His artibus cùm in casses pertracta præda est, accusatores subornantur, & die funestis interrogationibus præstituto imaginarii judices resident, adhibitis juris consultis & scribis; omnibus, quæ sint agenda, dicenda, pronuncian-
da prædoctis. (*Amm. 14.*) Leges & jura, & Catonianæ vel Cassianæ sententiæ prætenduntur: agitur autem, quod agitur, ad voluntatem prætumidæ potestatis. (*Amm. 26.*) Posthæc intenduntur equulei, expediuntur plumbea pondera, cum fidiculis & verberibus; resultât omnia truculentæ vocis horroribus: inter catenarû sonitus, tene, comple, claude, abde, ministris tristium officiorum clamitantibus. (*Amm. 29.*) Postremæ in hac scena partes carnificis sunt: & cùm nulla sit crudelior sententia, ea, quæ est, cùm parcere videtur, asperior; nihil acerbius esse potest, quàm quod pœnam à judicibus ex præscripto legû

latam clementissimi Principis miseratione mitigatam præfert damnatio. Inde qui carnificis ictui subalternitur, gratia Principis à cruce aut igne, aliove maiore supplicio liberatus dicitur; & clementiæ prætextu, ad proscriptiones & exilia, & bonorum publicationes, & quæ leviora vocantur, quamvis sunt asperissima, venit: & ut ditentur alii, genere nobiles, facultatibus locupletes, urbium suarum ornamenta, acti patrimonio præcipites trusque in exilium, consumuntur angore, aut stipe precaria victitant; nec modus ullus exitiabilibus malis interponitur, donec principem & proximos opum cædumque tædium ceperit. (*Ammian* 20.6.) Postremò accusatoribus, & delatoribus, spolia, sacerdotia, & procurationes, tam opulentæ venationis præmia persolvuntur; quibus tamen aut sibi ipsis exitium denique inveniunt, aut saltem posteritati suæ. Sed impossibile est omnes nefandorum scelerum latebras inqvi-

inquirere. Nihil enim est supra improbitatis ingenium. Exempla illarum quas diximus delationum, & quæ innocentibus insidiantur, artium, quæquam plurima ex omni historia adduci possent; ego tamen; cum in tam tristi argumento jam fortasse nimis longus fuërim, paucissima referam; quorum primum apud Tacitum extat, & Dionem Classium. T. Sabinus illustris Eques Romanus, ob amicitiam Germanici, nefanda fraude jam tunc sublatus invidius erat Tiberio & Sejano; cuius favor non nisi scelere quæri poterat. Igitur Latiaris, Portius Cato, Petilius Rufus, M. Opsius conveniunt, ut Latiaris, qui modico usu Sabinum contingebat, frueret dolum, cæteri testes adessent, deinde accusationem inciperent. Initiò igitur Latiaris in Tiberium, in Sejanum maledicta, de Germanico honorifica loqui, quibus paria Sabinus rependit: hiqve sermones tanquam vetita miscuissent, speciem ratæ amicitiae fecerunt;

ac jam ultrò Sabinus ad Latiarem dolorem suum effundebat. Consultât deinde, quos memoravi, quomodo Sabini dicta plurium auribus acciperentur. Et placuit tectum inter & laquearia tres Senatores, haut minùs turpi latebrâ, quàm detestandâ fraude, se abstrudere, auresq; rimis admoveere. Interea Latiaris repertum in publico Sabinum, velut recens cognita narraturus, domum trahit: & simul præterita, instantia, novosque terrores cumulat. Eadem & ille, & diutius & acrius: quando mœsta, ubi semel prorupere, difficiliùs retinentur. Tres illi dicta ad Cæsarem deferunt. Sabinus necatur. Similis historia extat apud Nicetam Choniaten (*lib. 3. Ann.*) de Theodoro Styppiotè per amicitiae speciem à quodam Camatero Logotheta inducto, ut de Imperatore, qui ad id id post aulæa latebat, verba quædam incautiora proferret. Sextus Marius Hispaniarum ditissimus saxo Tarpejo dejectus est: nec dubium erat magnitudinem

nein pecuniæ malo vertisse. (*Tacit. 6. annal.*) Agrippina Statilium Taurum, opibus illustrem, hortis ejus inhians pervertit. (*Tacit. 15.*) Urficinus apud Constantium Imperatorem Equitum Magister ab Eusebio cubiculi præfecto variis oppugnatus est artibus: nullis causis nisi quod domo sua, quam Antiochiæ habebat, molestissimè flagitanti cedere volebat. (*Amm. Marcell. 28.*)

Tripolitani continuis Austuriano-
rum (gentis rapto vivere suetæ) incur-
sionibus infestabantur, connivente Ro-
mano, Africae Comite, homine nequis-
simo, quamvis sæpius implorato: qui
fretus affinitate Remigii tunc magistri
officiorum, hoste pejus provinciam
vastabat. Ergo Tripolitani extrema ve-
riti, legatos ad Imperatorem mittunt,
lacrymosas provinciæ ruinas expositu-
ros. Quo comperto Romanus quendā
ad Remigium, rapinarū participē e quo
velocissimo vectū præmittit, orās ope-
rā det, ut sibi ab Imperatore Tripolita-
norum

norum querelæ cognoscendæ deferantur. Quamvis autem ista machinatio non succederet, missio in Africam Palladio quodam, qui stipendia militi solveret, & de Tripolitanorum clade inquireret: invenit tamen Romanus aliam viam extricandi se ex hoc sibi imminenti periculo. Militib. persuadet, ut adveniienti Palladio, in aula potenti viro, stipendii quod pertulerat, magnam partem acceptam ferrent: quod & factum est. It Palladius, videt luctuosos provinciæ cineres, & fumantes penè adhuc recenti incendio agros: Romanique desidiâ increpans, relaturum se cuncta ad comitatum Principis minatur. Quibus ille minis haut sanè territus, se quoque indicaturum dixit, quod Palladius militi destinatum stipendium in suum quæstum verterit. Quid sit? Palladius conscientia perterritus, cum Romano in miseros provinciales conspirat; reversus Valentinianum Imp. impiis artibus fallit, Tripolitanos sine causa

causa questos affirmans. Quare Imp. impositum sibi à Tripolitanis indignè ferens, non modò querelis illorum aures non præbuit sed & legatos capitali supplicio afficere iussit.

Hæc pestis, hæc pernicies cū satis in privatorū vitam ac fortunas sevit, cum Principi plerumq; plus odiorū & invidia, quàm opum contulerit, tandem, nisi obviam eatur, in ipsius Principis exitum vertit. Qvicquid enim scelerum, qvicquid rapinarum & concussionum isti nebulones exercent, quodcunq; iniustitiæ genus committunt, qvicquid deniqve peccant, id sub regio nomine peccant. Et ut maximè Princeps nefariorum istorum operum liberetur suspicione: conniventia tamen aut socordia opinionem, ex qua contemptus, & ex contemptu odium, certissimæ principatus pestes oriuntur, effugere non poterit; populi subjecti, ubi vestem regiam suamqve pellem à gratiosis in aula inter se dividi satis diutulerint,

lerint, tandem horum avaritiam, & illorum lethargum acerbis remediis excutere solent.

Hæ tales ac tantæ infidiæ; quibus evitandis nec optimus Princeps satis cautus esse potest; audaciter dicam nullâ providentiâ declinari possunt, nisi Princeps omnē calumniarū occasionē præcidat, quantum fieri potest ipsa omnia cognoscere studeat, pleraq; ipse omnia tractet; vel saltem in ministrorū suorū fidem piissimâ diffidentiâ diligenter inquirat; quomodo Dagobertus Francorum Rex urbes circumiēs jus ipse dicebat, orbos liberos, viduas tenuiores, egentes à potentiorum vi asseribat; (*P. Æm. I. hist. Franc.*) & Alfōsus Calabriæ Dux in hunc finē supra portam palatii (locū hodieq; monstrant advenis Neapolitani) ex ere Campano nolam suspēdi jussit; quā qui pulsasset, illicò vel ad Regē admittebatur, vel ad illum, qui ab Rege ad audiendū mittebatur. Veneti quoq; certis temporibus quosdā Quæ-
sito-

sitorū titulo in provincias sibi subje-
ctas cum vitæ necisq; potestate mittere
solent, qui in ambitionē & avaritiā ma-
gistratuum animadvertant, & à poten-
tioribus oppressos sublevent. (*Mauroc.*
18. hist. Vē.) Sed hic cavēdū est, ne quod
supra de Palladio diximus, quæsitores in
eodem crimine hæreant cū his in quos
mittuntur. Porro delatores sistendi sūt,
illisq; imponendū, ut fidem faciant ejus
rei quā detulerunt. Idq; etiam rescripto
Divi Pii, & aliorum principū contine-
tur, ut Irenarchæ (quorum munus erat
apprehendere reos, interrogare, cum
elogio ad magistratus mittere) dictorū
fidem faciant. (*Marcian. 1c. in l. 6. de cu-
stod. & exhib. reor.*) Et quando eo ventū
est, ut delatores necessarium regni in-
strumentum putentur; consultum erit
plures ignotos inter se ignorātesq; ha-
beantur: qui si consentiētia retulerint,
credi iis fortasse poterit; diversa dicen-
tibus fides abnuenda, & ulterius in-
quirendum si quo modo veritas in lu-

cem produci possit. Jucundum quoque
scitu & memoratu dignum est; disposi-
torum eqvorum originem ab hoc fine
esse, ut, cum latè regnari cœptum esset,
reges quid in dissitis quoque regionibus
rerum gereretur, cognoscerent. Et
fallit Orlandus Malavolta in historia
Senensi, ab Augusto cursorios eqvos
disponi cœpisse scribens. Esse enim id
institutum multò antiquius ex Xeno-
phonte constat, qui id Cyro attribuit
(lib. 8. *Cyrop*) Locum, quia notabilis est,
„ adscribam. Etiam aliud quiddā excogi-
„ tasse Cyrum cognovimus, quod ad im-
„ perii magnitudinem pertinet, unde ce-
„ leriter intelligeret, qui rerum etiam
„ longè remotarum status esset. Cum e-
„ nim considerasset, quantum itineris e-
„ quus agitatione diurna conficere viri-
„ bus integris posset; eqvorum stabula
„ parari curavit, & in eis equos constitu-
„ it, cum illis, qui eqvorum curam gere-
„ rent. Ordinavit & quovis loco homi-
„ nem, qui tūc ad recipiendum literas
alla-

allatas, tùm ad tradendum eas aliis idoneus esset, quique defatigatos eqvos & homines exciperet, & recentes submitteret. Atque hoc in itinere ne noctu quidem cessari dicitur, sed nuncio diurno succedere noctunum. Hæc Xenophon: unde *Postarum*, ut vocant, antiquitas constat. Sed & hoc institutum id imperfectionis habet, quòd Princeps non raro mendacibus literis & relationibus decipi potest; & hoc tantum scire cogitur, quod aliis placet. Idem Malavolta, quem dixi, in eo quoque errat, quod cum post Augusti tempora usus dispositorum eqvorum evanuisset, reductum esse à Vicecomitibus Mediolanensibus scribit. Legimus enim Justiniano Codici insertas Constantini, Juliani, Valentiniani, Valentis, Theodosii, Arcadii, Honorii Leonis, & Anastasii de cursu publico constitutiones, & ipse Justinianus eqvorum publicorum in Novella constitutione tricesima mentionem facit.

Si-

Sinistros de Tiberio sermones habuisse.]
v. s. ad verb. uxori Martiæ aperuisse.

Quo loco censebis Cæsar? si primo, habeo, quod sequar; si post omnes, vereor ne imprudens dissentiam.] Erat moris in Rep. Romana, dicendæ in Senatu sententiæ initium fieri â Cōf. & iis, qui alios dignitate anteibant, (*Gell. lib. 14. c. 7.*) Quod postea mutatum est, & primi rogati sententiam, qui nondum gesserant magistratus. (*Dio. 39.*) ne puta primi illi vel cæteris dicendi libertatem subtraherent, vel auctoritate non iudicio sequentes in suas partes traducerent. Inde Tacitus: (*3. annal.*) *Exemit (Tiberius) etiam Drusum consulem designatum dicenda primo loco sententiæ: quod alii civile rebantur, ne cæteris adfentiendi necessitas fieret &c.*

Iudiciis adsidebat in cornu tribunalis &c.] Ius ipsi dixisse memorantur Augustus Cæsar. (*Suet. in Aug. c. 33.*) Tiberius (*Suet. & Tac. hic.*) Claudius (*Suet. in Claud. 14.*) Vespasianus. (*Suet. in Vesp.*

Vesp. 21.) Trajanus. (*Plin. in Paneg.*) alii: sed temporum nostrorum arrogantia simplicem istam veterum facilitatē respuit: & inde scholastica politica quaestionem hodiē fecit politicam; an princeps ipse pro tribunali jus dicere debeat? Mihi non vacat istam litem examinare. Dignum sanē majestate Principis videtur, curare, ut judices, & magistratus sanctē & innoxie imposito sibi munere fungantur. Ipsum autem ordinario tribunali praesidere, quod memorati fecere Principes, & alienum à dignitate regia foret; & curam Principis publicæ res, non privatorum litigia exposcunt. Sint igitur magistratus, sint judices, ad quos privati confugiant; sed sint quoque principes, qui judices judicent.

Eroganda per honesta pecunia cupiens, quam virtutem diu retinuit, cum ceteras exueret] Sublevare miseros, donare benemeritis, mediocribus stipendiis excellentissimum quemque in sua arte cole-

colere, quin egregium sit, & Principi
 necessarium, nullus opinor, dubitat; ve-
 rum regiâ largitione, & magnificentiâ
 exinanito ærario, cum illud maximè re-
 pentino ingruente bello, aliave neces-
 sitate extraordinariis & violentis tri-
 butorum exactionibus replendum est;
 ut paucorum benevolentia, ita omni-
 um odium acquiritur. Unde conside-
 ranti mihi Principum publicas opes &
 vicissim pace belloque necessitates at-
 que onera, non absurda videtur Mac-
 chiavelli sententia parsimoniam libe-
 ralitati præferentis; liberalitati, inquam,
 quæ celebre Principis nomen faciat,
 quæque privatam benignitatem longè
 transcendat. Egentibus enim subveni-
 re, merita compensare, virtutibus & ar-
 tibus stipendia constituere, non tam
 liberalis donatio, quàm obligationis
 dissolutio est. Sed corruptio hominum
 iudicio fit, ut in Principibus non inno-
 cens prodigalitas magis laudetur, quàm
 parsimonia etiam cùm alieni abstinen-
 tia

tia conjuncta. Parsimoniā pro avaritia appellant; & luxuria specie liberalitatis imponit. (*Tac. I. hist.*) Ferdinandus Catholicus nimiae tenacitatis arguebatur: sed calumniam mors Regis detexit: cum post quadraginta duos imperii annos nullos cumulasse thesauros deprehensus esset. (*Guicc. 12. hist.*) Verum, ut dixi, melius est, comparcere, quod necessariis temporibus expendas; quàm expendere, quod novā injuriā a subjectis populis repetas. Nec mihi hic aliquis Cæsaris aut Alexandri munificentiam objiciat. Ille enim regni parandi gratia & pro dominatione pecuniæ parcere noluit; hic verò, cum perpetuis bellis insudaret, ex præda & hostilibus spoliis victoriarum socios ditare & poterat & debebat. Alia nunc temporum ratio est.

Cupidine severitatis in his etiam, quæ ritè faceret, acerbis.] v. quæ nos ad lib. 6. verb. mirumque morem &c.

*Ad ostentandam savitiam, movenda sçq;
populi*

populi offensiones conc. ssam filio materiem]
quò scil. ipse amabilior fieret, & acceptior populo: Certè idem Tiberius Caligulam sibi successurum eâ maximè causâ gavisus est, quòd ab illo sua scelera superatū iri speraret. (*Dio. Cass. 8.*)

Centesimam rerum venalium &c] pudet referre, quam excreverint, in Italia maximè, venalibus rebus imposita vectigalia. Hereditates quoque & dotēs & legata, quorum olim vicesima pendebatur, non delibantur hodiè, sed magnam illorum partem fiscus rapit.

Militare ararium eo subsidio niti.]

C. Cæsar duas res esse prædicabat, quibus & quæreretur, & conservaretur, & augeretur potentia, milites ac pecuniam. (*Dio. Cass. 42.*) Impossibile est, sine bello tutos nos semper esse, & militem sine stipendio alere. (*Dio. 52.*) Neque enim quies gentium sine armis, neque arma sine stipendiis, neque stipendia sine tributis haberi queunt. (*Tac. 9. hist.*)

Optimè

Optimè rebus mortalium consuluisse naturam, quæ sua ora fluminibus, suos cursus; utque originem, ita fines ded. rit.]
 Fluminum derivationes vix unquam benè successisse perpetuâ observatione notatum est, nec enim sibi vim inferri natura patitur.

Id quoque morum Tiberii fuit, continuare imperia &c.] Sit ne Principi aut Rebus pub. utilius imperia & magistratus continuare, deque modis omnibus, quibus eminentium virorum spiritus atque potentia deprimuntur, alibi latissimè disseram.

**Finis Notarum politicarum
 in librum primum Annalium**

C. CORNELII TACITI.

CHRI.

188 NOTÆ POLITICÆ
CHRISTOPHORI
FORSTNERI AUSTRII
NOTÆ

POLITICÆ.

Ad Librum II Annalium.

C. CORNELII TACITI.

Q*Vipetium Româ acceptumque Regem, quamvis gentis Arfacidarum, ut externum aspernabantur] Alienigenam dominum nemo patitur lubens; (Curt.lib.7.) & placidius est, suis parere. Et vix nulla ratio est, quæ gloriosis factis nomen suum extenderit, nisi ductu atque auspicio suorum Principum, suorumque ductorum. Assyrios, Persas, Macedonas, Romanos, Francos, Vandalos, Gothos vide ceterosque Martios populos: ex suo sanguine Principes, atque duces habuerunt. Israëlitas Maximus Deus ex suis fratribus regem legere iussit; & lege regiâ Germanorum cautum est, ne nisi Germanus ad*

Im-

Imperium vocetur, Exterorum imperia
 raro diuturna fuere. Omitto vetera.
 Angli Franciæ possessione, quam olim
 tenuerant, ominò exciderunt. Franci
 Siciliam, Neapolitanum regnum, & in-
 subriam sui olim dominiî provincias
 nec ipsi diu retinuerunt; adeò ut præter
 majorum suorum sepulchra nihil ibi
 reliquum habeant. Denique certum
 mihi est, ubi vel subjectorum ferocia,
 vel æmulorum maligna cura imminet,
 nunquam extero securam fore regni
 possessionem. Certè Hispaniarum Rex
 Italicarum provinciarum dominium
 non nisi plurimâ arte politicâ, immensâ
 pecuniæ vi, & perpetuis militum & ca-
 stellorum præsidiis servat; nec id effice-
 re potest, quo minùs modo à Gallis,
 perpetuis Hispanicæ potentiae æmulis,
 mdo ab ipsis Italicis Principibus, vel a-
 pertâ vi, vel arcanis artibus laceffatur.
 Præterea, diversi sint populorum mo-
 res, diversa ingenia, diversæ leges; qui-
 dam etiam *nec totam libertatem, nec to-*
tam

tam servitutem pati possint; (Tac. I. hist.) nec nisi pactionibus adstrictum Principem recipere soleant; peregrinus Princeps, quâ apud suos gubernandi ratione usus fuerat, etiam hîc uti vellet; quam tamen subjecti ferre vel nequunt, nel dedignantur. Inde murmura, querelæ, & ad privilegia atq; immunitates provocatio; denique ubi nō subvenitur, *remedium ex bello*. Certè armorum contra Principem suum sumptorum non aliam magis fuisse causam Batavi asserunt, quam quod Rex ea ratione, quam in Hispania usurpabat, etiam in Belgio regendo contra privilegia & immunitates populorum uti vellet.) *Hieron. (Conestag. I. de bell. Bel.)* Ita Frisii, cum Saxonibus tûm temporis Dominis suis rebellassent, causam agere jussi, armorum tumultuumq; non aliam fuisse causam responderunt, quam in novello dominatu præter jus & pacti fidem postulata, perque vim & contumeliam exacta tributa; quæque in principatu,

cipatu, ac populo imperiis sueto ferri
 non possent, ea populo libero & contu-
 meliarum impatienti irrogata. (*Vbbo*
Emm. xxxix. hist. Fris.) quapropter ego
 Trajano Boccalino assentior, affirman-
 ti, unam esse rationem feliciter impe-
 randi populis, qui Optimatum electio-
 ne, & sub certis conditionibus in alte-
 rius Principis ditionem veniūt, si nimi-
 rū à pactis illis Princeps ne latum quidē
 unguem discedat, neq; ex legibus, mo-
 ribus, & institutis subditorum quic-
 quam immutet, aut imminuat; indeq; po-
 liticarum artium & arcanorum magi-
 stros, qui natura & institutione liberam
 & nullo vinculo ligatam dominationē
 amant, parū huic Principatui aptos esse
 prudentes ēdiū cōductores uti cānacu-
 lis qualia sunt. Princeps ergo talis vetu-
 stam omnibus in novo regno faciē re-
 linquere debet, veteres servare leges &
 magistratus atq; officarios; nec privi-
 legiorum imunitatumq; ullā tentet vel
 abrogationem, vel imminutionem. En,
 jure

jure civili quoque Proconsul ejusque legatus jubentur eam provinciæ partem ingredi, per quam ingredi moris est, magni enim facere provinciales, servari sibi consuetudinem istam, & huiusmodi prærogativas. (*Vlpian. in l. 4. de offic procons.*) Et relatum est de Prisco quodam, qui cum a Mauritio Imperatore Dux exercitui contra Hunnos præpositus esset, & sub advētum in castra, neglecto prisco more nec equo descenderet, nec militem comiter saluaret, ita gravem totius exercitus offensam incurrit, ut lapidibus alioque telorum genere impeditus vix salvus evaserit. (*Theophylact. Simocat. 3. hist.*) Contra prudentiæ laudem meruit amplissimam Philippus II. Hispaniarum Rex, quod cum scripturam, qua delictorum gratiam Lusitanis recenter subactis faciebat, publicaret, Lusitanicâ linguâ illam confici jussit, solos Lusitaniæ Regum titulos usurparit, cæteris omissis: deniq; cum soleret subscribere diplomatis
hac

hæc verba ; *Ego Rex* ; hic tantum scripserit ; *Rex* cum quinque punctis, :: : quæ Lusitani vulnera appellant : prorsus ad morem Lusitaniæ Regibus usitatum. (*Conestab. 4. de conjunct. regni Lusit. cum regno Cast.*) Qua animi moderatione si in Belgio quoque usus esset idem Rex, hodieque illas provincias imperio suo teneret : quarum ab alienatio non aliunde processisse videtur , quam ab ambitione Cardinalis Granvellani, introductione novorum Episcoporum decretis inquisitionis Hispanicæ, & peregrinorum ad honores, cum quadam incolarum injuria evectione. Et ut summatim dicam , quod per exemplorum multitudinem eunti prolixè dicendum foret, fuit hæc ferè semper, estque hodiè penè unica civilium armorum causa quòd Principibus persuasum est, immunitates, & prærogativas populis non alio fine concedi , quam pueris plorantibus cerasa, & crepundia : auferenda rursus, cum plorare

desierint. Inde contra leges & mores patrios & privilegia factum ab altera partium altera semper conqueritur. Hicque peregrinos in politica scientia esse illos constat, qui stuprum violenter illatum Lucretiæ causam fuisse putant exigendorum ex Urbe Roma Regū. Occasio fuit, nō causa; quemadmodū id jam ante à N.M.&Boccalino observatum est. Causa mutati status fuit Tarquinii tyrannis, & Senatus auctoritas contra vetera instituta ad unum tracta; deniq; mutata prioribus Regibus usitata Remp. administrandi ratio. Spectabant igitur Romani etiam ante illatū Lucretiæ stuprum ad rebellionē, & occasionibus, si quæ se darent, imminabant: alias utique venaturi, si Lucretiæ pudorem nunquam violasset Tarquinius. Porro eæ, quas diximus, difficultates externi principatus non sunt illis in regnis, quæ dominatui assuetæ integram servitutem nullis adstrictā modis aut legibus ferre queunt. Ut enim difficilis est

est horum acquisitio, ita facilis conservatio : Mirum sanè parùm intelligenti rerùm civilium videri posset, quid causæ sit, quòd defunctò Alexandrò in medio rerum suarum cursu nullò tot regnorum herede certò relicto, nulli in tot populis numero infinitis, spaciis imensis, immanitate barbaris, motus extiterint, nisi quos ducum Alexandri ambitio excitavit. Sed si quis consideravit gētes illas à Persicis Regibus dominico quodam imperio, & à satrapis qui à regibus in provincias precario jure mittebātur, rectos esse, mirari desinet. Nec enim libertatem sibi eripi indignantur, qui sēper servierunt. Eadē Turcici regni conditio est; quæ situ difficilis: ubi indeptus fueris, facilis retineri. Ut enim in ejusmodi despótico principatu non sunt sperandæ dissensiones illæ civiles, quæ externo principi aditū in illud facere possint: nec muneribus, promissive corrumpi queunt satrapæ, quippe mancipia sui Regis; aut, si maximè cor-

ruptionibus paterent, non possent in suas partes pertrahere populos, solam Regis & domini majestatem reverentes; Ita cui contingeret pellere Turcas in retinendo illo imperio parvo labore & ingenio opus haberet. Nam & populi servire assueverunt: & Satraparum sine populorum sequela vani essent conatus.

Cæterum unum adhuc superest, quod objici potest illi, quod supra dixi, neminem libenter externos dominos pati. Nam Sarmatarum gens reges sibi externos præficere jam dudum solita est. Inde Jagellones ex Lituaniâ, & ex Transilvaniâ Batoreos, & postremo Serenissimum Sigismundum Regem suum ex Suecia vocavit. Verum hujus moris fortassis singulares habent rationes: quarum sanè non minima est, ut, cum in nobilitate æmulationes sint vehementissime, nolintque quemquam supra cæterorum conditionem evehi, æqualitas quædam conservetur. Ita ma-
lunt

hant sibi alienum jugum accedere, quã civi & olim æquali obedire; tanquam parendi vilitas augeſcat, ſi te notis ſubmiſeris, & ſublevetur peregrinitate dominorum. Præterea ea Procerum prudentia eſt, ut mediocris potentiæ & exiguarum virium dynaſtas, vel omnino eos principes ſibi adſciſcant, quos vel animi moderatione cognitos, vel procul diſſitos timere non debeant. Hæ ſunt, quibus ſingulare, & à cæteris nationibus abhorrens Polonorum inſtitutum nititur, rationes; quæ ſi cui ſatisfaciant, ego ſanè Sarmaticam iſtam politicam aliter non defendam.

Nonnem vetuſtiſſimum liberorum] de primogenitura juris publici conſulti ſcriptitant; quorum commentationes videbis.

Latantes, ut fermè ad nova imperia.] Nota, vulgi morem, latari ad nova imperia. Quippe ſemper nova neſcio qua beatitudinis ſpecie ſe nobis commendare ſolent, & homines à novo princi-

pe largitiones, privilegia, immunitates, deniq; aurocos montes expectant. Mediolanenses à Ludovico XII. Galliarum rege defecerunt: eâ causâ, qvòd se liberalitatis, quam sibi in rege enormem imaginati erant, frustrabantur, (*Guc. ciard. 4. hist.*) C. Cæsar, qvòd ne qvè opera consummare, qvæ instituerat, neqve populi expectationem, quam de adventu suo fecerat, privatis opibus explere posset, turbare omnia ac permiscere civili bello coactus est. (*Suet. in Jul. c. 40.*) Eandem etiâ inter alias causam fuisse motuum bellicorum superiori seculo in Belgio cœptorum scribit Hieronymus Conestagius in prudentissima (qvicqvìd alii judicent) de bello Belgico historia: (*lib. 1.*) Et idem in historia de conjunctione Lusitaniæ cum regno Castulonensi (*lib. 8.*) refert, victis Lusitanis etsi omnium ratio habita fuerit, qvòrum aliquod in Regem meritum eminebat, & aliis dignitates, aliis annuæ pensiones, aliis aulica officia col-

collata fuerint; tamen tantā fuisse præmia exposcentium, ob aliquam notabilē operam multitudinem, ut non universis regni tributis iis satis fieri potuerit.

Accendebat dedignantes & ipse diversus à majorum institutis, raro venatu, segni equorum cura, quotiens per urbes incederet lectica gestamine, fastuque erga patrias epulas: irridebantur & Græci comites, ac vilissima utensilium annulo clausa. Sed prompti aditus; obvia comitas, ignota Parthis virtutes, nova vitia &c.] Magnæ prudentiæ est, ita mores suos componere, ut nec severitas amorem, nec facilitas auctoritatem minuat. Tractemus igitur hic, quando locus nos invitat, quibus modis auctoritatem princeps sibi conciliare possit. Eorum igitur, quæ verendum populis Regem faciunt, duo præcipua sunt, Virtus, & externus morum decor: & virtus iterum, vel aliena, vel sua. Principis propriæ virtutes sunt, sagacitas in pernoscentis civium animis, peritia bellicarum arti-

um, pacis tuendæ solertia, adversus subitos casus præparatio, dexteritas obsecundandi temporibus, maturitas in deliberando, celeritas in exsequendo, constantia in agendo, in promissis veritas, in cœptis magnus animus, in factis inconcussum animi robur, in divinis exacta sacrorum & religionis cura, denique in universæ vitæ curriculo morum æqualitas & constantia. Hæ virtutes munimenta sunt magnitudinis regiae: hæ populos veneratione implēt; hæ principem tutum sanctumque præstant. Has Princeps captatis locorum & temporum occasionibus ostentare debet, exemplo Scipionis; qui non veris modò virtutibus mirabilis, sed arte quoque ab juvenia in ostentationem earum fuit compositus (*Liv. 26.*) Si verò earum splendor vitiorum quorundam fuligine obfuscetur, celare nævos, nec publicè peccando scelerum licentiam facere Princeps debet.

Alienam virtutem intelligo illorum,
qui

qui circa Principem sunt, quique ab illo vel publicis vel palatinis officiis præficiuntur, vel denique ejus stipendio vivunt. (*v. Io. Barolai. 1. Argen.*) Multum quippe refert, qui cuique adhibeantur negotio; & ex horum conditione dominorum fama est vel excelsa, vel in deterius. Quare quicquid præclarum est in regno, quicquid extra regnum, in regiam velut in cœlum stellæ, coëminatur. Domitandis alius equis, alius pugilatu sit nobilis: ille ædium mollandarum celebretur peritiâ, aut derivandis in simulacra fontium aquis; vel si qua ars alia suo aut seculi genio valet. Si qui sunt duces, qui militarem impetum ratione compositum habent, aut formâ proprium, si alicubi latent raræ eruditorum faces, quæ vel publicæ prudentiæ aptæ, vel solis libris natæ apud præsentis & posteros ex ira vel favore dividere mortalibus famam possunt: statim emanant, etiam quanti seipso vendere volent, si viliùs fortè non possint.

sint. Ipsa stipendiorum magnificentia commendabit ministrum, & gloriam possidentis. Finge ego, artificii, literis, armisque præcipuos convenisse ad unū Principem; quis deinde toto orbe de regia illa sermo? quis eam ignorabit? principi ipsi quanta operis merces? ut excedet mortalium sortem? Ut vivus & sospes multò certius, quàm per odores & aquilam erumpentem ex funere se sentiet consecratum? Nec est, quod supervacuâ sollicitudine defuturos ex ærario sumptus vereamur. Parciùs aucupium procuretur, stabula tanquam in Sybaritano exercitu saltatoriis eqvis (*v. Angel. Politian. 15. Miscell.*) ne ferveant; ne reparetur jactura ingenti pecunia, si quem de venaticis canibus aper percusserit; ne Andronici Imperatoris exemplo (*Nicephor. Gregor. IX. Phranzes Protoprest. 1.*) canes ampliùs mille quadringenti, accipitres mille, & qui hos current, homines totidem alantur, ne tantum auri in tot vilissimos homines, qui im-

implere regum domos solent, profundatur: removeantur adulatores, stulti, moriones, nani naturæ monstra, fruges tantum nata consumere: in arctiorem numerum; & ad duorum, triumve amanuensium laborem reducantur vana nomina & munia illorum, qui à memoria, à scriptiōibus, à secretis dicuntur. Quod si fiat, semper supererunt pecuniæ, opes publicæ, thesauri qui Principum majestati famulentur.

De gestuum externorum majestate & gravitate, cæteroque corporis cultu, vitæque instituto nihil certi tradi potest. Ignotæ enim virtutes pro vitiis accipiuntur. Et Vononis exemplo monemur, in externis istis non esse *diversi à majorum institutis*. Generaliter tamen monendi sunt Principes, sermone utantur paucorum verborum, incessu tardo, veste gravi. Recessus etiam & rarus in publico cōspectus multis placet. Quippe cōtinuus aspectus minus verēdos magnos homines ipsa satietate facit

(*Liv. 30.*) & *majestati major ex longinquo reverentia est: (Tacit. I. Annal.)* & omne ignotum vulgò habet aliquid sacri atque magnifici. Inde Assyrii reges perpetuâ solitudine majestatem venabantur; & olim apud Germanos Velledam, fatidicam regiâ potestate virginem, coram adire alloqui que omnibus negatum. Ipsa editâ in turri: delectus è propinquis consulta. responsaque ut internuncius numinis portabat. (*Tac. 4. hist.*) Contrâ nimîâ popularitate peccasse memorantur Iulianus Imperator (*Ammian. Marcell. 25.*) & Henricus III. Gallia Rex (*Thuan. 66.*) Omnino autem egregiè majestatem humanissimis moribus, sed qui non temerarent tantum fastigium, temperavit Fridericus Dania Rex. Sæpiùs amicos, quasi sepositâ Regis personâ ad sales & jocos, & in quæ liberior animus ruit, provocabat; monens, lascivirent secum, & jucundè ineptirent, dum Rex abeslet. Postquam satis lusum fuerat, resumptâ regiâ.

regiâ gravitate, Heus, amici, inquit, mittamus nugas: rex enim rediit. Non igitur majestas humanitatem excludit. Illa populos in cultum suorum regum, hæc in amorem & benevolentiam advertit. Solet enim morum facilitas, inquit Nicephorus Gregoras (6. *hist.*) in altiore dignitatis gradu facile omnium animos sibi reddere obnoxios: quemadmodum veris amœnitas & flosculorum suavitas omnium oculos in se vertit. Et hoc Indorum sapientum effatum est; principem, quò sublimior est, eo humaniorem si se inferioribus præbeat, carissimum omnibus futurum. Stultus est auceps, qui tubarum clangore aut tympanorum strepitu volucres in retia pellicere sperat. Quare prudenter quidam judicare videntur (*Trajan. Bocal.*) Hispanos, si ingenii acumini, fortitudi, avaritiæ & ambitioni humanitatem & morum facilitatem sociare scient, posse non vanè orbis terræ dominatum sperare, quem ipsis impossibi-

lem

lem reddat nullum ferens, & à nullo ferenda illorum superbia & fastus.

Specie amicitia inlectum] v. quæ scripsi s. ad lib. i. ad verba; *Lepidum specie amicitia &c.*

Caterum Tiberio haut ingratum accidit, turbari res Orientis, ut ea specie Germanicum suæ legionibus abstraheret, novisque provinciis, impositum dolo simul & casibus obiectaret.] Hinc inde Cornelius noster modos & remedia docet, quibus & mali Principes nimios privatorum spiritus, & formidolosam sibi vim cohibuerunt, fregeruntque. Ego illo labore semel defungi satius duco. Igitur eminentes viri, & ultra privatorum conditionem potentiâ, divitiis (tyrannis virtus quoque metuitur) & opibus pollentes, non absque causa & Principibus, & liberis, suisque legibus viventibus Rebus publicis metuendi habentur. Ea enim est magnorum, cætera summis virtutibus excellentium hominum natura, idque ingenium, ut cupidita-

ditatibus suis, & ambitioni maximè,
 quæ sapientibus quoque novissima ex-
 uitur, in modum statuere vix unquam sci-
 ant, & ideò alienâ debeant inhiberi po-
 testate, qui excefferunt suam. Themis-
 tocles ad imperandum natum se præ-
 dicabat; (*Plutar. in Themist.*) & Jasonis
 dictum refertur, miserum se vocantis,
 quòd non regnet; (*Arist. 3. polit. 3.*) &
 Alcibiades in concione populi Athe-
 nienſis, non esse iniquum, dixit, si quis
 magno animo præditus cæteris æquari
 nolit. (*Thucid. lib. 6.*) Denique Historiæ
 Florentinæ scriptor non veretur dice-
 re, esse in singulis Rebus publicis fa-
 milias fatales, quæ earum exitio nascan-
 tur. Nimirum nemo est, qui, etsi non
 verbis, tamen apud animum suum non
 probet C. Cæsaris dictum;

*Nam si violandum est jus, imperii gra-
 tia*

*Violandum: aliis rebus pietatem co-
 las.*

Sæpè est audita Alexandri Magni
 VOX,

vox Antipatrum Macedoniæ à se præpositum, dum ipse in Asia bellum gereret, regium affectare fastigium: majoremque esse præfecti opibus, ac titulo Spartanæ victoriæ inflatum omnia à se duas asserentem sibi. (*Q Curt. 10.*) In Repub. Romana, unde omnium rerum magnarum exempla meritò petuntur, quid factiones, & in medio foro primum armorum civilium tentamenta, mox introduxit aperta inter cives bella & antiqui moris corruptionem, & denique libertatem evertit, nisi paucorum nimia potentia? qui cùm continuatis imperiis populi inconsultum favorem acquisivissent, tandem illo in ipsum patriæ exitium usi sunt. Hinc neque Cæsar superiorem, neque Pompejus parem ferre potuisse dicitur. De divitiis immensis privatorum quæ regis opibus pares aut superiores erant, quibus exercitus suos faciebant, & plebem donis, ludis, spectaculis sibi devinciebant, incredibilia narrantur. Quid enim? putemus.

temus civili modestiâ vivere potuisse, qui plura flumina possidebant, in suo orientia, in suo cadentia? (*Sen. de tranq. an. 2.*) quorum è numero erant, qui, ut Athenæus (*6. dipnosoph.*) affirmat, decem aut viginti millia servorum habebant? ab unius è plebe hominis opibus de cæteris conjici potest. Is erat C. Cæcilius Claudius Isidorus, de quo hæc C. Plinii (*lib. 33. c. x. hist. nat.*) verba adscribere lubet. C. Asinio Gallo, C. Marcio Censorino Coss. C. Cæcilius Claudius Isidorus testamento suo edixit: quamvis multa bello civili perdidisset, tamen relinquere servorum quatuor millia, centum, sedecim; juga bouum tria millia, sexcenta? reliqui pecoris ducenta, quinquaginta millia: in numerato. H. S. sexcenties: quæ summa secundum Lipsii calculum facit millies, quingenties mille Philippicos; hoc est, ut nunc loquimur, unum millionem cum medio. Porro à civili modestia omninò alienum erat, integras provincias, clientelæ jure obnoxias habere.

bere. Quomodo Sicilia Ciceronem patronum habuit, (*Cic. 14. ad Attic.*) Bœronia Antonios, (*Sueton. in August. 16.*) Sparta Claudios, (*Suet. in Tib. 6.*) alii alios. Sed erit alibi locus dicendi plura de Romanæ Reip. vitiis. Nunc ad alia pergimus. Michaël Palæologus; adeptus publicæ pecuniæ tractandæ facultatem, cùm eâ in milites, & plebem divisâ omnibus se gratiosum fecisset, sublato vero herede imperium Constantinopolitanû ad se traxit (*Niceph. Gregor. 3 hist. Georg. Phranzes Protoprest. 1. hist.*) Ultimi ex Meruvæi familia Francorum Regis remissione curarum & ignavis voluptatibus felicitatem metiebantur; omni vi dominationis in Magistros equitum translata. Unde eò ventum est, ut si reges tantæ potentix frænum injicere in animum induxissent, jam non inhibere potuissent coalitas vetustate, atque ideo velut legitimas vires. Et Pipinus sibi suisque tantum opum atque virium circum-

cum dedit, ut posteris, usque ad Pipinum alterum præter nomen nihil ad regnum defuerit. (P. *Æmil. I. 2. de reb. gest. Franc.*) Henricus II. Angliæ Rex post redactam in potestatem suam Hiberniam, illi regno Hugonem quendam cum summo imperio præfecit; quæ ille potestate elatus etiam ipsi Regi obedientiam exhibere contempsit: & majora ausus fuisset, nisi in tempore à famulo, jubente, certe sciente Rege sublatus fuisset; quænam admodum scribit in Historia de rebus Anglicis sui temporis Gvilielmus Neubrigensis; (*lib. 3.*) qui idem alibi de fratre Richardi Regis inquit: *indulta Ioanni tetrarchia fecit eum ambire monarchiam.* Medicæorum familia magnitudinis suæ fundamenta jecit incredibilibus divitiis, quas Cosmus senior collegerat; inde Laurentii virtute & prudentiâ tantoperè crevit, ut posteris, in eam majestatem, quam hodiè videmus, oppressa libertate, aut licentiâ verius patriæ, adoleverint. (v. *Clin. lib.*

lib. 1. de vita Cosm.) Vidit & recens huius rei exemplum superior ætas in Scirifiis, qui nunc in Africa rerum potiuntur. Cum enim Scirifius Hascenes cum filiis, religionis Mahumetanæ in remotioribus provinciis docendæ causâ à Rege Fessano tympanum & vexillum, & aliquot equites impetrasset, quibus cum circumire, & populos, officii sui admonere posset: ab his initiis Regi non formidandus modo fuit, sed & eum regno, quod posterî ejus hodieque tenent, exiit. (*Thuan. 7.*) Gallici denique regni nuperæ turbæ, quas meminisse non indigenis modo, sed externis quoque animus horret, prudentum judicio ab nimis procerum opibus cœperunt. Et jam olim Ludovicus XII. Rex dicebat, potentum depressione suam securitatem firmari (*Guic. 4. Histor.*)

Quid ergò remediî est in hujus farinae homines, & ut Tacitus (*1. Annal*) loquitur, *plus quàm civilia agitantes?* Ut quod

quod sentio, dicam, difficillimum esse reor, Rerumpub. conversiones quæ ab ambitione quorundam accidere solent, ullâ prudentiâ, ullisve consiliis præcavere. Etenim principia & fundamenta principatus, dum jaciuntur, difficillimè animadverti possunt: cum turbidi homines & rerum novarum appetentes primùm sibi clientelas comparare, & beneficiis, liberalitate atque comitate alios sui similes, quosdam incautos & rerum nescios devincire soleant. Quæ res quia quandam habent virtutis speciem, occulunt malignitatem suam, nec sine iniquitatis cujusdam opinione coerceri possunt. Si verò adustum sit malum, & suis viribus subsistat, vix est, ut remedia non sint ipso morbo periculosiora: ut inde Hetruscus politicus forsitan non imprudenter moneat, ubi malum aliquod timendum Reip. tanto perè auctum fuerit, ut in difficili sint remedia, satius esse ferre aliquandiu, & imminere occasionibus, quàm intempestiva

peſtiva violentiâ incaffum ſe oppone-
 re. Non placent, qui in futuros morbos
 firmo corpori, medicamenta infun-
 dunt, ſolicitantque ſopitas ægri-
 tudinis cauſas, nec ullo tempore pejus quam
 inter ejuſmodi luctam ſuccenſas. Quot
 mala, quot funera vidimus hominum
 per ejuſmodi medicamina incitantium
 reſides, & velut oblitos nocere humo-
 res? Atque illis ſimiles ſunt, qui placidis
 rebus quærunt in futuras tempeſtates
 formidoloſa remedia, quæq; ambiguo
 exitu poſſunt rectam Reip. valetudi-
 nem tam perdere quàm ſervare. Cres-
 cente Romæ Urbis potentia, vicini po-
 puli, qui naſcens malum in herba op-
 primere debuiffent, ſerò nimis errorem
 agnoſcentes, foedus inter ſeſe pro li-
 bertate contra Romanos icere, quo fa-
 cto non modò non emendarunt prio-
 rem errorem, ſed altero addito Roma-
 nis, quorum amicitiam pacis artibus ſi-
 bi conciliare poterant, in ſe concitatis,
 malum repræſentarunt, quod fortaſſe
 lon-

longè adhuc aberat. Cùm M. Antonius
 Triumvir, hostis à Senatu judicatus,
 ingentibus copiis Cæsarem quondam
 secutis formidabilis esset: suavit Cicero,
 ut Octavius cum novo exercitu adver-
 sus Antonium mitteretur. Etenim
 fore, ut audito Octavii, Cæsaris ex
 sorore N. nomine confestim sint ad e-
 um legiones transiturae. Prudens sa-
 nè consilium! sed quod Antonius alio
 consilio elusit. Cognito enim periculo,
 Octavium in suas partes pertraxit: ii-
 que ambo conjunctis armis & viribus
 Remp. oppresserunt. Cosmus Medicæ-
 us superior tam potens in Rep. Floren-
 tina erat, ut & proditiōis species vide-
 retur, nō coercito eo Reip. prospicere,
 & periculosum, quietū adhuc irritare.
 Erat tū insignis prudentiæ fama Ni-
 colaus Uzanus, qui, donec ipse vixit,
 nunquā durius aliquid in Cosmum de-
 cerni passus est: quod prævideret, si
 quid tale cōmitteretur, ruituram Reip.
 libertatem. Eo vitâ functo, discesse-
 runt

runt reliqui ab illius monito, & Consilium Florentiâ ejecerunt; qui paulò post à factione sua revocatus, Florentiâ principatum invasit: quò non pervenisset, nisi suorum civium injuriis eò provectus fuisset. Idem in C. Cæsare observare licet, qui primùm Pompeji ipsius favore adjutus eam sibi potentiam acquisivit, quæ civitati Romanæ postmodum terrori fuit quæque ad minuendam hanc potentiam Pompejus serò nimis inutili curâ futuri movit, & Pompejum & libertatem Romanam funus fecerunt. Fit igitur plerumque ut quorundam imprudentia, & aliorum inertii conniventiâ radices denique agat ambitio, & aut omnibus in medicinam desit animus, aut ea non nisi serò, & inutili cura

cum mala per longas invaluerint moras,
tentetur. Sed sunt tamen à prudentibus notata remedia, quibus tantum malum superari possit; alia quidem, ubi unum, vel paucos opes & potentia supra cætero-

terorum conditionem regio fastigio
 propè nimis admoverunt; alia iterum,
 ubi integri alicujus regni procures, im-
 munitatibus, præfecturis, viribus su-
 perbi in reges propellunt cienteque
 potentiam, quam tamen ipsi condide-
 runt. De prioribus primo loco dicam.
 Quibusdam igitur sæva & crudelia pla-
 cuerunt consilia, qualia Periander ali-
 quis, aut Tarquinius suggeret: ut ni-
 mirum summa papaverum desecentur.
 Hoc modo Alexander Magnus ad Per-
 sicum bellum proficiscens, omnes no-
 vercæ suæ cognatos, quos Philippus in
 excelsiorem dignitatis locum provexe-
 rat, interfecit: sed nec suis, qui apti re-
 gno videbantur, pepercit; ne qua ma-
 teria seditionis procul se agente in Ma-
 cedonia remaneret; & regis stipendi-
 arios conspectioris ingenii ad commi-
 litium secum traxit; segniores ad tute-
 lam regni reliquit. (*Iustin. xi.*) Constan-
 tius Imp. cunctos sanguine & genere se
 cōtingentes stirpitis interemit. (*Amm.*

21.) In historia Constantinopolitana observare licet, claros viros vel oculis privatos, vel in monasteria detrusos. Et tradunt nostri homines cautionem, hostales pravè gratos vulgo, plebis ductores eodem in carcere custodiri, puniri, & sepeliri debere. Quippe plebejorum suppliciis aliorum audaciam terri; insignium hominū cæde accedendi. Unde Albani Ducis imprudentiam arguunt, quòd Egmondanū & Hornanum medio in foro, & in conspectu populi, qui illos tantopere amabat, capite multare sustinuit (*v. Boccalin. cent. 2. c. 44.*) Aliter Veneti, quorū annales tradunt, cū olim inter nautas & populū periculosissima orta esset seditio, quæ neque per lictores neque magistratus sedari potuisset, eam tandem intervētu P. Lauredani, qui anno superiori Imperator bello maritimo fuerat, illicò conquievissē. Verū hanc nautarum obedientiam adeò suspectam Senatui fuisse, ut Lauredanum carceri inclusum mori

coë-

coëgerit Tacitus quoque libro primo, seditiosorum duces cæsos intra tabernaculum ducis obrutos dixit : & infra hoc eodẽ libro scribit Tiberium Pseudo-Agrippæ poenam palam nõ ausum , in secreta palatii parte interfici jussisse, corpusque clam auferri Athenienses adversus opibus, virtute, vel merito eminentes Ostracismo utebantur ; (v. *Carol. Sigon. 2. de Repub. Athen.* cautione profecto minus honesta, & quæ parum ab illa Ephesiorum lege, qua quis frugi esse vetabatur, differre videtur. Sanè Aristoteles (3. *Polit. 9.*) etsi fateatur, inesse Ostracismo qualemqualem justitiam civilem: tutius tamen arbitratur providere ab initio, ne tali medicinâ sit opus. (adde *Paul. Parut. 1. discurs cap. ult.*) Minus enim difficile est, dignitates, opesque quamvis benè meritis denegare, quàm collatas adimere, quippe illi quod nunquam habuerunt, non adeptos se patiētius ferent: hi verò honores quibus assueti sunt, perpetuis machi-

nationibus recuperare tentabunt. Unde, qui civitatibus pulsi sunt, quod maxime superioribus seculis in Italia, cum factionibus omnia scaterent, accidit, semper instrumenta se præbuerunt affigendi patriam suam. Tutius igitur est, impedimenta objicere instrumentis nimiae potentiae, convellere fundamenta, quibus illa nititur, & velut subtractis alimentis ignem ambitiosum extinguere. Illi igitur, cujus privatum modum egressæ sunt divitiæ, dignitates, curationes, legationes conferantur damnosæ, sumptuosæ, & quæ sine rei familiaris dispendio obiri nequeant. Si favore plebis nitatur aliquis, ille derivandus est iisdem aut majoribus beneficiis aut illecebris in ipsum Principem aut Rempublicam. Qui nomen, famam & gloriam habet, arduis & periculosis objici debet expeditionibus, ut, ubi non successerit negotium, & eventus spei non responderit, minuatur auctoritas, quam à rerum gestarum excellen-

lentia meruit. Is, cujus in aula, aliove
 certo loco nimia potentia est; specie
 honori sin longinquas regiones aman-
 dari potest. Si armis fulciatur alicujus
 magnitudo, eum vario prætextu ab ex-
 ercitiis & militia ad honoratissima
 quæque officia, sed quæ potestate o-
 mni careant, in aulam transferendus
 est. Quomodo Constantius Cæsar Ur-
 sicinum in Oriente equitum magistrum
 sibi suspectum ad se venire summo cum
 honore mandavit, ea specie, ut pro re-
 rum tunc urgentium captu disponere-
 tur concordi consilio, quibus virium
 incrementis Parthicarum gentium ar-
 ma minantium consilia frangerentur.
 (*Ammian. Marcell. 15.*) & idem Julia-
 no Cæsari Herulos, Batavos, Petulan-
 tes, Celtas, & cætera auxilia, quasi iis in
 Parthico bello opus haberet, ademit.
 (*Ammian. Marcell. 20*) Mucianus,
 quia propalàm primus Antonius op-
 primi nequibat, multis in Senatu laudi-
 bus cumulatum, secretis promissis o-

neravit, citeriorem, Hispaniam, ostentans, discessu Cluvii Rufi vacuam: simul amicis ejus tribunatus præfecturasque largitus est. Dein, postquam inanem animum spe & cupidine impleverat, vires abolet; dimissa in hyberna legione septimâ, cujus flagrantissimus in Antonium amor. (*Tacit. 4. l. 17.*) Ferdinandus Consalvus, ille qui Magnus Capitaneus vulgò usurpatur, pro Neapolitano regno Regi suo subjecto eam retulit gratiam, ut rex ademptis illi exercitibus & munitis locis, eum in Hispaniam abduxerit, ubi inglorius obiit. (*Guicciard. 4. & 7.*) Et hanc ingratitude, quia necessaria est & securitati publicæ consulit, quodammodo excusatione dignam pronunciant nostri politici. Porro alia cautio est, arcere tumidi spiritus homines ab omni magistratu & imperio; sed curationibus tamen, legationibus, aliisque honoribus admove, quibus honoratiores quidem sint, nihilo tamen valentiores. Ita Bragan-

tiæ Dux, qui nomine uxoris in Lusitaniæ regnum jura sibi quædam competere putabat, post illud regnum à Philippo Hispaniæ Rege subactum, creatus quidem est *Aurei velleris eques*, & inusitatis honoribus affectus; (nam & in templo proximus Regi consistere jussus est) nihil tamen obtinuit, quod vel opes ejus vel potentiam augere potuisset. (*Hieron. Conestag. 8. de bello Lusit.*) Iterum alia cautio est, ut si in magnum virum conferre imperium sit necesse, ipsius praviæ cupiditates collegâ addito coërceantur. Quo consilio: cum Constantius Imp. Gallum Cæsarem ad se evocare vellet, dissuaserunt alii: quippe discedente Cæsare Ursicinum in Oriente perniciosè reliquendum, nullo futuro, qui prohiberet altiora meditantem. (*Ammian. 14.*) Alii, quos inter doctor meus Christophorus Besoldus est, præcipiunt, magnos viros ad uxores ducendas, & liberos suscipiendos adigi, quorû intuitus patrem reddat ami-

cio rem Reipublicæ: & hoc præceptum Henricum IV. Galliæ Regem in Bironio incautè neglexisse. Sed mihi tam nocere posse videtur istud remedium, quàm prodesse. Nam à voto relinquendi opes atque potentiam liberis, ubi honesta non succedunt, facilè ad scelera transitur; & nisi sint post nos, ad quos improbitatis utilitas redeat, non placet incerta & cum periculo, aut brevis denique felicitas Augustus inter alia dominationis arcana etiam hoc habuit, ne cui Senatorum extra Italiam sine suo permisso peregrinari liceret: (*Dio 52.*) eo, puto, sine, ne militum provincialiumve studia ambitiosè conciliarentur. Movet, quòd Gallia Narbonensis & Sicilia ab hac prohibitione exceptæ erant; (*Tacit. 12. Annal.*) quæ fraudibus ob Principis & Urbis viciniam non ita commodæ videbantur. Præcipuè tamen Ægyptum Augustus seposuit, vetitis ingredi Senatoribus; ne fame urgeret Italiam, quisquis eam provinci-

am,

am, clauſtraque terræ ac maris, quamvis levi præſidio aduerſus ingentes exercitus inſediſſet. (*Tacit. hoc lib.*) Unde & Veſpaſianus, quando Ægyptum, clauſtra annonæ obtineret, poſſe Vitellii exercitum egeſtate ſtipendii frumentique ad deditiōem ſubigi, ſperabat. (*Tacit. 3. hiſt.*) Qua etiam ratione inductus Auguſtus, non ex Senatorib., aliquem, ſed ex equeſtri ordine præfecit Ægypto. Ita enim viſum expedire, provinciam aditu difficilem, annonæ fœcundam, ſuperſtitione ac laſciviâ diſcordem ac mobilem, inſciam legum, ignaram magiſtratum, per aliquem ex equeſtri ordine, non Senatorio, retinere. (*Tacit. 1. hiſt.*) Eadem ſolicitudo ante Auguſtum exercuit quoque Alexandrum Magnum, qui in plures præfecturas Ægyptum diſtribuit; miratus naturam & munimenta regionis, & intuitum exiſtimans, unius imperio totum regnum committere. (*Arrian. 3. hiſt.*) Aurelianus quoque Imp. cū Sa-

turnino limitis orientalis ducatum dedisset, sapienter illi mandavit, ne unquam Ægyptum videret. Cogitabat enim Gallorum naturā, (& erat Saturnius natione Gallus) verebaturque ne si perturbedam civitatem vidisset, quo eum natura ducebat, societate quoque hominum duceretur. (*verbo Vopisc. in Saturn.*) Porrò saluberrimum est consilium, maximeque necessarium, omnes magistratus, omniaque imperia potiora facere temporaria, ne in unius manibus diu resideant. (*v. N. M. 3. disc. 24.*) Eo quippe ingenio sunt homines, ut postquam multum temporis in potestate transegerint, patriis moribus haut quaquam sibi vivendum ducant. (*Catulus apud Dion. 36.*) Qui semel imperandi dulcedinem degustarunt; privatam vitam paulo magis plerumque quàm animæ à corpore separationem horrent, & privatae domus angustias, ut crudele patibulum abominantur. Quietem & tranquillitatem regno præferre

ferre paradoxon supra omnem modum odiosum; sententia, quam omnes ore versant, & nemo pectore credit. Accedit, quòd, ut rectorem à Principe accipiunt. provinciæ, hunc illicò venerantur, ei assuescunt, tã constanter hunc esse Præfectum, quàm illum Regem intelligunt. Imo & propius ille civibus incumbit, propius urget affectus; contumaces aut amantes propius damnat, vel colit. Maximè nobilium stirpes adeò ejusmodi provinciarum Rectoribus accedunt, spe, convictu, mansuetudine captæ, ut deinde vel in Regem promissam fidem exerceant. Hæc munera, si parvi temporis fierent, non illis coalesceret inveterata vis; nec cives brevissimo defuncturos imperio præter fas amarent, aut timerent. Et quantumvis angusti temporis honores cupidè commendabit ambitio. Denique Princeps aut Resp. in plures liberalitatē dividere poterūt, vacuis sæpè provinciis, in quas alios atq; alios pro meri-

tis temporibusque sufficiant. Inde Romæ olim lege cautum fuit, ne quis omninò prætor anno, aut Consul bien-
 nio amplius à suo magistratu continuo
 imperaret. (*Dio 43.*) Et Florentiæ o-
 lim lex fuerat, ne Prior Reip. (is sum-
 mum honorem gerebat) intra trienni-
 um, ex quo magistratu abierat, eundem
 petere posset. (*Leonard. Aretin. 4. histor.
 Florent.*) In eâdem urbe cautum ali-
 quando fuit, ne Reipub. Vexillifer (*Gō-
 falonerium* vocabant) in perpetuum
 crearetur; sed annua esset illa dignitas.
 (*Guicciard. xi. histor.*) Cùm Gallus Asi-
 nius censuisset, in quinquennium ma-
 gistratuum comitia habenda; eam sen-
 tentiam altius penetrare, & arcana im-
 perii tentari Tiberius arbitrabatur.
 Nempe superbire homines annuâ de-
 signatione; quid si honorem per quin-
 quennium agitent? (*Tacit. infr. hoc. lib.*)
 Regnum Assyrium ad mille annos ste-
 tit inconcussum, non aliam ob causam,
 quàm quòd militiæ præfecti quotan-
 nis

nis mutarentur. (*M I. art. milii.*) nec aliam ob rationem, post extinctam Cæsarium familiam in Imperio Romano tot bella civilia inter ipsos duces, totq; ducum conspirationes contra Imperatores exortæ sunt, quàm quòd iidem iisdem exercitibus perpetuò præfecti essent. Ad hoc respicit hoc loco Cornelius noster, cum Tiberio non ingratum accidisse scribit, turbari res Orientis; ut eâ specie Germanicum sibi suspectum & invisum suctis legionibus abduceret, novisque provinciis imponeret. Et si verè rationem ponimus, non aliam magis rem libertatem & publicam rem Romanorum invertisse inveniemus, quàm imperii prorogationem. Quid enim aliud Sullas fecit & Marios, quam tot mandata bella, totq; consulatus exiguo intervallo? quid Decemvirorum insaniam aluit, quàm perpetua, contra mores patrios prorogata potestas? Quid Cæsarem tyrannum & patriæ libertatis inuasorem fecit,

cit,quàm perpetua, contra leges dictatura? Deniq; hujus rei domesticum exemplū occurrit in meâ Germaniâ. Regio erat olim sub Imperatoribus armis, opibus, potentiâ ingens; nunc ex quo Optimates cōmissas sibi quōdam provincias in principatus mutaverunt, & beneficia, quæ feuda hodiè dicimus, prima institutione temporaria, & cum persona cui conferebantur, expirantia in sobolē transmiserunt; domino pene tota excidit. Hoc enim modo populorum & gentium mentes, quas vis quædam ingenita ad suorū Principum cultum advertit, ante in unius reverentiam intentæ ad istos vicarios, & mox dominos accesserunt. Hactenus de continuatis imperiis. Postremò consilii quoque pars est, præpollentes, cū delinqvunt, quod ob arrogantiam illorum sæpe fieri solet, severiùs punire; tollere illis aut minuere immunitates, & privilegia, publicare bona, remove ad tempus officiis, & si quæ sunt his similia.

milia. Et hac arte Veneta Resp. ac Hetrurię Magnus Dux ut plurimũ utuntur.

Nunc superest, ut demonstrem, quibus modis non singulorum opes, sed unius Provincię magnatum, qui libertatis quadam imagine elatis Regis quoq; imperia contemnere possunt, potentia contundatur. Sanè nunquam mihi iustum videbitur, Optimates, qui certis legibus parent, & vetusto jure immunitatibus gaudent, absoluto velle imperio subicere. Hoc enim nihil aliud esset, quam ex legitimo principatu formare tyrannidem, (*v. quę dixi ad initium hujus libri.*) Sed fit interdum, ut quidam nunquã sui gradus satis patientes, & iustam quoq; modestiam respuentes, specioso libertatis titulo abusi, & populorum sinceritate corrupta, movere debeant Regũ curas ad inveniendas usurpandasq; cautiones, quibus isti dediscant tumidos & seditiosos spiritus. Et ut his artibus abutantur interdum Principes, quibus jus fasq; ad suum arbitrium exigere

gere mos est; cautionis tamen loco erit, nosse machinationes, quibus subversis juribus & moribus antiquis unus legibus soluta potestas stabilitur. Quô quidem in argumento cûm parasssem dicere non pauca; vidi Joannem Barclaium, amœnissimi ingenii virum, & quem suo merito omnis elegantix compendium mihi vocare videor, ita prudenter, atq; nervosè versatum esse, ut addi nihil possit. Igitur dubitanti mihi, an post tantum Homerum Iliada scribere supersederem aut saltem, ne quid desiderari posset, mea adderem; ea sententia sedit, describere hunc in locum integram Barclaii dissertationem. Veniam, imo laudem merebor, quod quæ meis verbis tam benè, tam eleganter dicere desperabam, alienis, quibus prudentius, elegantiusve nihil dici potest, proponere voluerim. Introducit ergo Cleobulum, regii consilii præsidem, Regi suo ita loquentem: Quamdiu lenitas in virtutibus erit, non

non dicêris ullo vitio impulisse labentem in clades Siciliam. Lenitate, inquam, tuâ, malignitas fatorum in tuas & patriæ clades abusa est. Illa facilitas, & indulgentia in Magnates, illa tua tuorumque majorum incauta in eos profusio prodidit præcipuas imperii vires, aperuitque injuriis despectam dignitatem. Jam quidem perculsi sunt: jam filebunt defessæ factiones. Ast, ubi respirarint, expecta alios fluctus, nisi ventos plusquam Æolico utre tenueris. Pugnant erumpere; & quamdiu nimis poterunt illi, nunquam fatis Reges poteritis. Nec in tyrannidem te adorno. Iphis quoque consules, ô Rex, si efficies, ut timore, aut fastidio culpæ, paulatim inquietos mores dediscant. Tum Meleander: Scio, inquit, ex his nubibus fervere plerasque procellarum. Sed vires eorum hominum adultæ sunt, & ipso tempore ac patientiâ Regum jam propè legitimæ. Hos itaque accidendo vel injuriam facere credar, quia natam ante me

me potentiam percellam; vel nimio in conatu regias vires jam sæpè delibatas, & quarum infirmitatem celari interest, inconsultò experiar. De successu, reponit Cleobulus, meliùs ominare, dū ordine & per partes evellas eam segetem, quā ipsi luxuriant. Sed nec crede, iniquam fore causam, & quam Dii hominesque non probent, si pugnabis pro regiâ dignitate, & Siciliam à parricidio prohibebis, quo ipsa se furiis mactat. Quinam illi sint, vide; unde processerint; quæ illos machinæ fastigio tuo admoverint. Utcunq; se jactent; majorum tuorum beneficio opes comparavere, in præfecturas missi sunt, regiæq; amicitix indulgentiâ hoc culmen condiderunt, ex quo hodiè sive ipsi, sive eorum posterii certant in Reges. Tua sunt ergò tela, quibus lacefferis, tua acies tot murcorū, cæcâ discordiæ manu infelicitatem sui auctoris voventiū. Si merentur, si ferre felicitatem suam non possunt; ab iis duntaxat recipe, quod à vobis accepe-

ceperunt. Nudos medius fidius relin-
 qves, cogesq; oblivisci spirituū quibus
 nunc intumescunt, vestras apud se mi-
 rati divitias, suæ verò sortis ignari. Ac,
 quò maturius cōsulas sceptro, vide quā
 multum coalescat illorū in vos imperi-
 um; quā publicè, quā periculoso con-
 sensu hæc velut jura peccandi nunc as-
 ferant. Inter se æmuli, inimici, tamen vix
 libenter accipiunt, à Rege ullum premi:
 Quisquis ergò rebellat, cæteri adsumt,
 vel publicè, vel privatis affectibus. Nūc
 causæ se addunt, nunc tempore utuntur
 jam satis occupato, quo alio jurgandi
 prætextu distrahant Regem. Alii tuum
 latus, tua castra non deserunt; sed lento
 & per ambages fracto regionum consi-
 liorum aut militum usu, diu volunt re-
 bellium contumaciā conferri viribus
 sceptri; ne videatur indignum Regibus
 aut impar esse periculum, assvescatque
 populus vereri hos motus & pati. Ita
 sibi ipsis & exemplum faciunt, & exitū
 ornant, si ita irasci in Regē contigerit.

Hanc

Hanc conjurationem nisi antevertis consiliis, quantum aberis à Merganiæ (Germaniam intelligit,) fato. Regio erat sub uno formidanda: nunc segnitie vel patientiâ imperantium adeò in varios Principes lapsa, ut domino tota exciderit. Quamquam recenti memoriâ tenes, Rex, quid hæ possint factiones; permittes hîc tamen earum cunabula, & ingenium percenseri. Nam & accendi te volo, vel parari ad patientiam haut dubiæ cladis. Igitur, si quos attollis præter veterum Optimatum libidinem, tanquam de eorum bonis sit, quod largiris, excedunt ab aulâ: queruntur se contemptos; in arces, præsidia, quæ iis credidisti, confugiunt, Fortunas populi deflent; exanimati regni sanguine paucas hirundines repleri: non ferendam eorum superbiam, qui fascinato Principi illudunt, veteresque & emeritas stirpes inexperto recentis potentiae gaudio calcant. Frequens hæc quidem, ut nosti, dissidendi est ratio, proruendique

dique ad civilia arma. Sed & aliæ præ-
 terea causæ illis ingeniis faciunt defe-
 ctionis audaciam. Diu ipsis largitus
 cesses utcunque magistratus, præfectu-
 ras jam plenis necdum tamen satiatis
 negaveris; iis arcana omnia non cre-
 das; habeas alios fideliores tibi: non ac-
 cesseris odiis, quibus æmulos devo-
 vent. Illicò indignè haberi se putant;
 frendentque tanquam contumeliâ vio-
 lati. Alii, ut reverentiam sibi concilient,
 & quid possint, Regem admoneant;
 quærunt offensionis materiam, & gra-
 tis ineunt consilia in publicam pacem.
 Cæterum, quæcunque illos occasio
 tollat in rixam, viribus, quas vos Reges
 tribuistis, succincti, mox, clientes ar-
 matosque inveniunt eò prolixius quòd
 hæc secedendi facinora semper inulta
 sunt, & plerumque præmia habent. Sic
 erecti, sic velut in suo regno collecti,
 opimiora ad conciliandam pacem à vo-
 bis Regibus extorquent, quàm si ipsis
 obsequium & fides mansisset. Vestro
 inte-

interim auro, vestrisq; stipendiis (quis ferat?) militant acies, quas in vos educunt. Ærario vestro feroces, aut rationem imperii deposcunt à vobis, aut regnandi modum prescribunt. Vestri coloni sunt, vestri cives, qui plus quam externis tumultibus per hæc bella eruuntur. Quid deinde? emitis pacem, Reges; his prodest peccavisse. Vos in regno nūquā bonafide pacato expectatis solliciti, ex quo cinere se flamma refundat; cui placeat gloria novæ litis, quæ veterū tabulæ jam plenissimis libris addendæ sint. Minimū putem, quod hæc bella, hæc paces exterarū gentiū ludibriis evilescent; quodq; minor quàm pelago fides est, si ve quietem agimus, si ve tumescimus. Majora sunt vulnera, quibus viscera patriæ lancinant illi mores. Robur enim maximæ gentis, & cui, si hæc absint incommoda, nulla non cesserit, hic assiduus & pestilens ventus affligit. Pereunt urbana & rusticæ opes, quascūq; provincias turbo afflaverit. Consumitur impetus

tus animorum, & prudentū, quos multos habemus, solertia, digna Orbi imminere, his domi pacandis tota vix sufficit. Instituuntur præterea animi juventutis ad audaciā & contemptum majestatis infandamq; dulcedinem belli civilis, in quo furor & aviditas subitas pugnas, & præsentia præmia habet. Ita domestico facinore marcescit, quicquid ad terrorē exterorum Dii Siciliae nostræ tribuerāt. Neq; putes hæc esse rudimenta flagrantium animorum, qui castrensi disciplinā eruditi, æstus inter se conceptos mox in peregrinum hostē validius effundant. Utinam hæc solatia saltem essent civilis insaniæ. Sed ne isthic tyrocinium ad fortitudinē aut militiam credas: cogita, quam sæpè plus vanitatis & minarū hi turbines habeant, quàm justī laboris in castris. Conveniunt illę cohortes in arcibus, urbibusq; obnoxiiis; facilem civē, aut imparatos agrestes diripiunt. Hæc plerumq; fortitudinis summa. Acies raræ, nulla aut subita discrimina: quia obno-

obnoxiè placantur, & ante fortunam armorum ab facinore donatos dimittitis. Sed etiam, ut bella hæc durent, ut sæviant mutux turbæ: at interim miles optimæ patriæ spoliis saginatur, & in bonis miserorum civium bello quàm pace delicatior, latrociniis magis quàm constantiâ, robore, arte imbuitur: ut ad disciplinam deinde veri & sobrii Martis & externis regionibus interdum infœcundis frangatur enervi fastidio, doceatque diversissimos esse labores, prædatoris & militis. Temnimur interim, ô Rex: & si quid in vicinos minaris, robori minùs suo quam malis nostris fisci, tuos conatus despiciunt. Largitione tantillâ facilè credunt excitare de Siculis, qui civili seditione te implicent. Sic tradunt te iis debellandum, per quos tuis auspiciis debuerunt everti. Nobilissimæ genti infamiam an perniciem hoc plùs creent, ipse existima. Vis denique quod tui cives queri possunt, hîc audire? Componendis his
flu-

fluctibus olim populus ad regiam potestatem respexit. Ne collideret Optimates ambitio, ne unam gentem factiones dividerent; essetque timendum à civibus, quod hostes solent minari, transtulere in Regem purpuram, solium, ferrum. Quod si adhuc in regno vexantur Reipub. malis, quid precii illis erit traditi sui juris, ex utique imperii? aut illos in libertatem restitue, aut domesticam præsta quietem, propter quam libertatem reliquerunt Melander ad hæc verba ingenti suspirio pectus concussit: facilius argui morbum posse, respondit, quàm expelli medicina. Jam se Eristenem & Oloodemum (hi factionum præcipui à Barclajo finguntur) ferro ultum. Lycogenem occubuisse. Si ad illud exemplum quotidie severitatem res exigunt, sibi ipsi in odium venturam potestatem, quæ sanguine Optimatum alenda sit. Summa in illis indoles, inquit, animi vigor, multæ virtutes. Scilicet extingvam aut

L

pre-

premam hæc sydera? omnia autem? sed illud inhumanum, & fortasse supra regias vires. Quænam igitur? nempe suspecta. At verò & solæ suspicionis pœnas luere est indignum; & præterea sæpè nullum est ante tumultus suspicionis vestigium. Impetus in vividis mentibus præceps haut tarò simul cogitat, simul excit hos motus. An omnes habebo meâ rigiditate averfos? vivamne fera instar in solitudine? an potius novis hominibus regiam implebo? acerbius me herculè ipso malo remedium! Deos & fata spero, postquam sumus emoliti acerrimam tempestatem, pro habenâ reverentiam nostri fore experis, quid possimus. Saltem Cleobule, quàm mitissima consilia habes, exprome. Tùm Cleobulus. Faveo tibi, ô Rex: id est, procures, quantum licet, tecum excuso. Lati in illis & ingentes sunt animi; & hæc ipsa quæ arguimus, magnæ indolis notæ sunt; & si legum habenis teneretur, rebus publicis salutaris

ris nunc, quam illam passi estis lascivire, eorum quæ cogitat, quæque audet, inclino in vos Reges invidiam. Cæterum cum virtutes ac vitia non plus ex merito æstimentur. Quàm ex populari iudicio: nihil mirum, si consuetudo & peccantium claritas atque successus nobilitaverit hanc culpam: quam si premi & cripi cupis, revocanda est paulatim ad suorum natalium vilitatem. Hoc autem efficies, primùm nominis veri dedecore: ut apud te perduellio, conjuratio, perfidia nominetur; non, ut solet, magnitudo animi, prudentia, societas, publici boni cura. Deinde, ut qui à te secesserint, saltem efflagitatæ veniæ humilitate frangantur: cum nunc (miro gentibus ritu) damnare te soleas, publicis professus codicillis, hos esse innocentes. Nam si rei non fuerunt sumptis armis, certè tu reus, in quem illa sumpserunt. Triste dictu. Si hæc postrema exceperis arma, in quibus simpliciter victor es, vide sub te & patre tuo tur-

bas. Omnes eâ cautione dimissæ sunt, (innuit Barclajus superioris seculi turbas in regno Francico) ut terras populas, conscriptos milites, cætera defectionis facinora nimia simulatione, & prodente captivitatem imperii imputaretis vobis. Jussu hæc vestro, aut vestri gratiâ esse patrata publicis chartis sustinuisistis inscribere. Sed durum est premere istas stellas. Etenim nec obrui illas, ac nec tegi oportet inhumana ratione. Luceant ô Rex: dum meminerint, cui Soli lumen hoc debeant, nec caliginem faciant tuo orbi. Ferè necesse videbatur; alicujus sanguine lui hoc crimen. Extorsit atrocitatem remedii à tua bonitate cum Oloodemo Eristhenes, & infelix vindex Lycogenes cæterorum animos aliquandiu sui memoriâ tenebit. Quisquis autem temporum illorum oblitus in hunc ludum primus descendet, ocius hominem preme, non tardis, non incertâ consultatione libratibus conatibus. Ipse tibi expeditionem
desu-

defume, ne duorum ducum prævaricatio illam causam inutili mora conficiat. Si audebis, si non cunctaberis, multi majestatis reverentiâ capti tuum auspici-um sequentur; qui dubitare incipient de suo officio, si & videberis deliberare, an impunè possis offendi. Tunc nitendum, ne timidâ remissione spirituum videaris istorum temporum oblitus, aut veniam petere extincti Lyco-genis. Consentias cum impetu isto, ut tuus esse potius videatur quàm fortunæ. Fœdera, leges, pacta cum armato rebelli nec audi. Unum sit pœnitenti remedium, si supplicet, si supercilium ponat, si se & causam damnet. Lenitatis tuæ erit sic composito indulgere, nisi nimis perniciosè erraverit, aut in necessitatem distulerit pœnitentiæ larvam. Sed ignosce ea lege, ut aliquid ipsi in mulctam decedat. Si provinciam à te habet, partem ex ea deliba, quam alteri tradas: si arces aut suas aut regias, unam ex iis futuræ fidei pignus cape. Ti-

mebunt alii spolia dare ad regiam gazam, qvi nunc contrario voto æs, fascēs, præsidia audent in precium pacis exigere. Cave autem dare hos reos precibus cognatorum, qvi apud te in illos militaverint. Nam vix ulla vulgarior fraus est, qvàm istorum optimatum non studiō, non vero affectu, sed velut fortibus se in adversa dividendum castra. Fratres, affines, patruēles, hic pro te, ille cum factio sit stabit: ut victoria aut favore in utramlibet fortunam securi sint. Hos te maximè suspectos habere æqvum est, ō Rex; & si anxie pro cognatis suis orant propemodum hostes. De ducibus factionum hæc sentiam, Sed quid illi absqve militum manu? Hi sunt sanguis, hi nervi tumultuum; nec in eos impunè severitatem omiseris. Quos igitur placidis rebus seu præsidarios milites seu prætorianos conscripseris, si defectione oborta præfectos forsitan suos in Regem sequentur; iis infamis sit missio. Cingulum ponant.

nant. Nullus pœnitentium clamor, nullæ procerum preces te moveant. Dis-
cant non tam Præfectos venerari, quàm
te in illis, quippe hos secum à te ali, à te
pendere. Ita exercitus, quos in pace
educas, syncerè erunt tui; nec te mag-
nates creditarum fiducia copiarum de-
spicient. Si qui autem concitato tu-
multu, nullis stipendiis tibi devincti, ad
factionem accesserint, his mitiora im-
perari non abnuerim. Simplicis defe-
ctionis rei sunt. In eos, si lubet, man-
suetudinis, obtine famam: modò veni-
am te dedisse non se ingratis usurpasse,
intelligent. Hæc Barclajus.

Qui idem alio loco duo esse dicit,
quibus Proceres in Regem suum ar-
mantur, sollicitanturque ad ambitum;
longum imperium, mosque constitu-
endi rectores provinciarum in eam le-
gem, ut non antè magistratu, quàm vita
decedant: alterum, munitionum, arci-
um, præsidiorum numerum nimis ma-
gnum. De primo suprà dixi. Arces &

munimenta magnatum ambitionis ag-
geres merito vocantur. Plerumque e-
nim arcium rectores dominive à sce-
ptris deficiunt; plerique motus ex his
claustris erumpunt, aut in illa tutos
habent receptus: invitante ad peccan-
dum tot munimentis fossisque superbâ
rebellandi securitate. Unde Henri-
cus II. Angliæ Rex omnes Procerum
arces mœnibus nudavit. (*Boter. 4. della
ragion di stato. 6.*) Quod & Græci diru-
tis suspectarum urbium muris, & Ro-
mani quoque facere soliti sunt. Neapo-
litanum regnum castellorum, turrium-
que frequenti supercilio tumebat: & e-
rant optimates tanti factione & viri-
bus, ut quod plerumque infelix poten-
tiæ genus est, Reges terrerent. Nun-
quam penè sinè motu illa, alioquin fe-
licissima regio fuit. (*v. Pandolf. Collenut.
Ioan. lov. Pont. Barthol. Fac. in hist. Ne-
ap*) Dejecti nunc Reges, nunc Proce-
res; donec arcibus plerisque everfis
magnatum quoque robur variâ Re-
gum.

gum arte (v. *Th. pol. par. 3. apotel. 72*) suppressum est. Porro & illud addendum est, quorundam sententiâ primogenituræ jus, quo moribus quorundam regnorum exclusis minoribus fratribus ad maiorem summa bonorum paternorum deferitur, intuitum Regibus esse. Cum enim illo jure nimis & interdum privatam fortunam excedentes divitiæ ad unum confluant, fieri non potest, ut ille tantarum opum vi succinctus non seipsum mirari, & vel in Regem potentiam suam expedire audeat. Unde plurima sunt illorum exempla, qui despectâ semper sacrosanctâ maiestate capita se ducesque seditionibus præbuerunt, patris patriæ populorumque patrii ambitiosissimis titulis sibi sumptis. Denique in Gallia (sive in invidiam Regis confictum, sive verum fuerit) regionum consiliorum, quibus Procerum potentia infringeretur, aliquando hanc fuisse summam in vulgus jactabatur; proceres ante omnia de medio tol-

lentos, & nobiles sensim carpendos. Ad tollendos autem magnates & nobilitatem in ordinem cogendam placere, ut bellum religionis colore alatur. Nam sic paulatim ad internecionem eos, præfortim, quò quisque generosior est, deleri possit; neque defuturas artes, quibus ii, quæ belli fortuna pepercit, in pace opprimantur. Interea dum bello & pace in id incumbitur, cautè servandum esse, ne Rex dignitates, honores, munia publica iis, aut in eorum gratiam cuiquam conferat; invidiosas & sumptus periculique plenas præfecturas aut delegationes ipsis reservet: pensionibus & honorariis, quantum licebit, subtractis: quo vasta illa corpora, tanquam alimento negato ad maciem paulatim deducantur, ac postremò concidant. In primis publica regni comitia, quæ tantum ad firmandam ordinum potentiam spectant, omninò prohibenda esse; & severè castigandos, tanquam publicæ quietis turbatores, qui

qui ad illa proclamabunt. Sublatis proceribus, & labefactatâ nobilitate in civitatibus & urbibus eos petendos, qui per bella à regiis partib. non steterint; quib. sublatis facile fore, ut toto regno civitates munitæ mœnibus & propugnaculis nudentur, & arces procerum atque nobilium diruantur. (Thuan. 57.)

Denique satis apta ratio est titulis superbientes inflatosque deprimendi, si tituli illi vulgentur, novisque conferantur hominibus. Ita parvifient, qui olim summi honoris loco ambibantur. Hoc modo, si sint, qui ducum, comitum, baronum appellationibus se attollunt; sume ex tuis hominibus, quos tanquam ob merita & fidem iisdem afficias honoribus. Evilescent illa nomina multitudine, & ignobilitate candidatorum.

Tractare præliorum vias, & quæ sibi tertium jam annum belligerenti sava prospera evenissent &c.] Bella ar-

mis & ducum consilio geruntur, pugnando in acie; non figuris quæ ab hominibus rei bellicæ imperitis in charta notantur, aut virgâ in pulvere describuntur. Acies schola est, exercitus discipuli, arma pennæ, quæ tinctæ hostili sanguine historias scribunt in carne. Unde necesse est revolvere sic gesta in bello, non in musæo. N. M. etsi de re militari satis benè scripsisse videtur, tamē, petente Urbini Duce nullam earum, quas docuit, aciem ordinare sustinuit. (Cl. Besold. in polit.)

*Fumen Visurgis Romanos, Cheruscosq;
interfluebat, ejus in ripa cum ceteris primoribus Arminius adstitit, quasitoque an
Caesar venisset postquam adesse responsum
est, ut liceret cum fratre conloqui, oravit.]*

Oportet cautissimum esse Principem, aliosqve magnos viros in congressibus & colloquiis, ne se imprudenter in hostium manus misisse dici possint. Instituto colloquio inter Cerialem Civilemque, adversarum partium duces, scisso

scisso Vahalidis fluminis ponte in ejus abrupta progressi colloqvuti sunt. (*Tacit. 5. hist.*) Ludovicus XI. Galliae Rex cum suo equitum Magistro, quo cum similtates exercebat, in colloquium descensurus pontem amni cuidam imponi jussit; in eo medio cancellatae velut fenestrae factae; ut conspici inter se exaudiriue colloquentes possent, ac dextrae interjungi. (*P. Emil. 10.*) Ludovicus Sfortia Mediolani Dux cum Galliae Rege non aliter congregi valebat, quam in fluminis cujusdam medio, ubi pons aut navibus aut alia ex materia ita structus esset, ut inter utrumque firmum ac robustum ex lignis vallum intercederet. (*Guicci. 2. histor.*) Postremo notatu digna est Francisci I. Galliae Regis cura, qua, cum ex carcere Hispanico rediisset, sibi prospexit. Rex Lanajo Neapolitano Pro-rege, Alarcone militum duce & quinquaginta equitibus comitatus ad ejus fluminis, qui Hispaniam à Gallia dividit, ripam venit.

Eo-

Eodem tempore ac penè momento Lautrecus cum duobus Regis filiis, futuris obsidibus, & pari equitum numero in opposita ripa constitit. In medio amnis vacua navis erat anchoris firmata. Ad hanc Rex scaphâ cum Lanojo, Alarcone, & octo aliis, qui omnes brevibus erant armati telis, trajecit: & ab adversa ripa Lautrecus cum obsidibus & octo aliis pari armatura ad alterum navis latus se contulit. Deinde Lanojus & Alarco cum Rege & octo comitibus navem conscenderunt; idem ilicò factum à Lautreco & suis pari numero. Postquam omnes in navi constiterunt, Lautrecus Delfinum ex sua scapha in navim transtulit; qui Lanojo, & ab hoc, Alarconi traditus in Hispanicam scapham imponitur; eodemque momento alter regis filius Dux Aurelianensis in navim acceptus est. Quod ubi factum est, dicto citiùs Rex in suam scapham desiliit; & ad ripam vectus, Turcico equo miræ pernicitatis raptim

ptim consensu in tutum abiit. (*Guicc.* 16.)

Simile quiddam & vicinum notabo, moris esse, ut cum duo Principes conveniunt; is, qui dignitate anteit, prior ad constitutum locum veniat. Honoris enim quædam species est, quod alter posterior, & ad hunc accedere videtur (*Guicciard in hypomnes.*) Cum de colloquio inter Leonem X. Pontificem Maximum, & Franciscum Gallie Regem convenisset: Rex biduo postquam Pontifex advenisset, Bononiam ingressus est. (*Guicciard.* 12.) Margarita Caroli Cæsaris amita, & Aloysia Francisci regis mater, quod pari dignitate viderentur, eodem momento per diversas Cameraci portas contiguas ædes, ex quarum unâ in alteram aditus erat, ingressæ sunt, (*Guicciard.* 19.) Carolus Cæsar Clementem VII. Pontificem jam antè ingressum Bononiam, (*Maurocen. 3. histor. Venet.*) & alio tempore Paulum III. Pisas (*Ioan. Bapt. Cin. 2.*

de

de vita Cosmi) secutus est. Franciscus Rex, cum Pontifex Massiliam venisset, quamvis eadem nocte officii causa ipsi affuerat, tamen urbe post excedens postero die cum comitatu aulico in urbem rediit. (*Guicciard. 20. hist. Maurocen 4. hist. Venet.*) In congressu Philippi Hispaniæ & Sebastiani Lusitaniæ Regum ad Guadalupam, posteriores Lusitani accesserunt &c. (*Conestagg. 1. de conjunct. Portug. cum regn. Castil.*)

Flavius aucta stipendia, torquem, & coronam, aliaque militaria dona memorat] Ridiculus hic est Amiratus, dum Principes dona militaria Romanis olim usitata, qualia fuerunt coronæ civicæ, obsidionales, navales, ex quercu, lauru aut gramine factæ in usum reducere hortatur, rem à seculi genio abhorrentem, adeoq; impossibilem. Aurea nunc sunt tempora, non qualia sub Saturno Rege fuerunt, sed quibus dives Pluto imperium tenet.

Pleraque sermone latino interjaciebat.

bat, &c.] Pertinet ad Principis & Reip. existimationem, ne in judiciis, in tribunalibus, in congressibus denique quibusvis, aliâ linguâ etiam peregrini utantur, quàm nostrâ. Magistratus populi Romani quantopere suam populiq; majestatem retinere laboraverint, hinc cognosci potest, quòd illud summâ constantiâ custodiebant, ne Græcis unquam nisi Latinè responsa darent. Quin etiam ipsa linguæ volubilitate, quâ plurimum valent, excussâ per interpretem loqui cogeabant, non in urbe tantum, sed etiam in Græcia & Asia; quò scilicet latinæ vocis honos per omnes gentes venerabilior diffunderetur. (*Valer. Max. 2. c. 2.*) cautum etiam Romæ fuerat: ante Ciceronis tempora, ne quis oraret Græcè; (*Valer. d. l.*) & decreta à Prætoribus latinè interponi necessum erat (*Triphonin. l. C. l. 48. de jud.*). Tiberius Cæsar in Senatu non nisi cum excusatione monopolii verbo usus est. (*Suet in Tiber.*) Superio-
ri se-

ri seculo Hispaniæ Rex Mauris necessitatem imposuit non suâ sed Hispanicâ lingua sermonem conferendi. Denique apud Bohemos & Moravos lex est, ne cui Illustri vel Equestri ordine nato cujusquam hereditatem cernere, prædiave, quæ nos *Landgutter* appellamus possidere liceat, nisi linguæ Slavonicæ perito.

Distantibus locis invec̃ti, ut hostem ducerent] dixi ad lib. I. verb. *distrabendo hosti per Brucleros &c.*

Propinquo summa rei discrimine, explorandos militum animos ratus, quonam id modo incorruptum foret, secum agitabat. Tribunos & centuriones lata sæpius, quàm comperta nunciare, libertorum servilia ingenia: amicis inesse adulationem: si concio vocetur, illic quoque quæ pauci incipiant, reliquos adstrepere. penitus noscendas mentes, cum secreti & incustoditi inter militares cibos spem aut metum proferrent. Nocte cœpta, egressus augurari, per occulta, & vigilibus ignara

comite

comite uno, coniectus humeros ferina pelle, adit castrorum vias &c.] Dixi ad librum primum, quàm rarò Principes verum resciscant; quibusque modis falsas delationes cognoscere possint. Mutato habitu, & dissimulata persona in circo, in civium panegyribus expiscari, qui de se, deque ministris sermones ferantur, (quod fecisse etiam bonos Principes Joannes Boterus docet) (*1. della ragion. di stato 17.*) periculo non caret; nec itaque mihi probatum.

Accipere omen & matrimonia ac pecunia hostium praeda destinare) Omni scelerem major improbitas, religione non alio fine uti, quàm regnandi instrumendo; quo de argumento ad superiorem librum multa dixi. Quod autem Scipio Amiratus hîc falsum esse putat, Romanos abusus religionibus, & interdum auspicia interpretatos ex usu incidentium negotiorum, id vel solo supra laudato Polybii testimonio cōfutatur. Quid enim apertius, quàm quod ille fatetur Scipionem

pionem falso Deorum colloquia finxisse? quod ridet superstitiones, quas tamen tenendis in officio populis necessarias asserit? An nescimus, haruspicum & augurum fraudes apud Romanos decantatissimas fuisse; ut miratus non nemo fuerit, illos, cum in publico congregiuntur, memoriâ fallaciarum, quibus omnes ludunt, risum tenere posse. An non denique certum est, multa vana sub celebri nomine librorum Sibyllinorum (quorum responsa jactabant semper Romani), vulgata? (*Tacit. 4. Annal.*) Nec in contrarium movet, quod multi Romæ ante Doctrinam Deos spernentem nati sunt. Nam & tunc, ut posterioribus seculis religiones confingebantur; & Numa, primus superstitionum magister Ægeriæ Nymphæ arcanos congressus falsò jactabat. Sed illud intererat, quod quamdiu tecta fraus erat, Deorum metus animos quamvis falsâ obstrictos & inani superstitione tenebat; patefactis dolis, veteres

res ceremonias, & meliorum ignari omnem Numinis cultum spreverunt.

Aliud sibi reliquum, quàm tenere libertatem aut mori ante servitium?) Rectius desperatio, quàm, ut solet, ira fortitudinis cos appellatur. Necessitas unquam quatuor hominum vires confert. Usitatum fuit, estque magnis belli ducibus, ad eam necessitatem suos milites adigere, ut aut virtute salutem tenendam, aut moriendum sibi esse intelligant. Solet enim abrupta sæpè discrimina salutis ultima desperatio propulsare. Inde Alexander Magnus militibus suis, pervenisse cò, dicebat, unde fugere non possent, tot terrarum spatia emensis, tot annibus, montibusque post tergorum objectis, iter in patriam & penates manu esse faciendum. (*Q. Curt. 4.*) C. Cæsar ancipiti prælio equos dimittebat, & præcipuè suum, quò major permanendi necessitas esset, auxilio fugæ erepto. (*Sueton. in Iul. c. 60.*) Corcyraei exules, ut fugæ spem omnem suis adime-

adimerent, navibus, quæ eos advexerant, ignem injecerunt; (*Thucyd. 3.*) quod idem Ferdinandus Cortesius in nova Hispania, & Gvilielmus Normannus cum in Angliam trajecisset, fecerunt. Et hos superioribus annis in Belgio Mauritius Nassovius, dimissis navibus, quibus in hosticum transierat, imitatus videtur. Carolus Martellus, cum innumerabili Saracenorum multitudine pugnaturus præconium circummisit, & ipse, à quibus in extendente jam se acie exaudiri potuit, pronunciavit, jussu suo clausas esse Turo-
num (erat ea urbs vicina loco, ubi pugnabatur) portas, neminem, nisi victorem recepturas. Hinc Ligerim, illinc hostes claudere. (*P. Æmil.*) Prudenter sanè! Qui enim receptum habent, quos ager & terra aliqua per tuta & pacata itinera fugientes accipiunt, timidis & ignavis esse licet; quibus verò unica spes est, nullam sperare salutem, necesse est fortibus viris esse, & inter victori-
am

am mortemque certâ desperatione abruptis aut vincere, aut, si fortuna dubitabit, in proelio potius, quàm in fugâ mortem oppetere. Denique verissimû esse judicandum est Thucydidis (IV.) effatum, ubi pugnare & fugere peræque honestum est, & sine pudore flagitii; sine cura ducum abire, fugere licet, non esse fortitudini locum. Cæterum de toto argumento disserit acutus Hetruriæ Doctor (sic Lipsius illum vocat) in disputationibus ad Livium. (*lib. 3. c. 12.*) Sed ut nostris ejusmodi fortitudinis necessitas injicienda est, ita hostes vel inclusi, vel in fugam effusi ad desperationem adigendi non sunt: ne spe melioris fortunæ exclusi etiâ mala timere desinant. In quē sensum Scipionis laudatur sententia, viâ hostibus, quâ fugiant, muniendam: & ut Italorum proverbium habet, argenteum pontem faciendum. Illud deniq; hîc adnotandum est, seditionum auctores, ut omnis reconciliationis spes procul amandetur, & ut

ut Tacitus(4.hist.)loquitur, *quo minore spe venia crescat vinculum secleris*, insigni aliquo facinore multitudinem maleficanam obstringere solere; ut ne' quidem si affulgeat aliqua spes redeundi in gratiam cum Principe aut offensâ patria, acceptare eam liceat, oculis obversante horribilis sceleris conscientia.

Repertis inter spolia eorum catenis, quas in Romanos. ut non dubio eventu, portaverant.) Ita solet summus Deus deicere, quicquid vanè se attollit. M. Antonius Cretam invasit cum ingenti quidem victoriæ spe atque fiducia, adeò ut plures catenas in navibus quàm arma ferret; sed irritò conatu. (*Flor. 3.*) Ætoli Mygdoniorum, (*Polyb. 2.*) & superioribus temporibus Hispani Britannorum opes spe devoraverat: sed utrobique hians corvus delusus est. Gedanensium in bello, quod cum Polonis gesserant, tantam fuisse confidentiam arrogantiamque memorant, ut quidam cauponibus quatuor Polonos pro uno capone pro-

promitterent. Isabellam Claram Eugeni-
 am Belgarum Principem in nuperâ
 obsidione Ostendanâ votum fecisse a-
 junt, non se prius interulam mutatu-
 ram, quàm capta foret Ostenda. Ca-
 pta quidem est Ostenda, sed non nisi
 post tertium obsidionis annum: nec
 mihi credibile fit, Principem trienni-
 um & ultrâ uno indusio usam.

*In modum trophæorû arma, subscriptis
 victarû gentiû nominibus imposuit. Hanc
 perinde Germanos vulnera, luctus, excidia
 quàm ea species, dolore & ira adfecit &c.]*

Plus doloris victo afferunt, trophæa,
 & exultatio hostium, & triumphalis
 pompa, quàm ipsa victoria. Apud Am-
 mianum Marcellinum (*lib. 16.*) caden-
 tes prælio Sarmatæ non tam mortem
 dolore, quàm Romani militis lætitiâ
 horrendo stridore monstrabant. Et
 aliud exemplum est de Maximiliano
 Cæsare apud Guicciard. (*lib. 8.*) Et item
 aliud de Belgis apud Conestagg. (*4. de
 bell. Belg.*) Hinc inductus primò mos

M

eri-

erigendi trophæa ex materia, quæ non perpetuè duraret; ut, qui bello vicissent, hi trophæum quidem statuerent, victoriæ testimonium præsens: cæterum via non præcluderetur redeundi in gratiam, dum alterius partis gloria, alterius infamia consecrata longævo aliquo monumento foret. Et propterea, qui prima lapidea & ænea struxerunt trophæa, reprehensi sunt; (*Alber. Gent. 3. de jur. bell. I. ex Plutarch.*) ut &, qui ultra mortem inimici odia extenderunt. Benè ille ex Germanis Imperator, qui cùm hostem suum nimis precioso monumento conditum audiisset, non invidere se respondit. Velle, ut omnes inimici sui ita sepulti essent.

Nihil ex us Casari incognitum, consilia, locos, prompta, occulta noverat, actusque hostium in perniciem ipsis vertebat.] Ut cuniculi, maximum utiq; in rebus bellicis momentum, detecti nocent: ita Principum consilia in vulgus edita, & non, quâ decet, religione secretè habita hostes

hostes potiùs quàm illos instruunt. Con-
 so, quem consiliis præsidere Romani
 arbitrabantur, Romæ ara subterranea
 fuit, ut significaretur, consilia occulta
 esse debere. (*10. Rosin. 2. antiq. Rom. ex
 Plutarch.*) Apud persas nemo consilio-
 rum regionum particeps erat, præter
 quosdam Optimates taciturnos & fi-
 dos; apud quos Silentii quoq; colebatur
 numẽ. (*Amm. 21.*) Metello Macedoni-
 co dicere solemne fuit, se interulã, quæ
 consiliorum suorũ conscia foret, cor-
 pcre direptam in ignem conjecturum,
 (*Val. Max. 7. c. 4.*) Inde quibusdã Prin-
 cipibus & Rebus pub. dissimulãdi & si-
 mulandi artes in tanto pretio fuerunt.
 Tiberio; (*Tacit. Dio Cass.*) Ludovico XI.
 Galliæ Regi; (*Boter. 2. della ragion. di sta-
 to*) Alexio Comneno Imperatori. (*Ni-
 cet. I.*) Lacedæmonii dicuntur omnia
 Reip. suæ arcana occultasse; ita ut co-
 piarum numerum, quem alii insitã in-
 genio humano vanitate ostentant, scire
 nemo potuerit. (*Thucyd. v.*) Et inter

omnia Reip. Venetæ instituta præclarissima, quibus illa in hunc usque diem raro Aristocratici imperii exemplo viget floretque, non aliud mirabilius esse Trajanus Boccalinus asserit, quàm quòd, cùm paucis concedita Reipub. summa tyrannidi viam sternet, indeque Veneti præcipua rerum Senatui Rogatorum, qui plus quam ducentis & quinquaginta nobilibus constat, permittant; summum tamen horum omnium, & simillimum oblivioni silentium, summamque fidem experiantur, nullâ mercede venalem, nullis perviam proditiōibus. Mirabile est, quod Jo. Baptista Egnatius libro secundo de exemplis illustrium virorum Venetæ civitatis tradit, Carmaniolam bello Mediolanensi Venetorum Imperatorem, cùm quasi de pace cum Philippo Vicecomite ageretur, per octo menses de illius proditiōe quotidie anquireretur; nunquam tale aliquid suspicari potuisse; priusque captum, damnatumque fuisse, quàm suspectum se esse senserit. . *Quod*

Quod arduum sibi, cætera legatis permisit.] Benè quidem Germanicus, ut dux & imperator. Cæterum non idem in Principe probatum; cuius cùm ea sit conditio, ut præcipua rerum ad famam dirigere debeat, æquum est, non nisi tuta & cum certa gloria conjuncta sibi sumere; ardua, periculosa, ancipitia legatis permittere; ut si cœpta non successerint, non Principis infelicitas, sed ministri imprudentia videatur.

Orabatque insisterent cadibus, nil opus captivis, solam internecionem gentis finem bello fore.] Et paulò superius.

Mec minor Germanis animus, sed genere pugnae & armorum superabantur.] Multis verbis, duobus capitulis Scipio Amiratus, quod nemo unquam negavit, nec dubitationem ullam habet, idcoque tribus verbis notari debebat, adstruit, genus pugnae & armorum magna in bellis momenta esse. Nobis alia differenda occurrunt. Paulus Foxius apud Thuanum (*lib. 59. hist.*) reprehendit

usitatam nostris ducibus belligerandi rationem; quâ per tumultuaria prælia de receptu ingeniosè cogitatur: receptâ inter duces sententiâ, e pugna recedentes denuò pugnare posse: ut bellum potiùs cauponari quam geri videatur. Veteres statariâ pugnâ tam obstinatè pugnâvissent, ut paucis præliis, atque addè interdum uno debellaretur. Quæ sententia sanè quam multis placet. Ajunt Romanos magnis viribus bella gessisse, quò breviori temporis spacio conficerentur; hosti obviam profectos statim dimicasse; victis leges tulisse. Nostrorum ducum more ducendo bellum, exhauriri ærarium, colonos agris auferri; oppida, urbes, provincias, regna, incolis spoliari, & ad miserandam vastitatem redigi: nec nisi lassata utrinque crudelitate de pace cogitari, & ut Tacitus, (*in Agric.*) loquitur, *ubi solitudinem fecerint, pacem appellari.*) Nihil paucorum hostium cæde profici. Quippe animos fieri ad ultionem arden-

ardentiores, in consiliis adversario-
rum explorandis sagaciores, in capien-
dis iisdem prudentiores, in disciplina
servanda ducum imperiis obedientio-
res: acriori denique disciplinâ plerum-
que victos, quàm victores agere: hos
irâ, odio, ultionis cupiditate ad virtu-
tem accendi; illos per fastidium hebes-
cere. Inde celeritatem in priscis duci-
bus tantoperè laudatam, & in aliis cul-
patam desidiam & oscitantiam. C. Cæ-
sar, ajunt, nullum unquam hostem fu-
dit, quem non castris quoque exuerit.
Ita nullum perterritis spatium dabat.
(*Sueion. in Jul. c. 60.*)

--- in omnia præceptum

*Nil actum credens, cùm quid superesset
agendum.*

Instat atrox. (Lucian. 2.)

Idem civile bellum ccc. equitibus v. cl. peditum aspicatus tanto ardore gessit, ut 60. dierum spatio universam Italiam occupaverit. Cùm Syracusarum civitas Atheniensium obsidione li-

berata esset; cives tanquam perpetrato bello abiisse hostes gratulabundi secum gauderent; Hermocrates Syracusanus, cujus apud Thucydidem non unum est insignis prudentiæ specimen, non committendum ratus, ut tantus exercitus digressus alia insulæ parte consideret, & denuò negotium facesseret, instandum hostibus, eosque ad internecionem delendos svasit & adfuit fortuna consilio. (*Thucyd. 7.*) Hoc eodem in bello Niciæ segnis cunctatio, Atheniensium res evertit. Cum enim is adventu suo ingentem famam & sui terrorem Siciliæ intulisset: Catanæ in hybernis delitescens, in contemptum venit, & hostibus animos resumendi spatium dedit. (*Thucyd.*) Eadem negligentia Hannibalem perdidit; cujus animus sera nimis poenitentia subiisse dicitur, quod non cruentum ab acie Cannensi militem ad urbem continuò duxisset. (*Liv.*) Idem error in Brasida Spartano notatur à Thucydide, (*lib. 4.*)

& in

& in Ludovico Andegavenſi à Leonar-
do Arcino (*in hiſt. rerum Ital. ſui temp.*)

Atque Joanne Baptiſta Pigna. (4. *hiſt.*

Aieſt) Cùm enim ab eo Ladislaus A-
pulix Rex victus, evaſiſſet: ſolitus eſt
ille deinde ſæpius dicere; eâ, qua pro-
fligatus ſit die & ſui cõporis & totius
regni poteſtatem in hoſtium manibus
fuiſſe; alterâ die corporis quidem po-
teſtatem amiſiſſe, regni tamen domi-
nos eſſe potuiſſe; tertiâ verò nec jam
ſui nec regni habuiſſe copiam.

His ita ſentientibus nec ille mos
placet, quo crebrò, omiſſis aciebus,
moram facimus in obſidione oppido-
rum, caſtellarumque. Ajunt receptum
eſſe inter belli peritos, eum, qui copi-
is prævalet, & agrum hoſtilem in ſua
poteſtate habet, ſuperiorem bello vi-
deri: & victoriam ſequi deditiõem op-
pidorum: nullumque eſſe tam valide
munitum locum, qui intercluſis auxili-
is & commeatumum ſubvectione expu-
gnari nequeat; contrâ ſæpiùs infirma

loca defendi, quòd auxiliorum spe sustententur. Alexandri Magni vox est; bello vicimus, si prœlio vicerimus; (*Q. Curt. 4.*) & Germanici orantis, *insisterent cadibus, nihil opus captivis; solam interneccionem gentis finem bello fore.* (*Tacit. hic*) Francisci Sfortiæ bellicosissimi imperatoris sententia fuit: devicto hostili exercitu debellatum esse: at expugnatis urbibus & castellis sæpè bellum longâ majus superfuisset. (*N. M. v. hist. Flor.*) Tacitus noster (*4. Annal.*) Tirdatis a Tiberio in Parthos missi errorem notat quòd, si statim interiora regni petivisset, oppressa cunctantium Parthorum dubitatio; & omnes in unum cedebant, adsidendo castellum, in quod pecuniam & pellices hostis contulerat, dedit spatium exuendi pacta. Alterum in eodem regno exemplum est Bardanis, qui dum in Seleucienses ut patris sui defectores ira magis quàm ex usu præsentis accensus implicatur obsidioni urbis validæ, & munimentis objecti-
mnis,

mnis, muroque & com meatibus firmatæ; hosti restaurandi belli occasionem præbuit. (*Tacit. xi. Annal.*) Joh. Andegavenſis cùm ad oppida quædam regni Neapolitani ſubſtitiffet, nec conſeſtim exercitum ad urbem regni caput admoviſſet, victoriam corruptit, & vel ipſius Ferdinandi hoſtis teſtimonio facultatem occupandi regni prorſus amiſit. (*Joh. Bapt. Pign. 8. hiſt. Ateſt.*) Ludovicus XII. Galliaꝝ Rex ab Henrico VII. Angliaꝝ Rege in tantas anguſtias conjeſtus erat, ut deſperatis rebus ſuis in Britones Armoricos fugam meditaretur. Sed ſalutem ipſi hoſtium negligentia attulit, qui obſidione Terroanaꝝ urbis quinquaginta dies occupati animo reſumendo tempus dederunt. (*Guicci. 12. hiſt.*) Maximilianus Imperator, ſi triduo maturius ad mcenia Mediolani exercitum duxiſſet, omnium judicio ad dedicationem Gallos compuliſſet: hærenti in obſidione Aſulæ oppidi, Helvetii, præſidii cauſa Mediolanum ingreſſi

victoriam ademerunt. (*Guicc. 12. Parut. 3. hist. Venet.*) Anno Christi cIo. Io. xxv. Pontificis & Cæsaris exercitus, qui paulo antè Parmâ inglorius, ac penè in fugam versus abscefferat, neq; Insubrum vicos nedum urbes attigerat, nobili audacia prælio depugnans hore momento ingentem victoriam est adeptus; (*Andr. Mauroc. 1. hist. Venet.*) Et nuperimè exercitus nostri Cæsaris emensus Bohemiam, quâ à superioris Austriæ finibus ad Pragam usque extenditur, eadem die & fugavit Palatinum Fridericum, cepitque regiam urbem, quam intra paucos dies universum regnum, exceptis duobus tribusve munimentis, secutum est. Denique Philippus II. Hispaniæ Rex intra L. dies toto Lusitaniæ regno potitus est, non aliam magis ob causam, quàm quòd vehementi vigiliq; curâ & ingentibus sumptibus in id bellum incumbens, ad regni caput, Antoniiq; nothi factionem debellandam spectabat. Exercitus maturè, & vivo ad-
huc

huc Lusitaniæ Rege Henrico collectus, in finibus regni occasionibus imminens ociosus desidebat; sed maluit Philippus sustinere sumptus istos specie supervacuos, quàm incurrere periculum, quod certum sibi videbat, si moriente Henrico imparatus foret. Consilium profectò regia animi, alere exercitum maximà impensâ, & summa cum modestia subjectis populis incubantem; nec tamen scire, quo eventu, quoque fructu. Quid enim, si Philippum interea mors abstulisset? quid si Henrico vitam fata produxissent? (nemo enim adeò senex est, ut non possit adhuc annum superesse) quid denique si regni procures (cujus spei non planè incertus erat Rex) spontè in ipsius potestatem concederent? frustra erant sumptus, & sine causa suscepti labores. Sed maluit Rex in omnem eventum sibi prospicere.

Quamquam igitur rationem habent, quæ hætenus diximus, & meritò
cul-

culpandi sint, qui bella nullo honoris aut publicæ salutis intuitu, sed privati emolumenti spe trahunt, hosti condonantes occasiones; præoptantesque diu cum imperio esse, quam citò vincere: quique se non armis sed precio submo-
veri patiuntur; & velut ex composito alter alterius viciniam & congressum devitantes plerumq̃ve diversis in locis prædonum more in miseros agrestes sævire tantum solent: tamen ex diverso egregiam laudē merentur, qui cunctationē afflictis rebus salutarē temeritati prætulerunt. Quæ enim necessitas est, belluarum ritu in perniciē non necessariam ruere? quid si vires nostræ trahendo bellū adolescant, contrā hostis minuantur? nemo prælium, nisi malè sanus svadeat. Quemadmodum igitur viris & viribus suffulti est, instare, premere, urgere, otium non pati, non desiderare, sed agere, ferre res hostium, omnia deniq̃ tentare, ut ad manus deveniatur: ita imbecillioris partes sunt, frustrari
impe-

impetus, morasnectere, illudere vim
 hostium, trahere tempus, opperiri, dū
 aliqua necessitas pecuniæ, aut commea-
 tum, aut defectus supplementorum,
 dum deniq; tædium & longa dies hostē
 conficiat. Porro quamvis parū utili-
 tatis, & minus gloriæ habeat mos ille,
 quo nostri duces, cū satis in rusticos
 defævierunt, ne nihil egisse videantur,
 interdum castellū aliquod vel oppidulū
 oppugnant, capiuntqve; quod mox su-
 perveniente hoste, nullo negotio reci-
 pitur; ut sæpius observatum sit, ter qua-
 terq; castellum aliquod captum, iterūq;
 eodem bello amissum esse: attamen mu-
 nitas urbes, hostilis annonæ condito-
 ria, armorum fabricas, exercituum re-
 fugia, vel etiam minora loca, ex quibus
 nostris commeatum subvectio, pabu-
 latiove infesta reddi possit, post terga
 intacta relinquere, nulla ratio persvade-
 re potest. Postremò ne erremus, mo-
 nēdi sumus, longè aliā hodiè esse con-
 ditionē temporū, ac olim & genere pugna
 armo-

armorumque differre nostra ab antiquis seculis; ut quam rarissimè, & non nisi certa victoriæ spe, aut necessitate summa coactum in aciem & prælium descendere prudentis sit militum ductoris: ex quo factum etiam est, ut cum nos nostrique patres viderimus Principes, animi magnitudine, rerum militarium scientia, potentia denique singulares; nullus tamen illorum ea gesserit, perfeceritque, quæ in antiquis tanquam fabulis similia portenta miramur. Alexander Magnus paucissimis annis Persas vicit, universum Orientem domuit, populos denique quorum in obscuro ignotoque tunc fama erat, armis suis exterruit. Pompejus Romanis subjecit Pontum, Armeniam, Cappadociam, Mediam, Iberiam, Syriam, Ciliciam, Mesopotamiam, Arabiam, & Judæam. C. Cæsar ferè trecentos populos Romano imperio adjecisse scribitur. Quid est nunc in nostrorum aut superiorum templorum historia, quod cum

cum his in comparationem venire que-
 at? Non abiit adhuc seculum, cùm Ca-
 rolum V. Romanorum Imperatorem,
 Franciscum Galliæ Regem, & Sulei-
 manum Turcam parentes nostri vide-
 runt, aut meminerunt; principes animi
 robore, viribus & opibus potentissi-
 mos, & si dicere licet, honoris gloriæ-
 que avidissimos. Sed horum facinora
 cum antiquorum gestis componere
 velle, nimio operè absurdum foret. Exer-
 citus erat lectissimus, quem Carolus
 Suleimano Austriam invadenti oppo-
 suit: sed is Viennæ muris nunquam ab-
 scessit, satisque habuit nō vinci. Bellum
 Germanicum, etsi anceps & terribile,
 victoriæque primū penes Carolum
 steterit, tamen exitum postremò eum
 habuit, ut restituenda captivis proceri-
 bus & Imperio malâ usurpata libertas
 fuerit. Contentiones inter Carolum &
 Franciscum non minoribus odiis quam
 viribus exercitæ utriusque opes attrive-
 runt: & quanquam postremò prævalu-
 isse

isse videatur Cæsaris fortuna ; tamen nec Francico regno inde decessit , aut Carolo accrevit quicquam , quo unius ditiones minuerentur , alterve imperii sui terminos extenderet. Expeditiones Africanæ , tanquam difficiles magnoq ; susceptæ animo , & multis cum periculis obitæ plus gloriæ , quàm utilitatis habuerunt. Quanquam etiam infelix posterioris successus magnam partem obscuravit famam ex priore acquisitâ. Suleimanus sanè res maximas gessit , sed nullò modo veterum factis æquiparandas : nec adeò intuitu potentiæ regni Ottomanici totq ; annorû , quibus imperio præfuit , admodum gloriosas. In Pannonia diversis expeditionibus longum tempus , & maximas opes consumpsit ; nec tamen nisi partē illius provinciæ sibi subjecit. Rhodū acquisivit : sed quæ gloria esse potest tanto Principi , paucos vicisse equites , nullius potētiae , & ab aliis derelictos , ne dicam proditos ? Penetravit cum exercitu in Persiā :
sed

seq quid illâ expeditione effectum est,
 nisi quòd percurfatis, quæ obtineri ne-
 quibant, amiffaque majore & meliore
 exercitus fui parte remenfus est ea, quæ
 fecerat, fpatia? Tantæ igitur tamque
 mirabilis differentiæ vera caufa non
 aliunde peti debet, quam ex diverfo ge-
 nere pugnae & armorum, quo ab antiquis
 nos differimus. Nullum hodiè faltem
 in Europa, regnum eft, nulla penè
 provincia, cujus præcipuæ urbes, loca-
 que majoris momenti, novâ muniendi
 arte non in eam fecuritatem exædifi-
 cata fint, ut quamvis pauci potentiffi-
 mi exercitus impetum fiftere poffint.
 Hinc fit, ut cum militaris ratio jube-
 at redigere ante omnia in potestatem
 limitum munimenta, cæteraque re-
 gni præfidia, in quibus militiæ semi-
 naria funt, ex quibus adverfæ vires
 in nos effunduntur, nobifque fupple-
 menta, commeatusque, intercipi
 poffunt, necelfe fit in unâ expugnan-
 dâ urbe aut arce, multum temporis
 viri-

I.

viriumqve consumere: ideoqve neqve-
 ant expeditiones, ea facilitate celerita-
 teqve ad exitum perducì, qva antiquo-
 rum bella, qvæ non habebant ista im-
 pedimenta. Et sanè qvomodo non
 interrupto cursu victoria progredi po-
 test, qvæ tot difficultatibus implicatur?
 Inde Francisci vires Perpiniani oppu-
 gnatione debilitatæ, & Caroli potentia
 Sandesiriana osidione ita labefactata
 est, ut nec ille in Hispaniam, nec hic in
 Galliam ultrà progredi potuerit. Sulei-
 manus cum innumerabilibus copiis in-
 gressus Pannoniam cum ad Budam hæ-
 reret, tardè nimis Viennam, qvæ inte-
 riùs ad defensionem parare se poterat,
 adortus est. Ex diverso Alexander Ma-
 gnus, cùm tribus præliis Darium supe-
 rasset, confestim toto ejus regno poti-
 titus est; & penetratis intimis regioni-
 bus ad Oceanum usqve nihil obvium
 habuit, qvò stupendum victoriæ cur-
 sum remoraretur præter flumina aut
 deserta, qvibus regnum naturæ munio-
 rat.

rat. Et qui res ab eo gestas ab oblivionis injuria vindicarunt, duo opinor, apud Indos loca memorant, quæ fortunæ ipsius instar rapidissimi fluminis decurrenti intercesserunt. Pompejus, cum Mithridatem insequeretur, peregrinando magis quam pugnando tot trophæa fixit: ut liqueat inde, nullis incurrisse munimentis, quæ victricium armorum cursum retardarent, Major fuit C. Cæsari labor in subjugandis Gallis, Helvetiis, & Germanis, sed hoc magis ob arduos situs à natura factos, & gentium ferocitatem, quam quod munitæ civitates ipsi restiterint. Et hic tamen decennii spatio ferè trecentos populos domuit. Hæc igitur prima causa est, ob quam negatum nostris Principibus est tot præliis, totque victoriis nomen suum immortalitati consecrare. Altera II. est tormentorum, quæ à sono bombardas appellamus, inventio. Res profectò tam stupenda, tam terribilis, tonitrua etiam sereno emissæ cælo, ut non amplius

plius ferro, sed igne geri bella dici possit. Tàm igitur formidabilis machina, ejusque horribile experimentum facit, ut duces rariùs ad prælia descendant, malintque cunctando, arteque quàm apertâ vi fortunam laceßere. Quo & accedit, quòd necessitas istorum tormentorum, sine quibus nec securos se, nec oppugnare urbes, nec acie depugnare posse nostri duces arbitrantur, omnem expeditionem facit lentiolem, prolixiolemque. Nam & ob molem, & pondus non nisi à magno jumentorum numero difficillimè

III. de loco in locum transvehuntur. Denique & illud benè considerandum est. Alexandrum, & Romanos duces, qui factis suis hodieque nobis stuporem propinant, incidisse in Reges populosque omnibus rebus se inferiores, debilioresque. Alexander Magnus Darium vicit, copiarum numero & regnorum multitudine quidem superiorem: sed neque suâ, neque ducum, exerci-

ercituumve virtute parem Alexandro. Cæteri Orientis populi, quàm fuerint imbelles, omnisque militiæ inexperti, historiis docemur. Pompejo quoque contra mollitiem Asiaticam facilè bellum erat. Cæsari sanè res fuit cum ferocissimis & in eam diem indomitis nationibus; sed suâ virtute, & vi Romana quævis obstantia perrupit. E contrario advertere licet, Principes, quorû paulò antè meminimus, virtute, prudentiâ, viribus ponè pares fuisse: ut alter alterum, quamvis summis viribus niterentur, interdum prælio quidem, non tamen universo bello vincere potuerit. Suleimanus Carolusq; quâvis ad Vienne utrobique numerosissimis exercitibus invicem oppositi essent, tamen nec hic à mœnibus urbis digredi, aut ille ad urbem propiùs accedere voluit: pari ab utraque parte existente alterius metu. Habebat Alexander exercitum lectissimum, duces, militesque qui sub patre Philippo bellis innutriti consenuerant:

Ro-

Romanorum verò disciplina, institutaque militaria paria in orbe terrarum non habebant. Ita prona adversus imbelles victoria erat. Nostri Principes propriâ destituti militiâ externis & mercenariis militibus, quibus neque boni intellectus, neque mali cura, quique nullâ vulnerum patientiâ, sine pudore flagitii, sine cura ducum abeunt fugiuntque, bella gerunt. Et inde pari utrinque vitio, nec ab una parte, quàm ab alterâ fortioribus militibus, in æquo plerumque fortunam esse consentaneum est.

Invictos & nullis casibus superabiles Romanos] de Romana potentia, ejusque causis fusissimè disputabo ad lib. 4.

Addit munificentiam Cæsar, quantum quis damni professus erat, exsolvendo.] Similis gratitudo extat in Senensium annalibus: qui in bello, quod contra Florentinos Año Christi cdo cc lx. gesserunt, Germanis à Manfredo Siciliae

liæ Rege auxilio missis donativum præbuerunt, 15. libras, præter sumptus in curam vulneratorum ex publico præstitos. Decretum Consilii publici in archivo Senensi hodieque his verbis extat: *consilium est in concordia, quòd vulnerati medicentur omnibus Communis Senensis. & quòd medici cogantur medicare vulneratos pro competenti precio, & salario, & solvatur de pecunia Communi. Et quòd Mariscialco & militibus Theutonicis pro remuneratione probitatis; quam fecerunt heri, contra inimicos Communis Senensis debeant donari, & dari de pecunia Communis 500. libræ denariorum Senensium: & quòd hoc non intelligatur pro menda equorum & armorum, sed pro remuneratione probitatis, quam fecerunt, tantum.* Quæ verba integra adscripsi; testimonium virtutis & fortitudinis Germanicæ, & gratitudinis veterum. Iidem illi Senenses in pugna ad Arbi- am læsos vulneratosque publico ære sanari iusserunt, & præter illorum tem-

porum consuetudinem in templis sepulturam permiserunt. (*Malavolt. 6. hist. Sen.*) Venetæ quoque Reip. pietas hac in re in historiis laudatur. Sed hodie non esset, quod de seculi nostri malitia quereremur, si damna tantum, non etiam stipendia, & dein in diem assesses, quibus corpus & anima militis æstimatur, non persolverentur. Ubi primos numos, quibus seipsum in militiam miseri vendunt, acceperint, reliqui stipendii parum aut nihil vident, & nihilominus miramur inobedientiam, & furta, & latrocinia, & seditionem militis adeò crudeliter, adeò avarè habiti: non tam Principum culpâ quam ministrorum dolo & scelere. Verum ut ad corporis sanitatem non capitis tantum habitudo, sed & cæterorum membrorum pertinet: ita non satis est, Principem, quæ suarum sunt partium, facere, nisi ministrorum quoque fides & sedulitas respondeat. Pecuniæ rerum gerendarum nervi dicuntur. Earum verò

verò tractandarum curam, si vulturiis togatis, & viris piceas habentibus manus commiserit Princeps inter perpetuas exactiones & tributorum invidiam semper egens erit. Ludovicus XII. quanquam ad bellum contra Hispanum largissimum omnium rerum necessariarum apparatus fecisset; tamen ob Quæstorum suorum rapacitatem, qui regem in stipendiis militum circumvenientes, & commeatus impediētes, non parum exercitum minuerant, inferior hostibus Neapolitano regno cedere coactus. (*Guicciard. 6. hist.*) Eadem Francisci Regis in Ducatu Mediolanensi fortuna fuit; cum tercenties mille numi aurei Lautreco militiæ Duci mittendi dolo Reginae matris & fraudibus ministrorum in alios usus verterentur. (*Guicciard. 10. 4.*) Nec rarum est pecunias in militum stipendia vertendas per luxum & aleam à tribunis & centurionibus prodigi. Iterum alia fraudis ratio est, quâ legiones,

cohortes atque vexilla non eo, quo debant, numero explentur, ipsi pro integro numero stipendia percipiunt. Quo eodem dolo utuntur in illis, qui aut in acie aut alio mortis genere absumpti sunt; quorum & ipsi, tanquam viverent, stipendia exigunt. Ita anno à Christo nato cō Io LXXI. præfecti Veneri ficta pro veris nomina inducentes pessimo facinore stipendia rapuerunt: adeoque hæc pestis increverat, ut multa oppida debito militū præsidio exuerentur. Igitur Torquato Hierosolymitano equiti, qui gravissimè eâ in re deliquerat, medio foro inter geminas columnas cervices abscissæ: & ne fraudibus in posterum locus esset, bini ad eam rem curatores (comissarios vulgò appellant) sunt designati. Porro sunt, qui turpi nundinatione annonæ, earumque rerum, quibus milites vestiuntur, vilissimo lucro inhiant. Panem, farinam, frumenta, pannos, calceos magni vendunt, quæ ipsi vel ex præda, vel vili pre-

precio empta habent. Quâ lucri cupiditate Marchio Melenianus facinorum suorum gloriam maculavit. (*Io. Bapt. Cin. de vit. Cosmi.* Sed nihil est supra quorundam hominum, militari ærario præfectorum fraudulentas artes, quibus militi, interdum à pluribus annis debita stipendia exiguo ære redimunt; ipsi deinde tanquam integra solverint, integra à Principe reposcentes. Ita duces cum quæstoribus, & his cum illis in miseri militis exitium conspirant. Isti per latrocinia ditescunt; milites interim detritis tegminibus, aut nudo omnino corpore verbera, vulnera, duram hyemem, famem, egestatem perferunt. Principis invidia est nisi ille facinorum præmium latronibus istis patibulum det, quod ut pessimum & publicum furum genus merentur; Cosmi Medici Magni Hetruriæ Ducis exemplo, qui Matthæum quendam tributorum exactorem, quod fraudulenter istud officium tractaverat, suspendi iussit.

fit. Cumque ex nobilitate Florentina alius illam curationem sibi peteret: Cosmus se nec posse nec debere id concedere respondit. Florentinus ille non contentus responso causam denegati muneris sciscitabatur. Cui Cosmus: maximo amore, respondit, quo te prosequor, moveor, ne petitioni tuæ annuam. Atqui replicat ille, si me amares, non paterer repulsam. Imò, Cosmus inquit, pateris repulsam tuo bono, ne, ut Matthæus, ille, longa fias litera. Sciebat enim hominem ex fraudibus compositū, & priore illo nequiorē esse.

Posse & Cheruscos: ceterasque rebellium gentes, quando Romana ultioni consultum esset, internis discordiis relinqui.]

Quomodo consiliis & astu externæ res, procul habitis armis, subvertantur dixi. s. ad lib. I. verb. *Pompejum imagine pacis &c.* & plura dicam ad lib. 6. *Annal.*

Iuvenem improvidum & facilem inanibus, ad Chaldeorum promissa, magorum
sa-

sacra, somniorum etiam interpretes im-
pulit.] De somniorum & prædictio-
 num fide miranda scripsit Lipsius in
 monitis politicis. Sed capitale est, de sa-
 lute Principis, vel de summa Reip. re-
 spondere, aut consulere. (*Iul. Paul. r.*
sentent. 21.) Apud Visigothos qui su-
 per Principis geniturâ vel fato scruta-
 tus erat, flagellis cæsus cum omnibus
 bonis fisco addicebatur. (*Frid. Linden-*
brog. ad lib. 29. Ammian. Marcell.) Ro-
 mæ saga quædam Marii temporibus in
 exilium missa proditur; quod se totius
 prælii adversus Cimbros prædictu-
 ram eventum diceret. (*Plutar. in Mar.*)
 Libo Drusus, de quo hîc Tacitus, can-
 dem ob causam consultorum mago-
 rum, novamolari creditus mori ada-
 ctus est. Et facta tunc de Mathemati-
 cis Magisque Italiâ pellendis Senatus
 consulta, eorumque c numero L. Pitu-
 anius saxo dejectus est. (*Tacit. hoc*
lib.) Valens Imperator sub uno prolo-
 quio jussit occidi omnes, qui de sue suc-

cessore spiritus consuluerant; nec modò qui consuluerant, sed omnes, qui aliquid eâ de re inaudierant, nec ad se detulerant. (*Ammian. Marcell. 29.*) Ego plura exempla retuli ad librum superiorem. Fiebant ejusmodi dæmonum implorationes per annulum quendam & cætera, quæ plus quàm satis est, explicatè prodidit Ammianus Marcellinus libro nono, & vicesimo. Annuli isti Græcis vocantur γεγοντευμένοι: quales fuerunt, quos Excectus Phocensium tyrannus habuit, & quorum strepitu de rebus suis admoneri solitus est. (*Clemens Alexand. 1. Stromat.*) & isti Jarchæ Indorum Regis donati Apollonio Thyanæo (*Philost. 3. de vita Apoll.*) quibus & celeberrimus ille Gygis annulus accensendus est. (*Herod. Cic. 3. offic.*) Persæ consulebant illas mulieres, quæ ex incubo prægnantes dæmonem in utero circumferebant. (*Theophrast. Simocatta 2. hist.*) Sed omne ejusmodi divinandi genus, siue ex astris illud sit
siue

sive alio fortium genere, legibus interdictum est, Ratio prohibitionis duplex; una principum securitatem concernens, altera universalis. Turbant ejusmodi de Rep. prædictiones animos parentum, & inanes ac interdum sceleratas spes subjiciunt incautis. (*Dio Cass. lib. 52.*)

--- *Nos prævum ac debile vulgus
Scrutamur penitus superos: hinc pal-
lor, & iræ*

*Hinc scelus, insidiaque, & nulla mode-
stia voti.*

Inde Hadrianus Imperator obstruxit venas fatidicas Castilii fontis saxorum ingenti mole; ne ut ipso se imperatorum præcinentibus aquis compererat, etiam alii similia docerentur. (*Ammian. Marcell.*) Altera causa est, quod fallunt plerumque magicæ sortes: & qui veriora dixisse videntur magi, non ab astris, sed à Geniis & execrabili spirituum familiaritate habent. Hi enim transacta inter homines secretaque ac-

curatè explorant, & sagaciter de futuro conjiciunt. Vel etiam, quemadmodum si cœcus vim lapidum spargit, aliquando imprudens tangit metam; sic dum multa passim harioli mentiuntur, nihil mirum est, si nonnunquam fortuna illorum audaciam commendat. Denique crediderim, Deum esse, qui in vindictam impiæ crudelitatis nonnunquam repræsentet mortalibus ea ipsa, quæ sibi non à Deo, sed à syderibus metuerunt. Sed ut dixi, sæpissimè fallunt vanissimæ artis jactatores, (v. D. *Augustin. 7. Confess. 6. Pic. Mirand. contra Astrolog. 10. Barclai. 11. Argen.*) Quod appposito exemplo demonstrat in monitis politicis Iustus Lipsius. De Alexandro Epiri Rege nota est hystoria ex Livio. Ego alia tria addam. Julianus Cæsar Phrygiam sibi fatalem fore oraculo didicerat. Sed ignorabat miser, locum in Persia, ubi cæsus est, Phrygiam appellari. (*Ammian. 25.*) Murzuflo Byzantiorum tyranno fatidici responde-

rant,

rant, urbem non nisi per Angelum capi posse. Turris erat contigua mœnibus, quæ Angeli dicebatur, quòd ibi nuncii cœlestis signum situm erat. Per illam irruerunt in urbem Franci, cæteriꝫ; Latini Græcorum hostes (P. *Æmil. lib. 6. de reb. gest. Franc.*) Refert Gvilielmus Neubrigensis, (*lib. 6. hist. Angl.*) Stephanum quendā, quem ipse Richardi Regis Procuratorem Andegavensem vocat, absente Rege improbas spes cōcepisse, denique de suis fatis dæmones consuluisse. Cumq; initiò quæsiuisset, visurus nè iterum esset regem, idq; negasset impostor spiritus: iterum rogavit, quamdiu cum imperio futurus esset? Respondet dæmon, quamdiu vives. Deniq; sciscitanti, ubi moriturus esset, respondit, in Pluma. Cœpit igitur Stephanus confidenter expilare populares: quippe de regis reditu sibi videbatur securus, & solerter caverat, ne ullibi locorum plumæ insideret, incubaretve. Sed cū paulò pòst in obsidione castel-

li cujusdam captus esset, miser ibi miserè trucidatus est. Erat autem castello nomen Pluma. O ludibrium! Mirum itaque est, Paulum V. Pont. Mathematicorum & Astrologorum vitæ exitum ei intra paucos menses prædicentium, nugis adeò deditum fuisse, ut veneficii metu nulla nisi à sororis parata obsonia sumeret, denique eo procederet vanus metus, ut fratres Borghesii tres ac viginti professionis illius homines intra suas ædes coactos Pontificis fata scrutari juberent. (*Andr. Maur. 16. hist. Ven*)

*Haud cunctatus est ultrà Germani-
nium, quanquam fingi ea, seque per in-
vidiam parto am decori abstrahi intelli-
get.*) Pessimo loco est minister Princi-
pis nisi pati injurias ita potest, ut non
videatur sensisse. Stultitia est profiteri
iras & indignationem, ubi vindictæ lo-
cus esse non potest. Non igitur aliud
remedium est injuriarum à majore illa-
tarum, quàm si non intelligantur. De-
pre-

prehensis artibus suis, rerum domini per vim & palàm exsequi solent, quod fortassis aliàs patrare horruissent. Quare cùm vel maledici sermonis, vel error aut culpa Principis gratiam avertunt, abdità arte celanda est fortunæ fuga, ut nec ipse reus videatur sensisse. Tum assiduus in regia, quamvis occultis ludibriis quotidiè sæviet infensus dominus, tamen ferendi constantia, novis officiis & obsequio vincat iræ pertina-
ciam. Hoc modo Alfonfus Ferrariæ Dux, cum Pontifex ipsum ditione suâ exuere in animo haberet, & ad id Episcopum Ventimilium misisset, intellectis insidiis non modo non questus est de Pontifice, sed ultrò Ventimilio apud Pontificem structarum sibi insidiarum accusato, ab ipso auxilia rogavit. (*Guic. 13.*)

Cesar indicium haud aspernatus congressus abnuvit.] Delatores, & qui rumores ad Principes gerunt occultè, cum ipsis Principibus congregari non debent:

qvip-

quippe ex arctâ & frequenti conversatione cognoscentur & cavebuntur tanquam delatores.

Cunctaque ejus facta, cum prohibere posset, scire malebat.] Quod in detegendis conjurationibus admitti potest. Sed aliàs tyranni est malle punire, quàm providere, ne pœnis opus sit. Porro dominationis regiae arcanum est; in illis populis, qui nec totam servitutem, nec totam libertatem ferre possunt, connivere primis seditionum furoribus, & cum prohiberi posset, locum dare sceleris, ut postea tanquam justâ vindictâ spoliari possint immunitatibus, privilegiisque, quibus velut acutissimis spinis Principum oculi punguntur; & veluti belli jure ex dimidiâ libertate, in quâ vivebant, in servitutem rapti, deditiorum jure tractentur. Magna erant jura, libertates ac immunitates Aragonensium: quas ipsi post Hispaniam à Juliano Comite ob stuprum filiae à Roderico Rege illatum proditam, & totis Iccc. annis

annis à Saracenis possessam juris sui effecti sibi dixerunt, condito supremo magistratu, qui secundum eas jus diceret. Postea Reges elegerunt, qui de genibus & capite aperto, tactis sacrosanctis Evangeliiis coram magistratu, eas se servaturos religioso sacramento obstringebantur, antequam eis proceres ac magistratus obedientiæ jusjurandū præstarent. Insecutis temporibus electione sublatâ Reges à gente petiti: cæterum libertatis leges denuò confirmatæ sunt; lege Unionis ob id condita: cujus præcipuū caput hoc erat; ut jus sit Ordinibus, si Rex patrias leges violet, novū in ejus locū creare, & citra crimen majestatis ad tuendam libertatē fœderationes inter se & cum vicinis Principibus inire. Item licere ipsis sumere arma cōtra copias externas in regnū ad illud vexandum ingressas, etiā si Rex ipse aut Princeps ejus hæres eas introducat. Id cū durum Castellensibus videretur, qui reges legibus solutos colunt; Ferdinand-

do

do Aragonio, qui Isabellam Castellen-
sem in uxorem duxerat, persuadere vo-
luerant, ut eas leges tanquam regiæ di-
gnitati adversas antiquaret. Verum ille
insitâ seu modestiâ seu dissimulatione
prudentissimè respondit, fide se religi-
osè datâ prohiberi, quò minùs id face-
ret: & alioqui sic existimare, æquilibrio
potentiæ regni regisque salutem pub-
licam contineri: & si contingeret ali-
quando alterum alteri præponderare,
procul dubio alterius aut utriusque ru-
inam ex eo secuturam. Sed Philippus
II. Rex, sicut ex privatis Antonii Pere-
zii odiis occasionem Escovedi è medio
tollendi captaverat, sic ex Perezii cala-
mitate, quæ seditioni Cæsar augusta-
norum (quippe Aragonius erat Pere-
zius) causam dederat, privilegiorum ci-
vitatibus imminuendorum, quibus jam
pridem insidiabatur, commoditatem
sibi oblatam avidè arripuit: & exerci-
tu summâ celeritate conscripto, missio-
que in Aragoniam, atque sublatis è me-
dio

dio libertatis vindicibus, & firmato Inquisitionis palatio. Quod extra mœnia urbis erat, & tanquam arte urbi cum idoneo præsidio imposita, populi jura atque libertatem infregit. Historiam prolixè narrat Jacobus Augustus Thuanus libro centesimo quarto.

Abnuentibus cunctis, cùm diversa prætenderet &c.] Inde amici fugiunt, unde probantur. (*Senco Epist. 9.*) &c.

Ita moderans, ne lenire, neve asperare crimina videretur. Principem ab omni acerbitatis ac truculentix suspitione abesse decet. Et quoniam gratiosissima sunt præmia, poenæ contrà odiosissimæ, ipsum omnia præmia tribuere convenit; magistratus, inquam, imperia, sacerdotia, curationes, munera, beneficia, restitutiones; poenam verò irrogare nemini, sed earum impositionem magistratibus integerrimis ac prudentissimis committere. (*Bodin. 4. de Repub. 6.*) Quo referendum est Thomæ Campanellæ (*9. de monarch. Hist.*)
con-

consilium; instituendum esse judicium, quod ipse *Gratiæ tribunal* vocat, ad quod appellare liceat condemnatis ad mortem: idq; constare debere ex ipso Rege, ejus conjuge, atq; primogenio, & denique præcipuo religionis antistite. Verum si quis sequi hoc consilium velit, ei providendum erit, ne cujusquam appellatio recipiatur, nisi cujus delictum est, cui ignosci possit. Nam qui majora scelera condonat, in justitiam peccat: qui punit, famam, quam quærit, clementiæ, amittit. Igitur hîc quoque Tiberius ad extremum Libonis preces respondit, ut *Senatum* rogaret. (*Tac. hic.*)

Iuravitque Tiberius petiturum se vitam quamvis nocenti, nisi voluntariam mortem properavisset. Quemadmodum Nero quoque dicebat, Torquatum quamvis fontem & defensioni meritò diffisum, victurum tamen fuisse si clementiam judicis expectasset. Crocodili lacrymæ!

Bona

*Bona inter accusatores dividuntur.] v.
 notas ad libr. i. verb. qui formam vita
 inuit. &c.*

*Auctu imperii adolevisse etiam priva-
 tas opes &c. dicam ad lib. 3.*

Non id tempus censura] Quippe apud
 se pensitabat Tiberius, vix coërceri
 tam profusas cupidines posse, ex coër-
 citione forsan plus damni in Rempub.
 ferri: indecorum attrectare, quod non
 obtineretur. Denique populum tot
 per annos molliter habitum nondum
 audebat ad duriora vertere.

*Inter quæ L. Piso ambitum fori, corru-
 pta judicia, sævitiam oratorum, accusati-
 ones minitantium increpans, abire se &
 cedere urbe, victurum in aliquo rure te-
 stabatur.]* Hæc etiamnum optimi
 cujusque querela est. Unde factum, ut
 jura & judicia, res sanctissimas & huma-
 no generi saluberrimas cuncti abhorre-
 ant, abominentur, detestentur: vereq; dici
 possit, tres esse Justitiæ capitales pestes,
 corruptos judices, lōgas ac penē æter-
 nas

nas lites, & denique advocatorum in-
scitiam improbitatemque. De singulis
quædam ad hunc locum notabo. Initiò
igitur referam aliquot sordibus & cor-
ruptionibus judicium tollendis aut co-
I. ercendis remedia. Primum est, ne tri-
bunalia turpissimo mercimonii gene-
re, velut ad licitantium arbitria prosti-
tuantur; sed gratis, sed benemeritis cõ-
ferantur. Accipere enim aliquid à su-
scepturis magistratum, testante Justi-
niano Cæsare, (*Nov. 8.*) omnis ne-
quitix principium est, & terminus. Ne-
que enim fieri potest, quin vendere si-
bi licere quis putet, quod emit. Hinc
homicidia, adulteria, rapinæ; hinc com-
merciorum confusio; hinc legum con-
temptus; quovis quamvis pœnam auro
redimi posse confidente. Quæ omnia
tantò veriora sunt, quantò, qui hono-
res emunt, non ob virtutes sed divitias
in sublimem tolluntur. Solebant olim
Coss. in publicum prodituri pecunias
spargere. Quod à Zenone improba-
tum.

tum est, atque constitutum, ut missilium loco c. auri libræ ad reficiendum aquæ ductum publicum à consulatum inituro solverentur; (l. 3. C. de Consul.) quod ipsum tamen etiam novissima Justiniani constitutione (Nov. 8.) sublatum arbitror. Quin etiam jurare jubentur magistratum candidati, nullis se largitionibus, sine fūco, sine fallaciis, more majorum, magistratum ambire. (Nov. 8. c. 7.) Simile est, quod Alexander Severus ad honores evehendorum nomina publicè in tabulis proscripta proponebat; unde de moribus illorum ex publicis vocibus judicium fieret. Al- II.
tera cautio est, jus dicentibus stipendia atque salaria ex publico constituere. Qvò mirè facit, qvòd I. Lipsius ex Turcicis annalibus in monitis politicis refert. Cùm Bajafetes Imperator fraudes & injurias Cadiorum suorum (ita iudices vocant) sæpius jam audiret; iratus omnes in domum qvandam includi igne comburi jussit. Sed Halis Purpuratus

ratus rationem invenit molliendæ indignationis. Habebat Bajafetes Æthiopem puerum in deliciis, lepidum, & ipsâ garrulitate amabilem; quem instructum, quid diceret ad ipsum mittit. Venit igitur quasi accinctus ad iter; quærentique Imperatori, quid præter morem hic vestitus? respondit, ut peregrè eam, & ableger à te ad Imperatorem Constantinopolitanum, Caligeros aliquot (hi Græci monachi sunt) arcessiturus, ut nobis jus dicant, quoniam omnes tuos iudices vis occisos. Cui Imperator, ô mi Æthiopille, inquit, nunquid illi sunt periti legum nostrarum? & non sunt, opportunè respondet Halis Purpuratus, ô Domine, cur igitur peritos tollis? nam refert Bajafetes cur malè judicant? Iterùm Halis, ego, Domine, causam edam. Hi nostri stipendium è publico nullum percipiunt; Capiunt igitur mercedulas à privatis. Hoc corrige, & illi
cor-

corrigentur. Placuit consilium Ba-
 jafethi, & decrevit, ut, cui hereditas
 tot millium asprorum (id genus mo-
 netæ Turcicæ est) venisset, is in sin-
 gula millena Cadio suo daret vicanos;
 in matrimoniorum & ejusmodi con-
 tractibus item vicanos. Ita justitiæ
 subventum. Tertia in hanc rem cau- III.
 tio est, ne quis patriæ suæ administra-
 tionem fortiatur: in quâ multum gra-
 tiæ necessitudinum suarum daturus
 præsumitur. (*Paul. v. sent 12. §. 5. ibi-
 que. Cujac. vid. tit. C. ut nullipat. su. adm.
 &c. & ibi Gothof.*) Quod non tan-
 tum jura civilia Romana, sed & in
 Gallia Philippus Pulcher, & Caro-
 lus V. Reges constituisse dicuntur. Et
 olim populus Florentinus; quò omnis
 injuriæ inter litigantes suspicio tolle-
 retur, duos è peregrinis sibi judices
 elegit. (*Boter. 1. della ragion di stato
 17.*) Anno clv. c. xc1. Senenses ex
 peregrinis Iudicem sumere cœperunt.
 (*Orland. Malavolt. 4. hist. Sen.*) Pi-
 fani

fani atqve Genuates peregrinum magistratum *Potestatis* nomine accipiunt. (*Guicciard. 4.*) & Lucensium *Rosa* (ita summum tribunal vocant) tribus constat Iurisconsultis, quorū patria quinquaginta ab urbe milliaribus absit.

IV. Quarta cautio est, ut jure jurando, metuqve Numinis obstringantur, qui homines contemnunt. (*5. Thom. Dempster. I. de juram. 13.*) Olim in Frisiis decretum erat, ut qui in judicatu sunt quemadmodum in exordio muneris sanctissimo jurejurando se Reip. obligant, integrè se munus obituros, jus omnibus æqualiter sinè respectu personarum dicturos; justitiam, quantum in se sit administraturos; ita munere decedentes similiter pulcherrimum jurejurandum jurent; nihil se eorum; quæ istuc pertinerent, scientes & volentes omisisse; fidemqve in omnibus intemeratam Reipub. præstitisse. Hac duplici religione conscientis judicum obligatis, castius eos in officio versaturos, inter

ter tot illecebras à recto abducentes arbitrabantur. (*Vbbo Emm. 14. hist. Fris.*) Iustinianus quoque (*Nov. 8.*) iudicibus iusjurandum præscripsit, quod ipse a libi, (*Nov. c. 11.*) horrendissimum vocat, Verba illius huc adscribam: Juro ego per Deum omnipotentem, & Filium ejus unigenitum, dominum nostrum Jesum Christum, & Spiritum Sanctum, & per Sanctam gloriosam Dei genitricem & semper Virginem Mariam, & per 4. Evangelia, quæ in manibus meis teneo, & per Sanctos archangelos Michaëlem, & Gabrielem, puram conscientiam, germanumque servitium me servaturum sacratissimis nostris Dominis Justiniano & Theodoræ conjugī ejus, occasione traditæ mihi ab eorum pietate administrationis: & omnem laborem ac sudorem cum favore sine dolo & sine arte quacunque suscipio in commissā mihi ab eis administratione de eorum imperio atque Republica: & communi-

cator sum sanctissimæ Dei Catholicæ & Apostolicæ Ecclesiæ: & nullo modo vel tempore adversabor ei, nec alium quæcunq; permitto, quantum possibilitatem habeo. Juro quoque jusjurandum, quòd nulli penitus neque dedi neque dabo occasione dati mihi cinguli, neq; occasione patrocini, neq; promissi, neque professus sum de provinciâ mittere, neque mittam, neque occasione dominici suffragii, neque famosissimis præfectis administrationem habentibus, neq; iis, qui circa eos sunt, neque alii hominum ulli: sed sicuti suffragio percepi cingulum, sic etiam purè me exhibebo circa subiectos piissimorum nostrorum dominorum: contentus iis, quæ statutæ sunt mihi de fisco, annonis. Et primum omne habebo studium, ut fiscalia vigilanter suscipiam, & in devotos quidem & indigentes necessitate cū omni exigam vehementia, nequaquam subinclinatus, neque ob hoc lucrum ipsum considerans, aut per gratiam vel

odi-

odium exigens aliquem, citra quam competit, aut concedam alicui: devotos autem paternè tractabo, & subiectos piissimorum nostrorum dominorum illæsos undiq; quantum possibilitatem habeo, custodiam: & æquus in causis utrique parti, & in publicis disciplinis ero, nullique parti, citrà quam justum est, præstabo: sed exequar universa delicta, omnem æquitatem servabo, secundum quod mihi visum fuerit justum: & eos quidem, qui innoxii sunt, undique innoxios illæsosque conservabo, noxiis autem imponam supplicium secundum legem; & omnem iustitiam, sicut iam dictum est, in publicis & privatis contractibus eis servabo; & si comperero, fiscum iniustitiam pati, non ego solum hoc ago, sed etiam semper mihi assidentem talem studebo assumere, & circa me omnes; ut non ego purus quidem sum, qui verò circa me sunt, furentur, & delinquant. Si quis autem inveniat circame talis, & quod sit ab

eo, me fanare, & eum expellere. Siverò non hæc omnia ita servavero, recipiam hîc & in futuro seculo in terribili judicio magni Domini Dei & Salvatoris nostri JESU CHRISTI, & habeam partem cum Juda, & lepra Giezi, & tremore Cain; insuper & pœnis, quæ lege eorum pietatis continentur, ero subjectus.

- V. Quintum erit remedium, ut pœnæ constituentur gravissimæ in eos, qui pecuniâ aut gratiâ corrupti malè judicarunt. Hinc leges Romanæ de repetundis. de falso, de vi, & cæteræ. Hinc sapientissima illa, nec minus tamen cum irreparabili justitiæ damno neglecta Zenonis lex, (*l.un.C.ut omn.jud.tam civ.&c.*) aliquoties à Justiniano repetita; (*Mov. 8. 109. 46. 123.*) quâ cavetur, ut provinciarum præfides, alique magistratus, post depositam administrationem, quinquaginta dies in loco, quo magistratum gesserint, permaneant; quò pateat omnibus facultas, super
rapi-

rapinis aut concussione, aliisque criminibus conveniendi illos. Et simile est Genuensium institutum, apud quos V. viri sunt, *Syndicatorum* nomine; quorum officium est, in omnes magistratus, finito officio, inquirere; & in male gestæ Reip. damnatos animadvertere. (*Carol. Sigon. l. 1. de vita Andr. Auria.*) Et superioribus annis (1612.) tres Quæsitores cum vitæ necisque potestate, in loca, quæ Orientem versus Venetis parent, à Repub. missi sunt, qui in magistratus, si quæ fortè adversus leges fecissent animadverterent, & à potentioribus oppressis subvenirent. (*Andr. Mauroc. 18. hist. Venet.*) Sextò denique VI. neque illud prætereundum est, Tiberii temporibus Severum Cæcinam in Senatu censuisse, ne quem magistratum, cui provincia obvenisset sua uxor comitaretur; quia quoties repetundarum aliqui arguerentur plura uxoribus obiectarentur; his statim adhærescere deterrimos quosque, ab his negotia su-

scipi, transigique (*Tacit. 3. Annal.*)
 Quemadmodum an. Christi cIo.Io.cl.
 Lemosii Comes Neapolis, & Machedæ
 Dux Siciliæ Proreges uxorum nomine
 comparatis, atqve instructis navigi-
 is piratarum morum excursionibus
 maria fcedarunt. (*Maurocen. 16. hist.*
Ven.)

Nunc ad litium diuturnitatem trans-
 eo, quam alteram justitiæ pestem dixi.
 Æterna hodiè sunt jurgia: ut si cum
 sumptibus sit conferenda molestiarum
 ratio, gravius putes sic vincere, quam
 confestim damnari. Nam & modum &
 numerum prægressæ sunt artes ac no-
 mina, quibus miserrimos clientes pa-
 troni & judices frustrantur. Articula-
 tim & lentè hos discerpunt, qui semel
 perire potuerant. Sæpè itur ad judices,
 causa narratur, aliquot anni abeunt, nec
 dum contestatio litis facta est. Judici-
 bus hîc non vacat, hîc omisso litigio-
 so negotio hærent patroni in causis mi-
 noribus, quæ nuuc spontè, nunc eorum
 stu-

studio nascuntur è primâ. Hæc prælu-
 dia adornant, his proclamant inauditis
 iter ad verum Judicibus esse non posse.
 Sic dubia ex dubiis feruntur: sic imma-
 ni dilatione pereunt litigantes, magnâ
 in infontes inopesqve injuriâ. Nam qui
 in divitem inimicum pauper inciderit,
 tam longo & sumptuoso itinere con-
 ficitur; procumbitqve deniq; lassus: nec
 recuperato jure inultus, æmulo minus
 suo, quâ huic prolixæ æquitati irascitur.
 Ne quare cur tam diu Judicibus place-
 at, & patronis, ad se delatos cruciari.
 Nempe ex morâ & tempore sua opera
 æstimatur. Sic patronis, in quâ, crescit,
 sic Judicibus merces. Multa scripsisse,
 multa audivisse (quanquâ ea præstabat
 compendio fieri) acerrimè vendunt; eò
 peiores quod quæ peccant, ipsi justitiæ
 imputant. Præterea cōsuetudine vidēdi
 miseros, & deinde faciendi, exuunt hu-
 manitatis sensū; aut potius miserū esse
 non credūt, litigare. Ita duri ad questus
 parū supplicibus movētur, & ab iis tā-

tum culti, saltem amant longiora in ipsos exercere imperia. De remediis contra litium prolixitatem alii, sed benè ac eleganter novissimè scripsit sub ficto nomine quidam Pomeraniæ Ducibus à consiliis. Libro titulum fecit Parthenius Litigiosus. Ex illo petenda sunt, quæ hic dici possent, ac deberent. Non tamen omittendum est, primum ac præcipuum, quo litium tempora breviora fiant, esse curam Principis: cuius est cum interminatione pœnarum edicere (sed hoc graviter, nec, ut solemus, terroris mox evanescentis imagine) ne ulla lis ultra certum tempus, quod ipse præstituat, apud iudices hæreat. Justinianus noster civilibus litibus triennium (spatium sat longum) præscripsit. (l. 13. C. de judic.) Labentibus seculis specie æqui in reorum auxilium inventa sunt ea, quibus denique simplicitas legum occubuit, frustrationes, rescripta, & quæ semel constitui poterant velut religioso ordine in varios dies dilata.

lata. Hæc verò quia Iudiciis & patronis ad lucrum sunt, jam neglecto reorum commodo tam sanctè observantur, quasi iudiciis cives, non hæc illis inventa sint. Porro in arctiorem numerum & ad duorum triumve amanuensium laborem reducuntur vana nomina & munia illorum, qui à secretis, à scriptionibus dicuntur, (& horum maximè interest, diu lites vivere) homines scientes formularum, iurgiorumque præceptores: qui velut licitâ crudelitate, & jam ipsâ consuetudine excusatâ de clientum miseriis, ex injuriâ populi, ex clade & sanguine miserorum perenni pastu saginentur. Denique cum causarum patroni sint maximè, qui vitam imò immortalitatem litibus conciliant: illorum maximè audacia refrenâda est. Antiquis temporibus florebant elegantia præfæ patrociniis tribunalia: cum oratores concitæ facundiæ attenti studiis doctrinarum, ingenio, fide, copiis ornamentisq; dicendi pluribus emine-

O 5

bant;

bant; ut Demosthenes, quo dicturo concursus audiendi causa ex totâ Græcia fieri soliti sunt: & Callistratus, quē nobile super Oropo causam perorantem idē Demosthenes Academiâ cum Platone relictâ sectatus est: ut Hyperides & Æschines, & Andocides & Dinarchus & Antiphon ille Rhamnusus, quē ob defensum negotium omnium primū antiquitas prodidit accepisse mercedem. Nec minùs apud Romanos Rutilii, & Galbæ & Scauri, vitâ, moribus, frugalitateq; spectati, & sequentibus ætatibus censorii; consularesqve & triumphales multi, Crassi & Antonii, Scævola post exercitus prosperrimè ductos, post victorias, & trophæa, civilibus stipendiorum officiis floruerunt; laurea; fori speciosis certaminibus occupantes, summis gloriæ honoribus fruebantur. Post quos excellentissimus omnium Cicero orationis imperiosę fulminibus sæpè depressos aliquos judiciorum eripuit flammis. At nunc videre est ubiq;

violenta & rapacissima genera hominū,
 per fora omnia volitantium: qui cum
 immaturè è scholis eruperint, plerun-
 que ita rudes sunt, ut nunquam se libros
 habuisse meminerint: & si in circulo
 doctorum authoris veteris inciderit
 nomen, piscis aut edulii peregrinum
 esse vocabulum arbitrantur. Sed con-
 donari hoc posset, si saltem suæ, quam
 profitentur, scientiæ peritiores essent.
 Nunc adeò perversa & inepta plerunq;
 studiorum ratio est, ut non mirandum
 sit ex malè culto ingenio nullos aut
 malos provenire fructus. Sunt, qui ne-
 que latinam linguam vel mediocriter
 docti, neq; humanioribus literis vel le-
 viter tincti ad jus addiscendum malè
 sanum animum applicant. Ubi cum dif-
 ficultatem, & sine aliarum literarum
 subsidio innavigabilem Oceanum per-
 spexerint, aut infeliciter cœpto labori
 succumbunt, aut, ne nihil egisse videan-
 tur, ordinem judiciorum, & scribendo-
 rum testamentorum contractuum-

que formulas ediscunt. Inde in forum & ad jurgia provocant, cùmque causarum merita non intelligant, in solis judiciorum solemnibus hærentes, infelices & imperiti nautæ vectorem, qui suas illis fortunas commisit, perditum eunt. Vidi homines, qui cùm elementa juris à Justiniano cupidæ legum juventuti tradita ne primoribus quidem labris degustassent, Bartholum & Baldū manibus versabant. Alius erat qui cùm Jasonem ex Bibliotheca quadam peteret, scripto professus est, commodatò accepisse *Jasonis opera in novem soluminibus*. Hi ut altius videantur jura callere, Bartolum ubiq; loquuntur & Baldum, & Menochium, & Cardinalem Tuscū: adeò ut in pervulgatæ alicujus juris regulæ probationem sexcentas plerumque proferant auctoritates. Quidam cum responsum suum cœpisset, à verbis: *In nomine Domini nostri JESU CHRISTI, AMEN*: addit legem I. C. de offi. præf. præt. Afric. & centeni alii regulam

lam illam Logicam, positâ causâ ponitur effectus, similesque innumeris legibus & auctoritatibus Ictorum firmant. Etiam qui doctiores sunt, cum quos nobis Justinianus libros reliquit, vel tanquam antiquatos fastidiunt, vel ut nimis difficiles horrent, ubi certis quibusdam quæstionibus controversisque ventilandis disputandisque annos aliquot transegerint, egregios se esse JCtos credunt. Denique pro Pandectis & Codice & juris universi scientia certos habent illustrium quæstionum scriptores. Quasi non illi ipsi viri clarissimi methodi aut controversiarum potius enodandarû causâ scripserint illas disputationes, quàm quòd iis universum jus comprehendi arbitrarentur, aut certè nimis superba foret opinio. Digesserunt in ordinẽ universi juris titulos & summa capita: verum non & universum jus, quod sub illis titulis continetur. Inde plerumq; accidere videmus, ut cum isti modo tã egregii

dispu-

disputatores, post illas quæstiones *pro
& contra* sæpius disputatas, *resolutasq;* in
forum transeunt, ad non magnæ diffi-
cultatis propositas facti species respon-
dere, nisi petito ad deliberandum evol-
vendosq; juris libros, spatio, nequeant,
mirenturq; se hæerere. Quasi ducentis,
trecentisve quæstionibus universi juris
scientia contineatur. Imensum est & in-
finitum id, in quo versantur Jurecōsulti
nec ad finem, quem præcipuum illi habe-
re debent, respondere scilicet de jure,
& consulenti civitati instar oraculi esse,
nisi multis vigiliis, assiduâ nec perfun-
ctoria librorum de jure scriptorum le-
ctione, & deniq; non nisi magno judi-
cio pervenitur. Secundariū jurisperiti
officium est, testamentorū contractu-
umq; formulas concipere, & judiciorū
formulas scire: præcipuū verò, primūq;
ad propositam facti speciem, in oraculi
modum, quid scriptę leges, quid mores,
quid æquum jubeat, respondere. Caro-
lum Molinæum J. Cum accepimus,
cum

cū Tubingæ ageret, in collegio J. Ctorum ubi de jure respondendum esset, auditis cæterorum sententiis, qvī laboriosè erutis ex abdito argumentis pro sua sententia depugnabant, probata plerumq; illorum, qvī primi dixerant, sententiā, juris textum addidisse adeò evidentem, adeò clarum, ut cæteri longiori disputatione plerumqve superse- dendum sibi arbitrarentur. Tanta homini memoria, tantum erat judici- um. Nunc miselli *disputatores*, ut *ad ca- sum propositum* respondere possint, tra- ctatus & commentarios, & glosas, & decisiones, & consilia evolvere necesse habent donec inveniant *casum in ter- minis*. Non igitur mirum esse debet, tam paucos esse consultos æqvī & juris: & ex diverso imperitos advocatos, pa- tronos, scriptores, judices adeò nume- rum superare, ut penè pauciores sint a- gricolę, pauciores qvī in mercatura ver- santur, regnumve custodiunt: eò quidē majori reip. detrimento, qvòd si inter
pau-

pauciores, sed spectati candoris advocacy munus esset, tot illa ingenia, quæ noxia calliditate se corrumpunt, melioribus studiis ornarent patriam; disciplinas & artes aut proderent novas, aut inventas excolerent. Ea igitur prima in advocatorum multitudinem cautio Principi sit, ut ne promiscuè in numerum recipiantur, qui inopia juris-peritiæ ora mercenaria procudentes per prostitutas frontes vilesque latratu ad effrænatam deflectunt conviciandi licentiam; vel inter sollicitudines judicum per multa distentas, irresolubili nexu vincientes negotia, laborant, ut omnis quies litibus implicetur, & nodosis quæstionibus judicia circumscribantur. (*Amm.* 30.) Sed pauci sint, & qui judiciis sufficiant, non ordinis modò judicarii omnisque ad litigandum articuli periti, sed & ipsam causam legum, juris, rationis suffragiis defendere apti. Sint denique boni viri, & qui magis honestum quàm pecuniam ament.

ment. Tum ad quos patronos causæ deferuntur, ii Deo Opt. Max. in singularum litium exordio faciant sacramentum, nullam se causam, quod sciant, iniquam oraturos (v. *Thom. Demost. 1. de juram. 10.*) Quos si hanc fidem fefellisse constiterit, aut clientem prævaricatione læsisse: præter infamiam genus supplicii excipiat, cujus timor apud paria ausuros plusquam omnis religio possit. Illud denique utilissimâ lege cavendum est, ne quid à clientibus patroni accipiant, priusquam lis finem acceperit. Ita fiet, ut patroni moras ode-rint, & contentione ad metam, dum sibi sic studebunt, aliis profint.

Audiente hæc Tiberio, & silente] Solemne est sapientibus Principibus, libertatem dicendi aliis permittere, potestatem statuendi servare sibi.

Haud dubium erat, eam sententiam altius penetrare, & arcana imperii tentari] Relatus est hic locus sup. hoc libro verb. cæterum Tiberio haud ingratum &c.

Quò

Quò magis mirum fuit, quò preces M. Hortali, nobilis juvenis in paupertate manifesta, superbius accepisset.] Sive malignitate, sive, quòd verius puto, nolebat Tiberius, ut beneficii gratia, quam à solo Principe accipere par erat, Senatui deberetur. Et hoc est, quòd Tacitus paulò inferius ait, inclinationem Senatus, incitamentum fuisse, quò promptius adversaretur. Prudentia igitur fuit, non malignitas; quòd ex eo quoque constat, quòd Tacitus de Tiberio ait, Senatorum census juvisse.

Nepos erat oratoris Hortensii, inleclus à Divo Augusto liberalitate decies sestertium ducere uxorem, suscipere liberos, ne clarissima familia extingueretur.] Et tamen idem Augustus sævissimâ proscriptione nobilissimum quemque sustulerat. Adeò & tyrannum, & bonum principem tam benè expressit. Nimirum erant imperii initia violenta; consiliaque omnia ad oppressionem libertatis Romanæ spectantia, necessarium igitur

tur quædam vi tractare, quò cæteris
 quies esset. Ubi quies erat, & ferocissi-
 mis per acies aut proscriptione subla-
 tis, cæteri nobilium, quantò quis servi-
 tio promptior, opib. & honoribus ex-
 tollebantur: ad bonorum principum
 artes transire pars consilii fuit. &c. *era-
 rium: quod si ambitione exhausterimus, per
 scelera supplendum erit*] v. quæ scripsi ad
 lib. i. verb. *eroganda per honesta pecunia
 cupiens, &c.*

*Languescet alioqui industria, intende-
 tur socordia, si nullus ex se metus aut spes:
 & securi omnes aliena subsidia expecta-
 bunt, sibi ignavi nobis graves.*] Traja-
 nus Boccalinus alicubi ait, bonas lite-
 ras in paupertate natas, in eadem, tan-
 quam suo elemento proprio vivere.
 Poëtas maximè à Regib. nullis aut me-
 diocrib. debere coli præmiis, victum &
 vestem illis sufficere, ex abundantia
 bonorum corporis existere penuriam
 bonorum animi. ex otio eos marcere
 Quæadmodû nimia in gallinis obesitas
 eas

eas reddit infœcundas ; ita poetas deliciis & otio corrumpi. Poëtas denique non natura, ut canes, sed fame coactos, velut astures & falcones, venatum ire.

Avita nobilitatis etiam inter angustias retinens.] Prudentes aulici inter officiosæ demissionis verba, sive cum superioribus sive cum æqualibus agant, nihil artis omittere debent, quò aliorum spirituum retinentes non videantur aliis viles.

Crebrescit vivere Agrippam] de his qui falsas Principum defunctorum personas induerunt, moveruntque credulos aut turbidos, eoq; nova cupientes, dicam ad lib. 5.

Speculati noctem incustoditam, acceptâ idonea manu vinctum clauso ore in palatium traxere] Optimum sanè consilium. Quippe expectare, donec vana credulitas tempore ipso vanesceret, in novo imperio, & apud promptas turbidorum, eoque nova cupientium aures, anceps & intuitum. Si milite servum suum

suum coërcere, eique magis anxie aut publicè irasci voluisset; nimio supplicii solatia erant, Imperatorem æmulatione ussisse. Aptissimum igitur fuit doli hominem capere. Ita & securitati & auctoritati consultum erat. Non multi adhuc anni sunt, cum Pontifex Magnus & Hetruriæ Dux in rebellem suum Alphonsum Piccolomineum juncta moverunt arma, quæ sanè res nimis magno fuit honori ei, qui Principes suos tam procaciter lacessiverat.

Nec Tiberius poenam ejus palam ausus, in secreta palatii parte interfici jussit, corpus clam auferri.] Retuli hanc cautionem puniendi homines populo acceptos clam & in ipsis carceribus suprà hoc eodem libro.

Et quanquam multi è domo principis, equitesque ac Senatores sustentasse opibus, juvasse consiliis dicerentur, haud questum.] Relatus est hic locus ad lib. I. verb. Granium Marcellum. &c.

Breves & infastos populi Romani amores.]

mores] dixi ad lib. I. verb. *exformidine ne Germanicus &c.*

Nec ideo sinceræ caritatis fidem adsecutus, amoliri juvenem specie honoris &c.] Istam artem nos quoque alibi notavimus, invisos aut suspectos honoris specie remove. Et in aulis singularis calumniantium ratio est, accusatoriam diritatem, ut quidam loquitur, laudibus peragere. Laudant, quos odio habent, ut maligna deinde inferentibus sit pronior fides. Præterea, quos æmulos habent, hoc modo à latere Regis qui cujusque virtutis spectator & arbiter esse poterat, amovet. Quomodo Apelles, omnium secretorum Philippi Macedoniae Regis arbiter, præcipue dignationis viros laudando, quod dignissimos esse diceret, qui in castris versarentur, periculis & casibus dolose objectavit. (*Polyb. 4.*) Et Agrippina, qui centurionum tribunorumque sortem Britannici miserebantur, removet fictis causis, & alios per speciem honoris (*Tac. 12. Annal*)

Mu-

Mucianus, quia propalam opprimi Antonius nequibat, multis in Senatu laudibus cumularum secretis promissis onerabat, citeriorem Hispaniam ostentans (*Tac. 4. hist.*) Iulianus à Constantio Cæsar factus, inque Germanias missus est, ut inter ferocissimos illos populos periret. (*Amm. Marcell. 16.*) Theodorus Stiptiotes eodem prætextu Ioannem Hagiotheodoritam magnum in Manuëlis Imperatoris gratiâ virum è regia in extremum angulum Præturæ Peloponnesi exegit (*Nicet. Choniât. 1. annal.*) Ruigomezius Sylva Albæ Ducem in Belgii procurationis petitione cæteris prætulit; non reipublicæ curâ, aut amore Ducis, sed ut æmulum procul aula haberet. (*Io. Bapt. Cin. 7. de vita Cosmi.*)

Invisus Tiberio, quod eum Rhodi agentem nullo officio coluisset] Cum Principibus, eorumque consanguineis reverenter agendum est, in quacunque sint constituti fortuna: quia *brevi momento summa verti possunt*: (*Tacit. 4. annal.*)

& qui

& qui jam prodesse & juvare nequeunt, forſan olim nocere poterunt. Documento eſt Archelaus Rex, de quo hîc Tacitus, quem ſubvertit Tiberius, nullam aliam ob cauſam illi infeſtus, quàm quod Rhodi agens nullo officio ab eo cultus eſſet. Nec id Archelaus per ſuperbiam omiſerat, ſed ab intimis Auguſti monitus quia florente C. Cæſare, miſſo que ad res Orientis intuta Tiberii amicitia videbatur. Quo magis veſani ſunt, qui nullâ coacti cauſâ gratuitas ſibi accerſunt inimicitias. Ludovico Hutino in Galliis Rege Engerranus quidam intimâ apud Philippum Pulchrum gratiâ à popularibus author graviffimi tributi indicendi inſimulabatur. Sed cæteri plus mali imprecari ei, quàm creare poterant. Premendi hominis princeps inventus eſt ex ipſa regiâ Carolus Valeſii Comes, Ludovici Regis patruus. Cauſa atrocis odii, quòd, dum apud Pulchrum controverſia eſſet inter ſummos Normaniæ proceres,

ceres, alteri Engerranus, alteri Carolus aderat. Exortâ contentione exardefcentibus studiis mentiri Carolum Engerranus dixit. Id verbum nobilitati gravius omni vulnere in memoria Caroli eo usque sedit, ut vivo Pulchro fratre exequi dolorem non ausus, in rudimento regni Ludovici Hutini ultionem petierit. Peculatus reum agere placuit. Ad Luparam ductus interrogatusque de pecunia publica, regniqve tributis exactis, respondit per magnam partem ad ipsum Carolum Valesii Comitem pervenisse. Quo responso magis irritatus Carolus non destitit, donec furcâ suspenderetur Engerranus. (*P. Emil. 8.*) An. Christi cId. Id. LXXXIII. Mahumetes Hodabendes Persarum Rex bellum moliebatur contra filium Aban, rebellionis apud se delatum præcipuè ab Merize Salma inter satrapas principe: qui regnandi olim sub altero filio, cui ille filiam suam in matrimonium tradiderat, ad insaniam

P cupi-

cupidus, expeditionis contra filium patri author erat. Sed exitus hic fuit, ut Abâ in gratiam à parente recepto, omissoque bello tota irarum moles in Salmam incumberet; isque ut damnosæ expeditionis periculâ & incommoda lueret, capite plecteretur. (*Thuan.* 78.) Ex quo apparet, suo sibi, quod dicitur, jumento malum quærere, qui Principum maximè propinquorum simultates per calumnias alunt, & exacerbant. Nam ferè usu venit, ut illi reconciliantur, & depositas iras in ministros primarios vertant, ac velut ex pacto alteri ab alteris, invisos sibi ad pœnam deposcant. Nec modò ita belli concitatores ac velut tubæ hostium iræ dediti, sed & boni fideique sæpè amici à Principibus proditi sunt. Exemplum est cruenta illa Triumvirorum proscriptio. Cùm enim illi post varia inter se gesta bella convenissent de invadendâ Rep. nefandâ proditione, quisque suarum partium præcipuos inimicorum, quos

quos illi offenderant, ultioni dediderunt; vendentes auctionantesque sibi quondam amicissimos velut sub hasta positos. (*Dio Cass. 47.*) Franciscus Simonetta cum Francisco Sforziæ fidem suam egregiè probasset, & eodem animo esset in Galeatium Francisci Filium, cujus tutelam cum matre vidua administrabat; ab offensis Galeatii fratribus Ticini trucidatus est. Cum enim ille, ut pupillo principatū servaret, fratres ejus & Robertum Sanseverinatem Mediolano expulisset, mater paulo post transactis controversiis Simonettam illi tradidit, quem, ut dixi, crudeliter occiderunt. Hoc metu subitaria, & in consiliariorum exitium desitura reconciliationis multis libertas eripitur, etiam fides, sed dum impune licet, & sibi, antequàm Principi. Scilicet illi prudentes, quorum consilio in rebus dubiis utuntur Reges, non sic auspicantur publicas curas, ut privatam suæ salutis sollicitudinem deponant. Itaque cum in alios

consuluntur (civilibus maximè bellis) eorum offensam veriti, sæpe remissas sententias & frigidas dicunt: ne si quid acrius statuerint, illi ipsi, in quos dicunt, postquam ut mos est, in aulâ reconciliati floreant, aut factione & armis superiores evadent, in ultionem fervent animos, ac denique ruina immerentur exfatient. Inde Tacitus (*lib. 1. hist.*) ait: Calerium Trachalem, cujus ingenio Otho in rebus urbanis utebatur, in oratione; quam Othoni præscripsit, sibi metuentem contumeliis in Vitellium abstinuisse. Et tertio Historiarum idem Tacitus cum Senatores Romanos de Cæcinæ Vitellianarum partium duci defectione compositâ indignationem conquestos dixisset, addit: *nulla in oratione cujusquam, erga Flavianos duces obtreptatio. errorem imprudentiamque exitium culpantes Vespasiani nomen suspensum & vitabundi circumibant. &c.*

Si intelligere crederetur, & vim metuentis] v. quæ scripsi sup. hoc libro a

ver

verb. *haut cunctatus est ultra Germanicus &c.*

Tiberius demoverat Syria Creticum Silanum, per affinitatem connexum Germanico.] Quod ita necessarium erat ob suspectum Tiberio Germanicum. Sed & cessante isto respectu parum securares est, procurationes, munimenta, exercitus esse in manibus plurium personarum sanguine junctarum. Indeque Veneti in majoribus civitatibus suo dominio subjectis justitiæ curam, & armorum præfecturam, diversa officia, diversis tribuunt. Et olim Senis constitutum erat, ne duo ex eadem familia eodem tempore in magistratu essent, (*Orland. Malavolt. lib. 3. hist. Sen.*)

Præfecerat Cn. Pisonem ingenio violentum.] Inter cæteras artes, quibus nimii quorundam spiritus franguntur, notavi alicubi hanc quoque addere nimirum illi suspecto collegam velut inspectorem, qui spes illius coerceat.

Drusus in Illyricum missus est, ut sues-

sceret militia, studiaque exercitus pararet: &c.] Alibi dixi egregios duces, prudentesque Senatores esse, quibus Principum adolescentia regenda committi debeat. Hoc loco quadruplex notanda causa est, ob quam Tacitus Drusum in Illyricum ad exercitus missum dicit. Primò, ut svesceret militiæ: deinde, ut studia exercitus pararet: tùm, juvenem urbano luxu lascivientem meliùs in castris haberi: & denique quòd Tiberius tutiorem se rebatur utroque filio legiones obtinente. Plura non addo, quod Scipio Amiratus hoc argumentum benè tractet. (*lib. I. disc. 10.*)

Vacui externo metu gentis assuetudine, & tùm emulatione gloria, arma in se verterant.] Communis opinio est, Carthaginem destructam causam fuisse civilium bellorum, quæ postmodùm Romanos exagitarunt. Sed alibi aptior erit demonstrandi locus, non excidium Carthaginis, sed corruptam Reip. formam tot mala generasse.

Arminium pro libertate bellantem favor habebat.] Et hic idem tamen abscendentibus Romanis & pulso Maroboduo regnum affectans libertatem popularium adversam habuit. Videbis quæ dicam ab librum 4.

Longâ adversus nos militiâ insueverant sequi signa &c.] retuli hūc locū sup. lib.1.verb. *Pompejum imagine pacis &c.*

Inguionem una tenens, illo in corpore decus omne Cheruscorum, illius consiliis gesta, quæ prospere ceciderint, testabatur.]

Sæpe vir unus & una fortuna, si rebus adspirent, res magnas & mirabiles efficere possunt. (*Polyb.lib.8.*) Romani cum ingenti exercitu, terrâ marique Syracusas obsiderent, si quis unum urbi senem, Archimedem, adimeret, confestim urbe se potituros sperabant: illo verò præsentē ne accedere quidem propiùs ad mœnia audebant. (*Polyb.d.1.*) Mortuo Brasidâ, cuius ductu atque auspicio felicissimè cum Atheniensibus pugnarunt Spar-

tani, quod, quæ ille cæperat, à se perfici posse desperarent, ad pacis mentionem descenderunt. (*Thucyd. v.*) Et ita ferè semper acciderè solet, ut cæsis præstantissimis belli ducibus, amittantur munitissima loca, solvantur obsidiones, fundantur acies, animi exercitibus minuantur contraque crescant hostibus. Epaminondæ virtute ex infimis incrementis Thebarum civitas ad spem imperii Græciæ erecta est: sed postquam illè decessisset, vires quoque Reip. cum illo conciderunt. Nam sicuti telo si primam aciem perfregeris, reliquo ferro vim nocendi sustuleris; sic illo velut mucrone teli sublato, rei quoque publicæ vires hebetatæ sunt: ut non tam illum amisisse, quàm cum illo interiisse omnes viderentur. Nam neque hunc ante ducem ullum memorabile bellum gesserunt: nec postea virtutibus, sed claudibus insignes fuere: ut manifestum sit patriæ gloriam & natam & extinctam cum illo fuisse. (*Iustin. 6.*) In uno Alci-
bia-

biade tantum fuit momenti, ut maximi imperii Atheniensium subversi & rursum recepti auctor esset; & unde stetisset, eo se victoria transferret; fieretque cum eo mira quædam fortunæ inclinatio. (*Iustin. 5.*) In bello, quod inter Messenios & Achæos, gestum est, Philopœmenes Achæorum imperator (quem quidam ultimum Græcorum scite vocat) captus est; non quia pugnando vitæ pepercerit, sed dum suos in prælium revocat, in transitu fossæ eqvo præcipitatus à multitudine hostium oppressus est. Quem jacentem Messenii seu metu virtutis, vel verecundiâ dignitatis interficere ausi non fuerunt. Itaque velut in illo omne bellum confecerant, captivum per universam civitatem in modum triumphi circumduxerunt, effuso obviam populo, ac si suus non hostium imperator adventaret; nec victorem Achæi avidius vidissent, quàm victum hostes viderunt. Igitur eundem in theatrum duci jusserunt, ut omnes

contuerentur quẽ potuisse capi incredibile singulis videbatur. Inde in carcerem ducto verecundiâ magnitudinis ejus venenum dederunt. (*Iustin.* 32.) In superabilis virtus! Licuit hostibus de capite vitæque Philopœmenis statuere. Virtus Philopœmenis de hostibus triumphavit. Hannibali etiam hostes tantam inesse vim censebant, ut etsi omnia alia circâ ruerent, eo tamen salvo salvæ Pœnorum res viderentur. Vivo Alexandro milites ipsius putabant, quantalibet vis omnium gentium conspiret impleat armis virisque totum orbem, classibus maria consternat, inusitatas belluas inducat, Alexandrum posse illos præstare invictos. (*Q Curt.*) Mortui tanta adhuc erat veneratio, ut Argyraspides omnes alios duces fastidirent; sordidam militiam sub aliis post tanti Regis memoriam existimantes. Hungari regnante Henrico Aucupe in Saxoniam excurrentes, cunctaque cædibus, incendiis, rapinis miscentes, Bre-

mâ

mâ quoque exultâ ad littus usque Oceani penetrarant : cùm Henricus nullo milite instructus ferocissimæ genti occurrere non auderet. Verùm capto nobili quodâ ex Hungaris viro , ut illû redimerent, in novē annos inducias pacisci nō dubitarūt (*Vbb. Emm. 6. hist. Fris.*)

Delectus est M. Aletus è pratoriis , ne consulari obtinente Asiam , emulatio inter pares, & ex eo impedimentum oriretur.]

Bella duorum ducum auctoritate parium auspicio gesta raro feliciter exire aliis observatum est. (*v. N. M. 3. disc. 15. Scip. Amirat. hic.*)

Verùm num dominatio stabiliatur ferendo alendoque inter subiectos discordias , nondum adhuc definita quæstio est. Certè in Ægypto consultò variis superstitionibus permissum olim erat vulgus, ne à se invicem dissidentes in Regem conspirarent, ut ex Diodoro Siculo refert in eruditissima tabulæ Isiacæ explicatione vir omnis antiquitatis peritissimus , nostri ævi Varro, Laurentius

Pignorius. Julianus Cæsar religionum libertatem permisit, ut dissensionum augescente licentiâ non timeret unanimantem postea plebem. (*Ammian. 22*) Catonem denique semper contentiunculas aliquas inter servos callidè fovisse ajunt. (*Plutarch.*) Mihi ea de re ita videtur: ut nunquam nisi ex accidenti civium discordiam publicæ rei Principique prodesse putem primùm, si tyrannus sit, qui regnat, & odio habitus à populo tunc enim, ut contendentibus civibus ipse securiùs vacet dividendi sunt, quos timet: deinde, si quorundam nimia sit opibus, factionibusque potentia: quæ aptiori ratione infringi nequit, quàm si inter illos dissidia, contentionesque, quibus se invicem consumant, aut saltem quibus occupati in Regem conspirare nequeant, disseminentur. Verùm enim verò hæc cautio morbum arguit imperii, Principisque debilitatem, qui cùm virtute, viribusque destituatur, ad istas ignobiles, ne dicam pro-

probri plenas artes confugere cogitur: quæ tamen, etsi ad tempus juvent, postremò fallunt. Nam si bellum ingruat, quæ partium Principem sibi minus æquum putat, hosti accedens illius vires auget. Ut taceam in una civitate cœpta partium studia, quarum quælibet sibi amicos, sociosque quærit, non unis mœnibus contineri, sed contagione alias quoque regni partes inficere (v. *N.M.* 3. disc. 27. & in *Princ.* c. 20.)

Provincias internis certaminibus fessas refovebat] quo ipso clarius evadit, à magnis & suâ vi nixis principibus non arte studioque dividi in factiones provincias subjectas.

Per ambages, ut mos oraculis &c.] v. quæ dixi ad hunc lib. verb. *juvenem improvidum &c.*

Neque tamen mitigatus Pisa.] Beneficia eò usque læta sunt, dum videntur exsolvi posse ubi multum antevenêre, pro gratia odium redditur. (*Tacit.*) Quædam beneficia odimus. (*Q. Curt.*)
De-

Denique & violentum Pisonis ingenium, & accepta à Tiberio mandata insectandi Germanicum impediabant illum, quò minùs tantum beneficium agnosceret.

Largitione, ambitu &c.] confer cum hoc loco, quæ de Othone lib. 1. Hist. dicuntur; & observa, quibus artibus ab ambitiosis animorum sinceritas corrumpitur.

Inclinabat in Zenonem, &c.] Quemadmodum de Vonone in hujus libri principio dixit Tacitus, accendisse dedignantes Armenios diversum à majorum institutis, raro venatu, segni equorum curâ, ita ex diverso ejusdem nationis favor inclinabat in Zenonem, quòd is primâ ab infantiâ instituta & cultum Armeniorum æmulatus, venatu, epulis & quæ alia barbari celebrant, proceres plebemque juxta devinxerat.

Quædam ex regiis tributis deminuta, quo mitius Romanum imperium speraretur.] Utilis namque novis imperiis est

est clementiæ fama. Cæterum de tributorum exactionibus alibi dicendi locus erit.

Daturumque honori Germanici ut ripam Euphratis accederet.] v. notata ad hunc libr. 5. verb. *flumen Visurgis &c.*

Nam Augustus inter alia dominationis arcana &c.] Hoc arcanum quale fuerit; explicavi hoc eodem libro ad verb. *cæterum Tiberio haut ingratum accidit &c.*

Inliciens Germanos ad discordiam] explicabo ad librum 4.

Et Maroboduus quidem Ravenna habitus, si quando insolescerent Suevi, quasi rediturus in regnum ostentabatur.] Apta ratio tenendi hostes in perpetuo metu, de quo dicam ad lib. 6.

In ea divisione arva & urbes & vicina Gracis Coryi, quod incultum, ferox, adnexum hostibus Rhescuporidi cessit.] Facile, qui prudens erat, conjicere poterat, parum duraturum ejusmodi fœdus; vitio primùm humani ingenii, dominationis avidi; unde sævus regnandi amor

--- &

--- & summo dulcius unum
Stare loco, sociisque comes discordia re-
gnis,

Stat. I. Theb.

Deinde quòd nimis iniqua erat divi-
 sio ; & quæ necessitate, temporisque
 injuriâ coactus quis promisit, non nisi
 eadem necessitate cohibente servari
 soleant. Nulla recentium beneficiorum
 memoria inter duos principes, qui he-
 reditaria odia habent, nulla fides, pro-
 missa denique nulla efficere possunt,
 ut pactionem sibi damnosam, hosti uti-
 lem quisquam servet (*Guicciard. 15.*)
 Non chartæ & scripturæ, sed vis ac ne-
 cessitas Principem ad servandam fidem
 adigit. (*N. M. 8. hist. Flor.*) Et generali-
 ter memoriæ veteres nos docent, in ex-
 tremis casibus icta fœdera postquam
 partes verbis juravere conceptis, repe-
 titione bellorum illicò dissoluta. (*Am-
 mian. Marcell. 25.*) De Græciæ civitati-
 bus Thucydides (*lib. 1.*) scribit; si quan-
 do juramento se invicem, præsentem
 con-

constricti necessitate, adegissent, tam diu id raturum fuisse, dum nullum aliunde subsidium sperare poterant: ubi alteri parti fortunæ aliqua spes affulsisset, protinus alios per fidem deceptos magis, quam ex aperto aggredi jucundius fuisse; hisque malis artibus superiorem industriæ famam consecutum. Manuel Comnenus Imp. monenti, ut cum Turcis inita pacta servet, parum se ea curare, quæ necessitate promissa essent, respondit. (*Nicet. Choniast. 6. Annal.*)

Cum olim Hero Esensis ex Frisiæ Proceribus armis ab Ezardo Frisiæ orientalis Comite victus servaturum se pacta ad aram juraret, Ulricus Dornumanus Heronis frater ad astantes versus, atque ego juro vobis, inquit, fratrem meum nihil eorum, quæ promissit, præstiturum. (*Ubbø Emm. lib. 57. hist. Frisc.*) Franciscum Galliæ Regem non aliam habuisse repetendi belli contra Carolum V. Cæsarem causam, quàm quòd ad conditiones, quas captivus in-

iisset,

iisset, servandas minimè se teneri diceret. (*P. Iustin. Andr. Maurocen. Io. Bapt. Hadrian.*) Et ipse Carolus, cum ab ipso promissorum fides reposceretur, obsecundasse temporì respondit. (*Thuan.*) Carolus IX. Galliæ Rex, quicquid de religionum libertate antè cavisset, pro tempore statutum, non, ut perpetuum esset, Hugonotis respondit. (*And. Mauroc. 8. hist. Ven.*) Denique Margaretha Parmensis vi adactam Belgis se quædam concessisse, excusavit. (*Conestag. 1. hist. de bello Belg. Thuan. 38.*)

Quæ cum ita fieri soleant, non tamen ita fieri debere pronunciare auisim: & juris gentium esse, etiam servare, quæ vi bellicâ coactus promiseris. Nam quod in N. M. id disputationibus (*lib. 3. c. 42.*) negat; ego videre nequeo, quibus ejus sententia argumentis evinci queat. Quod enim ita consuetudine inter Principes observari tradit, ut quæ necessitate coacti pepigerunt rata non sint: eam ego consuetudinem

ratione carentem & pravam esse arbitror; quæ perjuriis & fallaciis viam aperiat: cum ferè semper altera pars coacta ad transactionem descendat, & raro æquis atque integris utrinque viribus ad pacem perveniatur. Illud autem, quod de Romanis, turpem illam cum Samnitibus ad furculas Caudinas initam pacem aspernantibus affert, nihil omninò, ad rem facere videtur: cum non quia vis & coactio illi conventioni causam dederit, sed quia Consul nescio S. P. Q. penes quem paciscendi arbitrium erat, pepigerat, retracta illa fuerit: quòd inde apparet, quia ignominiosi pacti authores teneri judicabant Romani, eosque, hostibus dediderunt. Quod si retentis captivis, missis Romam legatis cum Senatu populoque quodcumq; foedus fecissent Samnites, illi stare debuisse Romanos dubium non est.

Sed quia quod jam diximus, ferè à pactis resilire solent Principes; illos qui in publicarum rerum administratio-

ne versantur, exactissimo studio, & scrupulosâ curâ examinare decet, utrum, cum quibus fœdere, pace, induciis junguntur, hoc seriò velint, an temporum iniquitati cedentes simulata ineant pacta; quò veris amicis securè uti possint, fucatos verò recentibus subinde necessitatum vinculis impeditos teneant. (*Polyb.* 3.) In quem finem idonea cautio est, ut à parte suspectâ munitæ urbes aut arces aliquot velut pignora in alterius partis, vel si hoc minus tutum videatur, in tertii cujusdam veluti sequestris, manus consignentur ad tempus.

Illud autem monendi sumus, hac curâ opus non esse, ubi sub clypeo, quod ajunt, paciscuntur partes, ubi integris utrinque viribus, aut parùm accisis cœunt. Tutissima enim reddit fœdera mutuus metus: Quippe qui ea rumpe-re vult, dum ambigit, an superior esse possit, absterretur. Et firmissima est inter pares amicitia qui autem metu magis

gis quàm benevolentia subjiciuntur, repertis authoribus animos tollunt, & novis semper intenti sunt occasionibus. Porro solent quoq; majori benevolentiae atque amicitiae vinculo contineri eæ pacis leges quas æquissimas fortunâ & causâ superior victo tulit. Quod Privernates à Romanis victi significare voluerunt. Cùm enim Conf. ex illis quæreret, si poenam remitterent Romani, quam cum ipsis pacem habituri essent, responderunt illi: si bonam dederitis, firmam & perpetuam; sin malam, brevem & incertam. (Liv.) Et fanè Romanis semper ea placuerunt cōsilia, quibus eo hostis adigeretur, ut aut nocere non posset, aut non vellet. Cùm Camillus Latinos vicisset, his verbis in Senatu oravit: Dii immortales ita vos potentes hujus consilii fecerunt, ut, sit Latium, an non sit, in vestra manu posuerint. Itaque pacem vobis, quod ad Latinos attinet, patere in perpetuum vel saviendo, vel ignoscendo potestis.

Mirè

Mirè huc facit historia de Herennio Pontio apud Livium. (*lib. 9.*) Is, ubi accepit ad furculas Caudinas inter duos saltùs clausos exercitus Romanos, consultus ab nuncio filii, censuit omnes indè quàm primùm inviolatos mittendos: quæ ubi spreta sententia est, iterumque eodem remeante nuncio consulebatur, censuit ad unum omnes interficiendos. Cùmq; hæc inter se tam discordia responsã læsi animi signum viderentur, consilii sui causas adjecit. Priore se sentiã dixisse, quod optimum duceret, cum potentissimo populo per ingens beneficium perpetuam firmare pacem amicitiamque: altero consilio in multas ætates, quibus amissis duobus exercitibus haut facilè receptura vires Romana res esset, bellum differre voluisse: tertium nullum consilium esse. Cùm alii Principes percontando exquirerent; quid si media viã consilium caperetur, ut & dimitterentur incolumes, & leges iis jure belli victis impone-

ne-

nerentur? ista quidem sententia inquit, ea est, quæ neque amicos parat, neque inimicos tollit. Huic genuinum est, quod Franciscus I. Galliarum Rex in Hispania captivus dixisse fertur, trium se optionem Carolo Cæsari facere; aut se æterno carcere vinctum servaret: aut pro sua magnanimitate pristina libertate donaret; aut si tanta Burgundiæ potius cupiditas animo ejus incessisset, petitionibus, quibus placeret, adstrictum dimitteret. Carcerem se fortiter laturum: pro libertatis dono gratum omni vita memoremque; tanti beneficii futurum: iniquis legibus dimissum nunquam bonâ fide amicitiam culturum; sed arreptâ primâ occasione omnia hostilitatis signa editurum esse. (*Andr. Maur. 2. hist. Ven.*)

Ex quo sequitur, saltem politicè veram esse illius sententiam, qui dixit, homines magnos aut non fodicandos, aut si cœperis occidendos esse. Omne medium hîc in vitio ponitur; & omne extremum laudabile est. Quâ ob rationem
 Fran-

Franciscum Momorantium reprehendit apud Thuanum in historia Princeps Condæus, quod Cardinalem Lotharingum per injuriam ingressu Lutetiæ prohibitum non minus post saluum dimiserit, quippe, si joco egerit. nimis acerbè; si seriò, nimis remisse actum. Henricum quoq; Lusitaniæ Regem notant scriptores, quòd nesciverit uti vel summa clementia, vel summa iracundia (*Conestag. 3. de conjunct. Port. cum Cast.*) Non itaque sine ratione Cardinalis Alexandrinus Pontificis jussu captus, aliorum, ut animum à mœrore allevaret solatia & hortamenta respuens, & extrema quæque veritus, respondit; viros magnos non fieri captivos, ut dimittantur; nec vinculis solvi, qui carcerem non meruissent. (*N.M.v. hist. Flor.*) Læsi dimitti semel possunt, at semper meminisse injuriæ. Cyrus Darii Nothi Persarum Regis filius ex carcere, in quem ab Artaxerxe fratre conjectus erat, intercedente matre

tre imprudenter dimissus periculosissimum fratri bellum fecit. (*Xenophon. I. de exped. Cyrimin.*)

Illud etiam hinc consequitur, stultissimos esse, qui minis, & hostilem animum ostendentibus, verbis temperare non possunt. Nec enim inde debilior fit hostis, & testante Seneca, (*in Medea*) *professa perdunt odia vindictæ locum.* Quæ in re notatur Galeatius Sforza, quod minitaretur vel potentissimis regibus, quorum aliquam in se injuriam agnosceret: eoque consiliorum ipsius initium & finem simul cognita. (*Io. Bapt. Pign. 8. hist. Ven.*) Et eandem imprudentiam in Alfonso Calabria Duce arguit Guicciardinus in historia. (*lib. I.*) Ludibria quoque & contumeliæ ut plurimum efferratos & obstinatos reddunt hominum animos. Clotarius II. Francorum Rex contra Saxones bellum movit, quod se nondum L. annos natum velut extrema canicie vetulum jumentum appellassent. (*P. Emil.*) Inter

Q

Fran-

Francos Slavosque atrocissimum bel-
 lum ortum est, quod Francorū legatus
 fœdus cū canibus (ita Slavos vocabat)
 ictum, sanctum esse non debere dixit.
 (P. *Æmil.*) Saraceni eadem verbi
 contumelia laceffiti, funestâ rabie exar-
 sore. Qui Heraclio ex ea gente milita-
 bant, vestem militarem ex usu posce-
 bant. Eunuchus corruptissimo seculo
 fisco præfectus: quid, inquit, reliquum
 est Romano militi, quod dari his cani-
 bus possit? Eam semiviri petulantiam tã
 indignè tulere ipsi viri armatique, ut
 confestim deficientes Arabia ac finiti-
 mis gentibus concitatis formidabili
 Saracenorum potentiæ initium dede-
 rit. (P. *Æmil.*) Ludovicus XII. Gallix
 Rex Helvetios, quos rusticos intra mō-
 tes natos contumeliosè vocaverat, in se
 concitavit; maximo rerū suarū damno.
 (Guic. 9.) De Narsete notius est, quàm
 ut memorari debeat. Groninga urbs
 anno Christi 1615 à Saxonibus ob-
 fidebatur: & jam eo angustiarum ob-
 com-

commeatum inopiam pervenerat, ut non multum abesse deditio videretur; cum oppidani suorum contumeliis asperati ad ultima quæque animos obfirmarunt. Vitus Drachstorpius Saxoniorum Dux oppidanis, si quos deprehenderat, post verbera & cæteras injurias aures amputabat, stigmata inurebat, vultus turpabat; mulierculis vestem imā cum indusio supra nates præscindebat, atque ita demittebat in urbem. Aliquādo accepto homine pauperculo famis causa ex urbe oppresso, uxore conitante, & vinculis constricto, cum ob inopiam se redimere non posset, tandem Viti jussu stigmatis mulieri genæ signatæ, viro præscissæ aures, & pro emblemate pileo ejus affixæ: tum haleces duæ, frustellumque panis & salis modicum ad pectus suspensa. Ita ornatus, manibus ad tergum revinctis, in ludibrium remissus in urbem, Consulibus hæc munera à Vito ferre jussus est. Quæ cum videret populos, fremere, detesta-

ri sævitiam hominum, omnia potius ferenda, & in ferrum ruendum, quàm sævæ ac barbaræ gentis imperium subundum. Nec multò post se suaque odio Saxonum & necessitate coacti Edfardo Comiti dediderunt; qui illato in urbem præsidio atque comæatu solvere obsidionem Saxones coëgit. (*Vbbo Emm. 42. hist. Fris.*) Concludamus igitur in omnibus actionibus tam publicis quam privatis; belli pacisque eò annitendum esse, ut, cum quibus agimus, nobis nocere aut non possint, aut non velint.

Nihil æque Tiberium anxium habebat, quàm ne composita turbarentur.] Nam & Augustus, auctor utriusque regni si sperneretur, contumelia Tiberium quoque tangebatur: & nova imperia pace, quâ stabiliantur, opus habent. Ferdinandus Aragonius, quanquam causas habebat justissimas bello petendi Ludovicum Sforzam: nunquam tamen id voluit; ne quietem Italiæ, quam rebus suis necessariam videbat, turbaret.

Quem

Quem finem ab illo tempore, quo Florentia ultimum capta est, semper propositum sibi habuerunt Itali Principes, ideoque exorientia bellorum semina omnes in herba opprimere laboraverunt, & Galliæ Regibus spes omnis recuperandi in Italia olim possessa præcisa. Possidentis Hispani partis pacificè frui intererat. Gallo, amissa nisi bello repetere non licet; Ergò quibus tranquillitas & quies curæ, Hispanis suarum provinciarum possessionem hæcenus semper asseruerunt. Sed parum aberat, quin nuperrimè inquires & ambitiosum illius nationis ingenium Italos ad alia, & à prioribus diversa consilia impelleret.

Molliter rescriptum] professa perdunt odia vindictæ locum; quod paulò superius dictum est. Germani dicunt: *V Ver Vogel vvil fangen, musz nit mit Prugel darunder vverffen.*

Maluit patrati, quam incepti facinoris reus esse] Ea mens est omnibus sce-

leratis. Similis Othonis (I, hist.) sententia acrioris viri esse meritò perire.

Circumdatus hinc regi specie bonoris valida manus.] Modus custodiendi capiendique magnos homines, non semper ad tergum religari manus queunt: quem cautissimè in effectum deduxit scelestissimæ sævitæ homo, Cæsar Borgias, cum specie honoris captos Urbinos & Vitellos Senogalliæ trucidavit. Quam tragcediam singulari libello descripsit graphicè Nicolaus Machiavellus.

Cum magnitudinē & gravitatem &c.] y. notata s. ad verb. accendebat dedignantes &c. |

Haut ignavo ad ministeria belli juvene Pifone, quanquam suscipiendum bellum abnuisset.] Idque fidi ministri officium est, ut, si contra suum consilium contraria sententia prævaluerit, ejus executioni non minùs, quàm si sua probata esset, invigilet.

Non pugnaturi militibus ubi Pisonem
ab

ab ipsis parentem quondam appellatum vidissent.] Labile spei fundamentum! Itultum fidere illis, qui, unde utilitas ostenditur, illuc libidinem transferunt. (Tacit. 15. annal.)

Tum Sentius occidere cornua.] Inclinata res nisi statim erigatur sisti non potest: coeperat seditio si spatium cæteris cogitandi dedisset, forsitan sequebantur commilitones. Romani ad motus extraurbem propellendos bellum aliquod simulabant aut parabant. Et Sylla spectante ad seditionem milite trepidum nuncium de hostis adventu finxit, itaq; discussit periculum. (Front. lib. I. c. 9.)

Non receptæ conditiones] quo firmatur, quod s. diximus eò redigendos hostes, ut nocere aut nolint aut non possint. Clemens Octavus inter alias transactionis cum Casare Atestino leges hanc quoque prudenter addidit, ut ille intra statutum tempus quicquid patrimonii (allodialia vocant bona) in di-

tione Ferrariensi possideret, divenderet.

Nec obstitit falsis Tiberius, donec tempore & spatio vanescerent.] simili locutione suprâ hoc eodem libro dixit: *an inanem credulitatem tempore ipso vanescere sineret.* Ratio hujus sententiæ est, quod, ut alibi Tacitus ait, vera visu & morâ, falsa festinatione invalescunt.

Actum & de sacris Egyptis Iudaicisque pellendis.] Locus invitabat tractare hic illam tantoperè de religionum libertate, exagitatam quæstionem. Sed profectò horreo me immittere tam vasto gurgiti. Igitur nunc quidem, cùm non omninò liqueat, ampliandum censeo.

Binosque numos se additurum.] v. quæ dixi ad lib. 4. verb. *Pacem exueret &c.*

Acerboque increpuit eos, qui divinas occupationes ipsumque dominum dixerant.] Et re verâ oderat pudendam istam adulationem Tiberius.

Nunc

AD CORNEL. TACIT. 369

Nunc eò ventum est ut Optimus Ma-
ximus Deus nullo singulari titulo ap-
pellari possit, quem non hominum
sibi ambitio arrogave-
rit.

Finis Notarum Politicarum in
librum secundum Anna-
lium.

C. CORNELII TACITI.

Q 5

CHRI-

CHRISTOPHORI
FORSTNERI AUSTRII
NOTÆ

POLITICÆ.

Ad Librum III. Annalium

C. CORNELII TACITI.

V*iolenta luctu, & nescia tolerandi.]*
In tota hac exequiarum funebri
pompa, Agrippinæ, cæterorumque ex
Romano populo imprudens notan-
da est indignatio: qui cùm scirent o-
mnes, lætam Tiberio Germanici mor-
tem malè dissimulari; ipsi velut in con-
tumeliam Principis majori luctu de-
functum prosequiebantur: *concidisse*
Remp. nihil spei reliquum clamitabant;
promptius apertiusque, quàm ut memi-
nisse imperitantium crederes. Ita qui li-
bertatem fugatam videbant nunquam
tamen sub rege & domino se esse co-
gita-

gitabant: cùmque in servitute liberis
linguis uti, & imperare subjecti vel-
lent; Tiberium suâ naturâ crudelissi-
mum in majorem sævitiam exaspera-
verunt. Prudenter apud Lucanum (*lib.*

3.) Cotta :

*Libertas, inquit, populi, quem regna
coërcent,*

*Libertate perit: cujus servaveris um-
bram,*

Si, quicquid jubeare velis.

Et quid ipsum magis accendere potuit,
quàm intempestiva hominum in A-
grippinam studia; cùm decus patriæ,
solum Augusti sanguinem, unicum an-
tiquitatis specimen appellarent, versi-
que ad cœlum ac deos, integram illi
subolem, ac superstitem iniquorum
precarentur. Non potuit non Tiberius,
ut qui male quæsitum imperium non
nisi violentis artibus conservare valuit,
morte Agrippinæ & subolis imminens
sibi malum avertere. Tutissimum igitur
est illud Q. Curtii præceptum, *obsequio
mitigare imperia.* Q 6 In-

Inferius majestate suâ rati si publicè lamentarentur.] Principes, tanquam minimum fortunæ imperiis subiectos ostentare se decet; & ut quidam ait, non flere nisi hæc quinque: ruinam regni sui, existimationis famæque jacturam, populorum suorum egestatem & miseriam, malorum prosperitatem, & denique sapientum mortem.

Ne omnium oculis vultum eorum scrutantibus falsi intelligerentur.] Veritas enim visu & morâ, falsâ absentiâ & ex longinquo valescunt.

Magnitudinem mali perferre visu non toleravit.] Sæpè luxisse quorundam scelere peremptos, exitio fuit tam intempestivè piis, Dolor, caritas, omnis affectus abscondendus. (*Tacit. 13. Annal.*) Prudentior itaque mater Antonia, quàm uxor Agrippina, *violenta luctu & nescia tolerandi.*

Facilius crediderim, Tiberio & Augusta, qui domo non excedebant, cohibitam: ut par mœror & matris exemplo avia
quo-

quoque & patruus attineri viderentur.]

Ita semper societate culpæ tutiores nos esse putamus. Quomodo Alexander cū barbaram mulierem duxisset, & in cæteros quoq; Persarum mores transfisset, amicos etiam longam vestem auream purpureamque sumere jussit, ut communi factō crimen levaretur. Voluit quoque Persas & Macedones conubio copulari : hoc modo & pudorem victis & superbiam victoribus detrahi dictitans. (*Iustin. 12. Q. Curt. 8.*)

Principes mortales, Remp. æternam esse]
Bona verba! Ita ad ereptæ libertatis damnum etiam ludibrium plerumque adjungitur : jactantur plerumque à libertatis occupatoribus *speciosa verbis, re inania aut subdola : quantoque majore libertatis imagine teguntur, tanto eruptura ad insensius servitium* (*Tac. I. annal.*)

Augustus usitata magistratuum appellatione contentus, & Tiberius suum regnum Rempub. vocare audeat. Florentia, & Senæ pactâ libertatis incolumitate

mitate dominos acceperunt. Sed nec verum est, mortales esse Principes; illis præcipuè in regnis, ubi fortuna regnâdi in una stirpe collocata est. Nā tunc præteritorum Regum reverentia adeo vivit in posteris, ut vel cunæ puerorum in purpuram natorum tacitâ confessione fortis nostrę nos tangāt; nec iis parere indignemur, quos priusquā lucē subeant, scimus nasci ut imperēt. Ut nō falso quidā dixerit, Frâcię reges nō mori.

Nam vulgatum erat, missam à Cn. Sentio famosam veneficiis Martinam, subitâ morte Brundisii extinctam &c.] O quàm multa in aulis aliter geruntur, quàm in vulgi notitiam perveniunt! quot sunt flagitia, quot scelera, quorum deinde probationes subvertuntur! Adulteria, veneficia, & infanda quæque parando aut firmando regno usurpantur. Augustus cum Drusilla, Tertulla, Terentilla, Rufilla, Salvia Titiscenia, & ut quidam ipsim. Antonius objiciebat, omnibus consuevit; quod amici ejus excusabant,

bant, non libidine sed ratione commissum: quò faciliùs consilia adversariorum per cuiusque mulieres exquireret. (*Tranquill. in Aug. c. lxi.*) Ælius Seianus cum Romano imperio flagitiosa spe, cui Drusus Tiberii F. obstabat, inhiaret, Livillam Drusi uxorem, ut amore incensus, adulterio pellexit: & postquam primi flagitii potitus est, neque scœmina amissâ pudicitia alia abnuerit, ad conjugii spem, consortium regni & necem mariti impulit. Atque illa venenum ei dedit, quo paulatim irreponente, ut fortuitus morbus assimularetur, post aliquot dies periit. (*Tac. 4. annal.*) Sabina Poppæa famæ nunquam pepercit, maritos & adulteros non distinguens; neque affectui suo aut alieno obnoxia unde utilitas ostenderetur, illuc libidinē transferebat. (*Tac. 13.*) Agrippina, quò Neroni filio imperiū conciliaret, Pallantem libertum flagrantissimâ apud Claudium Imperatorem gratiâ stupro suo illigavit; decus, pudorem

cor-

corpus, cuncta regno viliora habens.
(*Tac. 12. Annal.*) Claudium ipsum veneno sustulit, audacissimo scelere. Delegerat venenorum artificem Locustam quandam, *diu inter instrumenta regni habitam*. Ejus mulieris ingenio paratum virus, cujus minister è spadonibus fuit Halotus, inferre epulas, & explorare gustu solitus. Infusum igitur delectabili boletorum cibo venenum. Sed cùm soluta alvus subvenisse videretur, exterrita Agrippina, & quando ultima timebantur, spreta præsentium invidia provisam jam sibi Xenophontis medici conscientiam adhibet; qui tanquam nifus evomentis adjuvaret, pinam rapido veneno illitam faucibus ejus dimisisse creditur: haut ignarus, *summa scelera incipi cum periculo, peragi cum premio*. Vocabatur interim Senatus, vota que pro incolumitate Principis consules, & sacerdotes nuncupabant; cum jam exanimis vestibus & fomentis obtegeretur, dum res firmando

Ne-

Neronis imperio componuntur. Jam primùm Agrippina velut dolore victa & solatia conquirens, tenere amplexu Britannicum, veram paterni oris effigiem appellare, ac variis artibus demorari, ne cubiculo egrederetur. Antoniam quoque & Octaviam sorores ejus attinuit, & eunctos aditus custodiis clauferat, crebroque vulgabat, ire in melius valetudinem Principis: donec eadem fama & mortuum Claudium & Imperatorem Neronem tulit. O illustre scelus! Cui geminum, quo Britannicus sublatuſ est. Venenum parari jusserrat Nero, ministro Pollione Julio prætorix cohortis tribuno, cujus curâ attinebatur damnata veneficii nomine Locusta, quam diximus, multâ scelerû famâ. Primum venenum Britannicus ab ipsis educatoribus (nam ut proximus quisque neque fas neque fidem pensi haberet, olim provisum erat) accepit; transmisitque exsolutâ alvo parum validum. Sed Nero lenti sceleris im-

impatiens, minitari tribuno, jubere supplicium veneficæ: quod dum rumores respiciunt, dum parant defensiones securitatem morarentur. Promittentibus dein tam præcipitem necem quã si ferro urgeretur, cubiculum Cæsaris juxta decoquitur virus, cognitis antea venenîs rapidum. Epulante igitur in Neronis conspectu Britannico, quia cibos potusque ejus delectus ex ministris gustu explorabat, ne omitteretur institutum, aut utriusque morte proderetur scelus, talis dolus repertus est. Innoxio adhuc ac præcalida, & libata gustu potio traditur Britannico. Dein, postquam fervore aspernabatur, frigidâ in aquâ affunditur venenum; quod ita cunctos ejus artus pervasit, ut vox pariter ac vita ipsum linqueret. (*Tacit. l. 13. Annal.*) Denique Cosmus quoque Magnus Hetruriæ Dux Biagii venefici opera Julium Alexandri Ducis filium occidere voluisse à Cardinali Cibo insinulatus est; quanquam Cosmus id crimen

men quæstione de Biagio habitâ, eoque post ea dimisso purgasse visus est. (10. Bapt. Cin. 2. de vita Cosm.) Adeo maxima quæque ambigua sunt; dum alii quoquo modo audita pro compertis habent, alii vera in contrarium vertunt & gliscit utrûq; posteritate.

Piso præmissis in urbem filio, datisque mandatis per quæ Principem molliret.] Contumaciæ species, non innocentia fiducia habetur, cum quis irati Principis conspectui nimis audacter se offerat. Plerumq; etiam innocentes recenti invidia impares sunt. Relinquendum est rumoribus tempus, quo senescant. (Tac. 2. Annal.)

Ad Drusum pergit, quem haut fratris interitu trucem quam remoto amulo æquiores sperabat] en quomodo scelera soleat comitari ignorantia atq; imprudentia. Piso scelere suo, ex quo solus imperii hæres restabat Drusus, meruisse illius favorem sibi videbatur; nec cogitabat miser, graviorum facinorû ministros

nistros quasi exprobantes adspici: & Drusum, si maximè isto scelere gauderet (quanquam fratres, dum uterque vixerat, egregiè concordēs erant) debuisse omniā ulcisci tantam improbitatem: si non honore vel amore Germanici, saltem tradito Principibus more, *munimentum ad præsens, in posterum ulationem* (Tac. i. hist.)

Exceptum comiter juvenem suetâ erga filios familiarum nobiles liberalitate auget] Constantiæ est, delatos apud se, sed inter reos nondum adhuc receptos, non terribili vultu, aut verbis iracundis velut præjudicio damnare; sed integrum ubique iudiciū ostentare, & præ se ferre, malle falsa & inania, quorum quis insimulatur.

Fuit inter irritamenta invidia domus foro imminēs, festo ornatu, conviviumque & epula &c.] O quam verum est, quod Ammianus Marcellinus (lib. 14.) inquit, manum injectantibus fati solere hebetari & obtundi sensus hominum.

Piso

Piso in Druso, quem necis fraternæ vindicem metuere debebat, spem salutis ponit. Ecce unum cæci judicii specimen. Idem delatus apud Principem, quod vulgus militum per licentiam corrupisset, in itinere crebrò se militibus qui ex Pannonia in urbem ibant, ostentavit. En alterum. Mox Tiberi de-
 vectus navem tumulo Cæsarum, cui paulo ante Germanici reliquiæ illatæ erant, appulit. Ecce tertium! Denique die & ripâ frequenti, magno clientium agmine ipse, foëminarum comitatu Plancina, & vultu alacres incessere. Erat quoque domus foro imminens, festo ornatu conviviumque & epulæ, & celebritate loci nihil occultum. En quartum. Debebat Piso, ut absolveret Tiberium, saltem falso metum fingere, vitæque hominum frequentiam silentem mœstamque ingredi domum. Nunc istâ pompâ, istâ alacritate, epularumque hilaritate, non criminis invidiam in Tiberium transferebat? non demonstra-
 bat,

bat, esse sibi Augustæ conscientiam, esse Cæsaris favorem, sed in occulto ? & periisse Germanicum nullos jactantius mœrere, quàm qui maximè lætabantur ? Antonius Perezius, de quo pòst plura dicemus, nullâ magis re invidiam & Regis & judicium in se movit, quàm quòd quanquam reus, & incessu & veste omniqve munditie confidentiam, adeoque Regis in perpetrato facinore conscientiam argueret.

Integramque causam ad Senatum remittit.] Prudenter ! Non enim ut præmia, sic pœnæ ab ipso Principe irrogari debent. Magistratibus id invidiosum munus relinqvendum est. Ergo, si damnandus erat Piso, à Senatu hoc fieri melius erat : si absolvendus, itidem à Senatu : ne si à Principe ; gratiæ id datum, & conscientiæ sceleris innexum homines putarent.

Populus plus sibi in Principem occulta vocis, aut suspicacis silentii permisit.] Unde apparet, non infimos tantum aut

me-

mediocris conditionis homines, sed Principes quoque, omnesque eorum actiones perpetuæ etiam vilissimæ plebis censuræ, & ut nunc loquuntur, Syndicatui, subjectos esse. *Grosze Herren müssen vil von sich reden lassen.* Sed benè habet, quòd, qui malè loquuntur, saltem malè facere nequeunt.

Patris sui legatum atque amicum.] Notabile est hujus orationis artificium, quo Tiberius sine miseratione, sine irâ æquabili temperamento cavebat, ne quo affectu perumperetur.

Ipsa, donec mediæ Pisoni spes, sociam se cuiuscumque fortune, & si ita ferret, commitem exitii promittebat. Ut secretis Augusta precibus veniam obtinuit, paulatim segregari à marito, dividere defensionem cepit.] Quos idem metus, eademque jungit necessitas, in eosdem fortunæ casus conjurant: sed ubi separari causæ cœperunt, & uni mitioris fortunæ spes sit; vix unquã tanta fides est, ut neglecta salute alieni exitii comes esse malis.

lit. Non defuere, qui credebant, Paullinam Senecæ uxorem, donec implacabilem Neronein timuerit, famam sociatæ cum marito mortis optavisse; deinde oblata benigniori spe blandimentis vitæ evictam (Tacit. 15. annal.) *Spes vitæ plerumque magnos animos infringit.* (Tacit. 5. hist.) *Das Leben ist heylig.*

Audire me memini ex senioribus, visum sapius inter manus Pisonis libellum, quem ipse non vulgaverit; sed amicos ejus dictitasse, literas Tiberii, & mandata in Germanicum continere: ac destinatum promere apud patres, Principemque arguere, ni elusus à Sejano per vana promissa foret.] Vix credibile est. Tiberium post tantam rerum experientiam sceleris mandata scripto Pisoni tradidisse; scilicet, quo olim coargueretur. Et tamen interdum vulpes quoque capiuntur. Certè Philippus II. Hispaniæ Rex codicillos ad Antonium Perezium scriptos non nisi multâ arte extorsit. Historiam quod huic Pisoniano ministerio similima

lima est. Ex Thuano & ipsius Perezii *Relationibus* adscribam. Annæ Mendozæ Cerdæ Roderici Gomezii Sylvæ viduæ, fœminæ pulcherrimæ, impotenti Rex amore flagrabat, & conscium ejus Perezium fecerat: qui heri sui indulgentia non benè usus, dum Regis nomine ultrò citroque com meat; & ipse eam deperire cœpit. Nec illa novum amatorem abnuere dicebatur. Incidit illud in tempus, quo Ioannes Escovedus Joannis Austrii consilia in Belgio moderabatur. Is Escovedus in Consalvi, Antonii patris, Perezii domo olim educatus, dein Roderici Gomezii Sylvæ commendatione ad opimiorum fortunam evectus cùm in Hispaniam sub id venisset, & Antonium Perezium Joannis Austrii consiliis summè adversari sciret, ut ei omnem gratiæ locum præcideret, ab injuriâ benè meriti de se viri occasionem sumpsit & de ejus & Annæ amoribus non bello sermones ubique spargi ad Regem de-

R

tulit.

tulit. Quod maximè Philippi animum
 pupugit, qui cùm Perezium rivalem fer-
 re non posset, & alioqui Escovedi su-
 spectam fidem habens, quod Joannis
 austrii animum ad majora, quàm vellet,
 audenda inflammaret: alterum alterius
 ope de medio tollere apud se statuit.
 Itaque cùm de Escovedo in arcano
 consultaretur, facile sibi à Perezio, qui
 consilio intererat, persuaderi passus est,
 ut Escovedus potius immisso percul-
 fore interficeretur, quàm ad Austri-
 um in Belgium remitteretur. Verùm
 ut rei invidiam à se amoliretur, eadem
 exequendam ipsi Perezio commisit.
 Qui, quod sibi mandatum erat, tam
 prompto animo perfecit, ut potiùs
 Annæ, ultione ardentis ob detectos
 Regi suos amores, desiderio satisfacisse,
 quam, Regis voluntati obtemperasse
 videretur. Escovedo per sicarium
 sublato rivalis restabat; quem à vidua
 liberisque Escovedi, nec non Annam in
 jus vocari, & utrumque custodiæ inju-
 riosè

riosè mandari eò libentius Rex tulit,
 quòd omnem illius cædis invidiam in
 Perezium, qui impotenti feminæ ea in
 re morem gessisset, derivari videret.
 Verùm cùm Philippum Perezius sæpe
 per literas moneret, ut auctoritatem su-
 am interponeret, neque ejus ratione,
 quod ipsius jussu fecisset, se vexari pate-
 retur: ille codicillis crebrò missis bono
 animo esse jussit, & negotium brevi ex
 animi ejus sententia confectum iri pol-
 licitus est. Quos omnes codicillos Re-
 gis ipsius manu exaratos diligenter ser-
 vavit Perezius, & lōgo post tēpore pub-
 licavit. Cùm igitur cuperet Rex rem te-
 gi, auctor ei fuit, ut cum vidua liberisq;
 Escovedi ageret, ut ab accusatione de-
 sisterent, quod interventu Didaci Cha-
 vis, qui Regi à sacris confessionibus
 erat, facile obtentum est. Post reconci-
 liationem prima accusatio aliquandiu
 quievit: & Perezius Mantuæ Carpetan-
 norum domi suæ manere jussus abla-
 tis stipendiis & honorariis negotia

publica per amanuenses suos, ut antea, toto sexennio administravit, quo tempore clapso omiffâ priore accusatione, censuræ dica Perezio intentatur: quòd ab Hetruriæ Magno Duce munus x clō. aureorum accepisset: quòd cum Anna Mendosa parùm honestè versatus esset: quòd Joanni Austrio multa, quæ premi par erat scripsisset: quòd denique in epistolis, quæ ad Regem ignotis literis mittebantur, cùm eas interpretabatur, multa addere, multa detrachere solitus esset. Dum judicium peragitur, crebro ad eum Didacus Chaves ventitabat, & de ejus exitu securum esse jubebat, tantum diligenter caveret, ne codicillos à Rege scriptos, quod facere poterat, ad exonerandum se proferret. Quod cùm sedulo fecisset Perezius, tandem sententia in eum perscribitur, qua tanquam criminum obsectorum peracto reo lis æstimabatur xxx clō. aureorum: utque ab officio remotus biennium in carcere, eoque ex-
acto,

acto, octennium procul aula ageret.
 Sed in arcano promissum est, si Regis
 codicillos redderet, sententiam in irri-
 tum casuram. Perezio autem recusante
 reddere codicillos, lictores ad eum
 mittuntur, ut sententiam executioni
 mandarent: à quibus ex templo, in
 quod confugerat, vi abstractus & in
 Turneganam arcem trusus est: ubi to-
 tos tres menses ferreis catenis vinctus
 admodum severè à Turriano Avila ha-
 bitus est; donec literis sanguine suo
 scriptis uxori mandavit, ut arculas &
 scripta secreta Barajæ Comiti ad id mis-
 so traderet. Sed priùs convenerat, ut
 codicilli, qui ad causam Perezii magis
 faciebant, seponerentur. Tamen quasi
 Regi illa restitutione satisfactum esset,
 Pereziius carcere ad tempus liberatus
 est. Sed cum denuò Escovedi vidua &
 liberi accusationem omiſſam resum-
 pſissent; rursus causa decimo, postquā
 coeperat, anno agitata est: cui & rursus
 Chaves intervenit, reoque suasit, ut cæ-

dem Escovedi fateretur; cæterùm cædis patrandaẽ causas non ediceret Perezius id regi invidiosum, cujus ratione cædis causas non aperiri cuncti procul dubio interpretarentur, sibi verò periculosum futurum respondit: ac potiùs videri, ut cum uxore ac heredibus defuncti pecuniã data trãfigeretur. Quod & Regi placuit; sive quòd revera tunc ita expedire censeret, sive ut grandi pecuniã exsolutã tantundem homini sibi inviso incommodaret. nam xx. clv. ducatorum in id depensa sunt. Tamen postea mutavit, & à Vasco Præside persuasus, ut judicium transactione finitum instauraretur, mandavit. Nam ad existimationem suam pertinere, famã cædis Escovedi, quasi jussu suo patrataẽ jam ubique sparsã, ut judicio publico invidiam ejus amoliretur. Sed cùm nihil fateretur Perezius, neque adduci posset, ut quicquam ad exonerandum se in Regem diceret, à Vasco quæstioni subjectus constantiam primò servavit,

vit, sed cruciatibus ad extremū victus, rem, ut erat, confessus est, codicillorum exempla protulit, quibus confessiones suas firmabat. Cū igitur Perezius se ad exitium peti videret, contrā quā illi initio à Rege ministrisque ejus promissum fuerat; de custodibus fallendis cogitare cœpit: & ope uxoris ac Ægidii Mesæ Aragonii per dispositos equos in Aragoniam transfugit: xxx. leucas, ut erat adhuc à tormentis debilis, uno die emensus. Inde in Franciam, ubi non ante multos annos mortuus est, transiit, Hæc ita ex Thuani historia & ipsius Antonii Perezii Relationibus narravit. Sed, ut, quod sentio, dicam; mihi in ista narratione quædam parū verisimilia videntur; quæ nunc non excutio.

Et cū accusatores ac testes certatim perorarent, respondente nullo, misratio quā invidia augebatur.] Ut felicitas & prospera fortuna invidiam, sic miseria condolentiam generat. Et hinc

interdum plùs inimicorum persecuti-
one, quam amicorum auxilio juvamus.

*Nihil, ait alicubi Tacitus, aqùe reo pro-
fuit quàm potentia accusatoris. & hoc li-
bro; Quirinus post dictum repudium ad-
huc infensus, quamvis infami ac nocenti
miserationem addiderat. Livia Augusta,
cum florentes prìvignos per occultum
subvertisset, misericordiam erga affli-
ctos palam ostentabat. (Tac. 4. annal.)*

Pudore absoluta Plancina placabilior.]
nunquam faciliores homines sunt, pla-
cabilioresque, quàm post gravem ali-
quem errorem commissum; quem in-
vidiæ molliendæ causa aliis honestè fa-
ctis, aut emendare aut tegere laborant.

*Mihi quantò plura recentium seu vete-
rum revolvo, tantò magis ludibria rerum
mortalium cunctis in negotiis obversan-
tur.]* Mihi quoque sæpè animum subit
mirari casus humanos & prudentiæ no-
stræ incertitudinem, cum rerum gesta-
rum monumenta volventi, & quotidiana
rerum mortalium ludibria conside-
ranti.

ranti haut rarò occurrunt consilia, quæ
 cùm imminenti malo averruncando fa-
 cere deberent, noxia maximè, & acce-
 lerandæ ruinae fuerunt; non secus ac in
 humano corpore medicamentum uni
 parti adhibitum perniciosiores sæpe
 majorisque periculi morbos in aliis
 partibus efficit. Ex diverso videmus, a-
 lios intempestiva temeritate vel inscitia
 subdente calcaria periculis se immis-
 se, ausos, aggressos, vicisse, triumphasse:
 & fortunam temeritatemque felicius
 judicasse, quàm inter momenta pru-
 dentia incertam laborantemque soler-
 tiam Alexandri Magni bellica facino-
 ra pleraque quid aliud fuerunt, quàm
 felix temeritas, & fortunæ indulgentia?
 In quo ego à magno Philosopho (*Plu-
 tarch. in lib. de fort. Alex. & lib. de virt. &
 fort. Alex.*) dissentio. Jam in Romana
 Repub. terminorum pugna quid aliud
 fuit, quàm alea imperii quâ omnia da-
 bant in unum jactum, & paucis viris
 potestatem faciebant perdendi omnia,

quæ majores sui pepererant? Sed fortuna pro Romanis pugnavit. Polybius hos tales homines, quibus inter perpetua fortunæ obsequia omnia succedūt: aliquid homine majus esse dicit; divinos, admirandos, & Deorum amicos. (*Polyb. 10.*) Quomodo Cerialis à Tacito (*5. hist.*) *subitus consilio, sed eventu clarus* dicitur; *cui adfuerit fortuna, etiam ubi artes defuissent.* Joannes quoque Ben-
tivolus præcipuum immeritæ felicitatis exemplum est. Is quadraginta annos, quibus Bononiam tenuit, nunquam cujusquam ex suis obitum luxit: Semper cum ipse tùm filii militiæ honoratæ stipendiis & maximis honoribus ab omnibus Italiæ Principibus affecti: omnibus rebus, ex quibus sibi periculum imminere videbatur, felicissimè se expedivit. Et hanc tamen felicitatem in solidum fortunæ debebat; cū communi omnium judicio nec ingenii, nec prudentiæ, nec fortitudinis aliqua laude insignis esse. (*Guicciard. 7.*) Ex
con-

contrario, exempla etiam sunt infauftæ prudentiæ, & quam sæpius superior aliqua vis infestissima pertinacia urfit, aut evertit. Sunt homines, qui tanquam *fugitivi Dei* & terram & aërem, & mare, omniaque elementa adversa sibi experiuntur. (*Niceph. Gregor. 7. hist. ubi omnino vide*) Hannibalem vide, illum, cui ego iustius, quam Ulyssi Homerus Palladem conciliatricem & individuum comitem addidero. Is post Cannensem pugnam dominabatur, in Italia nec quicquam ferè nisi Roma restabat. Percusserat fœdus cum Philippo Macedonum Rege. Asdrubal frater cū valido exercitu jam superaverat Alpes, in Italia erat. Quis non actum esse diceret de Romanis toties victis? Sed infra Deum prudentia fuit, qui omnia cogitata, consulta, facta contra Carthaginem torfit. (*Liv. Flor. Polyb.*) Quin & interdum unum factum, idemque consilium huic salutem, honorem, opes, alii exitium peperit: planè,

ut qui magnorum hominum censores se faciunt, plerumq; ex solo eventu famam & infamiam, temeritatis & fortitudinis nomina dividant. Tiberius & Caius Gracchi fratres, quod inconsultâ temeritate populi gratiam consecrabantur, merito optimatum conjuratione sublati dicuntur. Caius Cæsar quod popularitate & largitionibus vulgo acceptus ad summam potentiam pervenit, fortis sapientiæ vir prædicatur. Alexander Magnus in milites seditiosos sive consilio, sive iracundiâ ferox profiliit, & qui loquenti pervicacissimè obstrepuerant, ad supplicium ipse rapuit; eadem majestate in plectendis tutus, quâ in mulcendis non fuerat. Ex consternatione militum minas ponentium hoc consilium in virtutis famam ivit. Galba autem Imperator, dum compescere milites studet, in mediò foro confectus est: temerarius igitur audit, quòd se furentium multitudini immiserit.

Igitur quò intentiùs, quæ dixi, recolo;

lo; eò firmior se animo meo insinuat
sententia: esse fatum, & numen, & san-
ctam Immortalis Dei curam: quâ per
causas mediâs, variè nexas, omnia tem-
perantur, suaviter, sapienter, utiliter. Vt
non immunis ab impietatis crimine il-
lorum mihi videatur opinio, qui explo-
sâ omni fatorum & fortunæ potestate,
ingenio, prudentiâ, humanisque arti-
bus nihil non tribuunt. Quomodo Ca-
rolus Audax Burgundiæ Dux omnem
suam felicitatem prudentiâ & virtuti
suæ adscribebat; quâ arrogantiam illum
Numinis iram concitasse, sapientissimè
judicat in Historiâ Cominæus. Et Lu-
dovicus Sfortia tantum sapientiæ suæ
tribuebat, ut alios celebrari indignissi-
mè ferret: suis artibus hominum men-
tes, quocunque vellet, impelli posse, si-
bi persuadens. Sed in carcere angusto,
& cogitationum suarum vastitatem, &
ipsam denique vitam claudere coactus
est. Impiè igitur N. M. fatum flumini
receptis imbris superbè decurrenti
& ob-

& obvia quæque sternenti comparat :
 cujus vis ut vallis aggeribusque coerce-
 ri potest, ita hominum consilia fortunæ
 fatoque, hoc est, ipsius Dei decretis
 obsistere posse Fluminum impetum a-
 pertis campis valere, & fata virtute cō-
 silioque destitutos tantum populos ur-
 gere. Impia sententia! Fatum est, quod
 de quoque nostrum fatus est Deus. Er-
 go, quod jussit Deus, quod constituit,
 quod ratum esse voluit, nostris consi-
 liis impediri potest? mutari potest?
 verti potest? Minimè quidem: aut si
 impediri, mutari, verti potest, non e-
 rat fatum, non decretum Dei, nec enim
 jubet Deus aut decernit, ut fiat, quod
 non fit. Ergò consilia, actionesque no-
 stræ divinæ inferiores sapientiā certis
 limitibus velut alveis includuntur, in-
 tra quos fluant. Non fata nostris con-
 siliis, sed nostra consilia fato reguntur.
 Qvis enim quæso, ita hominum con-
 silia ludit? quis in contrarium torquet?
 unde mirabiles rerum, & plerumque
 con-

contra consulta eventus? Unde inopi-
 nata illa, quæ actionibus hominum
 aut rarò inexpectatissima interveni-
 unt? quæ stupemus, quæ occulto quo-
 dam & religioso horrore nos perfun-
 dunt. Unde denique è contrario fe-
 lix multorum temeritas (si tamen te-
 meritas est, ista cui superi ita favent
 fortunata audacia) & beata impruden-
 tia & perpetuus fortunæ famulatus?
 Deus est ille Optimus, ille Maximus,
 qui non postquam terras & sydera fe-
 cit, creatorum curam omisit; sed arbiter
 est ac rector omnium: quæ gaudet &
 amat interdum præter opinionem (non
 enim præter rationem) accidentibus
 regere & vel sic ostendere vim illam om-
 nia gubernantem ac moventem. Au-
 rea Cambyſis apud Xenophontem
 sententia est: *humana sapientia nihilo
 certius, quod optimum est, deligit, quam
 qui hoc agit, quod incerta sors obtulerit.*
*Verum Dii immortales omnia norunt, &
 præterita & præſentia, & quis singulo-*
rum

rum sit exitus. Et illa Nicephori Gregoræ, (qui mihi vel ob id solum carissimus & gratissimus auctor est, quòd plerosque eventus ad primam illam causam refert. (4. hist.) *Abstrusus quidam error est humana prudentiæ insultans, sursum & deorsum trahens omne consiliorum studium, & veluti tesseræ evertens firmis decretis nixas deliberatione.* Neque verò ista nostra opinio Stoicam in Naturalibus hominis actionib. necessitatem adstruit, aut liberum in profanis negotiis arbitrium infringit. Consultat enim homo, agitque ex naturæ suæ viribus; sed consiliis & actionibus hominis superne imminet inspector Deus, qui per illas secundas causas (nec sanè sine illis; quippe non ignavis, sed agentibus, omniaque tentantibus, annuente Deo, cuncta prosperè succedunt (ipse prima rerum omnium Causa omnia flectit, torquet, dirigit ad eventum sibi placitum. *Cæptorum eventus supera sibi vindicant potestates.* (Ammian. 25.) *Divina*
Ne-

Nemesis ex abdita quadam aeternitate omnia despectat terrena. Hac ut regina causarum & arbitræ rerum, hac disceptatrix urnam sortium temperat, accedentium vices alternans: voluntatumque nostrarum exorsa interdum alio, quam quo contendebant, exitu terminans multiplices actus permutando convolvit. (Ammian. 14.) Et quòd ipse M. fatetur, consilia, nisi in occasiones & felicia tempora inciderint, exitu destitui, quid aliud est, quam consilia à Deo & fortuna regi? Unde enim occasiones, unde tempora expediendis consiliis apta, nisi à fortuna. Fortunâ autem non eam intelligo, quâ appellatur, quicquid incertum est; quam idè cœcam deam, quâm levem fingunt; sed summam illam Mentem; quæ omnia suo arbitrio constituit, quæ naturam condidit, quæ rebus causas dedit, easque perpetuò abditissimâ ratione propagat, & eventibus donat statis certisque, etsi humanis mentibus incognitis. Neque enim si ignorant in me-

media tempestate nautæ, quis finis fluctibus, quis exitus vëto, ideò Deo certum non est, solvenda ratis sit an servanda. Denique quòd bonis consiliis & fortibus viris stare dicuntur & florere regna, negari quidem non potest; sed hæc ipsa bona non aliis contingunt, quàm quos fortuna magnis rebus & fatalibus incrementis destinavit. Cæteris quorum vult vertere aut evertere statû, eadem subtrahit. *Manum injectantibus fatus solent hebetari sensus hominum & obtundi.* (*Amm. Marcell* 14.) Plura possẽ exempla proferre. Sed unum erit pro omnibus. Cum urgentibus fatis Roma à Gallis capienda esset, primam bello causam tres Fabii dederunt: qui cum de pace inter Clusinos & Gallos acturi à Senatu missi essent, contra jus gentium pro Clusinis contra Gallos prælio decertarunt. Porro, quò minus impedi-
menti Gallis objiceretur, jam ante Furium Camillum, tantum imperatorem populus Romanus fatali furore in exilium

lium Ardeam depulerat. Adveniētibus Gallis civitas, quæ sæpius adversus Fidenatem & Vejentem, minores hostes, Dictatorem creaverat, extremis urgentibus periculis id neglexit. Fabii, quorum temeritate bellum contractū erat, summæ rerum præerant: qui tumultuario exercitu raptim ductu ad undecimum lapidem hosti occurrentes, non loco castris capto, non præmunito vallo, non Deorum saltem memores, auspicato instruunt aciem: &, ut summatim dicam, nec milites nec imperatores faciebant, quæ ex disciplina Romana essent. Cùm pugnandum esset, penè prius fugerunt, quam vidissent, hostem integri, intactique. Maxima pars ex fuga Vejos pervenere: unde ne nūciū quidē cladis Romam misere. Qui Romam elapsi sunt, ne quidem clausis urbis portis in arcem refugerunt. Quis non miretur nunc, populum Romanum optimis legibus, & acerrima militari disciplina institutū tam turpiter sui ob-

oblitum? Ut si quis animo comprehendat, res ab ipso antè præclarè gestas; non ab eodem populo, sed alio hæc adversus Gallos facta credere possit. Repeto Animiani effatum: eoque configno hunc locum; *manum injectantibus fati solent hebetari sensus hominum & obtundi.* Nemo igitur suæ nimium fidat prudentiæ.

Famâ, spe, veneratione potius omnes destinabantur imperio, quàm quem futurum Principem fortuna in occulto tenebat.] Simile modo quodam est, quod veluti miraculum in Philippi II. Hispaniarum Regis in Lusitanix regnum successionem stupemus. Emanuel Rex tres uxores duxerat, & ex omnibus liberos sustulerat. Ex prima Michaëlem, qui si vixisset, certus hæres omnium istorum regnorum erat, quæ nunc Hispaniarum Rex tenet: sed is obiit puer. Ex secunda sex masculos, duas filias genuit. E tertiis nuptiis filium filiamque sustulit. An non fundata videbatur hæc do-

domus in tot regni fulcris? Jam ad liberos istorum si venias, quanta series? Viginti duo erant, qui Philippum antebant, & successionem legitimè arcebant. Sed omnes illi pramortui sunt, ut facerent unum totius Hispaniæ caput. (l. Lipsius in monit. & ex. pol.)

Decumum quemque ignominiosa cohortis sorte ductos fuste negat.) de illo decumandi more Tacitus quoque meminit, libro quarto & decimo annalium. Ratio severi illius juris est, quod habet aliquid ex iniquo omne magnum exemplum, quod contra singulos utilitate publica rependitur. (Tacit. lib. 4. annal.) Sed istam politicam, credo non agnosceretis magister ac dominus noster JESUS CHRISTUS.

Quasitumque per Chaldaeos in domum Cesaris.] v. notas ad lib. superiorem, verb. juvenem improvidum &c.

Neque enim cessurum nisi damnandi officio.] Alicubi notavimus: ut à Principum manu præmia, sic à magistratibus

bus pœnas distribuendas esse. Non igitur malè fecerat Tiberius, qui nolebat filium iudicio, quo certa videbatur rei condemnatio, primū sententiā dicere.

Eximit etiam Drusum consulem designatum dicenda primo loco sententia.] v. notas ad lib. I. verb. *quo loco censebis, Caesar?*

Sibi tamen adversus eum integras parentis sui offensiones: neq; redditu Silani dissoluta, quæ Augustus voluisset.] Ex quo apparet, rarò Principes, etsi pœnam remittant, culpæ etiam oblivisci.

Pœna potest demi; culpa perennis erit. Ov.

Quod vel maximè in delictis quæ in Principis majestatem peccant verum est. Quippe nec pœnitentiâ culpa diluitur, nec pœna unquam remittitur; & cùm semper difficilè sit, antiquarum inimicitiarum fidam stabilire reconciliationem; (siquidem eam impediri necesse est aut suspicione, aut vindictæ cupidine) ita stolidissimus est, & parum salutis suæ amans; qui cùm in
Prin-

Principem suum nefaria est molitus, in gratiam post receptus sinceram credit reconciliationem, quæ plerumque simulata esse solet. Inde Leo X. Pontifex Hispaniæ Regis oratori pro Alfonso Petrucio Cardinali, qui insidias vitæ Pontificis struxerat, sed post acceptâ securitatis fide Romam venerat, datam fidem imploranti respondit; nullam fidem quantumvis amplissimam, & *munitam clausulis fortibus & specialibus* porrigi ad securitatem delicti contra vitam Pontificis maximi commissi. Igitur Alfonsus noctu in carcere strangu-
latus fuit. Hadriano & Francisco Soderino Cardinalibus consciis illius sceleris quamvis ignoverat Pontifex tamen uterq; diffusus reconciliationi Româ abierunt. Et Soderinus quidem Fûdis usq; ad Leonis excessum occultus delituit. Hadrianus clam urbe excedens post illû diem neq; visus cuiqvâ mortaliū, neq; quid illo factum fuerit, cognitum est. (*Guicc. 13.*) Nimirum
cum

cum nihil turpius, fit, & magis detestandum, quàm patriæ solum teri scelestis vestigiis illius, qui scelus anhelans pestem ejus meditatus est; minore utique flagitio putant se Principes negligere promissorum fidem, quàm justitiam deposcentem invictimam tale devotum caput. Sed hæc ratio satisne firma sit, ob quam fidem suam & jurisjurandi religionem posthabeant Principes, alii viderint. Mihi certè potius, juris quadam subtilitate, quàm bono & æquo niti videtur. Verùm, ut dixi, ea Principes opinio tenet, ut non putent teneri se ullo fidei vinculo. Et inde Trajanus Boccalinus. (*Cent. 2. c. 11.*) ait non inveniri Principem tam insigni clementia, quæ rebellionum nefas oblivisci possit. Majestatis crimen esse peccatum, cujus pœnitentia recipiatur nulla, cujus pœna remittatur nunquam, cujus infamia durat æternum. Nec dedecus æstimari, vindicare rebellionem, cui semel ignoverint Reges, sed summum honorem, sed

sed obligationem strictissimam, quam dignitati suæ debent. Et alibi; quæ offensarum oblivio insignem reddit Principem perenni clementiæ & benignitatis laude, eam demum veram fidamque esse; fictam contrà, quæ Principi ignaviam & injustitiam quotidie exprobrare videtur.

Relatum deinde de moderandâ Papiâ Poppæâ, quam senior Augustus post Iulias rogationes incitandis ælibum pœnis & augendo ærario sanxerat.] Papiæ legis capita Justus Lipsius in commentariis ad Tacitum, hoc loco, & Jacobus Cujacius in paratitlis Codicis Justiniani ad titulum, de caducis tollendis, referunt. Etiam Franciscus Balduinus ad legem Papiam singularem tractationem edidit. Nobis quibus intra politices septa manendum, sola legis ratio notanda est: quæ duplex, Prima, ut bellis civilibus amisso incredibili civium numero, qui supererât, liberis procreandis & ampliando civibus imperio operam da-

S

rent;

rent; lege Papiâ propofitæ funt pœnæ his qui cœlibes effent, ne hereditates aut legata caperent, nifi intra dies C. à morte testatoris nuptias facerent. Tanta enim erat civium penuria, ut Confules ipfi Pappius, & Poppæus cœlibes & orbi effent, non inventis maritis aut patribus idoneis, qui eis anteponerentur. (*Dio Caff. 56.*) Nam in honoribus adipifcendis, ut, Dio Caffius tradit (*lib. 53.*) patres orbos, mariti cœlibes excludebant. Altera legis ratio, propofitarumque cœlibib. & orbis pœnarum eft, ut ærarium, quod tot bellis exhaustum erat, repleretur. Lata igitur lex eft, ut & imperium hominibus & ærarium pecunia abundaret. Valuit autem ad Severi Imperatoris ævum, qui non abrogavit quidem, fed imminuit: ficut ex Tertulliano demonftrat Lipfius. Constantinus deinde cœlibatus pœnas omnino fuftulit: cujus tamen conftitutio in Iuftiniani Codice non extat. Sed ejus meminerunt Eufebius in
vita

vita Constantini Magni & Sozomenus lib. I. & ex recentioribus Franciscus Balduinus libro secundo commentariorum de legibus Constantini Magni.

Multitudo periclitantium gliscebatur, cum omnis domus delatorum interpretationibus subverteretur] sic paulò inferius: sed aliis penetrabant: (delatores) urbemque & Italiam quod usquam civium corripuerant multorumque excisi status, & terror omnibus intentabatur. Et Plinius in Panegyrico ad Trajanum: vidimus delatorum indicatiū quasi grassatorum, quasi latronum. Non solitudinem illi, non iter, sed templum, sed forum infederant: nulla jam testamenta secura, nullus status certus, non orbitas, non liberi proderant. Auxerat hoc malum Principum avaritia &c. Quæ addenda sunt illis, quibus graphicè, opinor, & vivis coloribus, delatorum improbitatem, & Principum sive avaritiam sive socordiam depinximus suprâ ad librum primum.

Nulla adhuc mala libidine] ita Ovidius (I. *Metam.*)

*Proque metu populum sine vi pudor ipse
regebat.*

Nullus erat justis reddere jura labor.

Provenere dominationes.] Quibus in scholis otium est, inquirunt, quæ prima omnium causa fuerit, quæ dispersos vagosque mortales in unum coëgerit. Ignem alius, alius necessitatem metumque aut sapientum eloquentiam, vel denique naturam societatis appetentem collegisse homines ajunt. Et qui imperiorum originem à vi & injuriis potentiorum deduxit, à plerisque vapulat. Injuriâ quidem, ut ego opinor. Neque enim ille homines vi coactos in unum convenisse ait; sed cum illi ita collecti æquali jure agerent, ambitione potentiorum dominationem subiisse. Quæ sententia Taciti quoque est hoc loco affirmantis: postquam exui æqualitas & pro modestia ac pudore, ambitio & vis incedebat provenisse dominationes.

tiones. Et certè, ubi per species iveri-
 mus, regnorumque præcipuorum or-
 tus & incrementa viderimus; fraudem
 & vim & multis latrocinia potentia in-
 itia fuisse apparebit. Primus in orbe do-
 minantium Nembrotus, *fortis coram*
domino venator, vi ignotam ante illa
 tempora mortalibus dominationem
 introduxit, ut minime infacetè ipsum
 Politicorum patrem vocet Laurentius
 Pignorius V. Cl. in commentario de
 servorum ministeriis. Secuti Ninus
 & Semiramis armis imperium propa-
 gaverunt. Ab Assyriis ad Persas Cyrus
 avo ereptum imperium haut sanè iusto
 titulo transtulit. Et Alexander Magnus
 petiti bello orbis terrarum quam cau-
 sam habuit, nisi immensam dominandi
 libidinem? Quid de cæteris interim
 hinc inde, quorum aliquod in historia
 nomen est, regnis aut Rebus pub. dicā?
 De Atheniensibus Thucydides scri-
 bit, (*lib. I.*) libere professos, non se alias
 actorum suorum defensiones quærere,

quàm quòd sciant, semper moris fuisse, inferiorem à superiore premi: & neminem unquam tanti æquitatem fecisse, ut ejus causa occasionem extendendi imperii, è manib. dimiserit. Iterum affirmarunt, Deos se secundum leges colere: in cæteris vivere omnium mortalium ingenio; ut quibus prævalent, imperio premant: eam legē neque se primos tulisse, neque latā primos usos esse: sed jam ante omnium populorum usu comprobata accepisse. (*Thucyd. 5.*) Lyfandrum dicere solitum referunt, veritatem quidem mendacio meliorem esse, sed utriusque tamen pretium usu definiri; ideoque pueros quidem talis, viros autem jurejurando ludere. Et Agesilaus dixisse fertur, justum esse, quodcunque Spartæ prodesset, hinc illud Euripidis in *Androm.*

ἔνοικοι Σπάρτης δόλια βεβληυτήρια
Habitatores Sparta dolosus Senatus.

Menno Theffalus ad ea quæ vellet
 effi-

efficienda viam maximè compendiariam arbitrabatur, pejerare, mentiri, fallere. Simpliciter & candorem pro stupore habebat. Perjuros, injustos, sui similes ut iisdem artibus munitos verebatur: justos bonosque contemnebat. (*Xenoph. 2. de exped. Cyr.*) Theſſalorum perfidia proverbio notata eſt; ut ex Suida obſervat libro ſecundo, de jramento. cap. 14. Thomas Dempſterus. Jam ſi de Romanis ferenda ſententia eſt, nihil apertius eſt, quàm, ſi juſtiti- am illi curaffent, etiam, ubi illa utili- tatè carebat, lupercal manſuram illam, quæ tantoperè celebrata eſt, æternam urbem. C. Cæſar apud Dionem Caſſi- um (*lib. 38. hiſt.*) teſtatur, Romanos in eam magnitudinem, qua illa tempe- ſtate erat, ædificaffe urbem ſuam for- tunas ſuas tanquam alienam periculis obſectando, alienas tanquam ſuas uſur- pando. Et M. Tullius (*3. de Rep.*) glori- atur, populum Romanum fociis defen- dendis ad ſummum potentiæ cacumen

S 4 eniſum;

enifum ; quibus interdum commodè
 fui causa, quàm foederis, auxilia fere-
 bant, eaque lentè & tardè, ut aut se sua-
 que dederent (quod campani bello Sa-
 mnitico coacti fecerunt) aut, si potètes
 essent, cladibus attererentur. Socios
 promptè recipiebant eos, quorum fi-
 tus ad res novas, & motus opportunus
 erat; & quosdam non tam ob supplicum
 preces, quàm quòd occasio offereba-
 tur laceflendi & invadendi alios, in
 quos causæ belli quærebantur, quo-
 rumque nullæ aliàs in se injuriæ exta-
 rent. Postquam armis sociorum suam
 auxere potentiam, tandem ipsos socios,
 qui tùm demum serò nimis servitutem,
 in quam lapsi erant, animadverterunt,
 non ut foedere junctos, sed ut dedititi-
 os tractare cœperunt. Quod autem
 Camillorum, Fabriciorum, Scipionum
 aliorumque nomina ob tantopere fi-
 dem celebrata legimus; dicendum est,
 ex suo, non urbis ingenio bella gessisse,
 & Remp. administrasse. Nec in ipso-
 rum,

rum, sed totius populi manu rei Romanæ summa sita erat; quod ex eo constat, quod apud Livium libro tertio refertur. Aricini atque Ardeates de ambiguo agro cum sæpe bello certassent, multis invicem cladibus fessi, judicem populum Romanum cepere. Cum ad causam orandam venissent, concilio populi à magistratibus dato, magnâ contentione actum. Jamque editis testibus, cum tribus vocari, & populum inire suffragium oporteret, consurgit P. Scaptius de plebe, magno natu: & si licet, inquit, Consules, de rep. dicere, errare ego populum in hac causa non patiar. Cum ut vanum eum negarent consules audiendum esse, tribunos appellat; qui dedere cupidæ audiendi plebi, ut quæ vellet Scaptius diceret. Ibi infit, annum se tertium & octogesimum agere, & in eo agro, de quo agitur, militasse, cum ad Coriolos sit bellatum, agrum de quo agitur finium Coriolanorum fuisse, captisque Coriolis

jure belli publicum populi Romani factum. Consules cum Scaptium non silentio modò sed cum assensu etiam audiri animadvertissent; deos hominesq; testantes flagitium ingens fieri patres accersunt : cum his , circumire tribunos, ne pessimum facinus priore exemplo admitterent , judices in suam rem litem vertendo , sed plus cupiditas & author cupiditatis Scaptius valuit. Vocatæ tribus judicaverunt, agrum publicum populi Romani esse. Cyprum Ægypti Regibus P. Clodius Romanus juvenis ademit, non genere, quàm audaciâ & expulsi Ciceronis invidiâ nobilior. Is captus à piratis pretium ad se redimendum à Ptolomæo petiit, quod illiberaliter missû prædones ipsi aspernati, Clodium gratuitò dimiserunt; iratum regi, à quo tam parvo æstimatum se querebatur. Creatus Romæ tribunus plebis legem pertulit, quâ Cyprus Romani populi provincia esse jubebatur. Et continuo missus est in insulâ M. Cato,

to, qui eam ordinaret, atque Romam
 asportaret regios thesauros: qui tantæ
 opulentiaë fuisse dicuntur, ut eorum fa-
 ma domini rerum populi cupiditatem
 sollicitare potuerit. Rex accepto injurię
 nuncio, indignatus tantum uni in se ci-
 vi licuisse, mortem sibi conscivit. (v.
Plut. in Cat. min.) Placet Ammiani Mar-
 cellini de hac Cypri occupatione ver-
 ba adscribere: *nec pigebit auidè magis
 hanc insulam populum Romanum inva-
 sisse, quam justè. Ptolomæo enim rege fœde-
 rato nobis & socio, ob ærarii nostri angusti-
 as jussu sine ulla culpa proscribi, ideoque
 hausto veneno voluntaria morte deletu, &
 tributaria facta est, & velut hostiles ejus
 exuvie classi imposita, in urbem advectæ
 sunt per Catonem, (Ammian.)* Ex
 quo apparet frustrà & falsò foris ju-
 stum imperium, & domi æquitatem in
 suis Romanis laudare Salustium: in sci-
 os denique esse veterum monimento-
 rum, qui tanquam summa ubique anti-
 quis fidei, justique & æqui religio fue-
 rit,

rit, dolos omnes & fraudes & perfidiam hujus aut superioris seculi inventum imperitè arbitrantur. Tam enim non sunt nova, quæ impius N. M. dominandi arcana scelestasque artes notavit, quam non est, esse homines bonos & malos. Non dicam usurpata duntaxat veteribus, quæ nos inventa N. M. vocamus (id enim ex superioribus manifestum est) sed probata etiam, & à maximis viris defensa. C. Marius Capfam validum Numidiæ oppidum deditione ceperat, ceterum oppidum incensum, Numidæ puberes interfecti, alii omnes venum dati, præda militibus divisa. Id facinus contra jus belli admissum Salustius (*in Jugurth.*) fatetur, sed idem defendit; quia locus Jugurthæ opportunus, Romanis aditu difficilis, genus hominum mobile, infidum, antè neque beneficio neque metu coercendum fuerit. Quid autem hoc aliud est, quàm dicere, turpe factum, sed utile? Saxonum, quo tempore cum Romanis.

manis bella gerebant, legati, pactis tandem cum Valentiniano & Valente Impp. induciis, domum abeuntes ex infidiis ad unum omnes cæsi sunt. Funestum scelus ! sed quod tamen defenso-
rem invenit egregium & sapientissimum scriptorem Ammianum Marcel-
lum, cujus hæc libro octavo & vicesi-
mo leguntur verba: *ac licet justus quidem
arbiter factum incusabit perfidum ac de-
forme: pensatō tamen negotiō non feret in-
dignè manum latronum exitialem tandem
copiā datā comptam.* Et libro tricesimo
malè fidum quidem sed utile commen-
tum vocat hoc factum, idem libro ulti-
mo, facimus illud, quo Gothi antea su-
scepti disperfique per varias civitates
& castra, universi tanquam vexillo ere-
cto, uno eodemque die expectatione
promissi stipendii securi ad suburbana
producti occisi sunt, prudens consili-
um & salutarem efficaciam appellat.
Cornelii Taciti nostri annales & histo-
rias quis non æstimat ? illum omnes
ha-

habent pro doctore Principum , pro
aulicorum pædagogo , historicorum
antesignano, prudentiæ parte , oraculo
civilis disciplinæ , coriphæo politico-
rum. Et tamen quâ aliâ re insignior est
ejus historia , quàm simulationibus &
dissimulationibus, fraudibus, veterato-
riis artibus, quibus olim & nunc instru-
mentis regnandi Principes utuntur?
quid frequentius in eadem historia ,
quàm libertorum potentia atque im-
potentia, adulatorum flagitium, simili-
aque portenta, quibus atria principum
aulæque non secus ac ridicula Ægy-
ptiorum sacra (v. V. Cl. Laurent. Pigno-
rium, in admiranda tabula Isiacæ expli-
catione) crocodilis , ibibus , & cer-
copithecis refertæ sunt? Conspiratio-
nes præterea , proditioes , univer-
sumque flagitiorum ac scelerum genus
ita tradit, ut vivis coloribus depinxisse
videatur. Constat igitur hinc, vano la-
bore defungi, qui Græcorum Roma-
norumq; bella cæteraque gesta ad æqui-
ju-

justique regulas exigere solent. Tantū autem abest, ut nostrum seculum, nostrosque mores excusare velim, ut, si licet, liberè profitear, callidos dolos, & reliqua perfidiosæ politicæ capita, quantumvis publicè damnata sint, re tamen vera esse argumentum, & caput & caudam totius scenæ aulicæ. Qualia enim, obsecro, sunt quædam multis Principibus usurpata imperiorum sophismata? Tacito dominationis flagitia, nostris politicis status rationes dicta. Nefandi doctores, execrandi consultores, qui hæc talia Principibus suggerunt! Quasi Deus noster Sanctissimus, quam Regibus imposuit mortalium regendorum provinciam sine subsidiariâ scelerum cohorte administrari posse noluerit. Infinita sunt à Theologis scripta volumina, quæ de *conscientiæ casibus* notissimo vocabulo inscribuntur: in quibus etiam minutissimæ actionum humanarum, contractuum, & delictorum rationes non quales mortalium

ju-

judicia subeunt, vel effugiunt, sed quales coram tremendo immortalis Judicis tribunali judicantur, tantâ tamque exactâ diligentia examinantur, ut sæpius vel teruncii causâ Numinis iram poenasque post hanc vitam animas manere justissima severitate pronuncient. Res profectò sanctissima! sed quæ hoc habet imperfectionis, quòd privatorum ferè conscientiam attinet, Regum transmittit. Operæ pretium esset, docere magnos homines, divinas leges etiam ipsis latas, & inferorum sedes non plebeja tantùm scelera, sed Regum etiam ambitionem & avaritiam expectare. Disquirendum esset, an jure gladius regius hypothecam usurpet in omnes illorum Principum ditiones, qui potentiâ minùs valent? an salvâ pietate suam securitatem Principes collocent in inopia & miseria civium suorum, per mille tributorum & exactio-num rapinas comparatâ? an justitiæ, sine quâ magna regna magna latrocinia sunt,

sunt, conveniat inter immeritas gentes
 odiorum semina jacere? principum so-
 ciorum amicos largitionibus ad prodi-
 ti domini scelus sollicitare? multare in-
 terdum in cautionem innoxios? vulgi
 negligere injurias, si bello utiles viri eas
 intulerint? an denique Deo uti beni-
 gno possint qui ambitione vel avaritia
 ducti, bellis & occisarum gentium glo-
 rioso delectantur scelere: qui vel ob
 læsam authoritatem & ut hodiè lo-
 quuntur *reputationem* suam, vel oppi-
 duli alicujus commoditatem, imò qui
 nullam ob causam hominem rem sa-
 cram & Dei imaginem vilissimè purga-
 menti instar ad cædem exponunt, &
 homicidiis atque rapinis divina huma-
 naque omnia miscent. Nimirum pro
 ciconia pietatis, & hippopotamo ju-
 stitiæ typo, quæ duo Ægyptiorum Re-
 gum sceptrâ insigniebant, vulpes & leo,
 fraus & vis sceptrâ ferè regere solent.
 Ut non insubtiliter quidam Satyricus
 leges olim sanctissimè habitas, *honestè*

vivere, alterum non ledere, suum cuique tribuere, non minus quàm legem Æliam Sentiam & Juniam Norbanam prorsus hominum moribus sublatas esse dicat, mireturque eas non insertas esse legum abrogatarum libris. Nec minùs argutè alius, qui sapientum de honesto & turpi, de virtutibus & vitiis sententias similes esse dicit, vetusti operis numismatis, quæ quàmvis magni æstimentur, & tanquam rarum aliquid magnificentiam possessoris ostendant, non tamen contractuum humanorum instrumento funguntur. Denique Ludovicus Gonzaga Nivernensis apud Thuanum liberè profitetur, si rogentur Principes, quo titulo tot provincias teneant, non aliud, quod respondeant habituros, quàm eas ita à majoribus accepisse: & si lex sit, ut Princeps à majoribus possessa, quorù aliam possessionis causam ediffere nequeunt, restituere teneantur, ad summas angustias plerisque qui nunc latè regnant, adductum iri.

Nobis

*Nobis Romulus, ut libitum, imperita-
verat &c.)* Pomponius I. C. (*in l. 11. ff. de
orig. jur.*) tradit, initio civitatis popu-
lum sine lege certâ primûm egisse: o-
mniaque manu à Regibus gubernata.
Ipsam tamen Romulum leges quasdam
curiatus ad populum tulisse: quarum
etiam Dionysius Halicarnassæus & Plu-
tarchus & Festus meminerunt. Colle-
git illas, & commentario illustravit di-
ligentissimus pariter ac eruditissimus
Franciscus Balduinus: cujus ad illum
commentarium præfatio ita scripta
videtur, ut hunc Taciti de principiis ju-
ris locum explicare voluisse videatur.

*Numa religionibus & divino jure po-
pulum devinxit*] v. quæ dixi ad lib. 1. verb.
ut sunt mobiles &c.

Queis etiam Reges obtemperarent.]
Nunquã mihi placuit philosophia, quæ
paucis syllogismis omnium Regû sce-
ptra laceffere & periculosâ curiositate
disputare audeat: an legibus solutus sit
Princeps? quatenus præceptis ejus pa-
ren-

rendum? quæ conditiones tyrannum faciant? an malus Princeps è medio jure tolli possit? & quæ consimilis audaciæ quæstiones sunt.

Corruptissimâ Repub. plurima leges.]
Iniquus & ingratus mihi Justus Lipsius videtur, qui neque Justiniano ob compositos juris, quo utimur, libros, nec Lothario Imperatori ob reductos eosdem in lucem usumque hominum multam deberi gratiam arbitratur. Nec enim verum est quod ipse ait, ex multis legibus ortas esse tot litigia, tot patronorum fraudes, jurisque cavillationes. Hominum ea improbitas est: haut minor, imò major futura, si paucioribus uteremur legibus. Quippe leges pleræque ex occasione latæ sunt, ut darent formam finemque controversiis, quæ ex juris scripti defectu emergebant. Nunc quod introductum est ad finiendas lites, ad statuendum jus certum, ad præcidendas jurisperitorum disputationes, quomodo dici potest dispu-

disputationi litibusque causam dare ?
aut quomodo dici non debet, majores
semper patronorum advocatorumque
fore fraudes, si pauciores forent leges,
quam quæ negotiis sufficerent? si omne
jus in incerto esset, ideoque patrono-
rum disputationem exigeret. Quæ e-
nim certo jure nituntur, certamque
semper habuerunt interpretationem,
nullâ hominum fraude, nisi etiam judex
corruptionibus pateat, eludi possunt.
Fraus, & cavillatio in incertis valent.
Porrò, quod ajunt, ut multi medici pe-
stilentis aëris, sic multas leges ægræ ci-
vitatæ esse argumentum: verum id qui-
dem est. Sed non ægra civitas aut cor-
rupta est, quia multas habet leges: sed
multæ sunt leges, quia ægra Civitas est.
Felix vitæ facilitas, quâ *vetustissimi mor-
taliū nullâ adhuc malâ libidine, sine pro-
bro scelere, eoque sine pœna aut coercitatio-
nibus, agebant.* Sed morbis tamen graf-
fantibus remedia prudenter esse quæsi-
ta, & ex malis moribus bonas esse natas
leges

leges aliquod est in malis solatium: & habenda Romanis bonisque Imperatoribus gratia, qui ad hujus vitæ turbas componendas tantum nobis reliquerunt & consilii, & judicii & æquissimæ rationis. JESUS CHRISTUS Dominus ac Legislator summus, ipsa Patris Sapientia duas nobis ex cœlo leges attulit: *diligito proximum ut te ipsum. & quod tibi fieri non vis, alteri ne feceris*: quibus universa Christiana jurisprudentia cōtinetur. Verùm cum in tanta hominum improbitate, humanæque naturæ imbecillitate rari sint qui ita affectibus expurgatum habeant animum, ut eâdem caritate alios ac se prosequi velint; oportuit, ubi mali radix extirpari non potuit, saltem caveri, ut quàm minimè serperet, noceretque. Itaque leges latæ sunt, non quæ bonos perfectosque homines efficiant, sed quæ ne mali essent, providerent. Nec pertinet huc quod Tacitus corruptissimâ Rep. plurimas leges fuisse asserit. Non enim is ho-

rum

rum verborum sensus est, quasi multæ
 leges corruptam Remp. faciant sed in
 corruptâ Rep. Romana plures latas es-
 se leges non tuendæ libertati & fir-
 mandæ concordia. *sed dissensione ordi-*
num, & adipiscendi illicitos honores aut
pellendi claros viros, aliâq³ ob prava Nam
 in repub. factionibus scissâ leges non
 ad publicam utilitatem, sed pro ambi-
 tione illorum qui plus possunt ferri u-
 sitatum est. Ergo, ut verum est, corru-
 ptissimâ Repub. plurimas leges fuisse:
 ita non licet conversione propositionis
 dicere, plurimas leges facere corruptif-
 simam Remp.

Gravior remediis, quàm delicta erant]
 quomodo etiam de Sulla Lucanus ait.
 (lib. 2.)

--- *dumque nimis jam putrida mem-*
bra recidit;

Excessit medicina modum; nimiumque se-
cuta est.

Quà morbi duxere, manus perire nocentes.
Sed cùm jam soli possent superesse nocentes.

Sua-

Suarumque legum auctor idem acerversor.] ab omnibus annotatum est, quod Cleon apud Thucydidem ait, (lib. 3.) fatius esse malas sed immotas habere leges, quàm bonas, & instabiles. Nam & sua legibus reverentia perit: & super omnibus negotiis melius atque rectius olim provisum: & quæ convertuntur in deterius mutantur. (Tacit. 14. annal.) Vide tamen quæ scripsi ad lib. 6. verb. reputante Tiberio &c.

Et in continua per viginti annos discordia, non mos, non jus, deterrima quæque impunè, ac multa honesta exitio fuere.] Hi corrupti status popularis fructus sunt, in quo sæpe ad imperitos aut ignavos populi levitas defert fasces: ubi factionibus, invidiâ, impetu, rapiuntur vulgi studia: ubi ad seditiones, ad furorem, ad captandi populi atque fallendi consilia aptare se solent improbæ ac factionis mentes: adulatione, obsequio, suavitæ orandi: ubi plerumque ingens virtutis specimen est, ab imperita multitudo.

titudine malè mulctari; ubi denique *detrerrima quæque impunè ac multa honesta exitio sunt.*

Atque ille quanquam prompto ad capeffendos honores aditu Macenatem emulatus sine dignitate Senatoria multos triumphalium consulariumque potentia anteit.

] Procerum in aulis duplex conditio est, alii Crateres, alii Hephæstiones sunt. Quidam, qui nullis magistratuum, dignitatumve appellationibus insignes, summâ tamen & intimâ Principum animis inhærent; alii, per quos Princeps præcipua reipublicæ momenta procurat, quibus externas res atque civiles credens, in arcanis consiliis potissimum fidem habet. Hi verò quamvis sic ad se trahant ac propemodum suas faciant altas illas & salutis omnium curas, ut non tam Rep. egeant, quàm suis officiis deinde Respublica; tamen primi illi, apud eos maximè Principes, qui à negotiis abhorrent, ferè plus possunt. Interdum voluptatem consecrari, jocos

ludisque incumbere illis solis licet. Etiam supercilio in dominos uti, & penè regnare (modica tamen nec longa contumacia) Princeps haud rarò accendit; quàm amare volentes, tam amari. In tam altum producti, & tam amati à Principe, quod non obtineant? quas non opes cumulent? ut si à tanto deinde apice excidant, saltem felix pristinae potentiae monimentum ad reliquæ vitæ securitatem duret. (v. 10. *Barcl. in Icon. anim.*)

Copiaque & affluentia luxu propior. Superat tamen vigor animi, ingentibus negotiis par; eò acrior, quo somnum & inertiā magis ostentabat.] Et hi habentur homines ad regiae mores facti, qui versatilem animum omnibus negotiis, seriis juxta ac ludicris applicare valent. *Die in alle Sattel gerecht sein.* Contra ineptos æstimant, qui in lupanari castitatem, & inter temulentos bacchantium cœtus sobrietatem profiteri volunt. Et sanè Hetruscus Politicus
(quam-

(quamquam impiè) necessarium esse scripsit, posse, si occasio tulerit, esse crudelem, infidum. Quomodo Sejanum Tacitus descripsit. (4. Annal.)

Corpus illi, inquit, laborem tolerans, animus audax, sui obtegens, in alios criminatorem: juxta adulatio & superbia, palam compositus pudor, intus summa apiscendi libido: ejusque causâ modò largitio & luxus, sæpius industria ac vigilantia &c.

Et de Sapore Rege Persarum Ammianus Marcellinus: (lib. 28.) *cùm sibi conduceret humilis aut elatus.* Tacitus de

Licinio Muciano: *luxuriâ, industriâ, comitate, arrogantia, malis bonisque artibus mixtus, nimia voluptates, cum vacaret: quotiens expedierat, magna virtutes, palam laudares, secreta malè audiebant, sed apud subjectos, apud proximos, apud collegas variis illecebris potens &c.*

(lib. I. histor.) Idem de T. Vinio: *prævus aut industrius eâdem vi, prout animum intendisset.* (I. hist.) Et de Vespasiano, Tитоque ejus filio: *tribuni centuri-*

onesque & vulgus militum industriâ, licentiâ, per virtutes, per voluptates, ut cuique ingenium, adsumebantur. (1. histor.) Ego; ut industriam, solertiam, vigilantem semper & intentum rebus animum probo, ita, istam virtutum & vitiorum callidam mixturam tanquam Christianæ pietati & honestati civili adversam non laudem, sed vituperium, imò pœnam mereri arbitror. Certè Deus, cui *simplices & sinceri corde* placent, non impunitam finet.

Somnum & inertiam magis ostentabat.] Quod sub tyranni, cui omnis magna virtus formidabilis est, imperio omninò necessarium est. Tunc enim *inertia pro sapientia* habetur. L. Brutus affectæ mentis vitium simulavit (Liv.) Domitianus simplicitatis ac modestiæ imagine studium literarum & amorem carminum simulavit, quò Titi fratris æmulationi subtraheretur. (Tac. 4. hist.) Mahumetes Tertius Turcarum Imperator, cum privatus adhuc degeret ob
arro-

arrogantiam & ferocitatem, patris animum tanta suspicione pupugit, ut is filium è medio quavis ratione tollere constitueret. Cujus rei cùm à matre Mahumetes certior factus esset, ad cò vitæ institutum seu mutavit, seu mutasse simulavit, ut venereis immerfus voluptatibus nullius magnæ cogitationis capax amplius videretur. Ita à patre suspensionem, à se periculum abegit. (*Laz. Superant. in Othom.*)

Eato potentia rarò sempiterna : an satis capiat aut illos cum omnia tribuerunt , aut hos cùm jam nihil reliquum est , quod capiant.] Ut rutilans fulguris niçtus, quamvis cum fragore tonitruum uno eodemque momento nubes perumpat, prius tamen oculos ferit, quàm tonitru audiatur : & ut antè sanguis quàm hiatus vulneris cernitur : ita apud Reges delati plerumque ante ruunt, quàm se ruere sentiant. *Ignis amoris regii plurimos in cineres redegit.* Causas & remedia ad cò præcipitis mali indagare operæ

pretium est. Prima est instabilis Fortunæ genus, nunquam constanti beneficio quenquam dignatus : *fato potentia raro sempiterna*. II. Altera est levis Principum, & vel nullo vel levi fundamento nixa , atque temerè plerumque in hos aut illos propendens inclinatio : quæ cum fervet maximè , nescio quo fato nunquam tepida plerumque in frigidissima pristina gratiæ oblivione desinit. Nam Reges si verum loqui licet, apud quos semper aliqui nimium possunt, ferè mutabili amandi dulcedine feruntur in diversa. Casu amicitias auspiciantur, tædio deponunt; & novâ familiaritate reficiunt animum in veteris consuetudinis nausçâ fastidientem. Quidâ ex iis, ut in morbis ex calore in contrarium frigus rapti finem amoris odium faciunt, intèpestivis affectibus sèper captivi aut crudeles. Modestiores sūt, qui contenti superducere neglectis sed nō violatis prioribus, novos amores; tamē indignatione, ambitu , rixis regiam suam

am implent. Diutiùs quidem sed non tutiùs aut fidelius amant, qui ad negotia & sublimitatem curarum caligare se conscii, admovent oneri quem potissimum putant, nec res magis quàm seipsos ei tradunt; tristissimo sæpè fato: quia vix sapientiùs eligere, qui se regat, quàm seipsos regere norunt. Cæterum non amare modò hunc solent, sed vereri, suspicere, timere objurgatè: donec iste oblitus se precariò regnare tyrannidem nimis intēderit; aut ipse Rex eodem errore ingenii nescientis libertatem, alium mirari inceperit (10. *Barcl. I. Arg.*) Inde si Princeps ita facilis sit, & quocunque se applicet, ut brevi ita cœcâ & vehementi amicitia incumbat, qui ab eo amantur, memores inundari se altissimo æstu, sed in suum Oceanum statim redituro, quàm avidissimis pectoribus de illa felicitate bibere solent. Neq; enim lassare hunc amorē flagitatis muneribus timēt qui etiā nisi tēpeſtiva celeritate excipitur, ut vina ætatē nō fe-

rentia, in utili veterno consenescit (10. *Barcl. in Icon. anim.*) Sanè opulentissimæ venationis genus est explorare intimos Regum motus, eosque vel vera vel ficta imitatione exprimere. Ita enim naturâ comparatum est, ut quibus quisque studiis capitur, ea in illis amet. Infinita dulcedine ligata est ab omni parte gratia inde nata. Sed non durabilior illa est, primi veris floribus, qui quanquam varia & discolori amœnitate intuentium oculos & animos rapiant, tamen mox decidunt, & hominum cæterorumque animantium pedibus calcantur. Nam ut haut facile duos invenias homines, qui per omnia eadem velint, sentiantque: ita studia, moresque hominum tempore, consuetudine, fortuna mutantur, atque adeo sæpè in contrarium transeunt. Porrò ubi ex eo aliquis amatur, quòd aulicis flagitiis & inclinationibus Principis ministrum se præbet; accidit plerumque, ut levi post admissum scelus gratia, dein gravio-

viore odio sit. *Nam graviorum facinororum ministri quasi exprobrantes adspici solent.* (Tacit. 14. Annal.) Ipsi quoque Principes, quamvis id semper velint, quò eos licentia, quò cupiditas vocat, postremò tamen ad honestum vel inviti respectant, & publicâ civium famâ pudefacti suum peccatum sua flagitia in eo puniunt, qui turpibus ministeriis molivit viam, quam ad vitia ducentem obsitamque infamiâ pudor prohibebat experiri. Quamquam autem Principum inclinationes, tanquam nullis cohibitæ pœnis, variè sint, præcipuæ tamen & communiores sunt, Amor, Crudelitas, Avaritia. Amor, ut affectuum vehementissimus, ita levissimus est & quàm maximè inconstans. Ut inde qui se socios, testesque & ministros istis obscenitatibus præbent de gratiæ diuturnitate malè securi esse possint. Crudelitatis ministri ut exprobrantes à Principibus adspiciuntur, adeoq; haud rarò omnis sævitæ infamia in hos exonera-

tur; quod Remiri Orci, Antonii Perezii, Cn. Pisonis exemplo alibi demonstravimus. Avaritia, quamvis cum annis crescat; tamen magistros istos excoriandi populos non tam amare, quàm quod sibi utiles sciunt, illis utuntur Principes; quos oblatis in eam operam recentibus, affligere postmodum solent. Quemadmodum Vespasianus Procuratorũ rapacissimũ quemq; ad ampliora officia ex industria solitus est promovere; quò locupletiores mox condemnaret; quibus quidem vulgò pro spongiis dicebatur uti, quod quasi siccos madefaceret, & exprimeret humentes. (*Sueton. in Vesp.*) Et cum frequentissimæ sint populorum ob tributorum acerbitatem avaritiamque Principum rebelliones, non est accommodatior ratio sedandi illas, quàm si sævienti populo isti exactionum tributorumque novorum inventores objiciantur.

III. Præterea apud infensum virtuti & gloriæ suorum Principem certissima exitiũ

exitii causa est ipsa virtus. Nihil enim ille magis metuit quam quâ destituitur, virtutem. Hęc illi vultus Gorgonei torvitas est. Hinc illa Neronis, apud Senec (*in Octavo*) vox; quicquid excelsum est, cadat. Nobilitas, opes, omissi gestique honores pro crimine sunt (*Vac. I. hist.*) sinistra erga eminentes interpretatio; nec minus periculum ex magna fama quàm ex mala: (*Tac. in agr.*) & ex nulla re major securitas, quàm inertia. (*Tac. in Agr.*) Apud unum Tacitum innumera sunt illorum exempla, quibus non crimen ullû, aut querela læsi cujusquâ, sed virtus, gloria, familiæ claritudo, & multa militaris fama exitio fuerunt. Julianum quoque Cæsarem invisum Constantio reddiderunt quasi per benevolentiam ab invidis ac malevolis jactatæ voces; JULIANUS ALEMANNIAM DOMUIT; JULIANUS URBS GALLIÆ INCITAVIT, &c. (*Mamer. in Paneg.*) Et aliud simile exemplum de Alexio Protostratore

extat apud Nicetam Choniaten quarto annalium. Assyriorum Rex ille, cum quo Cyrus major bellum gessit, & quem apud Daniele m Vatem Baldassarē vocari opinor, Gobriæ Satrapæ filium hasta transfixit, non aliam ob causam, quàm quòd in venatione ursum & leonem certo ictu percussisset, cum regis jaculum aberrasset, (*Xenophon. 4. Cyrop.*) Idem alterius cujusdam purpurati filio testiculos eximi jussit: quòd regia pellex illum inter egregia pulchritudinis exempla censuerat, felicemque fore dixerat, quàm ille conjugem habiturus esset. (*Xenophon. 5. Cyrop.*) Et sanè hoc omnibus Principibus ingenium, hæc natura, ut se potiores haut æquo animo ferant. Hadrianus Imperator, quàmvis esset oratione & versu promptissimus omniumque artium peritissimus: tamen illarum professores semper ut doctior risit; contempsit, obtrivit. (*Spartian. in Hadrian.*) Valentinianus eruditos omnes odio persequer-

ſeqvebatur, & divites & nobiles, & for-
 tibus detrahebat: ut ſolus videretur e-
 gregiis artibus eminere. (*Ammian.*
Marcell. 30.) Ludovicus de Sylva vir
 erat prudentiſſimus, & Emanueli Luſi-
 taniæ Regi in paucis charus. Illum Rex,
 cùm à Pontifice veniſſent, literæ latinæ
 quàm elegantiffimè ſcriptæ, reſponſum
 componere juſſit; ſe quoque (affectabat
 gloriam benè ſcribendi) idem tentatu-
 rum. Ludovicus, quanquam invitiffi-
 mus cum Rege ſuo de ſcientiæ princi-
 patu contenderet; neceſſitati tamen pa-
 ruit, & ſcriptum à ſe reſponſum poſte-
 ro mane Regi, qui & ipſe idem cona-
 tus erat, tradidit. Rex ut vidit illud le-
 gitque, conviſtus ſuo elegantius eſſe,
 reſponſi loco ad Pontificem mitti
 mandavit, ſuppreſſo nec oſtenſo cui-
 quam ſui ingeniū conatu. Ludovici ta-
 men vehementiſſimis precibus dedit,
 ut inſpicereliceret; qui exiens aula,
 nunquam eò reverſurus, domum feſti-
 nus perrexit: & quanquam meridies ef-
 ſet,

set pro se, duobusque filiis tres equos instrui iussit: deductosque ne quidem prius sumpto prandio filios in apertam quandam planiciem his verbis allocutus est: carissima pignora, alibi nobis nostra fortuna confectanda est. Hic enim, uti Rex me illo plura scire cognovit, non est, ut benè nobis fore speremus. *Anton. Perez. in Epist. quadam Hispanica scripta ad Lerma Ducem*) Rodericus Gomezius Sylva, qui in Philippi aulâ omnia poterat, à prudentissimo quodam sene accepisse se dixit ex sacris literis acceptum præceptum: *coram rege noli videri sapiens*. Et Albæ Dux agebat, Sylvam illum, non quòd aliis consilio & gerendæ reipublicæ scientiâ præstaret, tantum apud Philippum valuisse, sed quòd illo præcepto sapientissimè utebatur. In consiliis, quibus Regem suum instruebat, in colloquiis, quæ cum illo habebat, cavisse, ne sciret suū Regis prudentiam superare videretur. Primum & principale instrumentum, quo

quo Principis animus ad audiēdi patiē-
tiam disponitur & præparatur, esse adu-
lationis, quæ sapidissimus ingenii hu-
mani pastus est, particulam; quâ Princi-
pes solos se sapientes haberi, solos re-
rum & consilii potentes persuadean-
tur. Indeque Sylvam, quanquam pro-
curaret, ut boni eventus consiliorum
suorum fructus haberentur: talem ni-
hilominus negotiis speciem circumde-
disse, ut illa cœptorum felicitas non
tām à sua prudentia, quàm fortunæ in-
dulgentia quadam, comitante sedulita-
tem fidēq; suam provenisse videretur.
Hac arte Regis erga se amorem in ma-
jus provexisse; non aliter ac in ludo,
qui fortunæ victoriam debet, sive in-
dignatione victi lucrum reportat; qui
suis artibus vicit, inimicitias ple-
rumque sortitur. (*Anton. Perez. d.*
ep.)

Sed nec semper injuria Principum
gratiam mutat. Sæpè etiam illi ipsi gra-
tiosi sua culpa sibi fortunæ fugā admo-
vent,

vent, seriùs, si saperent, recessuram. IV. Quidam ex iis non æstimato domini ingenio, causam, qua amantur, negligunt colere. Alii adhuc cruda & recentia domini studia, tanquam nondum præparati ventriculi robur importuno usu obruunt. Quosdam ignoratio fatietatis decepit: qui quanquam circumfluentes omnis fortunæ muneribus, tamen dominum in novæ alicujus amicitia illecebras declinantem, tanquam injectis manibus retinent, proclamantque ad promissi amoris vindicias. Ita qui de gratiæ statione recedere ad magnificum otium poterant, rapî malunt, quàm abire. Quid vesaniam dicam, cum in levia ingenia hæc felicitas cadit; quæ adversus minores humanitatem, adversus majores reverentiam exuere solent. Novimus, quàm benè Solis curru Phaëthon usus sit, aut Icarus pennis. Quidam nullo tot munerum, totque beneficiorum, quibus ornati sunt, respectu in ipsum Principem scelera-

lerata consilia inire ausi sunt. Cujus rei exemplum, ut infinita alia præteream, est in Sejano; de quo libro sequenti plura notabimus. Sunt, qui dum ab externis Principibus penè ut pares ambiuntur, non intelligentes sollicitari se ad prodicti domini scelus, consilia, quæ tegi oportebat, aliis enunciant. Alii superbia, fastu, avaritia odium Optimatum, aut populi in se concitant. Omnis enim error. Omne in administranda repub. delictum, omnis vectigalium, tributorum, aliorumque onerum impositio gratiosis in aula viris, &, ut Amm. loquitur. (*lib. 38.*) *formatoribus imperii* adscribitur. Quibusdam capitale fuit, objecisse & exprobrasse merita. Nam eò usque læta sunt merita, dum videntur exsolvi posse, neque exprobrantur; ubi multum antevenière & ambitiosè jactantur, pro gratia odium redditur. Nihil citius senescit gratia, & memoriâ beneficiorum; quæ quò majora sunt, eò sæpiùs ingratitude pensan-

feantur. Quippe qui ea remunerando persolvere aut non vult aut non potest; vel oblivione vel animo suo imperando, ut credat non tanta fuisse, qualia æstimantur, illorum memoriam abjicit. Postremò, quos eò reductos ut alieno beneficio indigerent, pudet, accepisse se illud indignantur; adeò, ut plus apud illos possit odium ob eam, in quam inciderant necessitatis memoriam, quam beneficii accepti recordatio. Non igitur benè rebus suis consulunt, qui meritorum diuturnique servitii superbiâ fidentes verbis etiam & querelarum acerbitate Principum suorum ingratitude arguere audent. Horum enim ea natura est, ut cogi nolint. Etiam quæ debent, cùm solvunt, liberalitati adscribi volunt; & qui reposcit inciviler quod expectare debebat, pro gratia odium & exitium invenit. C. Silius, cùm immodicè jactasset, suum militem in obsequio durasse, cùm alii ad seditiones prolaberentur, nec mansurum Tiberio
impe-

imperium, si suis quoque legionibus
 cupido novandi fuisset, ad mortem a-
 dauctus est. Destruui enim per hæc fortu-
 nam suam Cæsar, seque imparem tanto
 merito rebatur. (*Tac. 4. an.*) Quo acce-
 dit & illa ratio, quòd benè gesta etiã à su-
 is ducibus sibi adscribi Principes vo-
 lunt. Apud Romanos bellorum duces
 trophæis non suum sed Principis nomẽ
 inscribebant. (*Tacit. 2. an. ubi de Germa-
 nico,*) Et in operibus publicis, qui no-
 men suum sine Principis mentione scri-
 pssissent, majestatis tenebatur obnoxius
 (l. x. C. de oper. publ. Et Germanis sua for-
 tia facta gloriæ Principis tribuere præ-
 cipuum sacramentum erat. (*Tacit. in
 German.*) Apud Mauritium Imperato-
 rem Georgius quidam ad Persarum Re-
 gem pro pace legatus magnum adiit pe-
 riculum, quòd imprudenter gloriatus
 esset, Regem Persarum non Imperatori-
 ri, sed suæ prudentiæ pacem indulsisse.
 (*Theophilaët. Simocatt. 8. hist.*) In Belgio
 cum Ferdinandus Albæ Dux statuã sibi
 cum

cum superba inscriptione posuisset, de-
jici illam Philippus Rex jussit (*Conestag.
4. hist. de bell. Belg.*) Et Consalvus Ma-
gnus cum liberalitatis terminus incau-
tè transgressus Neapolitani à se subju-
gati regni proceres donis, beneficiis,
denique comitate à genio Hispanorum
tanto perè aliena, sibi devinxisset, & quæ
Regem decebant, ipse gessisset, abdu-
ctus ex regno in Hispania inglorius ob-
iit (*5. Boccal. Cent. 38.*) Ut non sine ra-
tione Cyaxares Medus apud Xeno-
phontem (*5. Cyrop.*) dicat, injurias po-
pulo suo illatas tolerare se posse, magna
beneficia non posse. Quemadmodum
enim, inquit ille si quis canes tuos tales
pascendo curandoque reddat, ut illum
magis quàm te norint, aut si quis mini-
stros tuos beneficiis tales efficiat, ut i-
psius esse malint, quàm tui, aut si quis u-
xorem tuam obsequiis sic demereatur,
ut tandem efficiat eam sui magis, quàm
tui amantem, ingrata tibi futura est &
invisa beneficentia: ita injuriam Prin-
cipes

cipes existimant illa, quibus populorum studia in alium derivantur, beneficia. Apud Augustum duo erant ferventissima gratia, M. Agrippa, & Cornelius Gallus. Et hic quidem insolenter elatus, statuas sibi per universam Ægyptum ponere, sua acta pyramidibus inscribere, denique eò vecordiae labi, ut in ipsum Augustum vanissimis verbis detonaret. Igitur exulare jussus damnationem morte voluntariâ prævenit. At M. Agrippa, etsi Cæsari gloriosarum actionum auctor & præcipuus adjutor esset, nihil tamen ejus gloriæ sibi arrogabat: honoresque in se collatos non in suum commodum, sed in Augusti & reipublicæ gloriam convertibat: operibusque publicis à se extructis non suos, sed Augusti titulos inscribebat. (*Dio Cass* 53.) Commissa pugna navali cum Sexto Pompejo, satis habuit fugasse hostes, nec eos ultra insecutus est. Dicebat enim, hunc esse plerisque Principibus morem, ut no-

lint

lint quæquam seipsis præstantiorem
 haberi: ideoque eos plerasque res, ubi
 haud magno labore sit statura victoria,
 suo ductu atque auspicio gerere, con-
 trà difficilia & impedita aliis commit-
 tere: ex quibus si se illi feliciter expedi-
 verint, titulum rei benè gestæ tamen si-
 bi solis adsciscere. Proinde duo hæc eū,
 qui incolumitatis suæ curā gerit, obser-
 vare debere: ut negotio difficili præfe-
 ctus id, si fieri potest, à se amoliat; :
 quod si nequeat, benè gestæ rei nomen
 Principi conservet. (*Dio. 49.*) Agrippæ
 mores Cn. Agricola expressisse videtur,
 qui nunquam in suam famam gestis ex-
 ultavit; ad authorem & ducem, ut mi-
 nister fortunam retulit. Ita virtu-
 te in obsequendo, verecundiâ in præ-
 dicando extra invidiam, nec extra glo-
 riam erat. (*Tacit. in Agric.*) Ex Britan-
 nia maximis rebus gestis reversus Ro-
 mam, ne notabilis celebritate & frequen-
 tiâ occurrentium introitus esset, vitato
 amicorum officio noctu in urbem, no-
 ctu

Etu in palatium venit: exceptusque bre-
 vi osculo & nullo sermone turbæ ser-
 vientium immixtus est. Et ut militare
 nomen, grave inter otiosos aliis virtuti-
 bus temperaret; tranquillitatem atq; o-
 tium penitus auxit; cultu modicus, ser-
 mone facilis, uno aut altero amicorū,
 comitatus: adeò, ut pleriq; , quibus ma-
 gnos viros per ambitionem æstimare
 mos est, viso aspectoque Agricola quæ-
 rerent famam, pauci interpretarentur.
 (*Tac. in Agric.*) Est igitur omninò ne-
 cessarium, gloriam egregii cuiusque fa-
 cinoris non nostræ prudentiæ aut vir-
 tuti, sed Principi adscribere; tantum ab-
 est, ut ei servitia nostra exprobrare li-
 ceat. Quemadmodum enim, qui catenis
 alligati sunt remigio, cum, ut loquitur
 Comicus, mortui boves incurfant ter-
 ga ipsorum, non reverberando, non
 minis, non querelis, quicquam profici-
 unt: sed mœstâ oculorum humilitate, &
 miserabili, omnibusque precibus effi-
 caciore intuitu, atque interdum piscis
 aut

aut cancrorum maritimorum à se captorum dono navarchum ad pietatem commovent; ita qui ad immitia aularum transtra condemnati sunt, dominorum injurias, contemptum; oblivionem non murmure & apertâ indignatione excipere debent: sed acceptis constantis fidelitatis remis everberare fluctuum adversantium pertinaciam; istaque constantiâ Principis oculos ad officiorum suorum memoriam advertere; qui tam diu fuisse immemorem fidissimæ servitutis, erubescet tandem, & usuras ob moram maximas præstabit.

V. Inclinaturn ad lapsum suâ vel alienâ culpa impellit omnino æmulatio & invidia, perpetuus excellentis virtutis comes, omnis magnitudinis tortor & carnifex. Accedunt populorum murmura & querelæ, quibus tanquam testibus utitur invidia: quæque animum Principis quantumvis vehementi amoris obnoxium mutare, quæ judicium ejus

ejus non minus, quàm furiosa ventorum rabies maris tranquillitatem commovere possunt. Nec effugium est hîc nisi per innocentiam & modestiam. Innocentiam volo, ut aulicus omnia domini negotia procuret cum fide, & ex commodo ipsius domini. Modestiam omninò requiro, quòd invidia ut superbiâ & arrogantia accenditur, ita minuitur aut extinguitur humanitate, affabilitate, comitate, familiâ domi ut non sordida, ita nec splendida nimis. Cardinalem Spinofam, cui nihil non tribuebat Philippus Hispaniarum Rex, æmuli everterunt, incitando Regios ministros, clientes, universos denique, ut solum colerent, solius ædes frequentarent, solius jussa spectarent, adeò ut nec Regi, nisi Cardinalis adnuisset, parerent. Igitur ab Rege au!â dimissus est. Antonius Perezus à cœlesti nuncio, veri Regis ministro in hoc malum accepisse se remedium ait: quod extat in S. Ioannis Apocalypseos capite decimo

nono. Cùm Joannes Apostolus ad pedes Angeli cujusdam illum adoraturus se abjicere vellet, Angelus intercessit his verbis: *cave feceris, conservus tuus suum*. Inde aulicus quoque quod sibi utile, sumat, & quanto demissiori cultu adorari se à gentibus videt, tantò magis illos sibi nocituros honores repellat; & non magis alios, quàm se Principis ministrum esse cogitet. Sie enim, (ita argumentatur Pereziius) Optimus Maximus Deus, cujus infinita gloria est, qui unico nutu necavit omne animal orbe aquis submerso, & cùm tempus adveniet ignibus vastis torrebit incendetq; mortalia, cunctaque in antiquum chaos vertet; si, inquam, omnia potens Deus socium adorationis, quàm solus colendus est, non admittit: quantò minus Reges & Domini mortales, quorum est ita limitata potestas, ut in comparatione divinæ potentiae nulla sit, quenquam sibi æqualem ferrent animo? Adsit ergo aulicus negotiis quieta
cum

cum industria: nec pedisse quorum, cæteri; domestici instrumenti superbiâ affectet, aut clientû longû semper post se agmen trahat, imò, si sapiet, invidiæ minuendæ causâ, nō admittet vana ista.

VI. Postremò, si tam gratiofus virtute & fortuna meruerit, ut Principi, cujus favorem nullis intermixtum simulatibus semper habebat, superstes sit: accidit tamen plerumque, ut illa gratiæ hereditas in successore non trans-eat. Nam & ea negotiorum interdum ratio est, ut hi tales imperiorum formatores, sive imprudentiâ, seu consultò, & haut rarò Principis cui plerumq; suspectus est, quicunq; proximus regno destinator, voluntate successorē offendât: quarum offensus acris deinde in vindictam memoria servatur. Et si maximè hoc nō fuerit, qui novus Princeps est, suis, qui privatum coluerant, vicem reddere, sibi que notiores & propiùs hærentes honoribus, dignitatibus, muneribus conciliare studebit. Opes de-

V 2

niqve

niqve cumulata, & invidiosa defuncti Principis liberalitas vel æmulos vel successorem ad repetendum, unde inopiæ causa est, accendere possunt. Et sanè à me nemo remedia huic malo discet. Nam qui adhuc privatum offendit, quibus officiis regnantem sibi reconciliare potest? cùm plerumque acceptæ olim injuriæ memoria adversus recentia beneficia prævaleat. Exigi aulâ, procul negotiis haberi ad magnificum, aut saltem non inops otium dimitti non poena æstimari, sed præmium debet. Denique contra invidiam, quæ ex immensis epibus oritur, nisi illæ occultari aut elevari poterunt, *una defensio occurrit, quod muneribus Principis obniti non debemus.* (*Tacit. 14. Annal.*) Aut, quanquam id durum sit, traditis, quorum fulgore præstringimur quies redimi debet. Ea voluntariæ cessionis gratia erit, ut relictis necessariis vitæ instrumentis saltem non egenum ævum (nam & avaritiæ crudelitatisqve famam metuet Princeps) transigi necesse sit. Exem-

Exempla & historias illorum, qui si-
 ve suâ, siue aliena culpâ ex summo aulae
 loco in imum præcipitati sunt, si refer-
 re omnia, aut pleraque vellem, iusti vo-
 luminis opus foret. Notæ sunt Parme-
 nionis, Clyti, Philotæ indignæ neces a-
 pud Q. Curtium. Sejani historiam Ta-
 citus & Dio Cassius recensent. Memo-
 rantur Plutianus apud eundem Dio-
 nem, Vetrinius Thurinus apud Lam-
 pridium; Apelles apud Polybium, Beli-
 sarius apud P. Crinitum (si tamen vera
 sunt, quæ ille de eo jam sene ostiatim
 stipem colligente scribit in libris de
 honesta disciplina) Stippiota Theodo-
 rus apud Nicetam Choniâten; apud re-
 centiores Petrus de Vineis, Alvarus de
 Luna, Thomas Vuolfæus, David Rizi-
 us, Antonius Perezus, Paulus Scali-
 chius, alii. Denique ludorum ejusmodi
 frequentia stuporem mitigavit. Pauci
 adhuc anni plura nobis, quàm lubrica
 aulae via sit, documenta ob oculos po-
 fuerunt. Meminimus, in Gallia Bironi-

um & Concinum Ancræ Marchionem; in Hispania Lermæ Ducem; in Anglia Sommerfetum; in Belgio Olden Barneveltum; in Germania Melchiorẽ Clefelium; omnes de summa dignitatis arce deturbatos: & hic tamen nunc summo cum honore Viennam rediturus speratur: quod olim quoq; Ulrico Ciliæ Comiti accidit. Is cùm diu Ladislaum dominum suum rexisset, tandem iubente Rege, nitente Austriâ nobilitate, & præcipuè Eizingero; comitante illum, ne à plebe violaretur, Alberto Brandeburgensi; probrosis dictis oneratus, aula excessit. Idem tamen Regi postea reconciliatus, qui paulò antè cū summa ignominia in exilium abierat, triumphantis more Viennam ingressus est, etiam extra urbem ipso Rege obviam eunte: contrà Eizingerus, qui Principem regiæ gratiæ locum consecutus eum dejecerat, urbe egressus in voluntarium abiit exilium. Et fertur Comes cognito Eizingeri discessu laudasse hominem,

minem, quòd in tēpore iratis aulæ nubibus tergum subduxisset. (*Gerard. de Roo. 4. Ann. Aust. Æn. Sylv. Hist. Boem. c. 61. & 63.*) Alia exempla lubens omitto. Unum tamen, cū quòd varios fortunæ ludos habeat; tum etiā quod Scipionis Amirati libellus de vita Joannæ in paucorum manibus versetur, præterire non debui. Joāna II. Neapolis Regina Gvilielmo Austriæ Principi (Pandulfus Gollenucius in Historia Neapolitana (*lib. 5.*) Vocat Ducem de Sterliche) nupta marito defuncto, cū Neapolin rediisset, aliquot post annos Ladislao fratri sine prole defuncto, in illo regno successit. Poterat esse felicissima, nisi inhonestus amor, quo erga Pandolfum (Pandufellum appellat Io. Bapt. Pigna) quendam ardebat, miserā esse voluisset. Erat ille eximia pulchritudine, cui industriā cæterosq; laudabiles mores jūxerat: quibus adeò sibi Reginam devinxit, ut sui & curarū regiarum oblita, omnia prædam fecerit amatoris. Sanè va-

lidus erat illorum temporum rumor, etiam vivente fratre & marito cum illo consuevisse. Tandem cùm Regina populi & procerum seditionibus agitata, motuum sedandorum, & invidiæ, quæ Pandolfo ex nimia potentia & suspecta cum Regina familiaritate oriebatur, extinguendæ causa Jacobo ex familia Ducum Borboniorum nupsisset : illi primum novi regni facinus fuit, invisum æmulum è medio tollere. Reginam quoque & lecto & mensa exclusam penè in custodia habuit. Verùm imprudentia atque ignavia Regis, & fides quorundam Optimatum eam hac molestia exemerunt. Etenim Julius Cæsar Capuanus præcipuus occidendi Pandolfi Regi auctor, nullam meritis suis haberi gratiam indignatus, Reginæ in occulto promisit sua se manu, suo gladio regis invisi hausturum latus. Sed plus poterat in femina pristinæ injuriæ recordatio, & carissimum sibi caput neci datum, quàm propriæ cura salutis.

Pref-

Pressis igitur consiliis, & lacrymis faciem rigansprehendere Cæsaris manum, gratias agere, ad pulcherrimum libertæ reginæ facinus hortari, denique rogare, ut elapso triduo redeat: velle se de ratione exequendæ rei cum illo conferre. Abit ille, & Regina ad maritum, eique Cæsaris consilia aperit facturam se, ut suis auribus ordinem cogitati sceleris ex ipso Cæsare percipiat. Motus periculo Rex præstituta die in Reginæ cubiculo post lecti stragula occultatus omnia ex Cæsare audit, ad quæ dolor, & ultio, & loci, ut putabat, solitudo incitabant. Itaque per satellites comprehendi iussus Cæsar mox securi percussus est. Quo facinore deterriti alii abjectis de liberanda Regina consiliis, tutam quam gloriam cum periculo malebant. Nam quem tam esse dementem, ut miseras suas amantem, & fidelissimos sibi infesto marito prodentem juvare velit? Sed duo erant, Otthinus Caracciolus, & Annichinus Mormiles, (Mormellus

Collenuccio dicitur) homines in quibus antiquam nobilitatem ingentes virtutes æquabant, qui altius in reginæ consilia penetrantes, quare Cæsaris cogitata aperuisset, coniecere. Initâ igitur in Regem conspiratione restituere Reginam priori libertati instituerunt. Cæterum in tanto facinore feminæ conscientiam, deterriti recenti Cæsaris exemplo, & innatam cum omni sequiori sexui, tum ipsi Reginæ, levitatem, verebantur. Commodum Magister equitum cum regni viribus admotus quosdam compescendos aberat, & quidam ex aulicis, in paucis Regi carus, adornabat nuptiarum festivitatem; cui ut Reginæ quoque interesse liceret, orarunt conjurati, nec id Rex abnuit. Ergò solemni pompa sero diei finita, reversuram in palatium Reginam Caracciolus & Mormiles in condita multitudo plebis stipati, circumdedere; monentes, nolle nobilitatem populūq; Neapolitanum, ut ipsa ad Regem, aut

veri-

verius in carcerem molestissimum redeat. Iret, & viris se permetteret asserturis illam in pristinum decus, & pro reddendo regii capitis insigni nihil non aufuris. Improvisa hæc Reginæ erat, sed gratissima violentia. Versa igitur fortuna illa sui nunc juris Regem ea conditione habebat, qua ipse Reginā antè. Sed nō poterat ad bonam mentem reverti; quæ semel pudicitiam voluptatibus immolaverat. Otium enim, & ex felicitate licentia fecêre, ut oculos primùm, mox animum adverteret ad Ioannem Caracciolum, avita nobilitate, corporis decore, denique militari laude insignem virum. Sed multa hominis virtus, & qualescunque expirantis pudoris reliquiæ ruentem libidinem cohibeant: quæ tamen postremò desiderii sui explicandi atque explendi hanc viam invenit. Noverat Regina, (quod idem de Ferdinando Gonzaga tradit Julianus Goselinus) Caracciolum naturali quodam horrore mures averfari.

Igitur quadam die cū latrunculorum ludo in conclavi, regio cubiculo proximo se oblectaret, ex composito ancillarum una murem vestium plicis insinuavit: quem cum ille primo excutere, dein fugere tentaret; omnes sibi præter eam, quæ ad Reginae cubiculum aditum faciebat, portas clausas vidit. Turbatus cubiculum regium irrumpit, & petita præda in casses incidit. Regina pavorem viri jocosè exagitans, & ne scilicet vexationi se subducere posset, in illum invadens arctissimis ligat amplexibus. Quid verbis opus est? Intelligebat Reginae vota Gracciolus: placuit amantibus sequens nox amoris furto. Ea scena dum luditur, regina novis optimatum & populi seditionibus agitatur. Sforzias maximè, vetus militia, & Ottinus Caracciolus, liberatæ reginae titulo superbus præreptum sibi principem gratiæ locum dolebant. Nā Regina Joannem Magnum regni Senescalcum, quæ proxima à Regibus digni-

dignitas est, fecerat. Sed & hos motus immerita Reginae felicitas composuit. Interim fama de illius impudicitia apud Italiae Principes, omnia, ut solet, in majus provexerat. Quidam perditos feminae mores miserabantur: aliis inde contemptus; Pontifici iusta indignatio. Qui pacis artes, quam vim & arma valitura arbitratus convenit cum Regina, ut maritum custodiâ eductum reciperet. Joannes per speciem honoris Romam vocatus. Sforzias contra Braccium Pontificis hostem Ecclesiae Romanae Vexillifer dictus est. Ita dissociatis æmulis, & adultero procul relegato honori reginae & regni saluti consultum videbatur. Verum Sforzias cum animadverteret, reginam parum æquo adversum se animo esse, ut quem absentiae Carraccioli causam putabat; omni ope adnissus est, ut is reduceretur; satis ratus aliquo esse apud Reginam loco, quam nullo, Quod & facile perfecit. Cæterum quam ex amatoris reditu hau-

hauriebat Regina voluptatem, eadem Regis mariti tedium & averfationem & postremò odium animo ipsius infinuavit. Unde ille ignominia & ludibriorum, quibus sæviebat quotidie infensa uxor, impatiens in Galliam abiit, ibique monasticam vitam professus est. Jamque læta viduitas Joannæ contigisse videbatur: cùm ecce denuò Pontifex illi succensens, quòd Braccium Ecclesiæ hostem ad sua stipendia accivisset, Ludovicum Andegavensem ad suscipiendum regnum vocavit. Unde Regina consiliorum egens in ultimum subsidium Alfonsum Aragoniæ & Siciliæ Regem filii loco adoptavit. Sed mox simultate inter illos ortâ, & irritâ facta prætextu ingratitude adoptione, in locum ejus evocavit Ludovicum, quem diximus. Opinio est, non magis ut haberet quem Alfonso opposeret, quàm ut Caraccioli nimios spiritus cõpesceret, animum ad Ludovicum paulò antè hostem vertisse. Quippe is ex familiari-

tate

tate sumpta arrogantia & mox contemptu reginæ parum ejus dignitatis reverens videbatur. Et aderant callidi in aula homines, qui adhuc dubitantē irasci propellebant. Nondū odio erat ille, sed amari desierat: cū tandem supervenit, quod exitium maturavit. Vetus illi cupidus erat, filium suum evehendi ad Salernitani principatus dignitatem; quare de re cū appellasset Reginam; certus, ut opinabatur, haut refragaturam: illa, cujus animū, ut diximus, Caraccioli superbia, & invidorum sermones mutaverant, repulit nimia petentem. At ille non asperitate modo verborum, & intemperantia linguæ; verū etiam, ut ferebatur, alapā repulsam ultus est. Quare Regina ingentem animo iram coquens cum fidissimis consilium iniit capiendi hominis. Committitur negotium quibusdam ex præcipua nobilitate: qui, ne regina infita levitate animum mutaret; & Senescalli, si pristinum gratiæ locum reciperet; vin-

vindictam veriti, tutius esse statuerunt occidere. Præmittitur quidam Germanus Reginam ex Austria secutus: qui ædium foribus immaniter pultatis reginam ex catharro in viciniam mortis agere nunciat: Reseratâ portâ irrûpunt conjurati; & prostratum humi Caracium aliquot vulneribus conficiunt. Hic fuit exitus hominis, qui dum per flagitium partâ potentiâ superbè, & in illius, cujus eam beneficio habebat, contumeliam utitur, non magis alieno scelere, quàm suâ stultitiâ periit.

Domitius Corbulo Prætura functus de L. Sulla nobili juvene questus est apud senatum, quòd sibi inter spectacula gladiatorum loco non decessisset. Otiosa quæstio est, virtus nobilitati, an hæc illi præstet? Nec enim vera nobilitas alia quàm virtutis notâ à plebe discriminari debet. Et antiquitus honor & cultus & nobilitas in virtute præcellentes delatus ab iis, qui ad tam sanctum splendorem obstupescebant. Hoc priscis temporibus

bus unum erat remedium emergendi è latebris vulgi, cùm omnes initio pares esse natura jussisset. Idem deinde honos nobilium filiis habitus; primùm à paternis clientibus, deinde ab omnibus, qui inesse in iis semina paternæ virtutis arbitrabantur. Ita virtus erat, quæ nobiles faciebat. Nunc qui propriâ destituti virtute nihil aliud ad sui commendationem habent quàm inanem majorum memoriam, quem honorem, quem cultum merentur? Venerabilis ista majorum virtus ex qua præter memoriam nihil in posteris superest, similis est magnificentissimis ædibus, ex quibus præter latrinam nihil ruina aut incendium reliquum fecit.

Illud etiam hîc notandum venit, ægrè seniores juvenibus cedere; adeoque imprudenter juvenes admoveri muneribus, & dignitatibus, quibus etiam senes subiecti sunt. Novimus quàm benè Sebastiano Venerio cum Joanne Austriaco convenerit: cùm ille hunc
pue-

puerum, hic illum importunum senem appellarent. Pro Venerio ætas, pro Austrio imposita dignitas erat. (v. *M. Ant. Gratian. 4. de bell. Cypr.*) Fit etiam interdum, ut senes parere indignentur; & juvenes jubere erubescant &c.

Hand perinde publicè usui habitum, quam exitiosum multis.] dixi ad lib. I. verb. *Granium Marcellum &c.*

Ne quem magistratum sua uxor comitaretur &c.] de hoc consilio aliisq; quibus corruptionibus sordibusque jus dicentium obviam iri possit, plenè dixi ad lib. II. verb. *Inter quæ L. Piso ambitum fori &c.*

Bellum formidine morentur] Ridiculum est, quòd cum in exercitibus bellicisque omnia in horrorem terrorisque imaginem composita sint; videanturq; & audiantur ubique arma, viri, equi, turbæ, tympana; ultima in vilia scorta desinant. In castris Romanis capitale erat esse feminam: sicut demonstrat in Antiquitatum libris Thomas Dempsterus;

sterus: cuius viri nuperrimæ morti non possum, quin hîc ingemiscam.

Savum, ambitiosum, potestatis avidū.] Egregia encomia mulierum, à viro profecta, cui concors conjugium, & sex ex una liberi. Quid Socrati similis de Xantippe aliqua diceret?

Castigatis oblique patribus, quod cuncta curarum ad Principem rejicerent.] Erat hoc dominationis arcanum; Senatuum privatarum causarum iudicatu obtinere; quò Principes dominatu liberius fruerentur. Tac. infr. hoc libro. *Sed Tiberius vim Principatus sibi firmans imaginem antiquitatis Senatui præbebat, postulata provinciarum ad disquisitionem patrum mittendo.*

Avunculum esse Sejani Blasum, atque eò prævalidum.] Digna Manio Lepido, quem Augustus capacem imperiû (*Tacit. I. Annal.*) haud vanè dixerat, prudentia, *cedere majori*, & donare, quod bonis conditionibus vendi nequit. Stolidæ præsumptionis est, cōpetere cū iis, qui potentiorū favore nituntur. Ne;

*Neque quemquam in Capitolium, alia-
ve urbis templa perfugere, ut eo subsidio
ad flagitia utatur.] Scimus tamen hodi-
eque quibusdam in locis vetustatem a-
syloꝝ magis tutam improbitatem
præstare, quàm justis solatiis explicare
humanitatem. Ita ipsa Dei templa scele-
rum custodiam agunt, ad audaciam no-
vorum facinorum, & infamiam religi-
onis. Statuebantur primitus asyla, & in
illis securitas erat, qui non tam scelere
noxii, quàm humana imbecillitate la-
psi veniam & miserationem, quàm pœ-
nam merebantur. Nunc flagitia homi-
nū, ut Optimi Maximi Dei cæremoniæ
proteguntur. (Tacit. infr. hoc. lib.) Mo-
dus igitur præscribendus; & hominum
non item scelerum securitati providen-
dum est.*

*Neque luxus in juvene adeò displice-
bat, huc potius intenderet diem adificatio-
nibus, noctem conviviis traheret, quam so-
lus & nullis voluptatibus avocatus mæ-
stam vigilantiam, & malas curas exerce-
ret.]*

ret.] Ita hominum judicia sunt, in juvenibus lætam voluptatibus adolescentiam excusare; contrà querulam semper senum naturam, & fastidientem omnia censuram damnare. Ut enim arbores, quæ multo succo in inutiles ramos exuberant, tandem maturescente illa luxuriè felicissimos proventus alere possunt; ita juvenes nimio æstu exultantem liberumque animum nactos, tandem justa & ad sapientiam sufficiente moderatione resiltere. Senes, dum præterita tempora sola beata prædicant, dum juventutis exerrantem, sed in orbitam olim redituram licentiam damnant, validioribus plerumq; vitiis obnoxios esse: tunc mala consilia, iram, & simulationem, & secretas libidines (*Tac. 1. annal.*) agitare, tunc improbas cupiditates ordinare, &c.

Ob magnitudinem aris alieni rebellionem cœptavere: & post: per conciliabula & cœtus seditiosa differebant: & post: egregium resumenda libertati tempus &c.]

Dux

Duæ sunt præcipuæ regnorum pestes, Ambitio, & Desperatio. Sed hæc illâ pejor, quippe ambitio occasionibus intenta lentioribus procedit consiliis, quibus oviam iri potest; desperatio ultimis consiliorum præcipitiis, quibus *aut petit aut perdit*, animum aperit. Sed abrupta illa consilia vel ex imminentium metu procedunt; vel ex æris alieni magnitudine. Ex flagitiis ac pœnæ metu sanè maxima peccandi necessitudo est. Tunc igitur *periculis per pericula querere remedia* & manifestis flagitiis *ab audacia subsidium petere* optimum dicitur. Quibus *ambigua domires*, (Tacit. i. hist.) & *afflicta fides in pace est, turbatis rebus alacres, & per incerta tutissimos se putant* (Tacit. i. hist.) *domestiis malis excidium patriæ opponere.* (Tacit. 5. hist.) & *privata vulnera, Reip. malis operire solent* (Tacit. i. hist.) Publica quisque ruina mavult occidere, quàm suâ proteri. Qui in Domitiani necem conspiravit, interceptarum pecuniarum reus

reus fuit, (*Sueton. in Domit. c. 17.* In Gallia Sylvanus desperatione ad rebellionē compulſus. (*Ammian. Marcell. 15.*) Catilinam Saluſtius, & C. Cæſarem Plutarchus & Suetonius, ære alieno coactos tyrannidem affectaſſe teſtantur. Sed huius farinae hominibus ea conſuetudo eſt, privatis neceſſitatibus aut ambitioni libertatem & tyrannidis depulſionem obtendere. Nec quiſquam alienū ſervitium & dominium ſibi concupivit, ut non iſtud gratioſum in vulgus libertatis vocabulum uſurparet. Ut imperium evertant, libertatem præferunt: ſi perverterint, libertatē ipſam aggrediuntur. Sed quacunq; ſpecie ſcelus tueri & ornare moliuntur; diu eſt, quod eandem alii rebelles maculaverūt. Sandro-cottus poſt mortem Alexandri Magni velut cervicibus iugo ſervitutis excuſſo, præfectos ejus occidit. Author libertatis fuerat: ſed titulū libertatis poſt victoriam in ſervitutem vertit, ſiquidem occupato regno populum, quē ab

externa dominatione vindicaverat, ipse servitio pressit. (*Iustin. lib. 15.*) Arminium pro libertate pugnantem favor habebat : sed idem pulso Moroboduo & adscedentibus Romanis regnum affectans libertatem popularium adversam habuit. (*Tac. 11. annal*) Vice comites, patritii Mediolanenses immanibus illis partium studiis, quæ totam Italiam in Guelforum & Gibellinorum nomina dividebant, pulsus Guelfis, civitatis dominationem occupaverunt (*Guicciard 1. hist.*) Olim in Frisiis, quod animo quisque suo minus honestum conceperat, id penitus abditum honestissima specie studii defendendæ libertatis popularis obtegebat. Omnes bonum publicum jactabant; plerique sub hac larva suos affectus, suamque cupidinem in aciem producebant. (*Vbbo Emm. 21. & 22 hist. Fris.*) Gallici regni proceres nefandam contra Regem suum conspirationem *boni puclici bellum* appellabant. (*P. Emil. 10.*) Solent hi tales gen-

gentium turbatores *per conciliabula & cœtus seditiosa differere*. Ad præcipua oppida non uno prætextu divertentes, magistratus in secreto, aut exhibito convivio hilariores monent, ne publicam libertatem prodant. Pessimis consiliis infestari patriam, meminissent se in regno, non sub tyrannide esse. Nec in principem quicquam addunt, nisi ita perplexè, ut vel ipsi id possint excusare. Cùm his verbis incitados vident, quasi familiarius agentes imperfectum aliquid inter suspiria, vel publicè, vel præcipuis in aurem loquuntur; ut piâ solitudine plura timere videantur, quàm quæ audeant evulgare. Inde plurimi in hos, ut patriæ columina aspicere, curâque subtristi Principem fastidire occipiunt: cùm præsertim jactetur plerumque in populis, nunc contemptis popularibus ad publica negotia acciri peregrinos; qui nobilitatem & avitas opes jactantes domi æterna majorum vilitate, vel furnariis purgandis (*Rauch-*

fangkehrer, Caminfeger) vel aliâ ministeriorum sorde sustentaverint jejunæ vitæ supplicium: nunc tributa & portoria augeri: cædes denique imminere ab infesto Principe. His artibus in civile bellum impulsî miseri non sentiunt ab initio, graviora se sub rebellibus pati, quàm antè sub regibus toleraverant. Tandem errore discussio, quid rebelles sint, & quid Rex fuerit, tristissima æstimatione pensant; cum non agnoscit utilitatem promissam patria multâ strage deformis. Pellitur pietas, jura negliguntur. Infidæ sunt euntibus viæ: domus vicique passim rapinis furore, incendio affliguntur, sola denique castra in squalentibus campis fulgentia. Ac ut membra, quæ violentia de naturali sede demovit, non nisi per violentiam in articulos suos redeunt: ita provinciæ quæ hoc modo ab obsequio divertent, priùs errorem multis cladibus expiare necesse habent, quàm antiquæ & à se projectæ rectitudini reddantur.

De continuatione tributorum.] Hæc frequentissima omnium ab omni ævo rebellionum causa: de qua dicam ad lib. 4.

Tulere auxilium, quò dissimularent defectionem.] Ea civilium armorum conditio est, ut rebellium duces nō omnes suos ad aperta facinora educant. Aliqui remanent circa Principem; lævis animis & illinc quidem militant, isthinc favent. Sic infesta omnia Principibus, infidæ procerum sententiæ; consilia ad hostem delata, neque domi quam in campis minus periculum.

Aspernatus est indicium aluitque dubitatione bellum.] nihil tutò in hoste despicitur: quem spreveris, valentior em negligentia efficiet. (*Q. Curt. 6.*) Viri fortis est, ut nihil timere, ita nihil contemnere. (*Liv. 6.*)

Nobilissimam Galliarum subolem, liberalibus studiis ibi operatam (occupaverat) ut eo pignore parentes, propinquosq; eorum adjungeret.] Egregia firmandi

principatus, tenendique in officio populos ratio. Simile Alexandri consilium est, qui Indiam & inde Oceanum petiturus, ne quid à tergo, quod destinata impedire posset, moveretur, ex omnibus provinciis xxxc. juniorum legi jussit; obsides simul habiturus & milites. (*Q. Curt. 8.*) Hannibal parto Hispaniæ Regno, quò res suas Carthaginensiumque firmaret, ex interioribus civitatibus delectæ juventutis aliquot millia Carthaginem, non tam præsidium, quanquam id prætendebat, quàm obsides fidei Hispanorum misit, (*Polyb. 3.*) C. Cæsar occupatâ aliquâ urbe arma, equos, obsides exigebat; obsides legens omnes, qui aut manu prompti, aut boni consilio videbantur. In Britannos expeditionem movens robur Gallorum secum abduxit. Xenophon Seuthæ Thracum Regi svavit, à Thynis, populo nuper à se victo, obsidum loco acciperet, quibus ad lædendum plurimum esset virium (*Xenoph. 7. de exped.*)

ped. Cyr. min.) Augustus Cæsar à quibusdam novum genus obsidum, scæminas exegit; quod negligi marium pignora sentiebat. (*Sueton. in Aug. 21.*)

Commodo Imp. mos erat retinere apud se liberos illorum, qui in provincias abibant. Et Philippus I. Franciæ Rex Procerum Vasconum liberos per speciem honorum aulicæque gratiæ pro obsidibus abduxit. (*P. Emil. 3.*) Et in Æthiopum Regis aula, regum stipendiariorum filii, prætextu militiæ & ministrorum palatinorum, re autem vera obsides educantur. Heraclius Imperator, quatuor milia delectæ juventutis ex Saracenorum nobilitate excitos militi suo junxit, per speciem militarium munerum; re ipsa habiturus obsidum loco. (*P. Emil. in Dagob.* Carolus Magnus Frisiorum à se devictorum militare robur in expeditionem contra Saxones assumpsit. (*Vbbo Emm. 4. hist. Fris.* Polybius (*lib. 1.*) Carthagenensium imprudentiam arguit, quod mercena-

riorum, quibus cum postea bellum ipsi fuit, uxores liberosque dimiserant: quibus obsidum loco uti potuissent. Denique Guicciardinus (*1. hist.*) Pisanorum rebellionem, quæ cum Carolus VIII. Galliarum Rex cum exercitu in Italiam venit cœpit, præcaveri potuisse à Florentinis ait, si illi, quod alias in levissimis moribus soliti erant, Pisanorum præcipuos Florentiam evocassent.

Non multum huic arti dissimile est illud Sophisma, quo Hispaniarum Rex Genuenses tendet; quoque primum Carolus V. Imp. usus est. Cum enim ille Andrea Auriâ intercedente arcem urbi imponere, hoc est jugum civibus non posset; (*Carol. Sigõ. 2. de vita Andr. Aur.*) Genuensium pecuniam, quâ ferè illorum opes constant, mutuò sumpsit, eamque gravi fœnore pavit: sicque hominum quæstus dulcedine illectorum opes sensim ad se contraxit; & urbem in ære suo, hoc est civium studia in potestate habuit. (*Thuan. 61.*) Et hoc

respectu hodieque liberiùs Genuensibus quam Mediolano imperare Hispaniarum Regem asserit Thomas Campanella (14. *de Monarch. Hispan.*) cùm Genuæ nihil decernitur, nisi volente aut sciente Rege: verentibus civibus, ne, si secus faciant, possessionibus & redditibus quos in Hispania habent amplissimos, spolientur. Simili ratione Ragusiis hodieque Turcarum Imperatorem, & olim Florentinis Galliæ Regem imperasse idem Camp. testatur. Et eadem arte olim Leuconem usum, Polyænus (6. *stratag.*) Eumenem Plutarchus (in *Emm.*) scribunt. Verùm, quod de Hispanis, dixi; sanè ita erant superiori seculo decantati Hispaniarum thesauri, ut stuperent timerentque tantam opum vim ceteri etiam armati Principes. Sed multa sunt, quæ solâ famâ stare pristinas divitias evincunt. Quid enim? cur tanto suo cum dispendio à Genuensibus mutuas accipi pecunias Rex? Scilicet, ajunt, ut ita velut pignori nexâ

habeat illius Reip. fidem. Sed quærere libet, cur, ut pignori teneat Rex Genuensium animos, pignori mancipet regnorum suorum redditus, tres aut quatuor annis antè, quam ipse eos perceperit? quæ politica, quæ œconomica ratio hoc præcipit? cur usuras stipulantibus Genuensibus promittit tam magnas, tam enormes? cur tot ab Hispanicis exercitibus ob non repræsentata stipendia audiuntur querelæ? tot seditiones? tot defectiones? Ego sanè aliorum relationibus didici, ex Indiis annuatim vix, ut nos numeramus, tres milliones ad Regem, reliqua ad privatos spectare: ipsam Hispaniam sterilem & desolatam: Ecclesiasticos decimis ac subsidiis nimis gravari: regni Proceres magnam partem decoxisse; denique Hispanos mercatores petenti Regi vix quingenta millia aureorum contribuere posse; ut ære alieno, quo Carolus V. & Philippus II. spontè obstricti Genuenses tenebant, hodiè Rex Hispaniæ

Ge-

Genuensibus inevitabili necessitate teneatur.

Odio presentium & cupidine mutationis suis quoque periculis latebantur.] Extremum malorum, deplorata reip. argumentum, ubi tædio odioque presentium & mutationis cupidine suis quoque periculis latentur afflictæ gentes, miseram pacem vel bello benè mutari arbitrantur.

Intolerantior servitus uterum victis.] Quippe durioribus conditionibus jugum iteratò subeunt. Et inde Príncipes, qui restrictâ potestate certisque legibus imperant, callidâ arte rebellionum initia non statim reprimere, sed *alere dubitatione* solent: quò deinde victis & deprehensis in scelere, quasi jure belli adimi immunitates, & quibus superbiabant, privilegia auferri possint.

Quantò pecunia dives & voluntatibus opulentos, tantò magis imbelles.] Mercaturæ exercitium, cum solo lucro fines suos metiatur, abjectos facit animos, o-

dio habet bellorum dispendia, & vitiosum pacis desiderium ingenerat. Ex quo consequitur, urbes populosas artium manuarum & mercimoniorum exercitio facile in officio contineri. Harum enim maximè interest, esse pacem, cujus beneficio negotia florent, vigētque, nec ullis carminibus aut incantamenti felicius populorum benevolentia conciliari potest, quàm pace & ditescendi subministratis occasionibus. Itaque parùm illi Reip. suæ conversiones animadvertunt, modò mercaturæ suæ utilitate & lucri dulcedine non priventur. Alterum quod hic noto, est, bella, quæ cum Rebusp. à Regibus geruntur, trahendo & cunctando plerumque felicia Principibus exire. Quantumcunque enim illa cupidè decernantur: tamen suscepta ob sumptus (quos naturaliter civitates horrent) molestias & commerciorum impedimēta mox gravia esse incipiunt. Indeque vel ob stipēdia parcè præbita, vel commeatum inopiam,

piam, vel parùm amicam de ducibus opinionem, quos plerumq; aut conspire cum hoste, aut sui commodi causa trahere bellum suspicantur, quātumvis magnos exercitus dissolvi necesse est. Tertium, quod hîc observo, est; longè aliam veteribus, Imperatorumq; constitutionibus causam fuisse, cur Nobilibus mercimoniis interdiceretur, quàm hodiernis Gallorum, Germanorum, Sarmatarum, Hispanorū moribus, negotiationibus Nobilitatem excludentibus. Majores nostri mercaturæ exercitium dignioribus ideò nō concedebāt, quia *perniciosum urbibus*, & potentiam nobiliorum obstituram commerciorū libertati censebant. (1.3. C. *de commerc.*) Nostris autē persuasū est, vile, atq; nobili generositate indignū istud esse exercitium. Quæ opinio, non tam quòd omninò vera sit, quàm quod ea principū arte primùm seminata, nunc etiam alatur, invaluit. Cùm enim illi magnitudinem suam atqve securitatem in armis

consistere sciant; nec ignorent, Nobilitatem semel degustatâ lucri ex mercimoniis provenientis dulcedine abjectis armis negotia mercatilia sectaturam: necessarium fuit, eam illis sententiam paradoxo proximam infundere, quâ acquirere sibi emendo vendendoque vile & abjectum, aliis latrocinari gloriosum esse crederent. (v. *Bocc. cent. 2. cap. 19.*)

Neque decorum Principibus si una alterave civitas turbet, ommissa urbe &c.] v. not. ad librum 1. verb. *non omittere caput.*

Auctorem C. Casari pravitatis & discordiarum arguebat] v. quæ dixi ad lib. 2. verb. *in isus Tiberio, quodcum Rhodi agentem &c.*

Sed ceteris haut lata memoria Quirini erat.] Falluntur Principes, qui quâ indigni quidam apud illos gratia florent, eandem apud omnes esse arbitrantur.

Vana à scelestis, dicta à maleficiis differunt.]

runt.] Ita s. lib. i. facta arguebantur, dicta impunè erant v. quæ dixi ad lib. i. verb. immotum adversus eos sermones &c.

Neque carcer, neque laqueus &c.] Egregia ratio monendi potentiores; nō intempestivis contradictionibus, & contumaci libertate illos irritare, sed quo ab insanis audiamur pacatiores, primum eosdem simulare affectus. Nec enim ita sub primum impetū ullā prudentia consiliove tractabilis est. Hoc modo Otho Marium Celsum ad supplicium à militibus expostulatum, simulatione iræ vinciri jussim & majores pœnas daturum affirmans præsentī exitio subtraxit. (*Tacit. i. hist.*)

Factum Senatusconsultum, ne decreta patrum ante diem decimum ad ararium deferrentur, idque spacium vite damnatis prorogaretur.] Theodosius Imperator triginta dies à die latæ sententiæ constituit, intra quos sententia capitalis executioni non mandaretur. (l. 20. C. de pœn.) Imperium nihil est, nisi cura salutis

tis alienæ:bonique moderatoris est restringere potestatem, resistere cupiditati, & implacabili iracundiæ;nosseque, ut Cæsar Dictator agebat, miserum esse instrumentum senectutis recordationem crudelitatis:ideoque de vita & spiritu hominis, qui divinitatis pars est laturum sententiam diu multumque cunctari debere, nec præcipiti studio, ubi irrevocabile factum est, agitari. Apud Proconsulem Asiæ Dolobellam Smyrnea materfam, filium proprium & maritum necasse confessâ est, quòd filium suum ex priore matrimonio susceptum ab eis occisum comperisset: & comprehendinata, cùm consilium, ad quod ex more delata est, anceps quid inter ultionem & scelus statui debeat, hæsitaret, ad Arcopagitas missa est. Hi causâ cognitâ centesimo pòst anno cùm accusatore mulierem adesse iusserunt: ne aut absolverent veneficam, aut filii ultricè punirent. Ita nunquam tardum existimarunt, quod est omnium ultimum

(Am-

(*Ammian. Marcell. 29. Valer. Max. 8. c. 1.*

A. Gell. lib. 12. c. 7.) Cunctator esse de-

bet, qui judicat de salute hominis. Alia

sententia potest corrigi; de vita transa-

ctum non patitur immutari. (*Cassiodo-*

dor. 7. var. 1.) Laudandus igitur Mauri-

tius Imp. tardissimus ad irrogandā ca-

pitis pœnam; quod delicta pœnitentiâ

quàm supplicio sanari melius putaret

(*Theophilaet. Simocatt. 1. hist.*) In quam

sententiam etiam apud Thucydidem

(*lib. 3.*) est elegantissima Diodati Atheni-

ensis oratio, lectuque dignissima.

Adversum luxum, qui immensum pro-

ruperat, ad cuncta queis pecunia prodigi-

tur.] Quod idem sanè de nostris tēpo-

ribus verè dici potest. Galli, Germani,

Itali, Hispani, Sarmatæ præcipuè luxus

infamia laborant. Sed in his populis ali-

bi procerum tantum & nobilitatis id

malum est, alibi etiâ ad oppidanos ho-

mines pervenit. *Creverunt eluvies, &*

gurgites prærupti conviviorum, & epula-

lares triumphi, usque abundantis seri-

ci;

ci; & textiles aucta sunt artes, & culinarum sollicitior cura; & ambitiosa ornatarum domorum sunt spatia. (Ammian. Marcell. 22.) A serico perventum est ad aureas & argenteas vestes; ab his ad texta serica, quæ margaritæ & varii generis lapilli implent per suos colores distributi. Quid catenas dicam, & gemmea cingula, & adamantinas fibulas, & bina ternaque patrimonia mulierum auribus pendentia? & ferventia saltantibus equis stabula, & ministrantium exercitus? & quid non? Digna principibus imò necessaria cura foret, providere, ne dites familiæ, aut claritudine insignes studio magnificentiae prolabantur. Sed opimor, ex aliorum inopia securitatem sibi conciliari nunc persuasum est Principibus.

Omittere potius pravalida & adulta vitia quam hoc adsequi, ut palam fieret, quibus flagitiis impares essemus.] Nocet sæpè antiquus rigor, & nimia severitas, cui jam pares non sumus. (*Tac. 1. hist.*)

Ele-

Eleganter de dictatore Sulla Lucanus :
(lib, 2.)

-- dumque nimis jam putrida membra
reçidit.

Excessu medicina modum : nimiumque
secuta est,

Qua morbi duxere, manus, perire no-
centes,

Sed cùm jam soli possent superesse nocen-
tes.

In omni vitæ genere sunt, quæ à pristi-
na sanctitate & majorum innocentia
ita degenerarunt, ut coërcitio fortassis
plus damni in Remp. latura sit; prævali-
dis ita & adultis vitiis, ut qui ulcus hoc
tangat, non aliud effecturus sit, quam
ut palàm fiat, quibus vitiis impares si-
mus. Non possum hoc efficacius dice-
re, quam expressit hac sua ad Senatum
oratione Tiberius : quæ tamen de solo
luxu est, & sumptuariæ legis contem-
ptu. Sed alterum quoque exemplum
est in militia nostra, quæ in tantam de-
generavit licentiam, ut nullis modis ad

vete-

veterem disciplinam revocari posse videatur. Quippe connivendo intenduntur flagitia, & severitatem non fert inveterata licentia. Marchio Marignanus, præstantissimus ducum, qui superiori seculo floruerunt, quòd duos ex tribunis, meritos sanè, in quibus exempla faceret supplicio capitali affecisset, adeò cæteros offendit, ut multi duriciem ejus, & perpetuos labores causati missionem flagitaverint. (*Io. Bapt. Cin. v. de vita Cosmi.*) Pius V. Pontifex maximus, cum mulieres, quæ corpore quæstum Romæ faciunt, certæ urbis regioni inclusas degere jussisset; ex eo sæpius monitus est, adulteria, incestus, & cætera quæque infanda frequentius patrari.

Divites salias in meliùs mutet.] Quamquam ea inveterati hujus mali vis est, ut mediocribus remediis sisti non possit: attamen Principis exemplum fortassis validius esset, quàm pœnæ ex legibus & metus. En morbum Tiberii judicio præ-

validum & omni medicina fortio-
 Vespasianus sustulit; non pœnis, non
 legibus, sed suo exemplo: antiquo
 ipse cultu, victuque Obsequium inde
 in Principem & æmulandi amor. Al-
 terum consilium est, pœnas luxui sta-
 tuere, & omnibus rebus quibus ille in-
 struitur, vectigalia tributaque impone-
 re: utique multò majora, quàm fru-
 mento, cæterisque rebus, quibus ne-
 cessariò etiam pauperes utuntur. Qui-
 dam odio habebunt insaniam tanti e-
 mendam: aut si nec tunc resipuerint,
 saltem ex prodigalitate sua jactantium
 etiam ad Principem pars perveniet.

Magnitudo famæ exitio erat] v. quæ
 dixi ad lib. 2. verb. *ceterum Tiberio*
bant &c. & ad hunc lib. s. verb. *fatopo-*
tentie &c.

Obsequium inde in principem & æmu-
landi amor &c.] De principis exemplo
 ejusque vi in animis civium nemo est,
 qui non aliquid adnotaverit. Ego igitur,
 in quibus ab aliis præventus sum,
 non tango.

Ne-

Ne Regis aut dictatoris nomen assumeret] v. quæ dixi ad lib. i. verb. *eadem magistratuum vocabula.*

Ne successor in incerto foret] v. quæ notavi ad lib. i. verb. *subsidia dominationi.*

Nec omnia apud priores meliora.] quod eleganter, ut omnia, demonstrat in principio libri secundi Balthasar Comes Castilionæus, & singulari opere Secundus Lancelotus Perusinus. (*in libro quem Hoggi di inscripsit.*)

Ad disquisitionem patrum mittendo] v. f. lib. i. verb. *Eadem magistratuum vocabula.*

Impunitas asyla statuendi] dixi s. hoc eodem lib.

Non ex rumore statuendum.] Cùm Delphidius orator, documentorum inopiâ apud Julianum exclamasset: *Ecquis Cæsar, nocens esse poterit usquâ, si negare suffecerit?* Julianus respondit: *Ecquis innocens esse poterit, si accusasse sufficiet?* (*Amm. Maarc. adde l. ult. C. de accusat.* Ex-

Excitari quosdam ad meliora &c.] dicam ad lib. 6.

Et Pontificis maximi arbitrio plus quàm biuotium abesset : dum ne diebus publici sacrificii, neu sepius quàm bis eundem in annum.] Tanta cura sacrorum fuit, etiam qui nulla sacra habebant. Nunc *beneficiari* interdum Ecclesiis suis penè tam rari ignotique sunt, quàm Hispaniarum Rex populis, quos in Indiis imperio suo tenet. Paulus IV. Pontifex vitam religiosam professis in cœnobis, unde qualibet ex causa exierant, præstitutâ die nulla mora aut excusatione adhibita, redire præcepit: ni id facerent, à sacrorum communione excluderentur; quæ sacerdotia obtinerent, Apostolicæ sedi cederent; obtemperare deinceps tantibus, ut ab aliis internoscerentur, pileo aut galero lineum album filum imponere iussit. Adeòque severè in eo edicto exequendo enitebatur, ut complures in Pontificis ditione satellitum manu in vincula truderentur; alii
in

in triremes conjicerentur. Sed tanta ex ca lege hominum turbatio ac tumultus Venetiis maximè, quam urbem, qui edicto parere volebant aut non poterant, ad triginta millia, ut tutissimum perfugium elegerāt, exortus est, ut plerique desperatione adacti in Turcarū oras proficisci, vel in Germaniam migrare statuerent; quidam in ædibus delitescens rei exitum, ac Pontificis propinquum lethum expectarent. (*Andr. Maurocen. 8. Hist Venet.*)

Pompeji theatrum igne fortuito haustum (cesar extructurum pollicitus est.) Augustus invenisse Romam lateritiam, & relinquere marmoream gloriatus est. (*Suet. in Aug.*) Et sanè ædificandi studium non solum ingenuam quandam habet voluptatem, sed & magnificentiam principum auget, cives ad architecturam, sculpturam, picturam aliasque egregias artes excolendas invitat, pauperes denique inde quotidiano labore victum sibi procurant. Vias publi-

publicas lapidibus sternere, flumina pontibus jungere, muros civitatum reficere, adque eam redigere securitatem, quam diabolicæ oppugnandi artes atque instrumenta hodiè requirunt; munimenta locis opportunis, templa item & Nosodochia, Gerontocomia, orphanotrophia constituere, porticus & Bibliothecas aperire: denique sistere ruinas, solitudinem pellere ingentia opera eodem, quo extructa sunt, animo, ab interitu vendicare &c. Hæ sunt structuræ principis curas exercere dignæ. Insania Neronis fuit, domum ædificare, in qua haut perinde gemmæ, & aurum miraculo essent solita pridem & luxu vulgata: quàm arva, & stagna, & in modum solitudinum hinc sylvæ, inde aperta spacia & prospectus.

Ceteros quidem ad spem alliceret, arma sine noxa ponendi, ipsius Ducis quoquo modo potiretur.] Optima ratio similia extinguendi incendia. Princeps

ceps furoris præteriti omnibus gratiam faciat, si qui defectionis poenitentes ad ipsum transiverint. Quicquid hætenus est delictum, nullum forum, nullam legem vendicaturam. Hanc veniam suâ fide publicè sanciat. Excutiet plerisque ista benignitas & in contrarium, si perstiterint, metus, insaniam. Multi per circuitus dilabentur. Hi commilitones sequentur, illi trahent. Ducis ita destituti potiendi facilis erit aliqua ratio.

Capitonis obsequium dominantibus magis probabatur.] dixi ad Principium huius libri.

Præfulgebant Cassius atque Brutus eo ipso quod effigies eorum non visebantur.] Frustra laborat invidia conspicuas & laude dignas actiones sua malignitate obscurare: & egregiis facinoribus negatus honor gloriam intendit. (*Tacit. 4. annal.*) Labeoni quod præturam intra stetit, commendatio ex injuria, Capitoni, quod consulatum adeptus est, odium ex invidia oriebatur. (*Tac. hic*)
Ælio

AD CORNEL. TACIT. 305

Ælio Lamia non permissa provincia
dignationem addidit. (Tacit. 4.
Annal.)

*Finis Notarum politicarum in librum
tertium Annalium.*

C. CORNELII TACITI.

CHRISTOPHORI
FORSTNERI AUSTRII
NOTÆ
POLITICÆ.

Ad Librum IV. Annalium

C. CORNELII TACITI.

C*Um repente turbare fortuna coepit.]*
Nescio quo fato fit, ut nunquam
fortuna eandem uni faciem usque ad
extremum vite ostendat. Nihil de Cræ-
so dicam aut Polycrate: quorum uterq;
cùm felicitatem suam ipsi mirarentur,
alter suspendio periit, alter à vivicom-
Y burio

burio parum abfuit. Carolus Magnus à Saracenis magna clade in defcenfu montis Pyrenæi affectus: difcere potuit, deficere fuam fortunam. Nec Quinti Caroli ad extremum fida confansque fuit felicitas. Nam & per duces fuos detrimenta accepit, & à Germanis fugatus, & Mediomatricum urbem fruftrâ tentavit. Suleimano denique ut valida in Rempub. Turcicam fortuna, ita domi improfpera fuit, ob æmulationes aut ambitionem filiorum, quos morte quoque punire neceffe habuit. Sed nec in Perfâ expeditio priori gloriæ refpondit. Ita quæ in vegeta ætate viget floretque, in fenibus marcefcit, felicitas.

Savire ipfe, aut fevientibus vires præbere.] Dicam ad librum fextum, quî fiat, quod fenes, in quibus languere cholera debebat, ad crudelitatem inclinatiores funt.

Mox Tiberium variis artibus devinxit adeo, ut obfcurum adverfum alios fibi u-

ni incautum inteetumque efficeret.] Meritò miratur Tacitus, Tiberium tantâ experienciâ adeò à Sejano falli potuisse; hujusque rei causam non Sejani solertia, sed Deum iræ in rem Romanam adscribit. Et sanè indigna res est, Principes, qui sæpenumerò non extraneorum modò, sed filiorum quoque & proximorum ambitionem suspectam habent, nec dominationis focium ullo modo ferre queunt; vel sua stupiditate, vel aliena fraude eò adduci, ut se infamia faciant servorū mancipia. Res miraculo proxima, illos, qui ante susceptum principatum spriritus, ambitione inflatos, animum extremè dominationis sitientem prætuleraut, post, abdicato quasi à se omni imperio, pudendâ metamorphosi, omnem potentiam aliis transcribere Miraculū, cujus non magis, quàm quòd magnes ferrum trahit, causam reddi posse Boccalinus ait. Et tamen exemplorum frequentia, cùm demere stuporē deberet,

auget. Ecce Galba trium nequissimorum arbitrio regebatur. (*Suet. in Galb.* 14.) Claudius ab uxore & liberis, ut à parvo Æthiopo Elephas circumagebatur. (*Sueton. in Claud.* 28.) Joanna I. Neapolitana regina ad Philippæ Catanensis (fuerat hæc olim fullonis uxor, cujus historiam singulari libello scripsit Petrus Matthæus Galliæ Regis Historiographus) & Joanna II. ad illorum nutum imperabat, quibus corporis sui inhonestam permittebat usuram. (*Guicciard. 1. hist. Scip. Amirat. in lib. de vita Ioanna. II*) Constantius Imperator apud Eusebium cubiculi sui præfectum plurimum valebat. (*Ammian. Marcell.* 18.) Franciscus II. Franciæ Rex Guisis omnia tribuebat (*Thuan. 24. 25*) Apud Carolum V. Gonzaga, Meudoza, & Episcopus Atrebatensis (cujus pater ferrario fabro apud Vesontionem in Sequanis natus erat. (*M. Anton. Grati-an. lib. 1. de bell. Cypr.*) omnia poterant. (*Thuan. lib. 8.*) Carolus VIII. Franciæ Rex

Rex ad Guilielmi Briffoneti & Stephani de Vers arbitrium vivebat. (*Guicciard. I. hist.*) Suleimanus à Rustane Bassa pende-
 bat. (*Thuan.*) Clemens VII. Pontifex à Nicolao Scombergio Germano, & Ioanne Matthæo Gyberto, quò
 vellent, ducebatur. (*Guicciard. 16.*) Philippus II. Hispaniarum Rex Antonio Perezio. (*Thuan. T. C. 9. de Monarch. Hispan.*) & Episcopo Atrebatensi,
 (*Connestagg. I. de Belg.*) nimium credeb-
 at. Philippus III. Lermæ Duci à servi-
 tiis erat. (*Euphorm. in Satyr.*) &c.

Sed quàm lubrico loco stent hi ta-
 les, quàmque sint faciles cadere, ad su-
 periorem librum dixi. Nunc videamus,
 quid ex hac effusè amandi caligine re-
 dundet, in ipsos Principes. Primum
 non opus est dicere, hos tales, de qui-
 bus nobis sermo est, ferè maiores spi-
 ritus sumere, quàm quos deinde facile
 coerceant ipsi rerum domini. De hoc
 enim satis abundè dictum est ad li-
 brum secundum. Tùm æmulos, aut pri-

oris aulæ veteres ministros variis causis, & alios per speciem honoris removere laborant: suisq; clientibus regiam implent. Quomodo Sejanus inrepebat paulatim militares animos, adeundo, appellando: simul centuriones ac tribunos ipse deligebat: neq; senatorio ambitu abstinebat, clientes suos honoribus aut provinciis ornando. Ipsum quoque Principem ab intimâ publicarum rerum cognitione, quàm maximè possunt, excludunt. Nam tunc omnia tutissimè possunt, cum domini rerum ignorantie & credulitate in ipsos laborant. Summâ industriâ adnituntur, ne quis Principem propius adire, & erroris ipsum admonere possit. Præterea paulatim negotia, populi adcursum, multitudinem adfluentium increpare, extollere laudibus quietem & solitudinem artis est. Ita enim Principes plerumq; ad vitam amœnis locis degendam, ad hortorum villarumq; delicias ad venationis intemperantiam impelluntur. Tum hi tales literarum

rarum ab exteris, à legatis missorum arbitri sunt: hi peregrinorum Principū oratores primi audiunt: hi deniq; nihil, quàm quòd placet, ad Principem referunt. In hac verò libertate, quas cū exteris amicitias, si velint, nō obruant aut injurias atq; fraudes præcorrupti non mulceant? Quippe tantę potentiæ viros clàm vicini Principes solent vel muneribus aggredi, vel; quòd valentissimū ambiendi genus est, penè tanquā æquales sic colere, ut vix intelligant se sollicitari ad turpissimā servitutem. Favores, præmia, & honores, quibus aliorum Principum amicos quidā afficere solent, tentamenta sunt fidei, quā penè plusquàm conjugali Principi suo tenentur ministri. Nam horū animi, horum studia ita cum Principis dignitate conjuncta esse debent, ut, quod pudicarū mulierū est, non modò non amare aliū, sed ne oculis quidē lascivis intueri debeāt. Qui igitur muneribus, qui honoribus coli se patiuntur, tā pretioso concussi fulgure

atque excæcati nihil præter tam munificum largitorem vident, eique se vel cum domini sui proditione mutuas vi-ces debere putant: aut, si levissimè scelerati sunt, nec omninò his machinis concefferint, saltem debilitatam fidem non opponent illius consilis, quem illicito fœdere sic amabunt. Porro cum illi, qui in immensum regiâ manu sub-
 vecti sunt nimix potentiâ invidiâ la-
 borent, sicque tegantur à Domino, ut
 peti nisi per illius latus non possint: li-
 centius turbæ fiunt; Rex ipse vellicatur,
 & sub alieno nomine proterviùs vapu-
 lat: ac avaritiæ flagitiorumque alieno-
 infamiam subit. Denique nihil ad cæci-
 tatis humanæ contemplationem flebi-
 lius est, quàm cum Reges immensis
 donis amari se putant: cum potiùs, si
 quid in illis, quos sic extollunt, veræ a-
 micitiæ antè fuit, plerumque impru-
 dens liberalitas extinguat. Quamdiu e-
 nim Regum amici sensu fruuntur lætæ
 quidem fortunæ, sed modicæ, & velut
 fragi-

fragiliores hederæ arbore egent, in quam recumbant; tamdiu patronum incolumem volunt; vel quòd ab eo pendeant, vel saltem quòd ab ejus calamitate nihil utilitatis expectent. At postquam validiori trunco, suæ magnitudini nituntur, sensim ramos expediunt ab arboris nexu, quâ fulciente ivērunt in altum; ut vel ea cadento stare sublimes possint. Suas, inquam, res à Principis salute festinant sejungere, quemque illi debent amorem, sibi impendunt. Quippe Principem sciunt ab amandi furore revocatum posse horrere ad suos errores, & quam condidit potentiam, ultrò metuere: deniq; prope modum esse fatale, ut postquam Rex summo illi fastigio quemquam admovit, alteruter ruat. Jam tùm ergo ab ipso cavere incipiunt, & futuræ æmulationis suspicionem præsentibus dolis vendicant; eò commissa negotia flectentes, non quo Regis existimatio vel utilitas inclinat, sed unde sibi securitas in

fortunam, & proditum Regem affulget.
 Unde Suleimanno Turcarum Impera-
 tori dicere solemne fuit, Principem u-
 no ministro non nisi semel uti debere.
 Fidem quippe ministri eò usq; sincerā
 esse, quo domini gratiam assecutus fue-
 rit; post id non ultrā domini salutem,
 sed suum commodum spectare. Et ta-
 men fatendum est, hujus infidelitatis
 causam sæpè in ipsis Principibus esse;
 quorum ingratitudo facit, ut ministri
 negotia flectant, unde sibi utilitas re-
 dundat. Cùm enim Principes non nisi
 cùm pluit penulā uti velint, & focum,
 quo se hyeme foverant, æstate redeunte
 negligant; hoc est, cum non ultrā, quā
 ipsorum operā indigeant, suos mini-
 stros curent: illi quoque ita sibi deman-
 data negotia gerunt, quo ipsis nun-
 quam carere dominis possit: aut, sicut
 piscator, ubi se satis opulentum videt,
 damnat ingratum laborem, retia rum-
 pit, scapham comburit: ita qui in aulis
 rem fecerunt, malunt ad otium sece-
 dere,

dere, fruique partis, quam sterilibus
imposterum officiis Principem deme-
reri.

*Corpus illi laborum tolerans &c.] v. s.
verb. copiaque & affluentia &c.*

*Numeroque & robore & visu inter se
fiducia ipsis, in ceteros metus cresceret.]*

Nullum est contra militares seditiones
efficacius remedium, quam spargere &
dividere militem, nec unquam con-
cedere, ut magnus exercitus ociosus
desidens seipsum mirari possit. Ita Tac.
1. Hist. de Germanicis exercitibus: *an-
te bellum centurias tantum suas turmas-
que noverant: exercitus finibus provinci-
arum discernebantur: tum adversus Vin-
dicem contracta legiones, seque & Gallias
experte, querere rursus arma, novas-
que discordias, &c. & 2. hist. fremere mi-
les, & vires suas circumspicere, septem le-
giones statim &c. & eodem libro: mili-
tari astu, cohortes turbidas, ac si una fo-
rent, prevalidas, dispergendi, partem Ba-
tavorum ire in subsidium jubet.* Dru-

sus quoque Pannonicarum legionum seditionem suspiciones ferendo, legionem à legione diffociando compressit (*Tac. l. An.*) Et Vitellius prætorianas cohortes, è quibus ipsi metus erat, separavit. Sed quoniam ad librum primum de seditionibus & conjurationibus dicere omisimus: operæ precium erit nunc quædam adnotare. Primum illud sciendum est, cum periculosa consilia, quò accuratius perpenduntur, eò segnius constitui atque expediri soleant: fieri plerumque, ut omnes conjurationes, quibus conficiendis aliquid spaci intercedit, evulgentur. Quod eo magis fit, si inter plures inita sit conjuratio. Cum enim cuncta præmio & metui pervia sint, difficillimè secretum inter tot homines reticeri potest; timidos maximè & imbelles: quippe & viros inter armorum strepitum educatos, cædibusque innutritos sæpè in ejusmodi conatibus animum perdidisse accipimus. Id etiam de conjurationibus notan-

tandum est, solere eas nundinarum, nuptiarum, feriarum aliarumque celebritatum tempore expediri. Ita Claudius Civilis specie epularum sacrum in nemus vocatos ad conspirandum contra Romanos invitavit. (*Tac. 4. hist.*) & Belgæ Bruxellis in Montignii nuptiis in Hispaniarum regem conjurarunt. Et Hugonotæ specie nuptiarum Navarræi Parisios ad suum exitium allekti sunt. (*Connestag. 1. c. 5. de bell. Belg. Thuan. l. 2.*) Cæterum de instruendarum conjurationum ratione, earumque difficultate Florentinus in disputationibus ad Livium latè differit: quibus autem consiliis cauti Principes illas represserint, neque Florentinus ibi tractat, nec ab aliis, quod ego quidem sciam, nisi leviter ostensum est. Quo diligentius nobis in hoc argumento elaborandum. Quanquam igitur vis interdum succedat: tamen & sæpius ea rerum conditio est, quæ violentum istud remedium non ferat. Quid enim si magna

gna sit alicujus Catilinæ potentia? quid
 si ipsa plebs in pauciores concita insa-
 niat, & plurium vecordia constantiam
 eximat? Blæsus cùm quosdam ad terro-
 rem cæterorum adfici verberibus, clau-
 di carcere jussisset, flagrantiorẽ inde
 vim fecit, pluresque seditioni duces de-
 dit. (*Tacit. l. I. Annal.*) Dux Athenarum,
 Florentinorum tyrannus, cùm in se
 conjuratum rescivisset, unum ex su-
 spectis comprehendere jussit. Unde cæte-
 ri armis arreptis illum urbe ejecerunt.
 Guilielmus Pazzus Florentinus, cùm
 Aretinos defectionem parare præsen-
 sisset, non liberatis suis aut rebollium
 viribus, inermis Aretium profectus,
 cum ex conjuratis unum in carcerem
 conjici mandasset, à cæteris ipse captus
 est. Necesse igitur est, mensurare vires
 suas, & ubi dubius esse potest exitus, a-
 liis, quàm violentis insistere consiliis.
 Primum itaq; nihil omninò quantum-
 vis leve videatur, spernendum est, unde
 Reip. benè vel malè esse possit. Parva
 scin-

scintilla contempta magnum sæpè excitavit incendium, nihil tutò in hoste despicitur: quem spreveris, valentior negligentia efficiet. Viri fortis est, ut nihil timere, ita nihil contemnere. E levissimis vaporibus nubes generantur; quæ deinde atrocissimas effundunt tempestates. Quare prudenter M. Cicero Fulviæ, foeminæ licet indicium, in Catilinaria conjuratione, minimè reject. (*Sallust. in Cat.*) & contrà infelicitè juxtà ac imprudenter Philotas detectam sibi à vili scorto conjurationem contra Alexandrum celavit. (*Q. Curt. 6.*) Nihil est in districtis negotiis tam leve, quod non interdum etiam contra sperata magnarum rerum momenta afferat. In suo quemque periculo magnum animum habere decet: cum salute Principis aut Reip. timetur, credulum esse convenit; etiam vana deferentes admittere. Pòst, ubi fraus nondū quidē detecta, at suspecta tamē est: omnibus modis operam dare oportet,

ut

ut in penitiorem cognitionem veniamus. Quod ubi factum, injicienda seditionum aut conjuratorum consiliis mora est; ut ita omnia detegantur, nobisque muniendi nostri tempus suppetat. Et pertinet huc, quòd quidam monet, objiciendam esse conjuratis falsam occasionē, quā alio tempore commodius, atque nunc conjurationem explicare se posse autument: quo sophismate etiam Romani usi sunt. Nam cum duæ legiones, quæ Capuæ in hybernis erant, contra Campanos conjurassent; Romani sparserunt famam legiones etiam sequenti anno ibidem hybernaturas. Inde conjurati spatium nactos se rati maturius consultandi, distulere scelus, donec Rutilius Cos. mederi malo potuit. (*Liv. 8.*) Hanc artem aliæ excipiunt, quas per exempla docebimus. Romani ad motus extra urbem propellendos bellum aliquod simulabant, aut parabant. Hoc modo tribunitios furores represserunt: (*Plutarch. in Camill.*)

mill.) & Sylla spectante ad seditionem milite trepidum nuncium de hostis adventu finxit. (*Front. lib. 1. c. 9.*) Et similis de Theagene Atheniensi extat historia apud Polyenum. (*7. Stratag.*)

Constantius Cæsar auro per turbulentos seditionum concitatores distributo rebellionem sedavit. (*Amm. lib. xiv.*) Et Justinianus factiones ob colorum diversitatem ortas compressit, seditionis auctoribus corruptis. (*Zonar.*) Pisander & Drusus suspiciones serendo periculum seditionis discusserunt. Et sanè non exigua prudentiæ pars est, etiam in justo bello, proditionis suspectum reddere illum, cui maximè publica hostium res innititur, vel aliunde illi conflare invidiam; eamq; notam dumcum artem Tacitus (*iv. hist.*) appellat. Lacedæmonii, cùm scirent, Periclis ductu atque auspicio Athenienses bellum Peloponnesiacum gesturos, & viri virtutem metuerent, sacrilegium hostibus exprobrarunt, ejusque se, ni expiaretur,

vin-

vindices professi sunt. Quod non eum in fine dicebant, quod Athenienses moveri posse sperarent, sed ut Pericle, cujus mater etiam sceleri, quod objectabatur, participaverat, invisum populo redderent. (*Thucyd. lib. I.*) Eadem arte Hannibal, cum in agros Romæ vicinos ignem immisisset, & ad Q. Fabii segetes ventum esset, cæteris omnibus clade atque incendio vastatis, iis tantum abstinere jussit; ac etiam custodes adhibuit, qui inde capere quicquam prohiberent. (*Liv. xxii. Plutarch. ut Fab.*) Cerialis quoque idem factum extat apud Tacitum in quinto Historiarum. Et cum Pericles ob hospitii & familiaritatis jus, quod sibi cum Archidamo hostium Rege intercedebat, vereretur, ne is, cum civium suorum agros ureret, suos intactos sineret, seque in prodicionis suspicionem adduceret: initio præmonuit populum, Archidami se olim hospitio usum: neque sibi fraudi esse debere, si ille fortassis & agris

agris suis parceret; malle se publicos illos fieri, inque civitatis censum redigi (*Thucyd. II. Justin. III.*)

Alfenus Varus in exercitu Vitelliano castrorum præfectus seditionem compescuit, vetitis obire vigilias centurionibus, omisso tubæ sono, quo miles ad bellum cietur. Inde torpere cuncti, circumspectare inter se attoniti, & id ipsum, quod, nemo regeret, pavētes, silentio, patientiâ, postremò precibus ac lachrymis veniam quærebant. (*Tacit. II. hist.*) Et quod occisi per insidias Alexandro Florentiæ Duce populus Florentinus pro recuperanda libertate arma capere non potuit, ea inter alias causa fuit; quod jam ante Clemens Pontifex Basilicam, ad quam in ejusmodi turbis plerumque concursus fieri solebat, militum præsidio munierat, & vexilla atque ordines, in quos urbana plebs describi solebat, adempti erant: ita ut nec caput turbandis rebus, nec locus, nec rei gerendæ ratio in ex-
pe-

pedito esset, (*Jo. Bapt. Cin. lib. I. de visa Cosm.*)

Sultani Ægyptii, infinitam hominum Cairum incolentium multitudinem suspectam habentes, præaltis urbem fossis distinxerunt; adempturi hoc modo infido populo coëundi facultatem. Et inter eas causas, quibus Venetiarum per tot secula constantem pacem atque tranquillitatem nullæ unquam civium conjurationes sollicitarunt, eam vel præcipuam arbitratur Jo. Boterus, quòd interfluentibus passim aquis (canales vocant) in multas veluti partes divisa sit civitas.

Super hæc Romani plebem seditiosam in colonias deducebant; (*Lix.x.*) eique agros dividebant: quo ab seditiosis consiliis, quæ ex ocio proveniunt, ad agriculturam verteretur. (*Dio 38.*) Militē seditiosum per provincias sparsum externis bellis illigabant. (*Tac. III. histor.*) Et simile quiddam est, quòd hodiè quieti imperii Helvetiorum præter

ter democratix morem turbis & seditionibus minimè obnoxii, eam esse præcipuam causam quidam putant, quod illi stipendia apud externos Principes facere soliti hoc modo egerere possint, quicquid in suis urbibus turbidum, quam eandem ob causam Magnum Hetrurix Ducem classem perpetuò alere Trajanus Boccalinus scribit, cui milites & remiges attribuat urbium suarum purgamenta. Paucos ante annos, Viennæ Austriæ nulla penè abibat septimana, quâ non unus aut plures furtis & latrociniiis insignes gladio percuterentur, longave fierent litera: Nec id mirum in urbe magna, populosissima; omni mercimoniorum genere, & Cæsaris aulâ splendidissimâ; in qua non magis virtutum, quàm vitiorum collegia, & ne parum dixerim, cælum cum tartaro mixtum. Nunc in eadem urbe ferias agunt cruces & patibula, & omnis suppliciorum severitas in caltra migravit. Cujus rei ego non aliam reddo

cau-

causam, quam quòd ex quo bellorum incendio correpta est universa Germania, non illius exstinguendi causa, sed ex incendio, ruinâ, naufragio patriæ raperent, agerent, ferrent pessimi fures, accurrerunt plerique omnes, quibus ob egestatem & flagitia maxima peccandi necessitudo erat.

Affines sunt populorum translationes, & veluti transplantationes; quarum plurima sunt exempla. P. Æmilius, subtracturus Macedonibus omnem rebellionum materiem, primores gentis cum universa familia in Italiam transportavit. Constantius Imper. Sarmatis alias sedes dedit. (*Ammian. xvii.*) Philip-
pus Macedonum Rex, ut pecora pastores nunc in hybernos, nunc in æstivos saltus trajiciunt: sic ille populos & urbes ad libidinem suam transtulit. (*Infin.*) Augustus Cæsar Suevos & Sicambros deduxit in Galliam, & in proximis Rheno agris collocavit. (*Suet. in Aug. .xxi.*) Jo. Comnenus Triballos
à se

à se victos in Orientem traduxit. (*Nicer, Chon.*) Carolus Magnus Saxonum toties rebellantium nobilitatem partim in Italiam, (*Boter. v de rat. stat. 6.*) partim in Galliam Belgicam, (*Æmil. 2. de rebus gest. Franc.*) partim in Daci-
am traduxit : unde origo civitatibus Saxon-
icis in Transylvaniâ (*Paull. Ma-
nut. in descript. Transylvan.*) Anno
c15.15.c19. Philippus III. Hispaniarum
Rex Maurorum ad C. ac xx15. ex Hispania
triremibus Caroli Auricæ in Afri-
cam transportavit. Et quanquam non
decerant, qui factum carperent, quòd
tot hominum millia sacro Baptisma-
te abluta quorum laboribus Hispania
creverat, bonis exuti & feminudi in
peregrinas oras ejicerentur : tamen ea
tanti non esse Hispani asseriebant, ut
propterea Regis, Regnique salus peri-
culo exponenda sit: (*Maurocen. 18. hist. Venet.*) Molucus Scirisius Mauritanie
Rex ante prælium cum Sebastiano
Lusitanie Rege commissum, ducibus
ob

ob prodicionem suspectis milites suos
ademit, & totidem qui sub alio duce
antè meruerant, reddidit. (*Conestag. 2.
de conjunct. Portug. &c.*)

Græci suspectas urbes mœnibus
nudare solebant, idque Athenienses a-
pud Chios, Thebani apud Thespienses
fecerunt (*Thucyd. 4.*) Idem Cyrum fe-
cisse Xenophon tradit. (*4. Cyrop.*) Et
Romanos idem secutos esse consilium,
historiæ tradunt. Henricus II. Angliæ
Rex omnium magnatum arces mœni-
bus nudavit: & superiori seculo Leo X.
Pontifex præcipuarum urbium muros,
quos Urbini Dux munierat, solo æqua-
vit. (*v. quæ dixi ad lib. 2.*)

Eteonicus Lacedæmonius, cùm mi-
lites ipsius de occupandâ Chio, ubi hy-
bernabant, conspirassent, & conjurati-
onis signum, quo se internoscere pos-
sent, calamum gestarent; assumptis
quindecim, quorum adhuc intemerata
fides, ac per oppidum obambulans,
primum, qui calamum gestabat, inter-
fecit.

fecit. Oborto tumultu & quærentibus nonnullis, quæ cædis causa fuisset, nunciari Eteonicus iussit, eo factum, quòd calamum habuisset. Quo audito universi calamos abjecerunt; & compressa seditio est. (*Xenophon, 2. hist. Græc.*)

Cùm Hanno Carthagenensis regnū affectaret, & evertere Rempub. interficere Senatum in animum induxisset, & quo nefanda consilia faciliùs regerentur sceleri patrando solemnem nuptiarum filiaë diem legisset, quâ plebi epulum in publicis porticibus, Senatui in ædibus suis præberet, & poculis veneno illitis secretius Senatum ac sine arbitris interficeret, orbamque Rempubl. ita ad se traheret: Senatus re per ministros proditâ, quando ille armis & clientelis plus valebat, decreto nuptiarum solemnibus, & pompis modum statuit; quo ejus consilia evanuerunt. (*Iustin. 21.*) Cùm Cæsar ad edendum munus gladiatorium multiplici undique comparatâ familiâ inimicos exterruisset;

cautum est legibus de numero gladiatorum; quo ne maiorem cuiquam Romæ habere liceret. (*Suet. in Jul. 10.*)

Henricus III. Galliæ Rex, cùm in se sub specie fœderis contra Protestantes conjurasse Guisium comperisset; fœderi prudens subscripsit; sed Principatum fœderis, imperiumque armorum, quod conjurati in Guisium transferre cupiebant, sibi sumpsit, (*Thuan. 63.*)

Dionysius Syracusanus, cùm de inita in caput suum conjuratione rescivisset, cauponem quendam ad se vocatum, & post secretum colloquium præmio quasi delati indicii, affectum dimisit. Prudenter! nam & cùm C. Cæsar in Senatum iturus, ea die, quæ illi suprema fuit, in Cn. Pompilium conjurationis complicem incidisset, diuque cum illo collocutus fuisset; veriti sunt cæteri cōjurati, ne is Cæsari seriem cogitati facinoris aperuerit. Et sanè quicunque talia cōsilia animo volvunt, eo sunt ingenio, quoscunque fociare sermonē vident, de se loqui putent. Por-

Porro ubi ad manifestam intemperiem res devoluta fuerit, populares viri, & qui plebē obnoxiam habent, multum ad exundantem plebis furorem inter modestiæ alveum reduccendum valent æquis enim auribus audiuntur, qui amici putantur.

*Magno in populo, cū sapè coorta est
Seditio, sævitque animis ignobile vul-
gus;*

*Iamque faces & saxa volant, furor ar-
ma ministrat:*

*Tū pietate gravem, ac meritis si forte
virum quem*

*Conspexere; silent, arrectisque auribus
adstant.*

(Virg I. Æneid.)

Nota sunt exempla L. Valerii Poplicolæ, M. Horatii, & Menenii Agrippæ apud Livium. Julium Cæsarem Tacitus & Suetonius referunt exercitus seditionem uno verbo compescuisse, Quirites vocando (aliàs com-militones solebat) qui sacramen-

tum ejus detrectabant. Arbetion, veteranus dux, cū Valens Imp. nullo pacto ad officium seditiosos milites reducere posset, paucis verbis truces animos leniit. Cū enim omnibus profectior natu, & dignitate sublimior ostendisset reverendam caniciem, & publicum grassatorem Procopium (seditionis authorem) appellasset, milites verò filios, & laborum pristinorum socios, orasset, ut se magis sequerentur felicissimis ductibus cognitum, quàm profligato nebuloni, destituendo jam & casuro morem gererent: exemplo mutatis animis ad pristina signa redierunt. (*Amm. Marcell. 26.*) Erat olim Florentina universa in duas factiones divisa, quarum una à monacho Monialis, altera à rabie, quâ ferebatur Rabiosa vocabatur. Ventum est ad arma, & victi Moniales; quos inter erat etiam P. Antonius Soderinus: ad cujus ædes diripiendas cū concurrerent victores, fortè domi erat frater, Episcopus Vo-

la-

laterranus. Is audito tumultu , indutus
 episcopali habitu , & Pontificali mitrâ
 reverendus ad armatos prodiit , & cum
 reverentiâ vultus , tum gravitate atque
 eloquentia eos continuit , ne domum
 fratris diriperent. Res profectò admi-
 rabilis ! posse efferatos animos, vi & ar-
 mis invictos, aptâ oratione mulceri. A-
 ptam cum dico , eam intelligo , quæ
 quamvis horrida & militaris, animis ta-
 men temperandis apposita est. Illa e-
 nim umbratilis ex declamatorum &
 philosophorum schola deridiculo erit.
 Qui enim Deum non curant , qui spe,
 scelere, armis turbati sūt, ad istam ine-
 ptam philosophiam non componen-
 tur. Quod â Musonii Ruffi Stoici exem-
 plo discimus, qui apud milites Flavia-
 nos bona pacis & belli discrimina dis-
 ferens, plerisque ludibrio, pluribus tæ-
 dio fuit: nec deerant, qui propellerent,
 proculcarentque ni admonitu mode-
 stissimi cujusque, & aliis minitantibus,
 omisisset intempestivam sapientiam

(*Tacit. 3. hist.*) Et falsè Trajanus Boccalinus, cum introduxisset Menenium Agrippam Apollini promittentem alia longè lepidiore fabula quàm qua Romanorum animos conciliaverat olim, Belgas cum Hispanis in gratiam reduciturum, derisum ab Apolline dicit. Nec enim eandem esse animorum humanorum, quæ olim felicitatem : non cruentissimis tragœdiis XL. annos in Belgii theatro exhibitis satiari potuisse diram sanguinis sitim, parum ergò fabularum levitatem profuturam.

Fortassis etiam interdum consultum erit, virum auctoritate præstantem, bonum, prudentem, multitudini turbidæ in speciem ducem se præbere, qui pro imperio cædes, rapinas & cætera seditionum mala prohibere, aut saltem mitigare possit. Tacitus libro primo Historiarum : *fit temeritatis alienæ comes Spurrinna, primo coactus, mox velle simulans, quo plus auctoritatis inesset consiliis, si seditio mitesceret.* Anno Christi

CIO. IO. XLVIII. gravis tumultus per universam Aquitaniam fuit : cumque seditiosi in urbe Burdigala Georgium Chassanæum Curia Præsidem, virum gravem & qui gratia apud plebem plurimum valebat, sibi ducē per vim sumplissent: ille arreptâ sensim auctoritate bonos cives, quasi etiam in societatem adscitos, multitudini seditiosæ immiscuit : ut hoc modo rapinæ cædesque cohiberentur, & perditorum hominum audacia refrænaretur. Quamquam autem non diu fallebat Chassanæus : tamen ille in quamlibet frementes, Imperatoris jure usus, præcipuos ex seditiosis, captatis occasionibus, quasi dicto minùs audientes per commilitones confodi jussit. Ita paulatim per quadriduum defæviente furore, motus utcunque sedatus est, donec Momorantius à Rege cum exercitu missus seditionem ulturus, venisset, atq; omnia, pro ea, quam amplissimam obtinebat, potestate composuisset. (*Thua. v.*) Ubi

Senatum Nolanum metus accepit, si palam plebi, quæ ad Annibalem propendebat, contrà tēderent, resisti multitudini concitatae non posse, clam simulando dilationem mali invenerunt, placere sibi defectionem ad Annibalem simulantes. Ita distulerunt, donec Marcellus veniret. (*Liv. xxxiii.*) Simile quiddam de Othone & Vitellio memoratur, qui sævitiam militum plerisque ad cædem deposcentium simulatione vinculorum frustrati, multos exitio subtraxerunt. (*Tacit. i. histor.*)

Verum enim verò, si his remediis locus non sit, si omninò ad vim & arma decurrendum sit: acriter ibunt magistratus in rebelles, eorumque duces extremo afficient supplicio. Alexander Magnus frendens de tribunali defiliit, & in medium seditionis agmen se immisit: notatos quoque, qui ferocissimè oblocuti erant, singulos manu corripuit, nec ausos repugnare tredecim asservandos custodibus corporis tradidit,

didit, Quis crederet, sævam paulò ante concionem obtorpuisse subito metu ? & cùm ad supplicium videret trahi, nihil ausos graviora quam cæteros ; (*Q. Curt. x.*) In Germania legiones tumultuabantur, ob quendam à Hordeonio Flacco in carcerem coniectum. Conscendit tribunal Vocola legatus mirà constantiâ, prehensumque militem ac vociferantem duci ad supplicium iussit : & dum mali pavent : optimus quisq; iussis parvère. (*Tac. iv. hist.*) Imperante Constantio, cùm plebs Romana excita ab inquietis hominibus seditiosa ad Septizonium (locus is fuerat in urbe Nymphæ Marci Imp. celebrer) convenisset : Leontius Præfectus Urbi, quamvis omnibus dehortantibus, ne se violentæ multitudini immitteret. adeoque pluribus illum, tanquam in abruptum festinantem periculum, deferentibus, magnâ animi præsentîâ in medium perditorum nebulosum cuneum se immisit, & insidens vehiculo cum speciosa

fiducia, acribus oculis & minacibus circumspexit, authoremq; tumultus inter alios eminentem vasto corpore, rutilis capillis arreptum, vinculis post tergum manibus suspendi jussit Vulgus omne paullò antè confertum per varia urbis membra dilapsum evanuit. (*Ammian. Marcell. xv.*) Et quanquam oratione Marci Imper. expressum sit, ut tametsi provocantis in causa capitis appellatio non fuerit recepta, pœna tamen sustineatur, quoad Princeps rescripserit ad literas præsidis & libellum rei: tamen si fuerit seditio prærupta, factioq; cruenta, quæ moram non admittat; non pœnæ festinatione, sed præveniendi periculi causa, tunc eum punire permittitur, deinde scribere. (*Ulpian. l. c. in l. v. §. ix. D. de injust. rupt. irrit. fact. test.*) Sed his violentis remediis non nisi desperatis cæteris, & in subsidium utendum est. Nec enim semper succedere ex iis quæ suprà de vi diximus, cōstat. Multitudo tamen semper excusa

ta

ta sit, quæ non tam consilio, quàm impetu & alieno scelere abripitur: quod ad librum primum quoque monui. Alibi quoque dixi, seditiones à potentum in aulâ avaritiâ aut sævitiâ ortas deditione illorum, qui tam immaniter populi indignationem moverunt, sedari: quod hîc non repeto. Illud addo, in locum sceleratorum istorum alios incorruptis moribus, gratos populo substitui debere. Quomodo Agrippina. Senecâ ab exilio in aulam trāstulit; id *latum in publicum rata.* (*Tacit. XII. Annal.*) Et Franciscus Olivarius prudentissimus & integerrimus vir à Cardinali Lotharingio ad summam regni Galliæ Cancellariatûs dignitatem in eum finē evectus est, ut moderati imperii sub optimo legum moderatore spē populo faceret. (*Thuan. XVI. & XVII.*) Quanquam hoc ipso plus Senecæ atque Olivario, quam aliis illusum est. Uterque enim fœdissimam servitutem servire coactus, quod vitæ reliquum erat, inter ludibria &

pericula sub impotenti dominatu trāſ-
egit: ut appoſitè Senecam, in Octavia
Tragœdia alter Seneca, vel quiſquis ille
fuit, ita loquentem introducat.

*Quid me potens fortuna fallaci mihi
Blandita vultu, ſorte contentum mea.
Alte extuliſti? graviùs ut ruerem, e-
dita,*

*Receptus arce totque proſpicerem me-
tus?*

*Meliùs latebam procul ab invidia ma-
lis*

*Remotus, inter Corſici rupes maris:
Vbi liber, animus, & ſui juris mihi
Semper vacabat ſtudia recolenti mea.
&c.*

Laſcivire militem diductum.] Sed &
dicere debebat, in ſuperbiam, arrogan-
tiam & rebellionem prolabi contra-
ctum militem. Hoc eſt illud conſilio-
rum genus, non quidem ſubtile aut cal-
lidum, ſed ſubitaneum, celere, captum
ex tempore gratâ quadam argutiâ, ve-
lut merces quædam per ſe inanes ipſo
arti-

artificii fuco imponens. Huic venustati, si accedat corporis gratia, quæ, ut Heliodorus in *Æthiopicis* (*lib. 4.*) inquit, omnium ad se benevolentiam blandâ quadam violentiâ trahit, vel suadentis dignitas, & præter hæc non immodica, sed secunda audacia: regnat plerumque ista consiliorum levitas, & veram exactamq; sapientiam in egregiis, sed tardis hominibus suo strepitu obruit. Verum ista extemporanei ingenii promptitudo plerumque veræ prudentiæ & & magnis negotiis suffecturæ expers est. Nam ubi sustuleris istis hominibus subitas fractasque sententias: tum sterilitatem egenarum mentium, nec sufficientem ad veram longamque sapientiam haut dubiè contemnes. Rapta ista & tumultuaria consilia illis tantum placent, quibus tædium est longâ sed tutâ ratiocinatione penetrare in intima & quasi viscera negotiorum. Quos equidem simillimos esse puto illis hominibus, qui externa ædificii spectantes, in-

tus

tus lacunaria auro gravia, maculosam marmorum varietatem, & cætera artificis miracula propiùs inspicere negligunt. Ideoq; superficialia ista sapientia plerumque dignum sua temeritate negotiis exitum, & pœnitentiam quidem, sed seram invenire solet. Tale consiliũ fuit, quo de capite Magni Pompeji Ægyptius ille pronunciavit, *mortuum non mordere*. Et Alexander regiæ totius Orientis, unde tot gentes jura petebant patriæ tot Regum, unico quondã Græciæ terrori ebrius faces subdidit; impellente eum ad tantum dedecus vili scorto, Thaide, quæ expectare hanc ultionem Græcos, quorum urbes barbari delevissent, dicebat. Prima factionum apud Florentinos initia ab istiusmodi temeritate cœperunt: cùm Mosca quidam Lambertus consultantibus de vindicanda injuria à Bondelmontio illata, necandum esse diceret; addito Itælorum proverbio (*cosa fatta capo ha*) quâ rem perpetratam caput habere ajunt.

junt. (*Leon. Aret. lib. I hist. Florent. Scip. Amirat lib. I. hist. Florentina.*) Denique parùm abfuit, quin Neapoli regiæ urbi ignem injiceret Petrus Aragonius; inductus illorum sermonibus, qui potiore esse cineribus fuis feputam quàm amiffam urbem fcurrili dicterio jactabant. (*Scip. Amir. in vita Ioanna II. Regina Neap.*)

Et quia vi tot fimul, corripere intutum, dolus intervalla fcclerum pafcebat: & inferiùs: fed magnitudo facinoris metum, prolationes, diverfa interdum confilia afferebat.) Plerumque difficilem exitum habent confilia, quorum executio in partes divifa eft, & quæ circumftantiarum varietate intricata funt. Ab initio quidem videntur facilia: verùm tractatu difficultatis plena, exitu periculofa effe folent. Nam ut radii horarum indices, quot rotis & ponderibus aguntur in deftinatos curfus, tot aberrantibus instrumentis mendaci monftratione fallunt: ita fi ex infinitis rebus, quæ
sub-

subtilia componunt consilia, una se-
 conditio subtraxerit, fallere ea necesse
 est. Neque venena, neque adulteria,
 neque ulla potentia satis munire Seja-
 num potuit, quò minùs iisdem artibus
 vinceretur, quibus alios petierat. Ex
 hoc consequitur, populos cæteris in-
 genio præstantes rerum novandarum
 perpetua cupiditate teneri, ideoque
 crebrioribus reipublicæ conversioni-
 bus obnoxios esse. Nimia enim disse-
 rendi subtilitate, & huic adjuncta inge-
 nii ostentatione, quam sibi semel per-
 suaserunt opinionem, mordicus te-
 nent, & ab ea dimoveri probrosum ar-
 bitrantur. Quod universè asserit apud
 Thucydidem (*lib. 3.*) Cleon Athenien-
 sis: & speciatim de Megarensibus, Sy-
 racusanis, Atheniensibus, Florentinis,
 Genuensibus affirmat Bodinus, (*4. de
 Rep. 1.*) Qui idem testatur, Athenienses
 C. paulò minus annis quinquies, Flo-
 rentinos septies Reip. Statum mutasse:
 id autem nec Venetis accidisse, nec Hel-
 veti-

vetiis, qui ingeniis minùs valent. Nec igitur subtilia ingenia novandis rebus quàm gerendis aptiora, dubiis & periculosis expediendis negotiis adhibenda sunt: nec committenda iis munia excusationum, temporum extrahendorum, actionum cum illo, qui nobis etsi causa inferior, viribus tamen superior est, & omnium illorum negotiorum, quæ affectus requirunt sedatos, & necessariam simulationem. In primis autem ab imperiis malè affectis, vel nondum confirmatis procul habenda sunt. Ut enim in ægris corporibus vel minimo motu noxii humores concutuntur; ita quietis ingeniis infirma imperia turbantur. Sunt tamen utilia in consiliariorum collegio, ut collegarum ingenia exerceant, & exterorum artes observent.

Hanc ut amore incensus, adulterio pellexit.] v. quæ scripsi ad lib. 3. verb. *nam vulgatum erat, missum &c.*

Quamquam arduum sit, eodem loci potenti-

sentiam & concordiam esse. Poëtis, historicis, nemini non dicta sententia. Matthæus Vicecomes, dictantibus fratribus in familiari colloquio regnum egregium quid esse; verum esse, respondit, sed sine sociis. Ex quo fratres sibi metuentes illum veneno sustulisse dicuntur. (*Io. Bapt. Pig. 4. hist. Atest.*)

Plerumque inopes ac vagi sponte militiam sumant, percensuitque cursim numerum legionum, & quas provincias tutarentur.] Ex isto Taciti indice, quanta fuerit Romana potentia, quæ armorum vis, qui inexhaustus militiæ fons, intelligere licet. Non erit alienum, quædam differere de *armorum studio*: quæque ex illo magnis imperiis bona malaque, utilia aut perniciofa accidunt. Quâ ex disputatione de maximis rebus pendet iudicium. Inde, quæ, causa fuerit, quòd Romani tot proelis fusi; nunquã tamen universo bello superati sunt quæque res Romanam potentiam ad summum fastigium provexerint, & quæ
ex

ex contrario libertatem pessum dede-
 rint, discemus. Intelligemus, quibus ex
 causis Veneta Resp. optimis legibus in-
 stitutisque formata imperii sui termi-
 nos non ita longè latèque, ut Roma,
 proferre potuit. Dicemus de Turcicæ
 potentiæ fundamento, deque ejus ca-
 su interituque conjiciemus. Alia quo-
 que scitu rarissima dignissimaque tan-
 gemus. Igitur quanquam Romani im-
 perii magnitudinē alius justo imperio,
 alius civili sapientiæ alius Reip. formæ
 bonisque legibus, alius sociorum de-
 fensioni, alius privatorum virtuti, alius
 alii rei tribuant: mihi tamen aliud vide-
 tur. Nam nec justitiam multum fuisse
 cordi Romanis alibi docuimus, & pru-
 dentes virtutisque studiosos aliæ quo-
 que Resp. habuerunt, & socios alii
 defenderunt, & bonis legibus, forma-
 que Reip. Veneti præstant: nec tamen
 in eam potentiam, quam in Rep. Ro-
 manâ stupemus, quisquam veterum,
 nostrorumque Regum aut Rerump.
 con-

conscendit. Statuo igitur, præcipuam
& penè unicam magnitudinis Romanæ
causam fuisse, armorum studium, & o-
mnia Reip. instituta non ad civilis vitæ
tranquillitatem, sed gloriam & imperii
amplificationem introducta. Non di-
cam Romanos armorum & pugnae ge-
nere, atque militari disciplinâ aliis o-
mnibus populis prævaluisse. Nam ut
id negari nequit, ita pluries Romanos
proeliis superatos confiteri cogimur.
Illud mirandum est, & sine exemplo, e-
os ita extra fortunæ aleam fuisse, ut cæ-
si, fusi, fugati, nunquam tamen vince-
rentur, sed semper fortiores validiores-
que resurgerent, tandemque de hosti-
bus sibi paulò antè insultantibus tri-
umpharent. Nimirum ea erant civitatis
instituta militaria, ut post maximos cæ-
sos exercitus, semper majores in ho-
stem educi potuerint. Quod quo pacto
fieri quiverit, quàm brevissimè pote-
ro, explicabo. Dico igitur, triplicem fu-
isse fontem, ex quo validissima Roma-

na-

narum copiarum flumina, quæ orbem terrarum inundarunt, proruperunt; Tribus, Colonias, Socios. Hodie cum tympanum strepit, coeunt protervi, ociosi, legum impatientes, parentibus immorigeri, maximi mulierum moechi, aleatores, urbium suarum fex & purgamentum: quibus neque boni intellectus est, neque mali cura: qui neque in victoria decus, neque in fugâ flagitium putant. Romani verò ex tribubus, coloniis, sociis militem habebant electum, belli & munerum militarium gnarum, acie invictum, & qui annos non plus ex fastis quàm stipendiis suis numerabat. Ut Romani exercitus à nostris differant, quod navis, quæ probatis trabibus est compacta, ab eâ quam intempestivè excisæ arbores & omnia non pensatis vitiis ligna cõponunt. Ergò in xxxv. Tribus descriptus erat populus Romanus: quo nomine veniunt, non tantùm qui muris urbis includebantur, sed multò magis, qui extra urbem

bem in Latio. Campania, Hetruria tribus adscripti erant. Quippe urbanus populus non nisi in quatuor tribus divisus erat. Suburanam, Esquilinam, Collinam, Palatinam: cæteræ, ut demonstrat Franciscus Bocchus in libris de magnitudine Romanâ, una & triginta extra urbem erant; appellationem sortitæ vel ex locis, ubi degebant, ut Crustumina, Vejentina, Ocriculana &c. vel à fluminibus, ut Arnienfis, Anienfis &c. vel præcipuis Romanis familiis, ut Cornelia Fabia, Sergia &c. Hic erat populus ille Romanus, qui leges ferebat, qui magistratus creabat, qui bella aut pacem decernebat: ex hoc universo censebantur legebanturque in militiam quicumque bello apti erant, nec licebat cuiquam detrectare militiam. Hi ad comitia in urbem confluebant, jus suffragiorum habebant, magistratus & honores fuscipiebant. Hi veri & originarii cives Romani erant. Quanquam etiam fuerunt, qui ex privile-

legio, cùm longiùs Româ abessent, in tribuum nomina adsciscebantur: quomodo Atestini in Romiliam, Veronenses ac Tergestini in Publiliam, Patavini & Brixienfes in Fabiam, Mediolanenses & Comenses in Ufentinam, Bergomates in Vituriam coniecti sunt. (10. *Bapt. Pigna 1. hist. Atest.*) Quantum autẽ ex his tribubus militum numerus confici potuerit, ex eo constat, quòd interdũ cc. interdum ccc. millia, & quòd excurrit, censa sunt civium capita. Censebantur autem ii tãtum, qui ferendis armis habiles erant, adeoque ad militiam destinabantur. Ita enim Livius de primo censu, qui actus est Servio. Tullio Rege: *millia 80. eo lustro civium censa dicuntur, adiut scriptorum antiquissimus Fabius Pictor, eorum qui ferre arma possent, eum numerum fuisse.* Nam si universi cõnumerentur, pueri, senes, ceteriq; nõ nisi capite censi; supra quindecies cẽties mille homines in tribubus fuisse Franciscus Bocchus conjicit. Qui tamen numerus,

merus, cùm civitatis Romanæ jus b
Imperatorib. nimis vulgatum esset, eò
excrevit, ut Claudio Cæsare (nisi codices
vitiosi sunt: certè in Medicæo M.S. i-
stos numeros aliter scriptos ipse Flo-
rentiæ vidi) censa sint civium LXVIII.
centena & XLIV. millia. (*Tacit. XI. an-
nal.*)

Jam in coloniis quantum momenti
fuerit ex eo, quod T. Livius libro se-
ptimo & tricesimo refert, colligi po-
test. Belli Punici secundi tempore tri-
ginta populi Romani coloniæ erant.
Ex iis duodecim, cùm omnium legati-
ones Romæ essent, negarunt esse, sibi
unde milites pecuniamque darent. No-
vâ re consules ikti rem ad Senatum de-
tulerunt: ubi tantus pavor animis ho-
minum injectus est, ut magna pars a-
ctum de imperio diceret. Sed cùm cæ-
teræ XXIII. coloniæ in fide perstitissent;
resumpserunt animum patres. Et nota-
bile est, quod Livius pronunciat illarū
coloniarum subsidio tum imperiū po-
puli Romani stetisse. De-

Denique sociorum auxilia quantum Romanis contulerint, ex eo conjici potest, quòd año Urbis cōditæ ccccxv. Latini gloriabantur, Romanos sociali exercitu adjuncto duplicare vires suas; ideoque Consulem alterum ex Latio, alterum Româ creari, & Senatus partem æquam ex utraque gente esse postulabant. (*Liv. lib. VIII.*) Sociale bellum quod populus Romanus cū Mar- sis, Picentibus, Pelignis, aliisque Italiæ populis, suis fociis gessit, Plutarchus in Syllâ magnum vocat & varium, quod- que multa vulnera populo Romano & gravissima intulit discrimina.

Non igitur mirum videri debet, il- lum Romanæ militiæ triplicem fon- tem nunquam exaruisse, tam valida po- tentiæ fundamenta nunquam convelli, tantas vires nunquam labefactari po- tuisse. Quod tot exemplis manifestum est. Cū Pyrrho quamvis victi pacisci in alias conditiones noluerunt, quàm ut Italiâ excederet. Ab Hannibale to-

ties cæsi, cùm tandem submittere cervices deberent, quatuor simul exercitus conscripserunt. A Perseo profligati, tanquam vicissent, Perseo leges tulerunt, quibus se imperio Romano submittere jubebatur. Nimirum, quousque scaturiebat inexhaustus ille fons, quantumvis maxima damna novis delectibus sarcire poterant. Post Cannensem pugnam Hannibal victoriæ nuncium Carthaginem misit Magonem fratrem. Is cum ei Senatus datus esset, res in Italia à fratre gestas exposuit. Cum sex imperatoribus eum, cum sex consularibus exercitibus acie conflixisse : occidisse supra CC CIO. hostium supra L CIO. cepisse : Brutios Apulosque partem Samnitum ac Lucianorum defecisse ad Pœnos, Capuam Annibali se tradidisse. Secundum hæc dicta letis omnibus, Hannō, qui ex factione Hannibali adversa erat, quæsit, ecquis Latini nominis populus defecerit ad Carthaginenses? ecquis homo ex V. & XXX. tribubus ad

An-

Annibalem transfugerit? Cùm utrumque Mago negasset, hostium quidem ergo, inquit Hanno, adhuc multum superest. Sed multitudo ea quid animorum, quidve spei habeat scire velim. Cū id nescire se Mago diceret; nihil facilius est scitu, inquit. Ecquos legatos ad Annibalem Romani miserunt de pace? ecquam deniq; mentionem pacis Romæ factam esse allatum ad vos est? Cùm id quoque negasset, bellum igitur, inquit tam integrum habemus, quàm habuimus, quâ die Annibal in Italiam est ingressus (*Liv. 33.*)

Patet igitur ex dictis, Romanam magnitudinem super arma fundatam, armis provectam, armis stetisse. Quod quanquam armorum dignitatem ac utilitatem satis ostendat, tamen aliorum quoque populorum, qui solis armis sibi potentiam, aliis terrorem pepere-
runt, exempla producere, non inutile erit. Mamaluchi Ægyptum & Syriam trecentos annos tenuerunt, magnâ

scientiæ militaris famâ, & vicinorum
 populorum terrore. Quippe domesti-
 cum militem legebant, à prima pueri-
 tia, ac penè infantia raptum ad arma,
 atque educatum multâ victus absti-
 nentiâ tolerantiaque laborum, & mili-
 tarium operum exactiōe eò rigidio-
 re, quia & ipsi duces ante toleraverant.
 In demortuorum locum succedebant
 non filii, aut sanguine propiores, sed
 quos indoles & corporis animique ro-
 bur bellicæ fortitudini idoneos fece-
 rat. Hi, quorum numerus XVIII CIO. non
 excedebat, invicta bello manus, vicinas
 nationes domuerunt, Arabes fregerūt,
 in præliis cum Turcis aut rarò aut
 nunquam succubuerunt; donec anno
 Christi CIO L. XVIII. à Selymo Turca-
 rum Imperatore & militia & nomen
 Mamaluchorum extinctum est. (*P. Io-
 vius in Selym. Guic. XIII. hist.*) Turcæ,
 publica Orbis lues, solis armis, & milita-
 ri virtute in tot regnorum excidia eva-
 luerunt. Centum ac quadraginta equi-
 tum,

tum, quos Spahos vocant, millia perpetuò alunt; quorum LXXX CLV. in Europæ finibus, LX CLV. in Asia continentur. Iis agri (Timaros dicunt) assignantur, ex quorum proventu equos in bellum expeditos sustentare queant, nec ob id quisquam regiis thesauris decedit. Reliquis, qui millia quindecim censentur, ære publico stipendia persolvuntur, Pedestrium copiarum robur in prætorianis, qui Janizari vocantur, situm est. Hoc instituto militari, hoc robore invictum hætenus Turcarum imperium stetit. Quamquam multum adhuc Turcis ad perfectam armorum scientiam, quâ tantoperè Romani præcellebant, deest. Nam in aciem educunt illi copias ex immensis imperii sui spatiis contractas: Romanorum exercituum nervus ex Italia, atque adeò ipsis tribubus, in quas relati erant cives Romani, legebatur. Turcæ maximos exercitus uno in loco diu sustinere nequeunt: quod potuerunt tamen Romani. Denique nec ar-

mis, nec pugnae genere, nec fortassè disciplinâ militari cum Romanis comparari poterunt. Suffecerunt tamen ad jugum tot populis, tot regibus imponendum. Et omnia ipsorum instituta imperii dilationem, gloriamque militarem spectare ex eo quoque clarum evadit, quòd impiæ legis lator Mahumetes sine Dei reverentia, sine honestatis cura, dominationis vinculum fecit religionem. Persuasum Turcis est. suum quemque divinum, sed mortalibus oculis invisibilem charactera, factorum & mortis inevitabilem ordinem frontè præferre; qua fide factum est, ut vitæ mortisque contemptores cæca temeritate omnibus se periculis offerant; à fatali dispositione salutem aut exitium sibi impendere arbitrati.

Felices errore suo, quos ille timorum

Maximus hanc urget lethi metus: inde ruendi

*In ferrum mens prona viris, anima-
que capaces*

Mortis; Lucan. l. i.)

Deinde Turcici Imperatores lege II.
aut morte prohibentur restituere re-
gnum, aut urbem, aliudve solum, in quo
semel suæ religionis sacellum dedica-
verint. Quæ constitutio mirè facit
ad superandas difficultates, quibus
implicati novi Principes tenentur; &
ad obstinandam partorum defensio-
nem: scientibus omnibus non pactis,
non ullâ transactione, sed solâ vi, ar-
misque perdi provincias armis acqui-
sitas. Sanè ex Romana historia con-
stat, ab urbis ortu ad Jovianum Impe-
rat. non inveniri Consulem aut Impe-
ratorem, qui semel Romani juris fa-
ctas terras hosti concesserit. (*Ammi-
an. Marcell. xxv.*) Porro præce- III.
ptum illud quo Turcis vini usu in-
terdicitur eò spectat ut, priscae frugali-
tati assuetus miles parabili & obvio ci-
bo potuque in castris degere velit;

nec illâ impensâ gravetur, quæ in nostris exercitibus enormis facit, ut nulla stipendia vesti, equis, armis emendis ac tuendis sufficiant. Ex quo creberrimas oriri seditiones necesse est. Cui accedit, quòd cùm Turcis arva agrique, colles, & aperta camporum frumento producendo, & pascendis armentis inserviant: apud nos fertilissimum quòdque solum sit vitibus consitum, & numerosis exercitibus semper commeatus deficient. Prætereà, cùm nostri Principes acerbissimis exactionibus, tributorum, sed profectò malè sano consilio, sæpe etiam pessimo exitu infringere subjectorum animos tentent, in eoque securitatem suam collocatam esse arbitrentur; Mahumetani Principes non vectigalibus, non tributis, sed promiscuâ conjugiorum licentiâ & uxoribus multiplicato consortio illectos, ita miseros populos suos, quanquam non sentientes, faciunt, ut omni nervo destituti ferociam omnem oblivisci

cogantur. Cùm enim naturales liberi cum legitimis æquis partibus succedant, plerique patresfamil. domum suam ex tot uxoribus aut pellicibus referant liberis habeant; fieri non potest, ut in tam numerosam sobolem divisa bona, velut in multos rivulos diductus fons, tandem non exarescant: sitque perpetua necessitas militandi in castris, & stipendio à Principe præbito vitam tolerare. Ut taceam, polygamiam istam sanè bestiis magis quàm hominibus convenientem indefinentem esse fontem, ex quo innumerabiles copiæ in aciem, velut magni pecorum greges in macellum educi possunt. Quid? ille V. mos, quo nulli Othomanidarum vel ad nominis famam, vel corporis sepulturam, templa aliave publica opera extruere licet, nisi imperii fines protulerit, quid aliud est, quam incitamentum, & vehementissimus stimulus, quo vel ignavissimi Principis animus ad ambitionem, ad gloriam, & famæ ardentissi-

inum desiderium excitetur. (*vide exemplum de Selymo apud Thuan. XLVII.*

Maurocen. histor. Venet. P. Parut. i. de bell. Cypr. M. Ant. Gratian. i. de bello Cypr.)

VL

Illud etiam quòd fœminas à suorum templorum liminibus arcent, quid aliud vult, quàm cùm illas sua imbellia contemptas faciat, solos viros, quorum ferocia timeri meretur, fortissimo religionis vinculo ligare, mitigare, cicurare? Cui simile est, quòd olim mulieres sacro Herculano abstinebant. (*Gell. XI. c. VI.*) quare nec Herculis Gaditani templum mulieribus ingredi fas erat: ut ex Si-

VII. lio Italico observat Thom. Dempster. libr. i. de jurament. c. iv. Denique quod Turcæ credunt, illorum animos, qui cùm morerentur, infensum Imperatorem habuerunt, æternis apud inferos affligi cruciatibus, nec eorum delicta ullâ pœnitentiâ expurgari posse, omni lege & omni pœnâ efficacius retinaculum est, ne quis in

Im-

Imperatorem quid admittere velit, audeatve. Hæc de Turcis.

Superiori seculo Ferdinandus Aragonius propriam habebat militiam; cum cæteri mercenaria uterentur. Gessitque res majores, si verè rationem inimus, quàm quisquam suorum æqualium.

Etiam in cunctis Reip. Venetæ finibus, vicis, pagisque descripta est agrestis pubes, quæ militari opere exercetur, ac promptam Reip. operam navare parata est. (*Justinian. in histor. Ven.*) Quod idem de Allobrogum & Hetruriæ Principibus tradit Joh. Boterus. Et in plerisque Germaniæ Principum ditionibus arma peritè tractare docentur subjecti; maximè ad usum bombardæ, certus nitrati pulveris, & plumbi, ex quo ferales illi globuli funduntur, modus certis temporibus distribui solet. Belgis deniq; fœderatis hodieq; usitatum est cives in oppidis & munitis locis unà cum mercenario mi-

lite excubiis admoveere ; quò proditi-
 ones impediantur , & omne periculum ,
 quod à peregrino milite imminet , a-
 moveatur. Sed hæc exempla à superio-
 ribus toto cœlo differunt. Nec enim
 aut Venetis, aut cæteris jam dictis Prin-
 cipibus commune cum Romanis aut
 Turcis institutum est, confectari glori-
 am, extendere imperii terminos , bel-
 lum ex bello ferere , nunquam otium
 velle; sed ad defensionem, & qualecun-
 que auxilium comparatum est istud
 subsidium: quod tamen plerumque va-
 num existit. Plebs enim, quantumcun-
 que armorum usum didicerit , & mul-
 tiplicatis cohortibus impleat campos ,
 par illis nunquam erit , qui inter vera
 pericula versati timere desierunt. Et
 hoc ipsum ad terrorem erit, quòd timi-
 dâ pensatione aciei & veri Martis dis-
 crimina à fictis certaminibus , & um-
 bratili militia longissimè differre ani-
 madvertent. Palatino Comiti subjecti
 populi totâ Germaniâ ab armorum tra-
 ctan-

ctandorum peritiâ celebrabantur. Nul-
li minus ad restituendum animi habu-
erunt. Nempe, aliud est, bene ad me-
tam collimare, aliud hostem ferire.

Verùm enim verò, quàmvis quæ ha-
ctenus disputata sunt, satis armorum
studium in Rep. egregium esse asse-
rant: tamen & alia in diversum argu-
menta exempla que sunt, quibus armo-
rum tractationem civibus commissam
parum tutam esse ostendi potest. Iis
qui prudenter condere aut stabilire re-
gna student, hæc duo videntur præci-
pua: primum, ne populus in Principem
facile possit insurgere: deinde, ne, si ob-
sequii vincula emolietur, ad insaniam
vires accedant, furor que militiæ vincu-
lo firmetur. Utraque cautio interverti-
tur hoc armandorum civium consilio.
Nam & irati nihil prius videbunt, quàm
datura fiduciam arma; & ubi arma ra-
puerint, secuta erit, aut non nisi magnis
laboribus sedanda rebellio. Inde, quod
in Gallia armis & militaribus exerci-
tiis

tiis in nobilitate tantum retentis; in plebe longo ocio emollitâ, opificiisque & quæstui dedita, antiqua gentis ferocia defecit, singulari Regum studio factum esse scribit Guicciardinus; (2. *hist.*) ne tam crebris à furioso populo conspirationibus seditionibusq; peteretur. Cyrus omnes gentes, quas suo imperio subjecerat, sublatis armis ad fundarum usum coëgit; quòd hoc armorum genus maximè servile arbitraretur. (*Xen. 7. Cyrop.*) Theodoricus Ostrogothorum & Italiæ Rex tutissimum pacis stabilendæ modum ratus est, Romanos cæterosque Italiæ populos armorum exercitio arcere (*Orlãd. malavolt. 2. hist. Sen.*) Sanè civilium bellorum curandarum necessaria medicina est, civibus arma adimere. Quod Romanis quoq; in usu fuit, (*Dio. 42 & 44. Plin. lib. 34. cap. 14.*) Et Senenses cùm diverso consilio institissent, ruerent. Anno à nato nostro Servatore cIo cc xlv. cùm inter nobiles familias sæpius in ipsa Senarum urbe

urbe ad arma & cædes ventum esset: Novem - Virum magistratus infelici æquè ac imprudenti consilio ex singulis urbis regionibus (quarum tres erant) quadringentos selegit, quibus zonam, arma, & insignia publica dederunt; addito præcepto, ut ad præconis vocem aut nolarum sonum omnes sub signis confluerent, accepturi magistratus imperia. Sed consilium, quod ad sedandas turbas, & arma nobilibus excutienda comparatum erat, in exitium Reip. vertit. Hoc enim instituto mucrones, qui in hostium ora intentari debebant, in Nobilitatem, alteram civitatis partem versi civilem sanguinem sæpè hauserunt: & tamdiu armatæ plebi cum nobilibus, pòst & inter se dissensiones, certamina atque cædes exercitæ; donec Mædicæi cuncta discordiis civilibus fessa sub imperium acceperunt. (*Orland. Malavolt. 8. hist. Sen.*) Nimirum nō ad omne momentum

mentum plebs armanda est. Auctoritas enim & potestas quæcunque in multitudinem collata, nunquam benè & feliciter usurpata fuit Turbas parturire facile, iis autem excitatis occurrere summi laboris est. Sed quando superius, potentiam Romanam armis omnia debere diximus, nunc quoque exitium illi Reip. ex armis provenisse dicemus. In ordinanda, & bonis legibus instituenda civitate duorum temporum haberi ratio debet, bellorum & pacis: ut & ab externa vi tuta esse, & civium inter se concordia constare possit. Verum Romanorum instituta propius inspicienti manifestum est, unum illa finem atque scopum habuisse, imperii amplitudinem. Inde bellum ex bello excitabant: & ut in hostes militem haberent fortem, & periculorum contemptorem, exercitia armorum, & virtuti militari præmia instituebant. Sed ut assvescerent cives justitiæ, temperantiæ, modestiæ aliisque virtutibus civili-

vili-

vilibus, quibus in pace concordēs & tranquillī viverent, nullis aut paucis provisum erat legibus. Ut inde Tacitus (3. *Annal.*) duodecim tabulas finem æqui juris fuisse, & secutas leges adipiscendi illicitos honores, aut pellendi claros viros, aliaque ob prava per vim latas esse verè dixerit. Numa quidem Pompilius, cū omnia Romuli instituta ad militarem virtutem spectare videret, religione & ceremoniis Deūm, aliisque civilibus virtutibus feroces animos imbuere tentavit: sed prævalebat militare populi ingenium, & majores radices egerat armorum amor, quā ut nudis legum in charta scriptarum verbis tolli posset. In quo illud à Numa imprudenter omissum est, quòd non, ut Lycurgus apud Spartanos, legibus latis earum assuetudinem & ad illarum præscriptum civium educationem conjunxit, chartis eas inscripsisse contentus. Quid enim vanæ leges sine moribus proficiunt? Lycurgus parsimoni-

am

am jussit, existimans laborem militiæ
assidua frugalitatis consuetudine facili-
orem fore. Juvenibus non amplius unâ
veste uti toto anno permisit, nec quen-
quam cultius quàm alterum progredi,
nec epulari opulentius, ne imitatio in
luxuriam verteretur. Fundos inter o-
mnes æqualiter divisit; ut æquata patri-
monia neminem potentiorum altero
redderent. Convivari omnes publicè
jussit, ne cujus divitiæ vel luxuria in oc-
culto essent. Rempub. ita ordinavit, ut
Senatus, Populus, Rex mutuo respectu
se intra præscriptos sibi terminos con-
tinerent. Hæc & similia instituta civium
mores ac educationem, & rempub. spe-
ctantia non chartæ inscripta, sed sine
scripturâ rethris inclusa, ut necessarium
carmen à pueris ediscebantur, & in ani-
mis potius exarata, quàm membranâ
accuratissimè servabantur. Romæ autē,
quis moralis virtutis, & civilis honesta-
tis, artiumq; pacis curam fuisse diceret,
ubi ad honores plerumque provehe-
ban-

bantur, non qui iustitia, quique vitæ in-
 nocentiâ insignes; sed qui belli scientiâ
 præcellebant, & magnis negotiis pares
 erant? Quis Syllam aut Marium benè
 formatæ Reip. cives dicat? Nunquam
 quidem Roma etiam bonis civibus
 caruit. Habuit Camillos, Decios,
 Fabricios, alios. Sed id tantum volu-
 mus, non eam Reip. conditionem fuis-
 se, ut illi meliores Rēp. gererent. Quip-
 pe cū in universæ plebis manu esset,
 facere imperatores, aliosq; creare ma-
 gistratus, impetu, & consilii inopiâ ple-
 rumque peccabatur. ambitus quoque
 potentiorum cuncta turbabat. Porro
 ex eo, quod alibi docuimus, immode-
 ratum gloriæ desiderium in libera Rep.
 civibus timendum; manifestum est,
 quantum à perfectione Reipub. Ro-
 manæ forma absuit. Quippe ad
 imperii magnitudinē tendenti bellisq;
 perpetuò implicitæ magnos in civibus
 suis, & gloriæ cupidos animos nutrire
 necesse fuit. Quæ res à libertatis curâ
 planè

planè abhorret. Inde Venetiis veterè instituto invaluit, ut quemadmodum navalium armorum suprema auctoritas penes patricios est, qui positâ togâ arma induti patriæ operam suam præstant; ita quæ ad terrestrem militiam spectant, exterorum ducum, quorum spectata in Remp. fides, atque eximia virtus præclaris facinoribus eminet, imperio fidei atque curæ committantur. Crediderim non tam consilio quàm casu primitus invecum hunc morem. Quippe ante hæc tempora, qui in Italia vel amplitudine familiæ illustres, vel militari disciplina clari erant, affinitatibus, clientelis atque amicitiiis fulti, quoscunque manu promptos, & ingenio ad militiæ munia obeunda idoneos existimarent ad se trahebant, ut in eorum manibus, quicquid vel pedum vel equitum roboris erat reponeretur. Hos Principes ac Resp. magna plerumque vi auri illectos annuisque stipendiis obstrictos militiæ suæ præfici-

cie-

ciebant: illorum ductu atque auspicio
 limites non tuebantur modò, sed & ali-
 quando provehebant. Inde Picinini,
 Sfortiæ, Fortebracii, Carmaniolæ flu-
 xère; qui egregiè militiæ muneribus
 functi memoriam in omnem posteri-
 tatem propagarunt, & humili loco, ab-
 jectis parentibus orti, virtute sibi ad
 summos honores, atque imperia gra-
 dum fecerunt. In ea tempora cùm Resp.
 Veneta incidisset, ubi ad terrestre quo-
 que imperium animum appulit, à Pro-
 cerum Rerum publicarumque, quæ
 tunc in Italia florebant, exemplo non
 abhorrens externos duces ad sua sti-
 pendia accivit. Quod quia salutare Re-
 ip. esse animadverterunt Veneti, etiam
 hodiè servant; accedente ea quoque
 ratione quòd cùm illi pacem inter ci-
 ves, concordiamque & æqualitatem
 semper summo studio aluerint, quieti
 publicæ perperam consultum existi-
 ment, civibus tantum auctoritatis im-
 pertiri, exercitus subicere, summæ re-

rum præficere; ne dominandi assuetudine capti, clientelis, atque amicitiiis nixi, & populari aura inflati opibus ac imperio in publicam olim perniciem abuterentur. (*Io. Boter. lib. I. de Rep. Ven.*) Illud etiam dignissimum observatione est, quod, cum Romani trophæis memoriâ suam ad posteros celebrare permiserint, ipsiq; statuas ex ære aut marmore, quibus aliorum quoque virtutē tanquam gloriæ stimulis excitarent, benè meritis civibus erexerint, Venetis tamen diversum placuisse. Quanquam enim in ipsa urbe Coleono Bergomati, & Patavii Gatamelæ Narniensi equestres ex ære statuas, virtutis testimonium posuerint; tamen etiam aut similem honorem nulli suorum civiū quantumvis egregiè de patria merito haberunt. Porro popularis imperii necessaria lex est, tēporarios habere magistratus: ut quia ad naturalem, in qua creati sumus homines, paritatem quàm proximè accedit illa Reip. forma recedenti-

bus

bus aliis à Reip. gubernaculis, aliis locus detur. At Romæ contra hanc legem quàm sæpè potentum ambitio peccavit? quoties ante tempus legibus concessum honores & magistratus incapacibus collati? quoties, ut bellis feliciter cœptis iidē nec mutati præessent, prorogati ultra tempus magistratus? Nimirum contemptæ leges; & paucorum ambitio, qui plebeculæ gratiam aucupabantur, omnia poterat: adeoque inter externa populi Romani incrementa, inter egregias illas victorias & triumphos, quibus captivi Reges ducebantur, quibus in majorem quotidie molem excrescebat prodigiosa illa potentia; domi & in ipsis visceribus tam vasti corporis latens oriebatur malum, nimii civiū spiritus, vivida & majora quàm quæ libertas ferret, ingenia; bellis suete, & inde feroces atque turbidæ naturæ: cum quibus diu colluctata sanior Reip. pars tandem impar morbo miserè concidit. Constatigitur inde, Romanos bello-

bellorum quidem veteres, virosque fortes, sed ad pacis tempora neque legibus neque assuetudine institutos fuisse. Ut nemini mirum videri debeat, Remp. illam bellis tantum quæsisse imperium, tantamque gloriam, contra, cùm pace gaudere deberet, velut ferrû rubigine obsitum omnem amisisse splendorem: adeò ut, ubi primùm cesserunt minæ hostiles, cædes & bella inter ipsos cives existerent. Quocirca non injuriâ mihi Scipio Nasica excidium Carthaginis dissuasisse videtur: quòd conjicere potuit civitatem ad belli tantùm munia institutam & factam in pace otioque ruituram. Quod non eum sensum habet, quasi pax sua natura Rebus pub. interitum afferre soleat; sed noverat homo prudentissimus Romanæ Reip. labem & imperfectiorem, quæ paci tolerandæ impar erat. Si verò non minùs civilibus quàm militiæ institutis floruiſſet Resp. si excisa Carthagine scivisset arma ponere: poterat

erat id esse via ad veram felicitatem, summumque bonum civile, non ad interitum. Et profectò, ex hæcenus dictis manifestum est, non pacem, non ocium, sed bella & arma veram fuisse civilium dissensionum causam. Hæc civium quorundam ambitionem foverunt, hæc nimias opes atque potentiam privatis contulerunt, hæc civitatem in factiones diviserunt, deduxeruntque ad ruinam. Et quomodo verum esse potest, pace corruisse Romam, quam novit nunquam? cùm Jani templum paulò minùs septingentorum annorum spacio non nisi bis claudi potuerit; semel post primum bellum Punicum; iterum ab Augusto post devictum navali prælio M. Antonium. Certè Sparta octingentos annos libera vixit, non armorum gloriâ, sed pacis institutis: quod in dissertationibus Politicis satis ostendit Paulus Paruta (*1. disc. 1.*) Et quòd Venetæ Reip. post mille ducentos annos non illapsa mala

sunt, quibus perturbata atque everſa Roma eſt, quæ ferocibus nationibus gentibusque perdomitis, poſt æquatū orbi terrarum imperium, inteſtiniſ civium odiis concidit; optimæ & perfectiſſimæ Reip. conſtitutioni, quæ pacem, non arma, quietis conſervationem, non imperii amplificationem ſpectat, acceptum ferri debet. Quippe Optimatum imperium, quale Venetis placuit, ſanctis moribus, civilibus alitur virtutibus: & ex diverſo incrementis externis bonæ leges, ſinceri mores, præclara inſtituta labefactantur. Et qui in illa vaſtitate, quam Attila Italiæ fecit, oppidis ſuis exuti, primi intimos iſtos Hadriatici maris ſinus, paludeſque occuparunt, metu ac ſalutis defendendæ ergò non quò aliis dominarentur, iſtam mirabilem urbem fundarunt. Is quoque civitatis ſitus eſt, qui civium ſtudia ad mercaturam potiùs & navigationes, ac divitias cumulandas, quàm ad arma convertere debuit. Præterea

terea in ea tempora incidit urbis initiū
 quibus Roma multo indomitaram na-
 tionum impetu, tanquā Orbis sua spo-
 lia inde repeteret, de suæ magnitudinis
 ac opulentia fastigio dejecta est: quā
 tam gravi procella mirandum est, nihil
 calamitatis novæ civitati infusum esse,
 tantū abest, ut de imperio cogitare debu-
 erit aut potuerit. Porro cessante ista bar-
 barorum armorū tempestate, restabant
 Græcorum imperium, & mox Fran-
 corum Germanorumque, & denique
 Ottomanidarum potentia, magna Ve-
 neti imperii impedimenta, & crescen-
 tis potentia velut frænum. Quā in re
 longè felicis Romanæ Reip. fatum fu-
 it: quæ primis suis initiis Assyriorum,
 & post Persarum Macedonumq; arma
 procul habuit. Italia in plures populos,
 quorum quisque sui juris erat, divisa.
 Ut facile fuerit, quosdā armis, alios fœ-
 dere & societate continere, ne incipi-
 enti, & deinde adolescenti potentia in-
 tercederent. Quemadmodum igitur

quod una Urbs Orbi dominari potuit, quodque eadem libertatem suam, cum ad summum potentia culmen conscendisset, amisit; intemperantiâ armorum, artiumque pacis seu ignoratione, seu neglectu accidit: ita quod Veneta Respub. in portentosam, similemque Romanæ magnitudinem surgere non potuit, quodque ex contrario non mirabilior imperio quàm libertate in hunc usque diem per tot mala, & reliqui Orbis servitutem superstes est, utrumque non armis sed pacis studio & civili solertiâ contigit. Denique ex eo, quòd suprà Turcicum Imperium armorum studio Romanæ Reip. simile dixi, conjicere possumus, eodem morbo, quo Romanum imperium, vastum illud Ottomanicæ potentia corpus interiturum; intestinis puta dissidiis, & nimiâ militum licentiâ. Et sanè dubium non est, quin corruptâ veteri disciplinâ ad interitum vergat illud imperium: essent modò, qui propendens ad ruinam impelle-

pellerent, præcipitarentque, Prætorianorum (in quibus peditum robur) virtus elanguit, cum enim sua in manu rem Turcicam sitam cognoscant; superbiâ inflati, obtemperare ultrâ, ducibus recusant. Cumque olim non nisi læta puerorum Christianorum corpora à sinu matrum rapta in Prætorianorum disciplinam instituerentur, hodiè meliorum inopiâ quivis, etiam interdum Turcarum filii à ministris prece & precio corruptis admittunt. Equitatus quoque non eadem, quæ olim fortitudo est. Nam, quibus prædia, quæ Timaros appellari diximus, tributa sunt, agros colere, peculiumque comparcere, quàm equos suos curare malunt: & dulcedine ocii capti non nisi invitissimi ab agellis suis militatum abeunt. Et in universum denique adeo luxu infractam esse pristinam Turcarum virtutem ac ferociam ajunt, ut præter famam ex illa nihil ultrâ sit reliquum. (v. *Lazar. Superant. in Ottom. part. I.*) Ro-

mani saluberrimum ad continendam fidem militarem putabant, longiter-
rarum spaciis discerni exercitus, ne vi-
tiis aut viribus misceri possent; spargi-
que per provincias militem, & externis
bellis illigari. Unde Tacitus (*l. hist*) sæ-
vissimis post Neronis excessum tempo-
ribus non alias legiones innocentius e-
gisse testatur, quàm Britannicas, quòd
procul & Oceano ab aliis divisa erant.
Mihi illustris Stheno Bielke Baro Sue-
dus affirmavit, cùm Constantinopoli
esset, in una illa urbe Prætorianorum
ad octoginta millia (in eum numerum à
xii. millibus excreverunt) omnibus in-
solentiâ graves fuisse. Quæ autem im-
prudencia est, tot armatos in unam ur-
bem cogere, scilicet, ut sub uno aspectu
seipso mirari, & furoris cogitatione
desævire queant. Ea animorum milita-
rium natura est, ut dum hostis submo-
vet otium habentq; milites, quos laces-
sant aut timeant, vix aut possint suas vi-
res agnoscere, aut in superbiam, quàm
illa

illa contemplatio insinuat, labi. Ast ubi
 suis viribus pacem fecerint, nemoque
 novo discrimine interpellat victoriæ
 memoriâ: tunc ceu Principi exprobrent
 operam suam, secum expendunt, quan-
 tū effecerint. Unos se suis civibus salu-
 tares, suâ in manu sitam Remp. suis
 victoriis augeri patriam, in se translatū
 rerum arbitrium, & publica fata. Quasi
 aliam à cæteris Remp. faciant, in se co-
 guntur: otio deinde lasciviunt; quod
 quātum fortitudini adimit, tantū addit
 proterviæ. Mox si justis præmiis non
 putant se excoli, si continuo obsequiis
 non placantur; fervent animis, intume-
 scunt, indignantur. Certè nos intra vi-
 ginti, aut triginta annos plures rebelli-
 ones, seditiones, detectiones, in impe-
 rio Turcico audivimus. Anno Christi
 15. 10. xcix. Cassianus Ciliciæ Satrapa
 excusso Ottomanorum jugo, ingenti
 exercitu stipatus, Ciliciâ excursionibus
 deformatâ, Iconium præcipuâ urbē ce-
 pit. Huc intestinæ Principū dissensiones,

corruptæque per luxum leges accedebant: unde libidine atque effrænata licentiâ prolapsâ militari disciplinâ indies non in provinciis modò, sed in urbe regia ingentes turbæ excitabantur; ut propemodùm mole suâ oppressa immensi imperii vis collabi videretur. Tunc quoque maritimarum rerum curâ relictâ littoralia loca incursionibus patuerunt: & Ferdinandus Magnus Dux Hetruriæ post direptas Patras Chium occupavit. Anno cix. ix. ciii. Amurathes Imp. ab efferata plebe & Prætorianis metuens furentium libidini amatissimos sibi duos homines objicere coactus est. Eodemque tempore idem Imperator Asiæ à se præpositum, cū ab ipso defecisset pollicitationibus præmiisque delinitum honoribus ac præfecturis auctum in Pannoniam misit. Quæ res ab Ottomanidarum instituto, & dominico imperio sanè quàm vehementer abhorruit. Denique quantæ turbæ ab iisdem profectæ causis an-

te paucissimos annos aulam & imperium Turcicum agitaverint, cùm omnibus nota res sit, referre non attinet.

Dixi, quæ ab armis, & armipotente populo ad Principem & Rempub. mala, quæque ex diverso bona perveniant. Summa in eo consistit, quod Hetruscus Politicus (1. disc. 4.) ait, à solis armis magnam sed brevem potentiam; à pacis studio parvum, sed fidum & diuturnum imperium esse.

Semelque adsumpti tenebantur, prorsus sine modo, cum plerique iisdem negotiis insenscerent.] Causam dixit Tacitus libro 1. his verbis: *Id quoque morum Tiberii fuit, continuare imperia, ac plerosque ad finem vitæ in iisdem exeroitibus, aut jurisdictionibus habere. Causæ variæ traduntur. Alii tadio novæ curæ semel placita pro æternis servavisse: quidam invidia, ne plures fruerentur, sunt qui existiment, ut callidum ejus ingenium ita anxium judicium, neque enim eminentes virtutes seclabatur, & rursum vitia oderat.* Exo-

ptimis periculū sibi, à pessimis dedecus publicum metuebat, &c.]

Prima dominandi spes in arduo] v. quæ dixi ad lib. i. verb. *quantò summa spei propior &c.*

Talia jaciebat] imprudenter! dixi ad lib. 2. verb. *in ea divisione &c.*

Vero quoque & honesto fidem dempsit.] Ita merentur, qui omnibus suis dictis factisque simulationum nubes obducunt, ut etiam cum sincerè agunt, fidem non mereantur.

Lygdi quoque Spadonis animum stupro vinxisse.] de hoc flagitioso dominationis arcano dixi ad lib. 3. verb. *nam vulgatum erat &c.*

Quia Sejanus facinorum omnium repertor habebatur &c. quamvis fabulosa & immania credebantur.] Ita meritis, qui per flagitia vivunt, ut non suorum modò scelerum, sed & alienorum infamiam luant. In Alcibiade vigor ingenii, & vitiorum amor, & morum luxuria omnia credibilia faciebant. (*Instin. v.*)

Atrociorē semper fama erga dominantium exitus.] Ita de Augusti excessū dixit libro primo: *quidam scelus uxoris suspectabant.* Est vulgata historicorū vox; hunc aut illum Principem obiisse, *non sine suspitione veneni.*

Igitur contumaciam ejus insectari.]

Nota delatorias artes; insectari, criminari apud potentiores, ea maximè dicta factaque, quæ maximè apud illos valere possunt: submittere callidos criminatores, validosque in animo dominantium: proximos illorum, quibus insidiæ tales struuntur, inlicere, ut pravis sermonibus incautos ad peccandum perstimulent. Cætera dixi ad lib. I. verb. *Granium Marcellum &c.*

Nihil intermissa rerum cura, negotia pro solatiis accipiens &c.] Quomodo hoc ipso libro paulò superiùs Tiberius dixit: se fortiora solatia è complexu Reip. petivisse. Nimirum Principes in eum dignitatis gradum subvehuntur à Deo, ut omnium quietem illorum vigi-

lia, omnium otium illorum labor, omnium delicias illorum industria & omnium vacationes illorum occupatio defendat. Talem Brutus apud Lucanum (2.) Catonem.

Invenit in somni volventem publica cura

Fata virum casusque urbis, cunctisque timentem.

Securumque sui.

Sacratissimus Imperator noster Ferdinandus Carolum Caraffam Episcopum Averſæ Pontificis apud se Oratorem interrogasse dicitur, ecquid ipsi de cantoribus Musicisque suis videretur? Cui cum Caraffa, summam omnium esse excellentiam, respondisset; sed, si sui arbitrii foret, jussurum, ne nimia prolixitate in templo tædium auditoribus facerent: Cæsar subridens, tribus insatiabiliter se interesset, dixit; sacrorum celebrationi, consultationibus disputationibusque de Republica, & venationum sudoribus.

Cla-

[Claritudine infasti generis &c.] v. quæ notavi ad lib. I. verb. *Pollionisque Asiniæ patris ferociam retineret.*

De immodestia histrionum & pulsitum histriones Italia.] Optandum esset, toto orbe pellerentur. Fuit semper estque hodie quoque scena omnium vitiorum schola. Ibi quicquid obscœnitatis hætenus occultum, paucioribusque notum fuit velut stipendio proposito, docetur: ibi turpi voluptate, velut lenocinio innoxii hætenus purique animi adulteriis, stupris & cæteris cum supercilio ac verecundia nominandis conciliantur: ibi furta, fraudesque ac perjuria discuntur: ibi traducuntur Principes; & audientes reverentiâ erga magistratus dediscunt: inde parentum contemptus, prodigendi jactandique sua amor, pudoris quoque & castitatis jactura domum reportatur: ibi denique paulatim patrii mores funditus evertuntur, per accitam lasciviam, ut quod usquam corrumpi & corrumpere queat,

queat, in urbe visatur, degeneretque studiis externis Juventus, gymnasia, & ocia, & turpes amores exercendo. (*Tac. xiv. annal.*) Cothurno tamen non eadem, quæ soccis, levitas: & non, ut comœdia, ita tragœdia quoque felicia scelera, & dolus præmia habet. Sua flagitiis nemesis, & ultor Deus; sua quoque virtutibus merces est.

Aequari adolescentes senectæ suæ impatienter indoluit.] Ita S. lib. I. *anxius invidiâ, & muliebri fastigium in deminutionem suâ accipiens &c. moderandos feminarum honores dictitans &c.* Et plerumque Principibus suspecti sunt, qui proximi imperio destinantur, ne habere, quàm expectare imperium, ne acerbas Julio mense, quàm Octobri maturas dulcesque uvas edere malint. Inde omnis nimia adulatio illis facta, omnis honor exhibitus in deterius trahitur. Inde idem noster Tiberius Macroni Prætorio Præfecto, Orientem Solem ab illo adorari exprobravit: ad Caligulam

lam illius studia respicere innuens.

(Tac. IV. annal.)

Incusabatque diductam civitatem &c. ac ni resistatur fore plures &c.] Hoc illud sophisma politicum, quod Itali elegantur injicere alteri Zelotypian dicunt: cujus artifex peritissimus fuit Cosinus Mediceus, Hetruriæ Dux; eoque præcipuè Senarum urbes suæ ditio-
ni adjecit. Primùm, apud Philippum Hispaniæ Regem, qui Urbem illam tenebat, egerat, ut sibi pecunia in rem Caroli Cæsaris commodata restitueretur, aut loco ejus Plombiensis ditio traderetur. Reputatis deinde sumptibus, quos in bellum Senense impenderat, spem de universa Senensi ditio-
ne occu-
panda concepit. Quam tum cogitationem ille, ne fidem suam suspectam Hispanis redderet, prudenter dissimulavit, petitionibus suis crebrò renovatis, & de Plōbino tantū facta mentione; tēpus scilicet idoneū opperiens, quo declarandę voluntatis occasio se offerret, quæ se
pau-

paulò pòst in manus dedit. Etenim cum ex literis oratoris sui quem Romæ habebat, & Albano Duce rescisset, Philippum cui tunc cum Pontifice bellum erat, ab armis omnino discedere, eique Senensem ditionem tradere vellet, primùm cum Albano, cui id negocium à Philippo commissum erat, egit, ut rem minimè præcipitaret. Misit deinde ad regem Ludovicum Toletanum; qui post repetitam meritorum Cosmi seriem, modestè iis nullam rependi gratiam questus est. Tum quantum & ipsius Regis, & Cosmi rebus allatura sit detrimentum, Senarum in Carasarum manus consignatio, differuit. Carafas non tam recentis beneficii, quàm veteris injuriæ memores nova potentia auctos universam Italiam maximo cum Regis incommodo turbaturos; Cosmo verò, etsi universa pecunia debita exsolvatur, minimè cautum esse, si cogatur eos habere vicinos, quos, ut Regis rebus inserviret, tanquam hostes ha-

ctenus

Etenuſ perſecutus ſit. Proinde cum non
 poſſe tutò reſtituere , quæ in Senenſi
 ditione poſſideat, ut Carafis tradantur:
 quæ eadem tamen ſemper reſtituere
 paratus ſit, modò ea in Philippi pote-
 ſtate permaneant. Quòd ſi verò certum
 ſit Regi, rem Senenſem à ſe abdicare ,
 non poſſe ſine maximâ injuriâ in ali-
 um, quàm Coſmum transferri. Petere
 igitur eum, ut quando res ſuæ non am-
 pliùs ferant, ut diutiùs in incerto dubii
 eventus ſalo fluctuet, quid ſuæ volun-
 tatis ſit, Philippus definiat. Eodem
 tempore, quò Coſmus Toletanum ad
 Regem miſerat, Romæ famam ſpargi
 curat, quaſi perpetuis Hiſpanorum de-
 luſionibus irritatus Galliæ Regis ami-
 citiam expeteret. Philippus igitur, qui
 rem ſeriò agi crederet, rebus ſuis in I-
 taliâ, quibus ſeu evertendis ſeu fulci-
 endis magnum momentum Coſmus
 afferebat, timere coëpit. Nutabant e-
 nim tùm temporis res Hiſpanorum
 in Italia, hinc Briſſaco duce Galliæ
 Regis

Regis in subalpinâ regione progressus indies faciente, hinc Guisio in regnum motibus obnoxium irrupente. Assensit igitur, ut Cosmus suo beneficio Senensem ditionem possideret. (*Ioh. Bapt. Cin. 6. de vita Cosmi.*) Iisdem artibus post Franciscus Cosmi F. Joannam Austriam uxorem adeptus est. Cùm enim eandem præter Franciscum etiam Joannes Sigismundus Transylvaniæ Princeps, & Fridericus Daniæ Rex ambirent: Franciscus primò beneficiis Cæsarem Joannæ patrem demerendum ratus, pecuniam & auxilia in bellum Turcicum promisit, tum rumorem sparsit, quasi Galliæ Rex de sorore sibi in uxorem dandâ spem fecisset. Cæsar ergo, qui ejus ope in bello uti constituisset, posthabitis aliis Joannam ei matrimonio junxit. (*Thuan. 35.*)

Nec aliud gliscentis discordia remedium quam si unus alterve maximè prompti subverterentur.] v. quæ notavi ad lib. I. verb. ne ipsis quidem, qui fecere laudatas.

& ad

AD CORN. TAC. LIB. IV. 595
& ad hunc lib. verb. *numeroque & robo-*
re &c.

Immodice jactantis &c. Latè hæc ex-
plicavi ad lib. 3. verb. *fato potentia raro*
sempiterna.

Beneficia eò usque lata sunt, dum vi-
dentur exsolvi posse; ubi multum anteve-
nere, pro gratia odium redditur.] Senecæ
eadem sententia extat, epistola decimâ
nonâ: quidam, quò plus debent, ma-
gis oderunt. leve æs alienum debito-
rem facit; grave inimicum. Et Epist. 82.
eò perductus est furor, ut pernicio-
sissima res sit, beneficia in aliquem
magna conferre. nam quia putat tur-
pe non reddere, non vult esse cui red-
dat, nullum est odium perniciosius,
quàm beneficii violati pudere. Et lib.
2. de benef. 24. Totius est, quosdam
offendere, quàm demeruisse, argumen-
tum nihil debentium odio quæritur.
Dixi ego plura ad lib. 3. verb. *fato poten-*
tia, &c.

Dubitare cogor, fato & sorte nascendi,

ut cetera, ita Principum inclinatio in hos, offensio in illos; an sit aliquid in nostris: liceatque inter abruptam contumaciam, & deforme obsequium pergere iter ambitione & periculis vacuum.] Alibi Tacitus sine dubitatione ait, posse etiam sub malis Principibus magnos viros esse: obsequiumque ac modestiam, si industria & vigor adsint, eò laudis excedere, quo plerique per abrupta, sed in nullum Reip. usum ambitiosâ morte inclaruerunt (*Tacit. in Agric.*) Alius fortunæ tribuit ad gratiam Principis quosdam provehere; plerumque autem prudentiæ esse in ea felicitate positos posse servare nam ut fortuna suâ sponte non paucos Principibus conciliat: ita multos artificio & calliditate destitutos de tanto fastigio excidere. Ergo arbitror, aulicum non tantum suis consiliis, suæque prudentiæ tribuere debere, ut nihil sibi invium putet; nec vicissim ita negligentem esse, ut omnia fortî credat. Cogitet aulam navigationem esse, in
qua

qua etsi industria & ars nautica plurimum valet, tamen interdum tam insana tempestas maria exercet, ut omne nautarum consilium pervertat, artemque iis, omnem eripiat. Sæpè tranquillo mari.

-- cum pluvium detergit cantibus
Australum

Cymothoe, & petit virides in rupe capillos

habilis & in tempestates comparata navis, quæque sæpe maris sævitiam pertulerat, quodam infortunio mergitur; sæpè etiam laceratum navigium.

Nec sevi patiens borea, cum turbidus ille

Stridet, & alternis medium sese obruit undis

vel media hyeme evasit in tutum.

In animo revolvente iras, etiamsi impetus offensionis languerat. memoria valebat]
dixi ad lib. 3. verb. sibi tamen ad. er. sue. um &c.

Iussa principis magis, quàm incerta bellum

li metuens.] Ministrum Principis; negotia, non ut ipse melius putat, sed ut iussit Princeps, expedire æquum est. Una actionum suarum cynosura esse debet, domini voluntas. Vix igitur ex fidelis ministri officio egit Vastius, ad quem cum Vincentius Fidelis à Senatus Veneti secretis accessisset, ut an quæ de apparatu Hispanorum in Turcicum bellum spargebantur, vera essent expiscaretur; ille se, deposita ministri Cæsarei persona, Venetis suadere dixit, ut rebus suis prospiciant, nihil enim, quod in tantissimi belli usus necessariū esset, provisum. (*Andr. Maurocen. 4. histor.*) Interdum tamen, ubi Principum iussa parum honesta erunt, potius erit honestum, quā voluntatem Principis respicere. Quemadmodum Papinianus fratricidium Caracallæ excusare noluit. Antonius Cardinalis Pratenſis foederi à Francisco I. Galliarum Rege cum Turcis inito, & Murcurinus Cattinara transactioni cum Francisco Rege, jubente

AD CORN. TAC. LIB. IV 599
te Caralo Cæsare, subscribere recusarunt.

Negatus honor gloriam intendit] notavi ad finem lib. 3.

Exprobraverat, suum tantum studium &c.] v. quæ dixi ad lib. 3. verb. *fato potentia &c.*

Delatores, genus hominum &c.] quæ latè scripsi ad lib. 1. verb. *Granum Marcellum &c.*

Princeps proferendi imperii incuriosus erat.] Non ignaviâ credo, sed consilio, & quia Augustus Imper. breviario, quod sua manu scriptum Tiberio reliquerat, consilium addiderat, *coercendi intra terminos imperii.* (*Tac. 1. annal. v. Thō. Dempst. lib. 2. apparatus ad hist. Scotic.*) Ego ad lib. 1. exposui causam, quæ Augustum ad hoc consiliū movere potuit. Et generaliter verū est, magnorum imperiorum non semper optandam esse conditionem. Sunt, quæ mediocris potentix regna magis cōmendunt. Primū enim superba illa imperii moles plerūque

I.

que vanam sui confidentiam affert, & inde securitatem hostiumque contemptum; certissimè futuræ ruinæ signa, imò causas. Qui non magis sperandi, quàm timendi causas habent, acriter rebus suis invigilant; qui magnitudinis solâ opinione tutos se arbitrantur, per ocium & ignaviam hebescent. Ecce! Darius tanti imperii Rex, Alexandrum puerum vocabat; & ferulâ illum castigare volebat, ipse deinde, ab hoc puero regno exutus. Deinde magnam potentiam odium & invidia vicinorum comitatur. Etiam disjuncti inter se coeunt, capeffuntque consilia, quibus suis rebus formidabilem fortunam evertant. Carolus V. post tot victorias, post, ut ipse rebatur, victam & exutam omnî potentia Germaniam, plures sibi hostes concitavit. Hispaniæ Regum hodie adeò suspecta omnibus magnitudo est, ut, ubi primùm ab illis scribi miles coeperit, omnes sibi strui insidias arbitrentur. Nam potentia Regis, & genti inna-

ta ambitio, & affectati orbis terrarum imperii opinio etiam inania credibilia faciunt. Inde scœdera, inde mutuæ pro tuenda communi salute conventiones; & plura in arcano, quàm publicè pacta. Quæ res omnia Hispanis difficilia facit. Adeòque prudentium iudicio summum nunc est ubi consistit Hispana potentia, & monarchiæ illius velut solstitium. Sed nunc hæc transmittō; plura dicturus ad librum 6. Redeo ad magna imperia; quæ plerumque mole quoque sua laborant, ingentibus spaciis terrarum, & populorum varietate diffusa. Cùm enim ad civium salutem imperium attendere debeat: quomodo unius ingenium tot gentium incolumitatem tueri poterit? Nimirum, dicet aliquis, amici Principum sunt, in quos partem curarum transferant domini, qui longiùs remotorum populorum saluti invigilent. Benè id quidem, si illi tales non suas potius cupiditates, suam auri argentique sitim extinguere vel-

III.

lent; quàm aut Principis famam, aut gentium bonum curare. Vos mihi testes, Neapolis & Mediolanum. Proreges, Præsidesque vestri non sibi apud vos regnum minus in ampliori Hispanico constituunt? non tradimini illis in certissimam servitutem? non tributis & vectigalibus exhaurimini quam favissimè? Mitto vetera. Anno cLo lxxvii. Comes Fontanus Mediolanensibus militem immisit: in quem alendum sola urbs singulis diebus septem millia Philippicorum solvebat. Cumque ea de re cives ad Regem conquestum misissent, obtinuissentque ad Fontanum de dimittendo milite mandatum; ille nihil motus, absentes non intelligere præsentium rerum statum, respondit. Hæc audient isti homines penè in oculis suis Regis: quid non faciant Præsecti apud Indos, novique Orbis incolas; qui Regem suum, cùm videre nunquam possint, credere tantum coguntur,

AD CORN. TAC. LIB. IV. 603
tur. In orbe terrarum penè alio, in
potestate tam libera, in gente servitu-
ti assveta quale ipsorum imperium esse
putamus? maximè quia certissimâ cum
impunitate peccant; non secuturis è
provincia, qui eos repetundarum ar-
guant. Hadrianus igitur ut malis oc-
curreret, quæ ex Imperatoris absen-
tia in provinciis nascantur, omne vi-
tæ & imperii sui tempus in perpetuis
peregrinationibus consumpsit: restrin-
xitque imperium in Oriente, Euphra-
tem pro limite constituens, & in liber-
tatem ulteriores omnes populos remit-
tens. Sed nullus Principum est, qui re-
lictâ regia sua, cum Hadriano perpetui
itineris laborem, & Scythicas pati prui-
nas velit. Alius magni imperii defectus
est, quod cum de majoribus negotiis ad
Principem referri necesse sit; non nisi
post longum tempus nuncii cum respon-
sis redire possint, & ita ex distantibus ter-
rarum spaciis consilia post res afferantur.
(Tacit. 3. hist. Optandum igitur esset,

IV.

Camelos imitarentur Principes: quos ajunt onera recepturos sponte in genua subsidere, nec exsurgere priusquam injectum illis fuerit, quantum ferre possunt: graviora viribus non recipere, sed antè, quam illa sibi imponantur, in pedes surgere, & nec jussos abire. Porro fieri quoque solet ut mediocres principatus maximis imperiis, viris, opibus, potentia haut rarò nihil concedant. Xenophon. (*lib. I. de exped. Cyri min.*) Persarum regnum, quamvis provinciarum amplitudine, & hominum numero maximum, tamen ob itinerum immania spacia, & quod copiarum militares hinc inde divulsæ sint, infirmum atque imbecillum pronunciat. Et nostri sapientes Galliarum Regem expeditis viribus Hispano potiore affirmant. Nam & sterilitate homines, & inde solitudine præcipua regna damnata sunt. Membra quoque tam vasti corporis nimium distracta: quæ quamvis Genuensium patronatu, & affinita-

tecum Allobrogum Principe inita jungere Reges Hispaniæ tentaverint ; tamen quòd nos iisdem finibus utantur Allobrox & Genuenses , quibus Hispani , frustrà hætenus illa consilia fuerunt.

Denique cùm in rebus humanis nihil perpetuum sit , fit ut cùm illæ eò progressæ sunt , unde ultrà non possunt ; necessariò iterum labantur , atque decrescant. Virtus quietem parat , quies otium ; otium porrò luxum generat , luxus interitum. Et si nulla alia causa sit , naturâ ita comparatum est , ut quod cœpit finiat. Ut cætera ita resp. & regna nascuntur , crescunt , florent , decrescunt , moriuntur : & sicut ex ferro rubigo , ex ligno teredines gignuntur : ita rebus pub. naturæ lex posita est , ex se ipsis gignere , quæ eas aliquando convertent aut evertent. Ut verè in hypomnesibus Guicciardinus dicat , nō esse infelicē eā civitatem , quæ cùm multa secula floruit , de dignitate sua dejicitur , nec e-

VI.

nim infelicitatem esse, subjici legi naturæ.

Nunc magnam potentiam mortalem esse etiam exemplis ostendemus. Alexandri Magni furiosa ambitio Macedoniæ Græciæque imperio non contenta, sceptrâ Persicâ legitimo Regi excussa sibi asseruit, Indos devicit. Afris jugi sui minas intentavit, imperium denique usque quò rerum natura diffunditur, proferre concupivit. At ille Alexander in ætatis flore, in medio rerum suarum cursu extinctus, regnum reliquit in compositum, hoc est, matri, uxori, liberis peniciem; & amicis eorumque stirpi perpetuam digladiandi, & inuistatis sceleribus in se invicem sæviendi materiam. Alexandro in omni historia similiorem non invenio, quàm Temirlancum Scytharum Regem, qui infinito cum exercitu, non tam jure regio, quàm prædonis more longinquis itineribus percurfando, quæ obtineri nequibant omne imperium cum vitâ amisit,

non

nō dissimilis illis hominibus, qui nimum ingerentes ventriculo, vomitu remetiuntur, quod cōcoquere nequeunt.

Roma modicis rebus virorum virtutumque feracissima fuit, Sed ubi subactō orbe, & amalis urbibus regibusque excisis securas opes concupiscere vacuum fuit; prima inter patres plebemque certamina exarsere. Modō turbulenti tribuni, modō Consules prevalidi, & in urbe ac foro tentamenta civilium bellorum mox ē plebe infima C. Marius, & nobilium savissimus L. Sulla, victam armis libertatem in dominationem verterunt. Post quos Cn. Pompejus occultior non melior? & nunquam postea nisi de principatu quaesitū. (Tacit. II. hist.)

In stuporem rapimur, si virorum præstantiam intuemur, quos primi Id. urbis anni ediderunt; si virtutis excellentiam, si pietatem, si justitiam, continentiam, libertatis studium ingens & amorem consideremus. Nimirum cum illis gentibus adhuc luctabatur populus Romanus, quæ nihil ex transmarinis

moribus in urbem invehere poterant. At postquam auratum esse Capitolium cœpit, & luxus in urbem transiit, atque piscis pluris veniit, quàm bos: illicò evanuit virtus in theatris, emarcuit in Luculli villis & hortis, suffocata est Messalæ piscinis, postremò extincta otio ac voluptatibus. Ut pronum fuerit atque expeditum Vandalis, Gothis, Herulis, aliisque barbaris, Romanas sibi vindicare provincias, atq; adeò Romam ipsam capere, diripere, incendere. Somniabant quidem Romani *æternam urbem*, & imperium; pro æternitate Urbis vota nuncupantes, ludos edentes, victimas cædentes: sed frustrà fuerunt. Cùm enim tempus fati destinatum advenisset: ex obscuro quodam angulo orbis terrarum, ubi vastitas feris tantùm habitata bestiis putabatur, uno ferè momento inusitatum antehac hominum genus ruens ut turbo montibus celsis (Ammiani Marcellini verba sunt libro primo & tricesimo) prorupit

pittanto numero, ut totum terrarum orbem implere posse videretur. Tum statim à Gothis ablata Romanis omnis ferè Græcia, insuper Italia atque Hispania, à Bulgaris Dacia atque Mysia, à Vandalis tota Africa, à Francis Germania & Gallia, à Saxonibus Britannia, à Slavis Sarmatia, Illyricum: nec multò post à Saracenis Ægyptus, Arabia, Syria, Chaldæa; à Tartaris Armenia, Hircania, Colchis, & quicquid ad mare Caspium & Hircanum interjacet; à Turcis universa minor Asia, cum Capadocia, Ponto, Bithynia & reliquis ad Persarum usque terminos Asiæ provinciis; à Persis quicquid in Indiam usque porrigitur. &c.

Cunctas nationes & urbes populus aut primores, aut singuli regunt.] Ab omnibus vulgare agitur argumentum, ecquod inter homines optimum sit imperii genus. Quadisputatione aliud nihil hætenus profectum est, quàm quòd claruit inde, nullam omnibus

numeris absolutam potuisse fingi Rem-
pub. & ubique esse, quæ omnium sub
sole rerum imperfectionem arguant.
Credo Numinis sapientiam esse, quæ
non esse nobis hic permanentem civitatem,
ostendere vult. Alia nobis patria est. In-
terim in terris peregrinantibus *id cuiq;*
genus imperii carissimum esse debet, sub
quo est genitus.

Si evenit, haut diuturna esse potest.]

Nulla mixtio tam perfecta esse potest,
cujus aliqua pars non denique reliquas
exsuperet, inque suam naturam trahat.

*Ut olim plebe valida, vel cum patres pol-
lerent, noscenda vulgi natura, & quibus
modis temperanter haberetur; senatusque
& optimatum ingenia, qui maximè per-
didicerant, callidi temporum, & sapi-
entes credebantur; sic converso statu, neque
alia rerum, quam si unus imperitet, hac
conquiri, tradique in rem fuerit.]* In Re-
pub. viventibus exploranda vulgi aut
Optimatum natura, quibusque studiis
aut artibus capiantur. Tum aptandus a-
nimus

AD CORN. TAC. LIB. IV 611
nimus ad ea , quibus probari civitati
possumus. Leges, jura , immunitates i-
gnorari nō debent. Tum quibus initiis
fundata civitas sit ; quibus artibus cre-
verit, floreatq; : aut ex diverso, quā in re
ab antiquis institutis recesserit : quæ in-
teritum afferre possint ; qui Cæsares, qui
Catones in ea sint ; publicæ an privatæ
divitiæ prævaleant ; suis civibus armo-
rum imperium committat , an externis
ducibus utatur ; denique quibus maxi-
mè artibus libertatem teneat. Qui verò
Regibus nascendi conditione obnoxii
sunt, quæ bonorum malorumque Prin-
cipum artes sint, scire debent ; quibus
modis habeantur, qui unius familiæ ve-
luti hereditas sunt, quibus item, qui sui
muneris regna faciunt. Sciendum item
est , quibus artibus teneantur gentes,
velut nata mancipia domini arbitrium
simplicius expectantes, quib⁹ ex diver-
so populi nec totam libertatem , nec
totam servitutem patientes. Præterea
quā calliditate civium nec sentientium

immunitates, & antiquas prærogativas minuunt Principes; quis Regum suo ingenio utentium genius; quæque illorum natura, qui aliis se & regni administrationem tradiderunt; quæ fœderum, affinitatum, & amicitiae inter regnantes conditio. Postremò aulam penitus noscere, Procerum, cæterorumque hominum ibi opes, famam, honorem quærentium studia, delatorum scelus, veneficia, adulteria, & cætera dominationis flagitiosissima instrumenta, denique omnem bonarum malarumque artium disciplinam non in usum sed cautionem didicisse necessarium erit. Nunc velim considerent qui *disputando* Politicam discunt, ecquid ipsi harum rerum sciant. Sed scilicet exterorum hæc sunt artificia nihil ad Germanorum Rempubl. pertinentia. Nobis *Auream Bullam* Caroli IV. interpretari, docere & discere satis est. Quasi verò non iidem, qui hæc dicunt, imminui jura & privilegia, pessumdari

aureæ

aureæ bullæ sanctiones, Hispanos orbis imperium affectare, peregrinis artibus nobiscum agi, conquerantur. Ecce igitur, quibus sophismatis subvertantur leges, auferanturque immunitates, quibus artibus Hispani ad Catholicum regnum grassentur, quæ denique externæ technæ sint, quibus petimur, discere nolunt? Diogenem in dolio diceret, qui ibi inclusus, quid reliquus orbis ageret, non curabat.

Spreta exolefcunt, &c.] v. notas ad lib. I. verb. immotum aduersas &c.

Libros per adiles cremandos censuere patres, sed manserunt occultati & editi.]

Multò minùs hodiè præfenti potentia extingui poterit fequentis ævi memoria. Nam & typographiæ beneficio in plures libri fparguntur; nec prohibitio ultra prohibentis territorium extenditur. Nulli funt Romani, qui Orbi dominantur. Ergò quod in Italia fcribi non poterit, in Germania poterit, & quod ibi non licebit, Galli edent &c. Ex quo

quo tamen non sequitur, impios, aut improbos notæve obscœnitatis libros non prohibendos. Quamvis enim verum sit, ejusmodi scripta plerumque avidè conquiri lectitariq;, donec cum periculo parantur; *mox licentiam habendi oblivionem afferre: (Tacit. 14. Annal.)* tamen quidam ignoratione libri, alii metu, plurimi emendi difficultate ista vetita negligent. Ita quidam librum nescient, quidā legere nolent, quidam non poterunt.

Leves, ignobiles panis adficiebantur.]
Minuta sacrilegia puniuntur, & magna triumphis feruntur. (*Sen. Ep. 87.*) Muscarum parvæ telis aranearum pendent; vespæ perrumpunt.

Validus alioqui spernendis honoribus.]
Non unum est in hac historia modestiæ Tiberii documentum. Atqui is mundi dominus erat. Hodie quorundam tanta dementia est, tantaq; vanitas, ut titulos patrimoniiis emant; titulos splendidos illos quidem, & famosos, sed
omni

omnire vacuos; quique non ad aliud utiles sunt quàm ut quod ex patrimonio reliquum est devorent. Ventum est, in Italia maximè & Hispania, eò ineptiarum, ut cùm ejusmodi par negotiorum aut officii causa congressum parant, priùs nunciis hinc inde commercantibus de mutuis titulis & ceremoniis, quibus utantur invicem, convenient.

O curas hominum! ô quantum est in rebus inane!

Vanesce Augusti honor, si promiscuis adulationibus vulgatur.] Præcipuum vulgatorum horum exemplum sunt equestrium ordinum nomina: quæ olim virtutis præmium, nunc promiscuè etiam indignissimo cuique conferuntur. Ut quidam inde S. Michaëlis in Gallia Ordinem non ampliùs virtutis signum, sed omnium bestiarum monile dixerit.

Satis superque memoria mea tribuent, &c.] Egregia verba, & auro signandâ! Summa est, unum insatiabiliter parandum, prosperâ sui memoriâ: quod duplici

plici consequimur viâ; virtutum famâ ,
 & externis monumentis : quales statuæ
 sunt, effigies & similia. Virtutum recor-
 datio etiam sine pictura aut sculptura
 in hominum animis vivit. Quæ saxo
 struuntur , si iudicium posterorum in
 odium vertit, pro sepulcris spernuntur.
 Falluntur ergò , quí virtute destituti
 marmoreis molibus & mendacibus in-
 scriptionibus posteritatem falli pu-
 tant.

*Moris tunc erat etiam præsentem scri-
 pto adire.*] Atque adeò hodie idem mos
 durat: sive majestati ita consultum Prin-
 cipes putant , sive hoc modo tempus
 tanquam ad integrum consultationem
 sibi servant. An cùm à Principis facie
 neminem tristem discedere oporteat ,
 repulsæ pudorem sublevant datæ per
 intermedias personas vel per epistolâ ,
 quæ non erubescere dicitur. Sed qualis-
 cunque illa sit ratio, quæ in Principibus
 istum morem probet, in privatis non
 ferenda superbia erit. Quis non rideat
 ine-

ineptiam illius, qui cum infantem ex sacro baptismo suscipere rogaretur, scripto id à se peti jussit? Qvis sine risu, imò qvis sine indignatione Pallantem Claudii libertum audiat, nihil unquam domi, nisi nutu aut manu significasse; vel si plura demonstranda essent, scripto usum, ne vocem consociaret? (*Tac. 13. Annal.*) & tamen in universum veteres non voce, sed poppyismatis, sibilis, & expresso digitis sono famulos vocasse, raroque contulisse cum illis sermonem observat accuratissimus Laurentius Pignorius in doctissimo de ministeriis servorum commentario.

Quibus precipua rerum ad famam dirigenda] v. quæ dixi latissimè ad lib. 1. passim. & lib. 3. verb. *provenere dominationes*. Non possum aptius exemplum afferre, quàm Hispaniarum Regis. Ex quo securâ Neapolitani regni & Mediolanensis Ducatus possessione gaudet, nunquam illius rebus conducere potest, turbare Italiæ quietem. Et tamen
fu-

superioribus annis, cum inter Paulum V. Pontificem & Remp. Venetam nota Orbi dissidia vix benè quietam Italiam ad novos motus sollicitare viderentur, Philippus III. Rex, quò se Ecclesiæ defensore ostentaret, largissimè Pontifici suas opes obtulit. Nec huc usque res stetit. Mandatum Comiti Fontano, militem scriberet; Pontifici requirenti præstò esset. Scriptus miles, omnia ad bellum parata: adeoque in ista pietatis ostentamenta impensa sunt octingenta milia philippicùm, ex regiâ pecunia; præter id quod à civitatibus & oppidis Ducatus Mediolanensis depensum est. Quod quantum fuerit ex eo colligitur, quòd sola Mediolanensis civitas septē Philippicum millia in singulos dies dedit. Et tamen Regis apud Venetos Orator sanctè Senatui affirmavit, (& verum erat) Regem nolle bellum in Italia; omnia ista fieri, quò Pontifici amplissimè de Regis pietate constaret &c.

Falleris enim Sejane, si te mansurum in

AD CORN. TAC. LIB. IV. 619
*eodem ordine putas] v. quæ dixi ad lib.
I. verb. pridem invisus, tanquam ducta
&c.*

*Vt Tiberium ad vitam procul Roma
&c.]* notavi hoc artificium s. hoc lib.
verb. mox Tiberium &c.

Litterarumque magna ex parte &c.]
vide dicto loco.

*Minui sibi invidiam adempta salutan-
tium turba]* & hoc est illud præceptum:
noli facere, conservus tuus sum. de quo di-
xi ad librum tertium. Hoc modo Nico-
laus Capponus, deposita Vexilliferi
(Gonfalonierum dicunt) dignitate,
minuendæ invidiæ causa rusticatum in
villam abiit. Et Bernardus Cabrera ar-
dentissimo apud Petrum Aragoniū fa-
vore, eundem in finem monasterio se
inclusit: unde à Rege extractus, & majo-
ribus admotus honoribus, non potuit
æmulorum invidiam declinare. Horum
enim suggestionibus incitatus Rex in-
nocentissimo, nec cujusquam sceleris
comperto caput demi jussit.

Ca-

Cæsar objectam sibi adversus reos inclementiam eò pervicaciùs amplexus.] Tyranni ut faciendis sceleribus prompti, ita quæ fecerunt audiendi impatientes sunt. Nolunt corrigi, reprehendi, moneri. Referunt Hispaniæ Regem circa annum Christi clō. ccc. LVIII. tam furiosè puellam quandam deperiisse ut non modò in illius gratiam plurima rege indigna faceret, sed & suâ manu quosdam regii sanguinis illius causâ occideret; denique eidem ab omnibus regni ordinibus fidelitatem, & obsequium jurari vellet. Abominati proceres rei indignitatem, duodecim ex primariâ nobilitate viros ad Regem ablegarunt; jussos reverenter deformem amorem, causasque propter quas pelli regiæ obsequium jurare nequeant, exponere. Quod cum illi fecissent, Rex, barbâ suâ tactâ; per hanc juro, dixit, malè vos locutos. Nec alio dato responso eos dimisit. Paucis interjectis diebus, cum Hispalim venisset, XII. illos

ora-

oratores noctu in ædibus suis interfici jussit.

Ne regibus quidem parere, nisi ex libidine soluti.] Quod plerumque accidit in populis, qui immunitatibus & quadam libertatis imagine gloriantur. Indeque Boccalinus privilegia *lapidem scandali, seminarium zizaniorum* appellat: ex quâ causa omnia inter Principem & subiectos dissidia oriantur. Sanè Principatus, quò propiùs dominatum accedit, & solutam legibus potestatem, eò firmitior minusque seditionibus obnoxius esse videtur: & ex contrario pronior est in rebelliones & civilia bella, omni tyrannide pejus malum, via, ubi Optimatibus, potentia & opum suarum consciis in Regem contumacibus esse licet. Nec in Regem modò, sed & in mutuum plerumque perniciem arma sumunt, qui in magno regno parvos se Reges sciunt. Tacitus de Britannis: (*in Agric.*) *olim Regibus parebant; nunc per Principes factionibus & studiis trahuntur,*
neq

nec aliud adversus validissimas gentes pro nobis utilius, quàm quòd in commune non consulunt. Rarus duab. tribusve civitatibus ad propulsandum commune periculum conventus. Ita dum singuli pugnant, universi vincuntur. De iisdem Britannia populis, sed recentioribus, Guilielmus Neubrigenſis, ſat prudens ſcriptor, in Hiſtoria rerum Anglicarum ſui temporis ita ait : Caſtella per ſingulas provincias crebra ſurrexerant ſtudio partium; erantque in Anglia quodammodo tot Reges, quot domini caſtellarum; habentes ſinguli percuffuram proprii numiſmatis, & poteſtatem ſubditis regio more dicendi juris. Cùm itaq; ſinguli excellere quærerēt, ut quidam ſuperiorem, quidam vel parem ferre non poſſent, feralibus inter ſe inimicitiiſ diſceptantes, rapinis atque incendiis pulcherrimas regiones corruperunt. Denique Chriſtianorum Principum multitudinem exarmaſſe illorum potentiam atque auxiſſe rem Turcicam, & noſtri homines agnoſunt, (v. Th. pol. cap. 33. & 36.)

AD CORN. TAC. LIB. IV. 623
36.) & ipsi Turcæ sciunt. Cùm enim
Mahumetes Imp. vereretur, ne Occi-
dents Principes Constantinopoli à se
obsessæ auxilia submitterent; Sogam.
Bassa ei his verbis metum dempsisse di-
citur: Nosti, Domine, Italogum Princi-
pum polyarchiã facere, ut anarchi sint,
nec concordēs esse possint. Multa qui-
dem illi ratiocinantur, consultant, de-
cernunt; sed horũ nihil aut parum exe-
quũtur; & quod hodiè volunt, ejus cras
pœnitet. (*Georg. Phranzes Protovest. 3.
hist. Constant.*) Et Ibraimus Bassa in Co-
mitiis Imperii Francofortensibus dixit
se fertur: Germanorũ consilia & actio-
nes similes esse belluæ multorũ capitũ,
& pluriũ caudarum, quæ sepe transire
conaretur. & quia capitũ quodq; sibi di-
versum forame quereret; fieri, ut simul
universum corpus maneat innotũ, im-
pediaturq; quò minùs ulterius progre-
deretur. Contrà suum Imperatorẽ uni-
cipiti animali comparabat, plures habẽ-
ti caudas: quod ubi semel capite trãsiis-
set,

set, statim corpore toto atque caudis omnibus sine ullo impedimento penetraret. Barbari iudicium minimè barbarum! Nam in comitiis, quæ sarcientiæ paci publicæ & communi bono stabiliendo augendoque sacra esse debebant, quæ consiliorum sunt scissuræ & factiones: imo quæ consiliorum communium sunt effugia? Cùm jam ad portas est Hannibal, dum moventur Principes & civitates, dum delecti vocantur, dum tributa emendicantur, aliquot mensium labor est: & religiosum tamen hunc ordinem non expectant negotia; effluitque inter moras rei gerendæ occasio, aut ingruit malum, quod præsentibus poterat repelli stipendiis. Bella non auro minùs, quàm ferro geri solent. Quia autem citiùs hostis adest, quàm Imperii Proceres conveniant, desunt plerumque publicæ opes, quibus alatur domesticus miles, & ex vicinis gentibus auxilia contrahantur.

Datis

Datis mitibus responsis, dum &c.] Qui alios repentino bello adoriri, aut aliorum in se impetum remorari volūt, *pacem & concordiam speciosis & irritis nominib. jactant.* (*Tacit. l.*) & missis legatis, aut ad se missis detentis, adversarium ludificant. Nonnunquam etiam dimittuntur hostium oratores non alio cum responso, quàm secuturos mox relatu-ros responsionem: ii autem deinde aut planè non mittuntur, aut non nisi compositis necessariis rebus tardenimis expediuntur. Romanorum legati à Perseo è Macedonibus redeuntes, nullâ re magis gloriabantur, quàm decepto per induciam & spem pacis Rege. adeo enim apparatibus belli fuisse instructum, ut omnia opportuna loca præoccupari ab eo potuerint, quàm exercitus in Græciam transmitteretur. Spatio autem induciarum sumpto venturum illum nihilo paratior: Romanos omnibus rebus instructiores cœpturos bellum. (*Liv. XLII.*)

C. Cæsar Helvetios transitum petentes distulit, ad præstitutam diem redire iussos: interim aditus omnes validis præfidiis firmavit: reversis deinde transitum negavit. (*Cæs. I. de bell. Gall.*) Et Sabinus, donec exercitus in unum conduceret, datis mitibus responsis, dum Pomponius Labeo è Mœsia cum legione, rex Rhœmetalces cum auxiliis popularium veniret, Thraces elusit. (*Tac. hic.* Simile exemplum de Ptolomæo Philopatore Ægypti Rege est apud Polyb. (*lib. v.*) aliud de Emanuele Imperatore Constantinopolitano apud P. Justinianum (*II. hist. Venet.*) aliud apud Hieronymum Conestaggium (*lib. IV. de conjunct. Portug. cum reg. Castil.*) de Philippo Rege Hispaniæ, Cardinalem Riarium à Pontifice ad se missum, in itinere per præfectos suos magnifice excipiente, ludisque & spectaculorum varietate tam diu detinente, donec Alabæ Dux Lusitanæ regnum (de cujus controversa successione Pontifex sibi cogni-

cognitionem arrogabat) subegisset. Aliud de Cosmo Medicæo apud Jo. Baptistam Cinum (*lib. I. de vit. Cosm.*) Salviatum & Ridolfum Cardinales, ne noviter jacta imperii fundamenta convellerent, extra urbem per amicos detinente. Denique nostra memoria in famosissima Ostendæ obsidione Albertus Archidux hoc modo à præfidiariis delusus est. Cum enini inducias pepigissent, quasi de deditioe acturi, dum simulant colloquium, furtim V. cohortes auxiliares cum ingenti vi commeatus intromissæ sunt. Sed non debuit præteriri insignis ejusmodi Themistoclis astus, quo Lacedæmonios decepit. Post Xerxis è Græcia fugam Athenienses urbis suæ muros, quos ipsi ante diruerant, restaurare parabant. Quod cum Lacedæmonii, quibus omnia illorum consilia suspecta erant, legatis missis impedire vellent adeoque verbis vim addituri viderentur: Athenienses Themistoclis usi cōsilio, Lacedæmonios demittūt cū re-

sponso : è vestigio secuturos suos oratores, qui causam suam sociis probaturi sint. Illis abeuntibus, ipse Themistocles Spartam ablegari se jubet, aliosque sibi adjungit socios ; qui tamen non secum abirent, sed tam diu manerent, donec murum in eam altitudinem extruxissent, quæ hostium impetum repellere posset. Urgerent modò opus, nec ulli labori, sumptuive parcerent. Peraçto itinere, cum Spartam venisset, non illicò ad magistratus perrexit : sed initio causas ipse sibi pro arbitrio fingens, tandem socios se expectare dicens, miratusque nondum adesse, rem in multum tempus extraxit. Tandem cum illi quoque venissent, & Lacedæmonii interea certis nunciis comperissent, surgere Atheniensium muros, nec ullam nunciationis suæ curam haberi : Themistocles illos hortatur, ne vanis rumoribus fidem habeant : mitterent potiùs fidos ex suis homines, qui comperta cum fide referrent. Annuunt

nuunt illi, mittunt Athenas (opinione sua legatos, re autem vera pro Themistoclis salute obfides) & simul quosdam suorum Themistocles, cum arcanis mandatis, retinerent à Spartanis missos, nec antè dimitterent, quàm ille rediisset. His omnibus compositis, Themistocles ad Regem & Ephoros prodit: faterur, urbem suam muro cinctam. Postremò ille Athenas, isti spartam redeunt. (*Thucyd. 1. Justin 11.*) Hæc sophismata justè an secus usurpentur, quærere libet. Certè Alexander Magnus latrunculorum & furum solertiam esse dicebat, noctu & ex insidiis hostem adoriri: (*Q. Curt. lib. IV.*) Quod legati, Perseum Regem induciarum spe deceperant, ut dixi, magna quidem Senatorum pars probabat. Sed addit Livius, veteres moris antiqui memores novam istam sapientiam improbasse, non astu magis, quàm vera virtute bella gessisse majores. Et Tiberius Adgandestrio Principi Cattorum respon-

dit, non fraude, neque occultis, sed palam & armatum populum Romanum hostes suos ulcisci. (*Tacit. II. annal.*) Ego arbitror rectius dici, facti quæstionem esse; & principalem causam trahere hanc veluti consequentem: ut si iusta sit belli causa, iusti sint etiam hi doli: sin injusta, etiam has technas improbas pronunciem. Quidni enim summam publicæ rei quibuscumque modis salvam præstemus? Nihil turpe est, quod inimico detrimentum afferat. (*Achil. Tac. 7.*)

-- *Dolus an virtus, quis in hoste requiratur?*

Addo tamen necessariam limitationem, modò sanctum illud Fidei numen nullo scelere violetur. (*v. Thom. Dempster. lib. I. de juram. c. 2.*) Favent pietati fideique dî. Quomodo autem istiusmodi artibus fides contaminetur, equidem non video. Sunt inter Principes usitata, jure gentium probata; ut qui per illas decipitur, non de dolo hostis,

stis, & ruptâ fide (quippe quæ nulla data est) sed de suâ imprudentiâ & credulitate conqueri debeat. Omnibus scriptum est hoc monitum: *ναίφε καὶ μέμνησ' ἀπιστεῖν, ταῦτα νεῦρα τῶν φρενῶν.*
 I. vigila, & diffidere memento: sunt hi nervi prudentiæ. Tractatus ad nihil obstringit. (*Decian. lib. 2. conf. 56.*) & multa tractantur, quæ non cluduntur. (*Decian. conf. 105. 133.* Huc contenditur sæpissimè, ut per ejusmodi injectas spes & tractationes hostis securus reddatur, & negligens. Sed aliud erit dicendum, si jam pactum aliquid sit, & conventum. Tunc enim, qui contra molitur, contra datam fidem agit. Non ergò callidum Petri Aragonii factum probare possum, quod tale historici memorant. Cùm inter Carolum Andegavensem & Petrum de Sicilia regno armis decerneretur; & Carolus maritimis terrestribusq; copiis superior Insulæ immineret, Aragonius, qui Caroli superbum atq; elatum ingenium noverat,

adequestre paucorum certamen provocat, profligari posse bellum duello, longiori mole attriturum mutuas opes, regna, populos. Placuit conditio, & Burdigala, quæ tunc Britannix Regi parebat, duello lecta. Igitur cum Carolus ad præstitutum diem se stitisset, & ad occidentem usque frustra Petrum aspectasset, fero agnito errore abscessit. Vix est, ut non improba sit hæc solertia. Data enim fides erat in rem certam ad duellum, ad certamen; nec præstita. Quod autem Xenophon. (*Cyrop.*) ducem militum insidiatorem esse debere ait, & suæ mentis occultatorem, & fraudulentum, & furem, & veteratorem, & raptorem; eo, quo diximus, sano sensu accipiendum est, ne quid scil. in datam fidem peccetur. Ita enim ipse Xenophon se explicat, cum addit supradictis, operam dandam bono duci, ut cum suis paratis hostem non instructum deprehendat, cum armatis inermem, cum vigilantibus dormientem,

tem, conspectum ab se, cum illum non videret, denique ut locorum difficultatibus impeditum ipse constitutus in loco commodo adoriatur. Non igitur oportet hostes in consilium adhibere; nec armorum magis est militia quam temporum. Placet eam demum esse veram victoriam, quomodo nullum præter hominem animal vincere potest, id est, ingenii quadam solertiâ. Nam corporis robore, ursi, leones, apri, lupi dimicant: qui ut viribus superiores nobis, ita ingenio & ratione infra nos sunt. Indeque Lacedæmonii, si quando stratagemate hostem superassent, Marti bovem immolabant; sin aperto prælio, Gallum.

Ideo ladi, quia non regnaret] Jasonis apophthegma est, miserum se vocantis quod non regnaret. (*Aristot. 3. polit. 3.*) dixi ad libr. 2. verb. *caterum Tiberio hanc* &c.

Non ignarus quantum ex Rep. peteretur.] v. quæ dixi ad lib. 1. verb. *pridem invisus* &c.

D d s

Im-

*Immissis qui per speciem amicitia mone-
rent*] has aliasque callidorum æmul-
lorum artes exposui ad librū primum.

*Cū dominationem ipsam donum ejus
accepisset.*] Grande donum, & quod
non gratiam sed odium mereri potuit.
Quippe ubi impares merito se putant
Principes, destrui fortunam suam rati,
& velut exprobrantes, oculis suis ob-
versari tam invidiosos benefactores
pro gratia odium reddunt. Agrippina
Neronis mater cū ad vestem & gem-
mas dono sibi à filio missas, non his in-
strui cultus suos, sed cæteris arceri pro-
clamasset, & dividere filium, quæ cun-
cta ex ipsa haberet; minareturque itu-
rum se cum Britannico in castra, pate-
facturam nuptias, suum veneficium;
prægravis Neroni, interfecta ejus jussu
est. (*Tacit. 13. & 14. Annal.*) v. quæ dixi
ad lib. 3. verbo, *fato potentia raro &c.*

*Alibertis & clientibus adipiscenda po-
tentia properis exstimulatur.*] Magni co-
natus, & præcipitia incepta non sapi-
us

us ab ipsis Principibus, quàm ipsorum amicis, opes aut potentiam inde aucupantibus procedunt. Fridericus Comes Palatinus mitissimi ingenii Princeps semper habitus, suorum prava suggestione ad consilia sibi & Germaniæ universæ exitiosa impulsus esse dicitur. Quippe majores sibi apud Regem honores spondebant. Jam opes, potentiam, præfecturas, regiæ denique fortunam omnes spe devoraverant &c.

Traxit in partes, spe objecta principis loci] Prima calliditatis ars est, suam cuiq; spem velut hamum objicere. Animus spe occupatus non vacat pensandis periculis, aut, quæ struuntur, insidiis.

Spes implet tumidum naufragiis mare;

Spes captis onerat retia piscibus:

Hac Bellona ferox usa satellite,

Mortalem quoties solo

Fudit prodiga sanguinem;

Præferocem & insidiis magis opportunum] dixi ad lib. 2. verb. in ea divisione.

Magna post proelia saucios largitione]

notavi ad lib. 2. verb. *addit munificentiam Caesar.*

Mos vulgò fortuita ad culpam trahentes.] Burgundiones folio deturbabant Regem, sub quo fortuna belli titubasset : & Ægyptii omnes casus adsignabant rectoribus suis. (*Ammian. Marcell. 28.*) Mossynœci, si fortuna cœptis non adspirasset, reges suos totius die inediâ puniebant (*Pompon. Mela lib. I cap. 20.*) Sed non est prudentis ex eventu æstimare consilia : cùm sæpè res sapienter & maturè deliberatæ finitros exitus pessimè verò consulta bonum finem fortiantur. Sæpè stulta consilia hostium imprudentia correxit, sæpe sapienter deliberata inevitabilis factorum necessitas evertit. Qui prava consilia ex felici eventu laudant, bona ob adversam fortunam damnant, ad malè censendum homines invitare videntur; inque causa sunt, ut animi consulentibus imminuantur, ne in apertum sententiam suam liberè promere audent.

sint. Inde sapienter Carthaginenses cum ducum suorum acta recenserent, non eventum atque casus, sed consilium spectarunt: cum multos etiam qui pravo consilio feliciter rem gesserant, tanquam homines stultos, Reip. perniciosos cruci affigerent. Sed hic illud notandum venit, consiliorum quoddam genus esse specie temerarium, aut stultum, re autem vera sapienter, & intuitu hostium socordiae aut ignaviae susceptum. Cum enim non omnes homines sapientes sint, sed plures impetu abripiantur, alii defidia marcescant, quos nota pariter & occulta fallunt: audere licebit interdum, quod, si in alium susciperetur, imprudens & stultum foret. Cum quidam Ferdinandi Ducis Albani factum quoddam ut temerarium, & inexperto juvene quam veterano duce dignius familiariter reprehendisset: respondit Albanus, non negare se, fuisse anceps & aleae plenum factum: sed fiduciam prosperi successus sibi fecisse
hostes:

hostes rei militaris planè imperitos.
(Conestagg. 6. de conjunct. Lusit. cum Regn. Cast.)

Nullò mirante, quòd diu egens, & parto nuper pramio malè usus plura ad flagitia accingeretur.] Quod fieri necesse est, ubi delatores, genus hominum publico exitio repertum & pœnis quidem nunquam satis coërcitum per præmia illicitiuntur. Delatores qui non castigat, irritat. *(Domitiani dictum apud Suet. in Domit. c. x.)*

Quibus additus miles &c. relatus est hic locus ad lib. i. verb. *Granium Marcellum &c.*

Compositum inter ipsos] iste tragœdiæ ordo explicatus ad lib. i. verb. *Granium &c.*

Veteres & pragraues adstitit.] retuli ad lib. i. verb. *neque imperasse se,* & lib. 3. verb. *fato potentia rarò sempiterna.* & verb. *audire me memini &c.*

Misericordiam erga afflictos] notavi ad libr. 3. verb. *& cum accusatores &c.*

Pa-

Pacem exuere; nostra magis avaritia, quàm obsequii impatientes.] Gravissimè Deum offendi, acerbissimis tributorū exactionibus, adeò clarum est, ut nulla egeat demonstratione. De Eduardo Angliæ Rege Polydorus Virgilius in Historia Anglica refert, cùm ingentem auri vim ex tributis redactam ad se afferri jussisset, vidisse malum dæmonem fœdissimâ specie pecuniis insidentem: eoque spectaculo territum pium Regem præcepisse, suum cuique reddi. Sed & contra naturæ rationem inhumanitate ista, ne quid sævius dicam, peccatur. Principatus conditos scimus, ut vi sublata, quæ omnia ad potentiores traherat, ex naturæ & rationis imperio agerentur res humanæ. Quid autem ad naturam magis accedit, quàm ut quisq; partis industriâ suâ aut amicorum liberalitate opibus fruatur? Quid rationi civili cōmodius, quàm ut intelligamus, quid nostrum, quidve apud nos fisci sit. Atqui Princeps, qui legitimè collatas pecuni-

cunias, aut ipse per luxum profundit, aut avaris hominibus committit, & inde novas sustinendi militem rationes excogitare necesse habet, facit, ne sciant cives, quantum ex domesticis opibus Regi, quantum sibi jura attribuant. Qui enim id sciant, cum non hoc suum ac legis quidem arbitrium sit, sed Principis duntaxat unius; cumque tributo semel exacto adhuc ipsi simpliciter suis bonis non gaudeant, quæ aliis scilicet Regis edictis possunt rursus delibari? Porro quæ adversus Deum & naturam peccat rapacitas, etiam inter homines non usquequaque felix esse solet: quod historis, quas deinde afferemus, clarum fiet. Quod enim quidam egestatem civium dominantis securitatem esse existimant; falluntur illi profecto. Paupertas quippe & egestatis fastidium non abjectos homines facit & injuriarum patientes; sed quia afflicta ipsorum fides est in pace, & unica spes in turbatis rebus, novarum rerum extreme

tremè cupidos: ut nihil sit tam difficile, tamque anceps, quod illi non audeant. Semper compertum est egentissimum quemque esse audacissimum; & non raro in desperationem abire paupertatem: eam maximè, quæ neque terræ hiatu, neque aquarum inundatione, neque naufragii damno, neque hominum insidiis, aut denique negotiationum casibus, sed crudeli illorum Principum avaritiâ contingit, qui non tondendo gregem suum, sed excoriando & deglubendo opulentos se evasuros pastores stolidè credunt. Qui hodiè nocere non poterunt, fortasse cras poterunt. Tempus & mille nunquam cogitati casus occasiones afferunt, quibus non potens modò inimicus, sed debilis & contemptus, & qui nunquam fortasse juvare potuit, possit in perniciem ultimam nocere. *Non tam omnibus fortunis nudari quis potest, ut non ad vindictam ei cultellus remaneas. Prius necis paternæ, quam ablati patrimonii obliviscuntur homines.*

mines. Metus & terror infirma vincula caritatis sunt; quæ ubi removeris, *qui timere desierunt, odisse incipient.* (*Tacit. in Agric.*) Non igitur immane latrocinium & atrocissimum hoc furti genus probare nobis possunt, qui politicum præceptum tradunt; premendos ferocientes, & regnantibus periculosos civium spiritus; adimenda ea, ad quæ, si respexerint, superbia & opum conscientia obsequium excutere possint. & ut Italorum proverbium est, *bona subjectis populis sensim, & quasi guttatim instillanda mala simul & semel ingerenda.* In magnates ea cautio valeat; illis honores, opesque, ne majora quàm par est, concupiscant parce distribuant. Plebes eo nos metu liberat; quæ vilis humi serpit, & animo prædita est nunquam assurgente sublimibus consiliis, & cogitationum magnitudine.

-- *Satis est populis fluviusque Ceresque.*

(*Lucan. IV.*)

Vul-

AD CORN. TAC. LIB. IV. 643

Vulgo una ex Rep. annona cura. (Tac. IV. hist.) Lucan. 3. de Cæsare.

*Gnarus & irarum causas, & summa
favoris*

Annonâ momenta trahi &c.

Nihil à principe requirit vulgus, quàm panem & frumentum in foro. Cererem & Bacchum & Ocii dulcedinem innocentia stupiditate colit; & rarò in alios, quam qui ad hæc numina sua avaras manus porrexerant, exarsisse legitur; eaq; bona sua pertinacius defendit, aut it recuperatû, quia sola æstimat, & horum intuitu omnium aliorum obliviscitur. Romana plebs sub pessimis & crudelissimis Imperatoribus, & Florentini trucidato per insidias Alexandro Duce nullam status mutationem expetebant. Quippe annonam vilem fuisse satis erat ad amandos istos principes. Hebræus populus etsi in Ægypto gravissimam serviret servitutem, à Pharaonis ministris continuis laboribus ita pressus, ut vix respirandi haberet facultatē, in victus
tamen

tamen & rerum necessariarum abundantia facile oblitus est libertatis. Postquam verò stupendis omnipotentis Dei miraculis & Potentia ineffabili velut manumissi Palæstinam versus per loca omni solitudine vasta iter facerent, & initio panis, mox aqua denique carnes deficerent; non semel durissimum servitutis jugum, & *ollas Ægyptias* optare sustinuerunt. Romani, quo Gallos recens domitos quietos tenerent, non efficacius ullum existimabant remedium, quam omnes ditescendi præbere eis occasiones. Quæ res tam feliciter illis cessit, ut de populis illis, qui bellicosissimi olim fuerant, Tacitus (*in Agric.*) veluti de re, in quâ præter famam nihil duraverit, *Gallos quoque olim in bellis floruisse* dicat. Ex quo apparet, segnitiam cum otio intrasse, & opum atque divitiarum, quas collegerant Galli, ingentem vim enervasse illum tam armipotentem olim populum: ut Taciti tempore penè fabulæ simile

fue-

fuerit, Gallos aliquando bellicosos fu-
 iſſe. Quemadmodum urſi, leones, alia-
 que morſu & unguibꝯ nocentia ani-
 malia deponunt inſitam feritatem erga
 paſcentem, parent imperanti, blandi-
 untur: ita nulla re manſveſcunt homi-
 nes meliore fide, quàm ſi opibus per
 induſtriam partis Principis beneficio
 frui poſſint. Inde ſævitiam annonæ in-
 cuſante plebe Romana Tiberius ſtatu-
 it frumento pretium, quod emptor
 penderet, binosque numos ſe additu-
 rum negotiatoribus in ſingulos modi-
 os. (*Tac. 2. annal.*) Veſpaſiano & Aure-
 liano Imperatoribus volupe fuiſſe di-
 citur, paſcere populum. Ethic quidem,
 quò vilior eſſet annona, libræ unci-
 am addidit: ille architecto rationem
 monſtranti, qua prægrandes columnæ
 exiguis impenſis & paucorum homi-
 num operis in Capitolium duci poſ-
 ſent; placere quidem ſibi inventum, re-
 ſpondit; ſed ſineret ſe populum paſce-
 re. Quò pertinet ſanctiſſimum cujuſ-
 dam

dam & pientissimum consilium; famę
populos urgente, Principem ditioribus
tributum indicere debere ad pauperum
sustentationem, eamque pecuniam, vel
eâ coemptum frumentum postmodum
pauperibus suo nomine distribuere.
Carolus Flandriæ Comes Tamardum
è gratiosissimis aulicis alendis è fisco e-
gentibus præfecit: ipse cum loculis in
vulgus prodibat, circum templa obam-
bulans, stipemque sua manu mendi-
cis promens. Dardaniorum, eorumq;
qui annonam flagellabant, & clausis
horreis frumentum supprimebant, ne-
quitiam compressit, apertis conditori-
is, triticoq; in egenos distributo. Qua
popularitate adeò carus subjectis fuit,
ut cæsi à sceleratis hominibus corpus
pro se quisq; tanquam sanctas reliqui-
as venerarentur, osculaque ferrent; de-
nique aliquid capillorum, barbæque
atque adeo ungvium & vestimentorū,
domestica religione asservarent, cole-
rentq;. (P. *Æmil.* v. *de reb. gest. Franc.*)

Satis igitur constare arbitror, falli Principes, qui à pecuniâ ditibus sibi periculum, ab exhaustis, & excarnificatis securitatem promittunt. Quia tamen *pauci prudentiâ honesta ab deterioribus, utilia ab noxiis discernunt; plures aliorum eventis docentur: Tacit. s. hoc lib.*) ego quoque exemplis, quod dictum hæcenus, adstruam. Carthaginenses superbè & avariter Africanis imperitabant; mediam fructuum partem auferentes, tributa duplicantes, & solùm probantes ministros & præfectos, non qui clementer benigneque populos tractassent, sed qui grandem ærario pecuniam per fas nefasque corrasam intulissent. Quibus rebus factum est, ut pleræque civitates seditiosis militibus postea accederent. (*Polyb. I.*) Ob eandem causâ ab illis Hispani quoq; defecerunt: (*Polyb. II.*) & ab Atheniensibus post cladē in Sicilia acceptam Socii. (*Thuc. 8.*) etiâ Romæ suspecto Senatus populiq; imperio ob certamina potentiû & avaritiam

tiam magistratum, fessa Resp. in unus potestatem concessit: (*Tac. I. annal.*) Et Gallis avaritia, aliis juncta causis, fatales fecit *Siculas Vesperas*: (*Leon. Aretin. III. histor. Flor.*) & Ludovico Sforzæ Mediolani Principatum abstulit. (*Guicciard. I. histor.*) In Galliis Carolo VI. Rege, rerum venalium vicesima indicta erat. Id onus urbes detrectabant. Contrà regii ministri nitebantur. Cùm igitur Parisiis in foro olitorio femina quædam nasturtium venum exposuisset, coactor Regius obulum postulat; muliercula ad astantium virorū auxilium provocat. Concurso facto exactor à turba oppressus, obtritusque est. Inermis plebs ad ædes publicas impetufertur. dejectis foribus arma telaque corripunt: exactores, redemptoresque, quoscumque urbem pervagati deprehendere poterant, plumbeis malis confecerunt (*P. Æmil. 9.*) Pisani olim à Florentinis, quod omne negotiandi genus ipsis interdiceretur & artes,

præ-

præter manuarías , omnes exercere prohiberentur , defecerunt : nec nisi post multos annos , & immensos Florentinorum sumptus subigi potuerunt. (*Guicciard. 11.*) Hispanis Mediolani occupationem facilem fecit populorum ingens erga Gallicum nomen odium : qui à militibus gravia & intoleranda perpeffi , cum neque Rex ob pecuniæ inopiam satis provideret , neque præfecti obfisterent , incredibilis , quo Regem profequebantur , ftudii & benevolentia obliiti omnia furfum deorfumque volvi miferique cupiebant. (*Andr. Maurocen. 1. hift. Ven.*) Eadem tributorum acerbitas Gandavi in Flandria (*Maurocen. 4. hift. Ven.*) & abfente Carolo Cæfare in Hispania *Guicciard. 13.*) periculofiffimam feditionem concitavit : & Clementi VII. Pontifici tantum odium fecit , ut cum Borbonius cum hoftili exercitu ad urbem contenderet , & Pontifex cives ad conferendas pecunias hortaretur ; cæteris abnu-

Ee enti-

entibus Dominicus Maximus Romanorum ditissimus centum aureos nummos mutuò se daturum promitteret. (*Gruic. 18.*) Gotricus Danie Rex, (Gothofredum Germani & Itali vocant,) cùm Frisios oppressâ libertate, fortunis cunctis ablatis in turpem miseramque fortunam adegisset; tributum quoque annum injunxit: quod maximè fecit, ut servitus illa diuturna non esset. Edificium, cujus longitudo erat CCXL. pedum, duodecim paribus spaciis maceriâ diremptis distinctum struxit; ad cujus caput Quæstor, cùm tributum pendendum erat, confidere jussus est. Ad finem verò clypeus. concavus ex ære locatus, in quem singuli Frisiorum tributum soluturi numum conjiciebant: cujus cadentis sonum si Quæstor ex longo intervallo exaudiret, in solutum cedebat sin minus; regio quidem fisco ille accrescebat, sed qui jecerat, alium atque alium majoris ponderis eodem conjicere cogebatur, donec tinnitus

Quæ-

Quæstoris aures feriret. Addūt alii, auri & argenti usu omni in corporis cultu vetito ad vimineos torques, similiaque servitutis extremæ argumenta eos latâ lege redegisse; præfectum dedisse, qui in servili obsequio & operis miseros detineret; ostium in ædius ad Septentrionē unū habere jussisse, humiliter quàm pro statura corporum: cū, ut jugum quotidie turpiter subire, tum ut exituri inflexo toto corpore regem Danum serviliter venerari viderentur. Quis ex novæ sapientiæ doctoribus non diceret, benè provisū ne animos tollerent Frisii, omnia ad infringēdos spiritus instituta erant. Sed iidem erectis talibus injuriis ad libertatē animis, cū arma raptim undiqvæ collegissent, Danorum præsidia passim oppresserūt, aut finibus suis ejecerunt. (*Vbbo Emm. v. hist. Fris.*) Quod exemplū eò notabilius est, quia Tacitus hīc eosdē Frisios eandē ob causam ad irā & quæstus, & postquā nō subveniebatur, ad bellū venisse refert. Nūc

alia addo. Imperâte Valêtiniano (place
 novis vetera interferere) multiplicata
 per Pannonias vectigalium augmenta
 Optimates ultimorum metu exagitatos
 compulerunt mutare sedes, & trans
 mare abire: & flagitantium ministro-
 rum amaritudine quidam oppressi, cùm
 non suppeteret, quod darent, erant
 perpetui carcerum inquilini: è quibus
 aliquos, cùm vitæ jam tæderet & lucis,
 optata suspendiorum remedia consum-
 pserunt. Quibus populorum excoriati-
 onibus nudatum esse hostibus Panno-
 niæ latus scribit Amnian. Marcell. libro
 tricesimo. Guilielmus Auraici Prin-
 ceptis, quærentibus quâ spe contra po-
 tentissimum Hispaniarum Regem ipse
 omnium rerum egens, patriâ extorris,
 bellum ciceret? respondit: Hispanorum
 avaritiam & crudelitatem duas sibi fo-
 re portas aditum daturas in Belgium.
 Denique cum superiori seculo à Fon-
 tano Comite & Hispanis Cameracum
 obsidione cingeretur, & jam Fontanus

autumnali intemperie attritò exercitu
 de receptu cogitaret, nihil illi ad urbis
 occupationem magis profuit quàm ci-
 vium in Balagnium, qui se nuper Ca-
 meracensem Regulum appellari à Gal-
 liæ Rege impetraverat, odium. Exaspe-
 raverat illos, quod mercibus in foro
 venalibus numisma æreum Balagnii
 jussu percussum, accipere cogerentur :
 cum pro indictionibus tributisq; non
 nisi aureum & argenteum Balagnii ex-
 actores reciperent. Exempla præter
 solitum plura attuli : ut iis receptam
 hodie quorundam opinionem confel-
 lerem quâ subjectorum inopiâ princi-
 pum securitas constare putatur. Nunc
 superest, ut, quibus artibus tributorum
 necessariorum invidia leniatur, doce-
 am. Veteres limitanea regnorum loca L
 non tam gravibus vectigalibus, atque
 ea quæ in medietate regni sunt, onera-
 runt, metu defectionis. Inde noluit Da-
 rius esse tributarios Æthiopes & Col-
 chos, quia limitares erant. Veneti ho-

II.

dieque mitius tractare putantur Bergomates, Brixienſes, Cremenſes, Mediolanenſium olim ditionis oppida. Et Neapolitani acerbius ab Hiſpanis habentur, quàm Mediolanenſes; qui cum Allobroge, Gallis, Venetis conſilia Hiſpanis pernicioſiſſima inire poſſent. Illud quoque conſilii pars eſt, non imos quæſtores exigendis à populo tributis præficere, & nec ipſi privatorum limina circumeant, nec miſſis licitoribus pignora capiant, divexentque oppidanos. Ipſorum civium ſit hoc munus; qui ex ſuo corpore eligant per quos ea pecunia cogatur humanius; inde ſingula oppida inferant ærario. Si quis enim privatus detrectet aut moretur: per aſſuetos magistratus, notosque lictores præſtat ad ſolutionem adigi; quàm inhumano faſtu quæſtorum qui cum exactoribus ſuis brevem moram interdum crudeliter vendunt; meliusque prædati nunquam ſunt, quàm cum in vexatis laribus,

ribus, & in quibus vix tantum est, quod tributo sufficiat, sibi quoque spolia illato terrore inveniunt. Est etiam cautio, ea tributi nomine exigere, quæ quibusque locis vilissima habentur. Quomodo Romani à Frisiis coria boum, (*Tac. hic.*) à Siculis frumentum, à Corsis ceram (*Alb. Gent. 3. de jur. bell. 4.*) sumebant. Præterea pi-um maximè est, tributis onerare ea magis, quæ divitum luxum instruunt, quàm quibus pauperes vitam exhibent: & sumptuarias leges ferre, earumque contemptoribus multas irrogare. Curæ ærarii & vectigalium præponendi sunt homines sanctissimi, & qui puras innocentisque manus habeant. Secus si fiat, nulla tributorum acerbitas sufficiet; & Princeps semper vacuus, ut de Erisichtonis fame pueris narramus, & erectis in futurum votis egebit. Et non inepta quorundam cautio fuit. ærarii & reddituum curam sacris hominibus mandasse. Cum

III.

IV.

V.

enim illis Pontificia constitutio matrimonia abstulerit, cur opes relinquere optarent liberis quos tollunt nullos? Præsumuntur itaque non divitiarum conquisitioni operam dare, aut cæteris mortalium curis occupari, sed pro domino, pro familia, pro posteris cœlum habere. Ita Mediolani olim in sacro ærarium erat pecuniæque plebis sequester sacerdos esse ex lege jubebatur (*Alciat. 2. hist. Mediol.*) & CIO. IOXXIV. Senis Camerlingi officium (is ærarii curam habebat) monachis concedebatur: (*Malavolt. lib. 7 hist. Sen.*) & nuper sacratissimus Dominus Imperator noster, Camera, ut vocant, Austriæ

VI. Crensmunsteranum Antistitem Præsidem dedit. Multum quoque tributorum invidiam minuet, si Princeps fundos patrimoniales suos, & quicquid in domestica ejus hæreditate est, coli jubeat, & inde redactas opes publicis vetigalibus jungat. Quam curam hodiè hæc facilior popularis pecuniæ ratio atque

atque fiducia penè evertit. Negligi enim patrimonia illa Regum tanquam angusta aut laboriosa aut denique ad privatorum sortem accedentia incipiunt; mox in gratiosos homines dividi, pignori dari, veraque aut simulatâ emptione excidere. Ita innocentissimum vivendi genus omittunt de suo vectigali, illudque tributorum instituunt prædæ proximum. Denique exactam pecuniam cum artificiosa quadam parsimonia ostentatione in publicam utilitatem erogare decet; ut videant gentes, non eam per luxum & ignaviam prodigi conviviiis, ludis, venationibus & turpissimâ in sycophantas & adulatōres liberalitate. Sed cū fiat plerumque ut malè exorta flagitiosius consumantur; perpetua necessitate tenentur Principes novis indictionibus exfugere subjectos sibi populos, & ad ea devenire, quæ sine dedecore Principum; & infamia seculi dici scribe non possunt. Inde enim prodierunt modi no-

VII

strâ aut avorum memoriâ reperti, quâ Principes carentes pecuniâ militem suum in hybernis vel præsidio retentum ex civium suorum expilatione, & vicini agri depopulatione alere solent. Nam quod Cyrus Babylonis à se devictis præsidium imposuisse, eiq; ab ipsis stipendium numerari jussisse legitur (*Xenoph. 7. Cyropæd.*) id fortassis in urbe recens captâ, & mobili, indeque suspectâ, singulari ratione probari poterit. Inde quoq; magnâ cum militiæ nostræ infamia, quâ amici ac hostes pari discrimine habentur, orta consuetudo, singulis civium ædibus unum aut plures imponere, quos illi cibo, potu, lecto, nocturno lumine & pro jumentis fœno, stramine, interdum & avena sine precio instruant. Quem morem in Italiam ex Gallia translatus Ludovici XII. temporibus Guicciardinus libro quarto & decimo tradit. Sed Joannes Baptista Pigna libro quarto Historiæ de Principibus Atestinis, Martinum Scaligerum mul-

tò ante equitū ad vclō. pace aluisse scribit, utiq; levioꝛe impendio, qv̄ia in privata hospitia distꝛibuebantur. Ut ut sit, mos illæ post ea tempora ab Hispanis tanta crudelitate atq; acerbitate in urbe Mediolanensi exercitus est, ut penè incredibile sit, qv̄od illorum temporum scriptores memorant. Milites per civium domos distꝛibuti non modò patresfamilias ad victum sibi qv̄otidiè lautum & delicatum suppeditandum, verùm etiam ad pecuniam, eaqve omnia, qv̄ibus luxui servitur, cōgebant. Quæ cū intoleranda essent; non nisi clandestinā ex urbe fugā (qv̄ippe palam non licebat, cū milites suspectos domi cum conjugibus & liberis vincirent) vitari poterant. Qvam ob rem tabernæ atqve officinæ tota urbe clausæ erant, & ubi se olim frequentia suffocabat, mœsta solitudo. Miserabilis urbi facies, & hominum nimia clade stupentium attoniti vultus. Res certè summa miseratione digna, & exemplum

inconstantis fortunæ planè singulare. Viderant homines urbem paulò antè; civium opibus, splendidissimis ædificiis, superba rerum omnium copia nobilissimam; multitudine hominum tanta, ut credi posset seminarium esse, ex quo mortales Jupiter in orbem emittit, vel quò fatis vocantibus coeunt homines. Tunc versa rerum vice innumeris partim pestilentia absumptis, partim ultimorum metu fugâ dilapsis, vacua habitatoribus ac penè deserta erat, uterque sexus incultus, sordidatus, rerum omnium egens, nullum earum artium vestigium, quibus precium luxus fecit, quarumque industria tam ingentibus urbem opibus ditaverat. Ex quo in eam desperationem civium animi lapsi sunt, ut mortem in tot malorum remedium optantes, quidam ferro, alii laqueo, nonnulli præcipitio exiisse miseras illas memorentur. Nec hæcenus in malum stetit. Savitum in absentes quorum, si vocati non comparuissent, bona publi-

publicabantur. Erat tantus proscrip-
 torum numerus, ut minuendæ mole-
 stiæ causa, quæ in scribendo erat, pro-
 scriptionum tabulas typis excudere ne-
 cesse esset. Sacra quoque templorum
 spoliabantur pecuniâ, in militum sti-
 pendia. Denique Antonius Leva mili-
 tum dux omnem civitatis annonam ad
 se contractam & in publicis locis con-
 ditam illis ipsis à quibus rapuerat, im-
 moderato pretio vendebat. His vesti-
 giis nostri Principes insistentes cum
 summa sua infamia (saltem apud bo-
 nos) atque miserabili populorum exi-
 tio bella gerunt. Nam quod temporum
 necessitate, & seculi ab antiquis longè
 diversi conditione se excusant, id verò
 vanum est. Non est, non profectò tem-
 porum vitium, quod est hominum ini-
 quitas. Decidatur aliquid ex immenso
 Regum luxu: restringatur effusa illa in-
 gratiosos & adulescentes pecuniæ publi-
 cæ profusio: coërceatur insatiabilis
 quæstorum ministrorumque avaritia,
 frau-

fraudes, dolique nunc consuetudine peccandi non excusati modò, sed pro iustis, licitisq; habitis. Nunquam deerunt pecuniæ non in militum modò stipendia, sed in magnificentiam quoque & reliqua majestatis ostentamenta. Nec adeò infelix est nostra aut superior ætas, ut nō protulerit viros Principes, qui quòd frugalitatem, & largiendi modum quendam habebant, ad exercitus sustentandos, & viros in quaque arte præstantes præmiis afficiendos, & cæteram regiam libertatem, pecuniæ satis habuerunt. Cosmus Magnus Hetruriæ Dux tenuibus⁹ novi imperii initiis, difficillimisq; temporibus, & exhaurto à prædecessore suo ærario, cum in suam Caroliq; Imperatoris rem perpetuos fecisset sumptus, tantum comparcere potuit, quantum non solvendis modò integris stipendiis, sed & præmiandæ virtuti, sufficeret. (v. *Cin. 6. de vita Cosm.*) Joannes 22. Pontifex decem & octo annis quibus sedit, 25. *milliones* conquisivit: & nuper Sixtus

tus V. cū obeliscis erigendis, ædificiis
 struendis, navibus armandis maximam
 pecuniæ vim insumpsisset, sexto Pōtifi-
 catus anno decedens paulò minus *quin-*
que millionibus reliquit. (*Scip. Amirat. ad*
lib. I. Tacit. disc. 3.)

Fastus janitorum perpetiebantur.] In-
 tolerabile, nec ipsis patronis multū ho-
 norificū est, habere janitores, à quibus
 ad dominum aditus plerumq; pretio e-
 mendus est. Et tamen id etiam veterum
 seculorum dedecus fuit; ut patet ex hoc
 loco, & pluribus Senecæ. Etiam Lucii
 Junii Moderati Columellæ verba huc
 adscribere haut absurdū fuerit: (*lib. I.*
de re rust.) *an putem fortunatius à catena-*
to repulsum janitore sapè nocte sera foribus
ingratiis adjacere, miserrimoq; famulatu
per dedecus fasciū decus, & imperiū profu-
so tamē patrimonio mercari? Nā & gratu-
ta servituti, sed donis repēditur honor. &c.

Finis Notarum politicarum in li-
 brum quartum Annalium.

C. CORNELII TACITI.
 CHRI-

CHRISTOPHORI
FORSTNERI AUSTRIINOTÆ
POLITICÆ.*Ad Librum V. Annalium.*

C. CORNELII TACITI.

CUPIDINE *forma aufert marito*] quasi concedenti, inquit Sextus Aurelius Victor in Epitome. Rarò enim alienarum uxorum attrectatio Principibus impunita fuit. Et libido pene tot Principes, quot crudelitas, perdidit. Hæc Sardanapalum imperio dejecit, Reges Roma ejecit, decemviros potestate sua spoliavit, Trojam evertit, Mauros in Hispaniam introduxit, Gallos è Sicilia ejecit. Ne igitur privatum istud flagitium, & nihil mali in Remp. infundere putemus: Non possum facere, quin referam, quod a gri Neapolitani in Austria homines ad quadragesimum ab urbe Vienna lapidem

dem

AD CORN. TAC. LIB. V. 665
dem hodieque narrant. Ajunt oīem
Principem familiariū cum uxore Ba-
ronis Pottendorffii (quæ familia extin-
cta, cæterum arx hoc nomine superest)
confuevisse, quàm aut maritus vellet,
aut tanti Principis famam deceret: &
Pottendorffium, cum Principem sæpi-
us monuisset, ut desisteret, frustra fuis-
se. Igitur dissimulato dolore, interjecto
tempore, cū Principem venantem
comitaretur, fune ad id parato equo
detractum jugulasse. Manent adhuc
non procul Neapoli in agro, qui Vien-
nâ illuc euntibus sinister est, duo fasti-
gati lapides, pyramidum instar, aliquo
intervallo ab se invicem distantes, si-
gnum spaciū, per quod à Barone Prin-
ceps, ut ab Achille Hector, aut ab Ale-
xandro Batis tractus est. Hæc ita ab il-
lius agri accolis memorantur, sine tem-
poris certa designatione. Postea ex
Cuspiniano didici, Fridericum fuisse,
cognomento bellicosum, Austriæ Du-
cem, in quo mascula primorum Au-
striæ

striae Ducum series defecit. Sunt qui-
dem qui in prælio cum Hungaris ceci-
disse affirmant; quod etiam veteres an-
nales rethris scripti velle videntur, illis
verbis:

Das ist Hertzog Fridereich

Von dez tode Osterreich

Sol immer vvainen und klagen

Vnd traurens nit Verdagen:

VVann sein leib und sein Nam

Sind noch heut ein pluender Stam.

Durch Osterfrid vvard es ir slagen

Vervvust vvard daz Lant zu den tagen.

Daz tet von Vngern Chunich VVela,

Sein Herrn gesigten an den Vngern sa.

Daz man ihr klagen sagt vveit

*Zu dem heiligen Crenz er begraben
leit.*

Ego tamen illis accedo, qui cæde jã
memorata occidisse asserunt. Argumẽ-
tum habeo id, quod dixi de pyramidi-
bus agri Neapolitani, Deinde, quòd in
cœnobio S. Crucis epitaphium Fride-
rici illius visitur laqueis aut loris se im-
pli-

plicantibus notabile. Tertiò, quod familia Pottendorffia, testante Cuspini-
 ano, ab illo tempore penè ducentos
 annos tanquam piaculo obstricta infam-
 is fuit, & ab omnibus honoribus sub-
 mota. Aliud huic simile exemplū extat
 in Frisiorum Batavorumq; annalibus.
 Florentius V. Hollandiæ & Selandiæ
 Comes Gerardo Velsio, è prima nobi-
 litate Batavica frequenter tùm in aula
 versanti concubinam suam in uxorem
 obtrudere volebat. Quod ille abnuens,
 meretricem Principis ducere non con-
 venire natalibus suis, nec honesto ani-
 mo respondit. At Princeps stultum eum
 esse subjiciebat, qui tam probatæ pud-
 citiæ uxore reperturū se putaret, quam
 non ipse ad stuprū se pertracturū con-
 sideret. Cumq; Velsius post uxore du-
 xisset, illa absente fortè marito à Princi-
 pe priorū memore est stuprata. Ea verò
 injuria vehementissime pupugit animū
 Velsii. Ergò conjuratione inita cū pro-
 pinquis uxoris suæ Florētiū fortè Ultra-
 jecto

jecto in Hollandiam redeuntem non procul urbe exceptum, cum videret, virum avehere, & eripere persequentibus non posse, educto gladio transverberat medium, & celeri fuga se proripit (*Vbbo Emm. XII. hist. Fris.*)

Dicax idem & Tiberium acerbis facetiis irridere solitus quarum apud præpositos in longum memoria est.] Fœcunda salium & arguta libertas grata solet esse in colloquiis, jocis, cæterisque animi remissionibus. Quid enim elegantius, quàm ad omne argumentum sententiolam dictaque concisa, & veluti brevi fulgure micantia habere? quid urbanius quàm omnium dicta, factaque excipere improvisis salibus: & brevi nitidoque acumine semper intentum esse in aliorum ineptiam? sed innoxii debent esse isti joci, & qui non minùs eum, in quem dicuntur, quàm cæteros qui audiunt, delectent. Nam quibus acerbitas inest quæque multum ex verò trahunt, acrem sui memoriam relinquare solent.

lent. Etiam jocorum libertas, quæ multum inter pares jucunditatis habet, in superiores usurpata scurrilitas esse videtur; magis quam urbanitas: ejusque sæpè apud præpotentes in longum memoria est. Reverenter habenda est principum familiaritas. Sæpe ex intimâ sodalitate odium oritur. Nunquam sine reverentia cum majori versari debemus. Ecce Fusius Geminus Tiberii offensionem incurrit, quod eum acerbis facetiis irridere solitus esset. (*Tac. hic.*) Et eadem intempestivorum jocorum ferocia Atticum Vestinum Neroni Cæsari aliàs carissimum ad mortem traxit. (*Tacit. 15. annal.*) Nec principes modò, & summa rerum capita, sed & cæteri honoris famæque suæ retinentes ægrè petulantem istam jocorum licentiam sufferunt. M. Cicero petulantiori lingua plurimam sibi apud multos invidiam concitavit. (*Plutarch. in Cic.*) Petrus Philippi F. Strozius Florentinus Maranum Foro Julii oppidum Austria-

striacis Principibus interceptum Venetæ Reip. quinque ac triginta aureorum millibus vendiderat. Quod factum cum Petrus Aretinus, homo impietate & Lucianismo non minus quam libertate lingvæ celebratus, in Italico quodam carmine (ut nulli parcebat) traduxisset: Strozius illi significari iussit, famam quam carminibus quærebat, inventurum supplicio. Subornaturum se homines in ipsius necem, quos nullâ curâ nulla providentiâ vitaturus esset. Unde miser ille, qui Strozium non plus minis terribilem, quam factis promptum noverat, adducto domus suæ ostio toto tempore quo hostem suum in Veneta ditione morari sciebat, nec pedem extra limen efferebat, nemine quoque ad se intro misso. Credo ensibus & pugionibus pluiere opinabatur. Denique & id observandum est, inter remissiones tantum animi jocis utendum. Nam in seriis & publicis negotiis aliorum risum ciere scurrile est. Cum Senenses ejecto Hispanico præ-

præsidio ad Gallos defecissent, missus ab eis est Florentiam Alexander Sanse-
donius, ut factum molliret civesq; suos
Cæsareis ministris excusaret. Igitur cū
Cæsariani delicta Senensium exaggera-
rent; Sanse donius nunc negando, nunc
minuendo, atq; variâ arte excusando
objecta, respondebat. Verùm cum Cæ-
sariani nova subinde proferrent, & vi-
olenter urgerent his verbis: quid ad hoc
respondebitis? quomodo excusabitis il-
lud? quia ratione istud defendetis? non
vox adversum ea Sanse donio, nec silen-
tium, sed verba sua præpediens, & con-
fusionis manifestus tandem in hunc
fermonem prorupit: quid malum! non
fatis purgabit nos, quod omnibus notū
est, Senenses stultos esse? (*ò diavolo! non
ci scuser à il saperfi, che noi Sanesi siamo
pazzi?*) Imo excusabit, unus ex Cæsaria-
nis respondit, sed eâ conditione quæ
mente imminutis convenit, quos quia sui
cōpotes nō sunt, catenis coërcemus ne
vel sibi vel aliis nocumento esse queant.
Non

Non erat oratoris, negotium tanti momenti scurrili levitate tractare, & stultam appellare suam civitatem, seqve fatuum ostendere.

Donec pauci &c.] Ipsi Principes facinorum suorum nolunt authores videri. Sapientes, senatoresqve juris & æqui consultos subornare, qvi cupiditatibus dominorum famulentur, minùs invidiosum est. Et inter illos semper erunt, qvib. nulla ex honesto spes, & publica mala singulis in occasionem gratiæ trahuntur.

Brevibus momentis summa verti posse.] dixi ad lib. 1. verb. *cuncta mortalium incerta &c.* & ad lib. 4. verb. *princeps proferendi imperii incuriosus &c.*

Falsas literas &c.] Eum colorem omnes seditiosi initiò sceleri suo obducunt. Prava consilia, potentium in aula immodicam superbiam, & nihil in Principe nisi nimiam bonitatem arguunt.

Drusum Germanici filium &c.] Fre-
quen-

quentes in historia illorum dolus occurrit, qui inserunt se in alienam familiam, & velut adoptant ipsi, ludicro plerumque intio, sed maximo regnorum motu, & periculosis turbis, Memorantur in historia Pseudo-Alexander, unus & alter Pseudo-Philippi, Pseudo-Nero, Pseudo-Posthumus Agrippa, Pseudo-Drusus (*Tacit. hic*) falsi in Anglia Eduardus & Richardus Reges, inter Turcas Pseudo-Mustafa, ante non multos annos Pseudo-Carolus in Hispania, & is denique qui se Caroli IX. filium in Gallia dicebat. Unum tamen & alterum horum exemplorum merentur, ut explicatiùs recenseantur. Balduinus VIII. ex Flandriæ Comite Constantinopolitanus Imperator factus in prælio contra Bulgaros constanti famâ cæsus dicitur. Verùm pòst annos xx. quidam redivivum se Balduinum finxit. Igitur in Flandriam cum hac famâ venit & rarâ quadam oris gravitæ, commemoratio-
 Ff item-

stemmatis totius notitia, etiam sagaces cautosque inducit. Desciscunt & adhærent passim, fastidio etiam & contemptu feminei imperii; quod Joanna id temporis, Balduini filia, rebus præerat. Examinatus inquisitusq; planus ille à Joannæ Senatu, mirâ confidentiâ & ex ipsa fidem præstruens, Domi inquit, inclementiores cives, quam foris hostes reperi. Tu me Flandria, mater & alitrix rejicis, quem Græcia, Macedonia, Tracia advenâ excepit, coluit: ipsa barbaria, majestatem verita servavit. At enim ubi delitui audite & casuum humanorum miserescite, si quid tamen humani in pectoribus istis habetis. Captus prælio ad Hadrianopolim à Bulgaris, ab iisdem in custodiâ habeor, satis lenta & remissa, usq; eò, ut effugium etiam patuerit, & animo isto ac Deo ducibus me liberarim. Cum ad meos propero vagus & erro in alios barbaros incido, ignaros fortunæ meæ, & ab iis in Asiam trahor ac vendor. Heu miseriam! pudet, sed

vos

vos narrare cogitis. Syri me habēt, & in ergastulum rusticum damnāt. Ego Balduinus, Comes, Imperator quā manu sceptrā tenui rastra tractavi, plures per aīos; donec à Germanis mercatoribus casu transeuntibus, quibus me aperui, pretio liberarer. Ii me domum remiserunt. Vos expellitis; ingrati, iīmemores veterum beneficiorū quibus avi vestri, patres, etiam tu atque ille à me affecti estis. En senium & hanc canitiē, quò reservati sumus? post tot fluctus scopulū reperi, ubi portum putabam: ipsa mea Joanna patrem non agnoscit, ne Comitem cognoscat. Hæc & plura dissērens magnitudinem vel fallaciā tuebatur, vario animorum motu, plerisque ad illum inclinatis. adeò, ut nobiliū populariūq; bona pars statim adhæresceret, Comitē & Augustum salutaret, donec re jam præcipiti Joanna ad Ludovicum VIII. Franciæ Regem supplices legatos mitteret, ut Balduini memoriam ab impuri nebulonis contagio tueretur. Suscepit

negotium Rex, diem homini dicit. Venit ille magno comitatu, solitaque fiducia, & fastu. Vestis erat purpurea, alba in manu virga: sistitque se Regi Peronæ. Qui his ad eum verbis infit: si ille es, quem te jactas, breviter respondere & statim potes. Quæro, tene pater meus Flandriæ Comitem dixerit, jura dederit? quo telte, loco, tempore, ritu? baltheone te & insigni militari donarit? Quæ mulier ex Francicâ nobilitate, quo conciliante, quo auspice, loco, cœtu nupserit? Quid hæres? hæc ignorare de se verus Balduinus non potest. Ista Rex: tamen audacia illa, velut deprehensa hærebat, & spaciū cogitandi petebat. Inde pro impostore haberi, & contemptim dimitti. Nam sub fide publica venerat. Nec diu pòst in Burgundia captus Joannæ offertur: quæ convictum confessumque, ut dicunt, laqueo stragulavit non tamen sine plebeculæ rumoribus, quæ patrem ab improba filia in ligno suspensum tunc & diu

& diu postea differebat. (*I. Lipsius in monit. & ex pol. An. Christi c. l. l. xcviii* qui mihi natalis est, Venetiis quidam Sebastianum Lusitaniæ Regem se finxit. Aiebat post pugnam infelicitè, in Africa pugnatam, cum ipsum cuncti cæsum putarent, pudore confusum & conspectum hominum veritum obvia celo conscensa Algarbium pervenisse, curatisque vulneribus orbem terræ obire, Abyssinorum Principes ditiones, aliasque remotiores provincias lustrare decrevisse. Hoc consilio in Persiam usque penetrasse, variisque præliis ab eo tempore interfuisse, ac multa in iis vulnera accepisse: postea peregrinationum pertæsum apud Hiberos (*Georgiani dicuntur*) cum sancto quodam latuisse. denique an. c. l. l. xcvii. ab eo discessisse, & in Siciliam navi delatum: unde Romam euntem à famulis spoliatum Venetias divertisse. Commendabat sermonem, quod apud vulgus fama vigeat, ab Africano prælio

non amplius visum Sebastianū: & quod oris totiusq; corporis læva parte brevioris similitudinē, in supercilio dextro cicatricē ex vulnere ab infantia notabilem, verrucā deniq; in imo pedis articulo haut multum digito minorem ostenderet iste, quisquis fuit, implacabile quoq; in Castulonense nomē Lusitanorum odiū faciebat, ut pleriq; crederēt aut credere fingerēt. Sed precibus Domini Médozæ Hispanici Oratoris datū, ut homo Venetis in carcerē conjiceretur, ex quo an. Cl. Io. cii. dimissus, facto per Hotruriā itinere, à Frācisco Magno duce captus, & Hispanis traditus, Neapolim abductus & ad tranītra ablegatus est. Tandē cum Neapoli in Hispaniā avectus esset, & eò acrius in Lusitania coitiones fierēt, in arcē cōclusus, si-
ve accelerata siue naturali morte tragœdias quotidie ex ea causa exoriētes finivit. (*Thuañ lib. 126. Andr. Mauroc lib. 16.*)

Finis notarum politicarū in librum
quintum Annalium

C. CORNELII TACITI.

CHRI-

AD CORN. TAC. LIB. VI. 679

CHRISTOPHORI

FORSTNERI AUSTRII

NOTÆ

POLITICÆ.

Ad Librum VI. Annalium.

C. CORNELII TACITI.

ABLATA *arario, ut in fiscum cogerentur, tanquam referret.*] Volunt quidem Principes credi separatas rationes à Reip. ærario tenere: sed opera diversa sunt. Cives cùm externo pavidi bello pensione, quam Princeps imperat, credunt se salutem redimere; Principis luxum instruunt, aut præpotentium in aula avaritiam pascunt. Quota illorum pars, quæ ad militem alendum, ad urbes & oppida munienda, & cæteras publicas necessitates penduntur, in eos usus, in quos destinata sunt, erogantur? Tùm illud intolerandum est, quòd, quæ sub discriminis articulo extraordinaria ratione solvuntur à civi-

bus, pòst perpetua fiunt:& *quæ gravia atque intoleranda, sed necessitate armorum excusata, etiam in pace manent plerumq̃.* (Tac. 2. hist.)

Neque præmia nisi ob Imperatore] dixi ad lib. 1. verb. quanto summa spei &c.

Ne verba prave detorta &c.] v. quæ scripsi ad libr. 1. verb. immotum adversus eos sermones &c. & verb. Granium Marcellum.

Dii me, deaque pejùs perdant, quàm perire quotidie sentio.] O miserum, qui contemnit conscientiaë testem! Tiberius pudore scelerum & libidinum saxa & solitudinem maris Urbi Romæ prætulit. Sævitiā ac libidinem cū factis promeret, locis occultabat. Nec tamen ipsum fortuna sua, non solitudines protegebant, quin tormenta pectoris, suasque ipse pœnas fateretur. Cætera Gnomologi.

Qua Sejani amicitiam ceteri falso exuerant.] Nemini fraude aut damno esse debet amicitia & familiaritatis cum eo
hab-

habita; quem Princeps diu probatum, cultum, & ad summos honores eventum pòst gratiâ suâ exclusit. Separari debet amicitia à crimine. Complices alii sunt sceleris, qui merito suo pœnas luunt: alii amant, colunt, venerantur, quos à Principe amari, & penè tanquam pares diligi sciunt. Hi autem quid contrahunt sceleris, si jure vel injuriâ Principis gratia mutet? Princeps qui omnia explorata habet, deceptus est. Quid mirum, si alius quoque in eundem errorem trahatur? Hæc defensio M. Varroni, de quo hic Tacitus, truculentissimis Tiberii temporibus, quibus erat accusandi frequens & penè publica rabies, accusato incolumitatem dedit. Et gemina huic oratio Amyntæ, ob amicitiam Philotæ apud Alexandrum rei, extat apud Quinctum Curtium: (*lib. 7.*) cujus partem huc adscribere placuit. Amicitiam quæ nobis cum Philota fuit, adeò non eo inficias. ut expectasse quoque nos, magnosque ex ea fru-

ctus percepisse confitear. (Idem initium M. Terentii exordio) An verò Parmenionis, quem tibi proximum esse voluisti, filium omnes penè dignatione vincentem, cultum à nobis esse miraris? (Respondent orationis Terentianæ verba; Videram collegam patris &c.) Tu herclè, si verum audire vis, Rex, hujus nobis periculi causa es. Quis enim alius effecit, ut ad Philotam decurrerent, qui placere vellent tibi? ab illo traditi ad hunc gradum amicitix tuæ ascendimus. Is apud te fuit, cujus gratiam expetere, & iram timere possemus. (Confer verba M. Terentii, ut quisque Sejano intimus, ita ad Cæsaris &c.) An non propemodum in tua verba, tui omnes, te præeunte juravimus? eosdem nos inimicos amicosque habituros esse, quos tu haberes? hoc sacramento pietatis obstricti adversaremur scilicet, quem tum omnibus præferebat? (Similis Marci argumentatio in illis verbis; non enim Sejanum Vulsinien-

sem

sem &c.) Igitur si hoc crimē est, tu paucos innocentes habes, imò herclè neminem (comparia illa in Marci oratione verba; cūctos, qui &c.) Omnes enim Philotæ amici esse voluerunt: sed totidem, quot volebant, esse non poterant. Ita si à consciis amicos non dividis, nec ab amicis quidem separabis illos qui idem esse voluerunt. (Idem in oratione Marci epilogus; imò iustis terminis dividatur &c.)

Abaitos Principis sensus, & si quid occultius parat, exquirere, illicitum, anceps] dixi ad lib. I. verb. quibus unus metus, si intelligere &c.

Quod filii necem flevisset.] Sub tyrannis malorum omnium complementum est, non posse tutò flere mala; quòd nō palàm tristem esse licet, sed inter ærumnas cor ipsum exedentes necesse est feliciū affectus exprimere. Tacitus infr. hoc libro; neque propinquis aut amicis adfistere, in lacrimare, ne visere quidem diutius dabatur, sed circumjecti

*custodes, & in mœrorem cujusque intenti,
corpora putrefacta adsectabantur, dum in
Tiberim traherentur: ubi fluitantia aut ri-
pis appulsa, non cremare quisquam, non
contingere. interciderat sortis humana
commercium vi metûs.*

*Cum jam tabe fluunt, confusaque tem-
pore multo.*

*Amisere notas, miserorum dextra pa-
rentum*

*Colligit, & provido subducit cognita
furto.*

*Meque ipsum memini cæsi deformia
fratris*

*Ora rogo cupidû vetitis imponere flam-
mis,*

*Omnia Sullana lustrasse cadavera pa-
cis;*

*Perque omnes truncos, cum qua çervice
recisum*

Conveniat, quasisse caput.

(Lucan. II.)

*Sapienter moderans] exemplum, pos-
se etiam sub malis Principibus magnos
viros*

AD CORN. TAC. LIB. VI. 685
viros esse, obsequiumque ac modesti-
am, si industria & vigor adfint, cò laudis
excedere, quò plerique per abrupta sed
in nullum Reip. usum ambitiosa morte
inclaruerunt. (*Tacit. in agric.*) v. quæ di-
xi ad lib. 4. verb. *dubitare cogor &c.*)

*Gello exprobrabat, quò scientiæ cere-
moniarumque vetus &c.*] Non est tole-
rabilis ejus artis ignorantia, quam quis
profitetur. Turpe est, inquit Qu. Muci-
us Scævola I. C. patricio & nobili, &
causas oranti, jus, in quo versatur, igno-
rare. (lib. II. D. *de orig. jur.*) Pudendum
igitur fuit, quò Renatus Biragus, Gal-
liæ Cancellarius cùm in regni comitiis
oratio ipsi habenda esset, ætatem & re-
rum Gallicarum ignorantiam causatus,
initiò se excusavit. (*Thuan. LXIII.*)

Neque habere privatum liceret] v. no-
tata ad lib. 4. verb. *libros per adiles &c.*

*Felicitate sapiens quàm industria com-
mendabatur*] dixi latè ad lib. 3. verb. *mi-
hi quantò plura &c.*

Nam primò duodecim tabulis &c.] qui-

quibus legibus obviam itum sit Romæ
 usurarum fraudibus, & quomodo illæ
 toties repressæ rursus ortæ sint, satis
 diligenter tractat in Commentario ad
 leges 12. tabularum Franciscus Baldui-
 nus. Cæterum vetus id malum poenifq;
 nunquam satis coërcitum, hodieque
 medullis civitatum regnorumque in-
 hæret tam altè, ut ejus pellendi nulla
 spes sit. Nam qui mercimonia negotia-
 tionesq; exercent, suo jure fœnore ur-
 bes agrosque exhaurire se arbitrantur.
 Nobilitas & procures, quibus omnis
 quæstus indecorus esse debebat, insti-
 torias fraudes egregiè prodidicerunt;
 quidam avaritiâ: alii quò habeant, quæ
 per luxum & vanitates aulicas prodi-
 gant. Principes ipsi Hebræos, tanquam
 necessarium regni instrumentum, in-
 terdum paulò meliori, quàm Christia-
 nos, conditione, tenent. Ista gens post
 immane occisi Servatoris JESU CHRI-
 STI piaculum, irâ Numinis omni exutâ
 dignitate, & quò cæteris mortalibus
 osten-

ostentui esset, suis ejecta sedibus, vaga atque egens, quæ lucri fraudiumque tutò exercendarum spes duxit, omnibus se terris dispersa effudit, perque omnes urbes prompta dolis, pecuniæq; vias omnes callens, fœneratur. Ita juxta plebs primoresq; evertuntur fortunis, circumveniuntur, atque obruuntur fœnore. Principes illis ut spongiis utuntur, & postquam satis biberunt, exprimunt madidos, &c.

Acribus, ut ferme talia, initiis, incurioso fine.] Necessarium illius præceptum est, qui respublicas, leges, & instituta sæpè ad suorum initiorum vigorem reduci jussit. Senescunt omnia; & ipsæ leges, quibus stat Resp. dū novæ sunt, servantur, dein frustra habentur; *acribus initiis, incurioso fine.* Nulla ergò melior ratio est, nulla prudentior, qua respublicæ servantur, nulla Medea hujus Æsonis seniũ felicius rejuvenescere fecerit, quàm si, qui vitio temporum & hominũ pravitate contracti sunt nævi, tempesti-

yè

vè emendentur; & leges veteres, ne illarum contemptus aut oblivio obrepere possit, novis sanctionibus muniantur. Quemadmodum corpori hominis per singulos dies aliquid vitii accrescit, quod, nisi tollatur, tandem mortiferum parit morbum: ita Resp. sensum à primo robore, primâque suâ constitutione abscedunt: ad quam nisi revocentur, senio expirare eas necesse est. Florentiæ olim mos fuit, singulis quinquenniis refingere, si quid à primâ legum sinceritate abiisset. Et Frisii (*Vb. bo Emm. 23. hist. Fris.*) cum anno Christi cccc xxxix. in comitiis Leoardiæ coactis multa de pace, de bello, deque cæteris Rempublicam concernentibus negotiis decrevissent, quo sanctiùs cuncta servarentur, in biennium solum id decretum valere jusserunt. Veneta Resp. mortalitatem effugisse videtur non alius magis instituti beneficio, quàm hujus instaurandarum corrigendarumque legum; & reducendo revo-

candoque cuncta, quæ labare videntur, ad priscum morem. Anno Domini c^lo l^o lxxxii. Collegij decemviris auctoritas eò se provexerat, ut limites, intra quos olim se continuerat, transgressa, immodicâ nimiumque se effe-
rente potestate terribilis esse liberæ civitati inciperet. Illo præsertim anno multa legibus adversa facta dicebantur: publica pecunia ambitiosè in privatorum gratiam effusa: patritii plerique majorum comitiarum lege soluti: alii, qui vel ob ætatem arcerentur, vel tempus, quo post exactos honores ad alios capeffendos minimè idonei sunt, nondum exogissent, ad magistratus admissi: denique cuncta ferè ad se nullo refragante, tracta. Sed re majoribus comitiis agitatâ, certis limitibus inclusa decemvirum potestas est, ne noxia Recip. esset.

Quòd Theophanem Mitylenæum proavum eorum Cn. Magnus inter intimos habuisset.] Magnum sanè crimen! quale fuit,

fuit, quod Agathocles Ithacensibus, Ulyssēm Ithacæ dominum, abactis ex Sicilia pecoribus pastorem exoculasse post tot secula objecit. (*Plutarch. in apophr.*)

*Magnitudinem pecunia malo veris-
se]* v. quæ dixi ad libr. *Granium Marcel-
lum, &c.* Boni Principes, cū injurias
suas & læsæ majestatis crimen uli sunt,
ne magnitudinem pecuniæ, quam da-
mnatus habebat, & avaritiam suam reo
exitium attulisse dici posset, bona da-
mnatorum liberis aut agnatis damnati
transmiserunt. Quod Cosmus Magnus
Hetruriæ Dux, qui pluribus, quàm
quisquam alius suorum temporum,
conjuratibus petitus fuit, sæpius fe-
cisse dicitur.

*Non damnatione matris, non exilio fra-
trum rupta voce.]* Hi sunt isti in aulis
struthiocameli, qui ferrum quoq; , hoc
est, indignissimas quasque injurias de-
glutire, ac digerere possunt. dixi ad lib.
2. verb. *hant cunctatus, &c.*

Fatone res mortalium] exposui meam
de fato sententiam ad lib. 3. verb. *mibi*
quantò plura &c.

Grave conscientia, grave fama sua &c.
Talia quoque Neronis verba sunt ad
Senecam opibus suis renunciantem:
quòd si maximè continentia tua laudetur,
non tamen sapienti viro decorum fuerit,
urde amico infamiam parat, inde gloriam
sibi recipere. (Tac. XI. annal.)

Pars mœroris fuit, quòd Iulia Drusi
filia denupsit in domum Rubellii Blandi,
cujus avum Tiburtem equitem Romanum
plerique meminerant. Indigna sanè res,
regii sanguinis virgines, aut viduas i-
gnobilioribus in matrimonium dari.
Quod tamen olim in Persis, & nunc a-
pud Turcas, moribus excusatum est,
quibus Regum filix Satrapis nu-
bunt. Sed & conjugum imparitas
necessitate interdum defenditur. In-
de Fridericus Neapolis Rex à pru-
dentibus reprehensus est, quòd A-
lexandri Pontificis filio suam fili-
am

am uxorem dare noluiſſet. (*Guic. 4.*)
 Et Alphonſus tunc Ferrariæ Ducis primogenitus laudatur, quòd ducendo in uxorem Lucretiam Borgiam Pontificis filiam, Principatum ſuum, ob ambitionem Cæſaris Borgiæ aliàs in manifeſto periculo ſibi ſervare ſcivit. (*Guic. v.*)
 Cætera dixi ad lib. i. verb. *nuptiis ſororis illeſtum.*

Non permiſſa provincia dignationem addiderat] retuli ad finem lib. 3.

Hæc incerto & fabuloſis aucta] quemadmodum pleraque, quæ majorum inexplorata authoritas pro veris tradidit famæ: quæ & viſu nocere baſiliſcum, & canere cygnos credidit, & formidinis opinione leones oneravit, qui in gallos cantantes incidiffent &c.

Mirumque amorem adſecutus erat, effuſa clementia, modicus ſeveritate. Principis munimentum tutiſſimū eſt amor civium. Sed & Metus cohibet. amari igitur, an timeri præſtet, quæritur? Sane optimum eſt ita temperare mores, ut
 nec

nec facilitas auctoritatem, nec severitas amorem diminuat. Ita amor, odium, & metus contemptum excludent. Nec sufficit sola clementiæ & benignitatis fama, adeoque civium amor. Nam cum impossibile sit ita se gerere Principem, ut omnibus satisfaciat, neminemque offendat; necesse est ad incolumitatem ejus, ut qui amare nolint, timere debeant. Quod si alterutro carendum sit, malim equidem pro severo atque adeo sævo haberi, quam nimis facili, nec in injurias idonea severitate acri. Nam & contemptum parit nimia bonitas, & ut dixi, saltem illos, qui non amabunt Principem, metu, continere opus est. Tum & ita plerumque etiam optimum Principem cives amant, ut se tamen plus ament, & quancquam.

*Promior in regem est populus, pugnatq;
minaci.*

Cum terrore fides:

tamen

--- *ut cum mare possidet Auster*

*Flatibus horrissonis : hunc equora tota
sequuntur.*

ita plerumque necessariis maximè difficilibusque temporibus *fides metu infringitur* (*Tac. 3. hist.*) & suis rebus neglecto Principe, consulere, prudentia habetur. Ita tamen rigorem, malo, ne is populi odium in Principem concitet. Furoris plena, & auctoribus suis exitiabilis illa vox fuit: oderint dum metuant. Severitatem volo justam, quam mali metuant, boni probent; quoque etiam expers odii esse potest. Ita namque M. Brutus, cum nihil ad gratiam faceret omnia tamen grata videbantur; quæ faciebat. (*Ammian. Marcell. xxvii. ex Tullio*) Cæsar apud Lucanum, (III.)

--- *gaudet tamen esse timori*

Tam magno populis, & se nec mallet amari.

Julianus Cæsar à militibus dilectus est arctissimè, dum timetur. (*Ammian. lib.*

AD CORN. TAC. LIB. VI. 695
lib. 25.) Prætextatus urbi Romæ sub
Valentiniano Præfectus adeptus est id
quod rarò contingit, ut, cùm timere-
tur, amorem non perderet civium.
(*Ammian. Marcel. 27.*) Concludo Am-
miani Marcellini verbis; salutaris rigor
vincit inanem speciem clementiæ (*Am-
mian 29.*)

*Sibi fidem integram, & si nullis insidiis
peteretur, mansuram.*] Xenophontis sē-
tentia est (7. *Cyrop.*) viros honestos, cū
sibi fidem non adhiberi sentiunt, odio
prosequi diffidentes. Periculosum igi-
tur est, & intutum Principi, de potenti-
bus ministris suis pessima quæque cre-
dere, & vindictam meditari. Sæpè enim
innocentes invidia defert; & qui pri-
mum horruissent scelus, poenæ metu &
Principis irâ in furiosa consilia propel-
luntur. Cassino & Bonifacio ducibus
Honorius Imp. cum Vandalis, Alanis,
Suevis in Hispania bella gerebat. Vir-
tute, prudentia, felicitate Bonifacius
præstabat. Inde cum gloria in invidiam
ver-

vertisset, & Bonifacius à Cassino non modò superbo immodicoque imperio premeretur, sed & in suspicionem rebellionis apud Imperatorem adductus esset; coactus est, ut securitati suæ consuleret, & secessione facta in Africam se proripere, & Vandalos Alanosque in auxilium vocare. (*P. Emil. I. de gest. Franc.*) Eodem modo fidissimi suis Principibus Sylvanus (*Ammian. Marcell. I. 5. histor.*) & Alexius Philantropenus (*Niceph. Gregor. 6. histor.*) rebellare coacti sunt. Inde Principes quidam tam ad dissidendum tardi fuerunt, ut perire maluerint. Cum Dario Nabarzanis & Bessi insidiæ detectæ essent, & quidam ei svaderent, Græcis militibus, quorum erat nota fides, corporis sui custodiam committeret, respondit ille, difficilius sibi esse damnare quam decipi; quicquid fors tulisset, inter suos perpeti malle, quàm transfugam fieri, serò se perire, si sui milites nollent saluum (*Q Curt. lib. v.*) Et Ludovicus Sforzia

nun-

nunciata Sanseverini copiarum ducis defectione, dixisse fertur; se non minorem existimare imprudentiam, vanâ suspicionis fidissimorum operâ se privare, quàm incauta credulitate illorum se fidei committere, qui suspecti esse debebant. (*Guicc. 4. hist.*) Ergò

*Quoties necesse est fallere, aut falli à
suis*

*Patiare potiùs ipse, quàm facias scelus.
(Senec. in Theb.)*

*Reputante Tiberio, publicum sibi odium,
extremam aetatem, magisque fama, quàm
visitare res suas.]* Quorum Principum
magnitudo non armis, non vera po-
tentia nititur, sed solâ famâ, solâ ho-
minum opinione, ii nunquam vires fu-
as ancipiti periculo committere de-
bent: ne Elephantum more, qui ubi
semel ceciderint, invalido sunt ad re-
surgendum nisu, amittant authorita-
tem, quam ipsis tribuebat publica gen-
tium veneratio. Parum enim tuta sine
viribus majestas est; nihilque contem-

ptius, neque infirmius, si sint qui contemptant. Indeque his talibus necesse est, pondere quod urget, flecti velle, ne si nolint, frangantur. Quanquam enim summam Princeps authoritatis & dignitatis rationem habere debeat; nec quicquam majestati tam infestum sit, atque contemptus; ut Princeps sine authoritate justè sine cauda pavo dici possit: ineptissimi tamen illi REPUTATIONIS etiam in minutulis quibusq; jactatores meritò habendi sunt, quibus dignitatē Principis sine regni salute salvam esse posse stolidè persuasum est. quique paparum cogitant, his talibus cōsiliis dominos plerumq; regnorum jacturam multari, nec everso principatu Principē esse posse. Quantò satius est, rei summam, cedendo, aliquid de jure suo remittendo, non omnia intempestivā austeritate denegando, servare, quàm eandem pertinaci & inconsultā superbiā pessumdare, omnē secum dignitatis existimationem in casum ruinamq; tracturam.

Opti-

Optimi ducis est, nō solū vincendi, sed
 & cedendi tēpora posse perspicere (*Po-
 lyb. I.*) nec minū boni Imperatoris,
 sapienter quā fortiter agere. Non est
 flagitiosū, urgente necessitate hosti ce-
 dere; multō autē fœdius, stādo pugnā-
 doq; temerē Remp. in periculum con-
 jicere (*Thuc. 8.*) Vincere apud sapientes
 cedere est. (*Eustath. lib. 5. de Ismenia &
 Ismenes amoribus.*) Inde laudandus est
 meritō Philippus Alexādrī pater, quod
 circa regni primordia rerum infinitā
 multitudine in diversas trahēte partes,
 finitimis undiq; in Macedoniam irrum-
 pentibus, quia omnibus par esse nō po-
 terat, alia bella interpositā pactione cō-
 posuit, alia redemit, facillima aggressus.
 Et Polybio valdē probatur Hamilcar
 Carthaginensis, quōd quamdiu aliqua
 Carthaginensium rebus spes superfu-
 it, nullo unquam labori pepercerit, nul-
 lum periculum subterfugerit: ubi verō
 rebus patriæ nullam spem relictā vidit,
 prudenter tēpori cedens, de fœdere cū

L. Lucretio Cos. convenerit. Manuel quoq; Imperator Constantipolitanus sapientissimè Joannem filium ob intempestivè generosos spiritus reprehendit: in eas angustias esse redactam pristinam Urbis atque imperii majestatem dicens, ut ea non tam Imperatore quàm Oeconomo opus habeat. *Georg. (Phranzes Protovestiar. 2. histor.)*

Eandem in veteribus legibus institutisque tuendis observatio valere debet. Nam cùm in eas angustias pervenerimus, ut aut violatis legibus salva Resp. aut salvis legibus interitura sit Resp. posthabitis legibus necessitati parendum, & *dormiant hodie leges*, dicendum. Majores nostri res suas, ad seculi, quale tunc erat, genium curavêre. Nobis pro diversitate temporum, in quæ incidimus, interdum pro salute est, à mente eorum, & consiliis abire. Ut & profanæ superbiæ putem, ubique negligere avitam prudentiam: & absurdum reverentiæ genus esse, quod nos
per-

perpetuò illorum institutis velit addicere. Athenienses in sanctius ærarium mille talenta seposuerant, sancitâ capitis pœna, si quis de ea eroganda censuisset. (*Thucyd. 2.*) At iidem acceptâ in Sicilia ingenti clade, ad extremas deducti necessitates, antiquatâ lege, contrahendis copiis, & instruendâ classi pecuniam illam omnem insumpserunt. (*Thucyd. 8.*) Non igitur immeritò culpatur Cato Uticensis, quod cum patria in ultimo versaretur discrimine, nimis antiqui moris retinens, ita omnes suas actiones instituit, quasi fato delatus esset in Platonis Rempublicam, non autem versaretur in fœce Romuli. Nocuit etiam antiquus rigor & nimia severitas Galbæ, cui jam paria non erant urbis vitia. Constat potuisse conciliari animos militum quantulacunque parcisenis liberalitate: sed cum intempestiva severitate legi à se militem, non emi, pronunciaffet, vita & imperio excidit. (*Tac. I. hist.*)

Porrò non in legibus tantum obser-
 vandis, veteriq; more tuèdo, nec in ho-
 stes tantum, ut diximus, & qui æquo cū
 Principe nostro jure, similiq; dignatio-
 ne censentur, hoc monitum valeat: sed
 & in cives, qui sive provocati, sive in-
 consulto animi impetu, in Principem
 peccasse videbuntur. Quare, si nimis la-
 xè ac licenter populus habitus est; re-
 stringatur. nimis duriter; indulgeatur,
 offensus est hoc aut illud contra con-
 suetudinem & imunitates tollendo; in
 pristinum reponatur, rapacibus & invi-
 sis hominibus officia demandata sunt;
 removeantur. Cū Athenis de Mityle-
 næis, qui ad Lacedæmonios defecerant,
 excindendis consultaretur; prudentis-
 simè Diodorus monuit, non esse nunc
 disceptādum, sitne justum, puniri sedi-
 tiosos: sed sitne id utile Reip. Non, in-
 quit, si pessimè egisse Mitylenæos lique-
 at, nisi è rep. sit, damnari eos jubebo;
 nec etsi maximè veniam mereantur, eā
 nisi reip. salutarem dari suadebo. (Thu-
 cyd.

cyd.lib.3.) Cùm Joannis Galeatii Viscō-
tii milites, qui Pisis in præsidio colloca-
ti erant, civium contumeliis irritatorū
factione urbe pulsi essent : Galeatius
increpando militum proterviam, lau-
dandoq; cives, quod necessitate adacti
militum injurias ulti essent; Pisas reti-
nuit, asperioribus modis habitas cōfe-
ctim ad hostes Florentinos transituras.
(*Leon. Aret. in hist. Florent.*) Quò ma-
gis reprehensione dignus est Philippi II.
Hispaniarum Regis rigor apud Hiero-
nymum Conestagium, (*4. de bell. Belg.*)
Maximiliano Cæsari respondentis, pro-
pugnaturum se omni ratione ac modo
authoritatē suā: facturumq; prius rerum
suarum jacturam, quàm ut quicquā de
reputatione sua decedere patiatur. Sed
quanquam regi nocuerit hæc asperitas,
eventus docuit. & constat inter omnes,
qui ferale istud Belgicū bellum descri-
pserūt, Alexandri Farnesii prudentiā &
moderatione atq; consiliis à priorū *Gub-*
ernatorū ratione diversis, reliquias Bel-

gii Regi servatas: quæadmodû ex diverso austeritati Albani Ducis, quæ populoꝝ illorû nec totâ libertatē, nec totâ servitutē ferre assuetorû rabiē concitavit, tot malorum causas adscribunt penè omnes (*Thuan. Conestag. loh. Bapt. Cin. &c.*) Atque ita ferè evenire videmus, ut postquam vehemens aliquis & imperiosus Appius rem imperio agendam censuit; lascivire magis plebem quàm sc̃vire, unoque arrepto aut altero quieturos cæteros arbitratus, ex amicis dubios, ex dubiis hostes fecerit; tandem ad Servilii aut Quinctii alicujus popularitatem confugiendum sit; qui blandâ oratione & lenibus remediis animos concitados mulcere, suspiciones eximere, partesque conciliare possit. Mirè huc facit saluberrimum illud consilium, quod olim Maximilianus II. Imperator Henrico III. Galliarum Regi, Viennæ apud se divertenti dedisse perhibetur: successorem illius, qui cum civibus suis bella exercuit civilia,

vilia, necdum finita, primis regni au-
 spiciis debere omnibus pacem dare, a-
 mnestiam sancire, & clementiam, nova
 imperia inchoantibus semper utilem
 ostendere. Sic enim funestam præteri-
 torum memoriam sepeliri, & eorum
 culpam ab universis in antecessorem
 rejici. (*Tbuan. 58*) Mocenicus quoque
 Venetiarum Princeps eundem Henri-
 cum, cum Venetiis esset, ad intestinas
 dissensiones tollendas, subjectos bene-
 ficiis demulcendos, pacandosque ani-
 mos adhortatos esse dicitur. (*Andr.*
Mauroc. 12. hist. Ven.) Quod consilium
 cum Henricus neglexisset, qui vivo fra-
 tre Carolo dignissimus imperio habi-
 tus & omnium votis expetitus fuerat,
 conversâ omnium voluntate statim in-
 gens sui fastidium fecit. Et consimili e-
 ventu olim in Romano imperio Gal-
 bæ feralis in urbem ingressus, truida-
 tis in oculis civium tot millibus, studia
 omnium ab ipso in Othonem vertit.
 (*Tacit. 1. hist.*) Qui autem indulgenti-

am, clementiam, & temporibus servientem prudentiam tantoperè Principis majestatem oppugnare arbitrantur, vehementer profectò falluntur. Nihil enim est in summa fortuna majus, quàm posse, nihil melius, quàm velle longè latèq; propagare pomœria clementiæ atq; benignitatis. Nullâ dote, nullo genere virtutis mortalitas propiùs accedit ad naturæ divinæ similitudinem, quàm miserèdo humanæ imbecillitatis, ignoscendo erroribus, & injurias obliviscendo. Quâ arte, quâ virtute majorem se divinioremq; subjectis facere Princeps possit, quàm si videât, sentiantq; omnia illum saluti civium postponere? Crescit hîc majestas, dum remittitur; major fit, dum negligitur. Præter hæc, cùm duo sint imperiorum fundamenta, auctoritas & civium benevolentia quantum indulgentia majestati detrahere videtur, tantum ad amorem addit: qui conservandæ publicæ rei non minus intervit, quàm illa. Et bona hîc cautio est, si
quod

AD CORN. TAC. LIB. VI. 707
quod faciendum est necessariò, spontè
se facere Princeps præferat. &c.

--- cupias, quodcunque necesse est.

(*Lucan. 4.*)

Nomine tantum & auctore opus.] Hæc
illorum plerumque consilia sunt, qui
propriis destituti viribus, alios ad bel-
lum movere nituntur. Exulum maxime
nunquam fida possunt esse consilia. Nā
cū illorum spes desiderio potius,
quàm ratione mensurentur, plerumq;
infelicem sortiuntur exitum. Patriæ &
avitarum possessionum recuperandarū
cupidine parū pensi habent, quid ju-
stum, quid facile sit aut possibile expe-
ditu. Id solum cogitant, quo pacto ali-
um moveant nunciis, literis, precibus
urgent, mentiuntur, pejerant, omnia ef-
se in expedito. veniat modò, tentet, au-
deat vincere nomine. tantum & autho-
re opus. cunctos ab hoste defecturos,
& citrà sanguinem plenam victoriā se-
cuturā. Tali persuasione Philippus Ma-
cedoniæ Rex à Demetrio Phario Illyrio-

rum Rege, (*Polyb. v.*) Sebastianus Lusitanus à Mahumete Mauritano (*Thuan. l. xv. Conestag. i. histor. de conjunct. Lusit. &c.*) & Athenienses ab Egestanis exulibus (*Thucyd. lib 6.*) inducti perierunt. Postremo Carolus VIII. Galliæ Rex ab exulibus regni Neapolitani, desperatum illius statum, amicosque & clientes suos jactantibus ad damnosam sibi posterisque expeditionem impulsus esse scribitur. (*Guicci. i. histor.*)

Vt genus Arsacis ripam apud Euphratis cerneretur.] Semper alienis regnis turbandis, alliciendisque populorum animis validum instrumentum fuere regia soboles, aut per alienam injuriam suo principatu pulsi. Indeque sæpissimè, qui novis Principatibus inhierunt, quo peregrinæ dominationis invidiam lenirent, ex veteri Principum sanguine quendam ostendere soliti sunt. Quomodo Procopius tyrannus Constantii Imperatoris filiam parvulam cum matre Faustina & in agminibus, & cùm pro-

AD CORN. TAC. LIB. VI. 709
propinquæ acies starent, lecticâ secum
circumtulit: ut pro imperiali sanguine,
cui se quoque junctum credebat, pu-
gnarent audentiùs milites. (*Ammian.*
26.) Eodem cõsilio Petrus Aragonius,
occupatâ Siciliâ, Constantiam uxorem,
Manfredi, qui Siculis imperitaverat, fi-
liam, ad confirmandos illorum animos
præmisit. (*P. Emil.* 7.) ita Marobodu-
us Suevorum Rex duodeviginti annos
Ravennæ à Tiberio habitus, si quando
insolescerent Suevi, quasi rediturus in
regnum, ostentabatur. (*Tacit.* II. *an-*
nal.) Dum bella gliscerent de ducatu
Mediolanensi inter Gallos & Hispa-
nos; ut invidiam externi imperii mol-
lirent victores, non aut ipsi, aut præfe-
cti urbi & populo dominabantur; sed
primò Maximilianum, mox Francis-
cum Sforziam, carum isti genti nomen,
sed qui præter titulum ex principali fa-
stigio penè nihil tenerent. Duces im-
posuerunt. (*Guicciar. Parut. in histor. Ve-*
net.) Et cùm Franciscus sine prole de-
fun-

functus esset. Italiq; Principes ac Respublicæ suæ nationis Ducem Mediolanensibus dari mallēt quod Carolo Cæsari non placebat; ut in speciem saltem eis satisfaceret, Ferdinandum Gonzagam Italum Principem Mediolano Præfectum dedit. (*Julian. Goselin. in urta Ferd. Gonz.*)

Consiliis & astu res externas moliri, arma procul habere.] Istæ pacis artes, & externarum rerum sine ferro molitio à debilioribus necessariò, à majoribus consulto usurpantur. Nam multum ad suscipienda consilia valet, seipsum nosse, atq; imperii sui vires excutere; ut qui bello se imparem animadvertit, pacis artibus se tueri sciat. Et magnorum quoq; principum ea interdum conditio est, ut astu potius, quàm armis res hostium subvertere rebus eorum magis conducatur.

- I. Quod quibus modis utrobique fiat, videamus. Quibusdam profuit, constanti pace arcere vim, quam armis non

AD' CORN. TAC. LIB. VI. 711
potuerunt. Intransibilibus Romanis fines
Tusculanorum, non demigratum ex
propinquis itineri locis, non cultus a-
grorum intermissus: patentibus portis
urbi togati obviam frequentes exerci-
tui processere: commeatus exercitui
comiter ex urbe in castra & ex agris
devectus: in urbe patentes januæ, & ta-
bernæ apertæ: intenti opifices suo quis-
que operi, & ludi literarum strepere
discipulorum vocibus: nihil usquam non
pavidis modò, sed ne mirantibus qui-
dem simile. Victus igitur hostium
patientia Camillus, ad Senatum Tu-
sculanorum, soli, inquit, adhuc Tu-
sculani vera arma, verasque vires, qui-
bus ab ira Romanorum, vestra tuta-
remini, invenistis (*Liv. 6.*) Simili mo-
do Amalasuntha Gothorum Regina
Justiniani legatis respondit; nolle se
armis contendere: nec fore decoram de
non adversante victoriam. (*Procop. 1.*
Goth.)

Proxima huic debiliorem sapientia
est,

est, potentiorum patrociniū subire.

II. Pisani, Aretini, & Florentini olim, cū ab externis hostibus metuerent, suarum urbium dominium in annos V. Roberto Regi Neapolitano transcripserunt: & alio tempore Florentini in decennium Carolo Calabriae Duci se addixerunt. Senenses Joanni Bohemiae Regi, & Genuenses triennio antè Carolo Franciæ Regi se dediderunt. (v. *Orland. Malavol. Hist. Sen. hinc inde.*) Lucenses, & Genuenses hodieque Hispaniarum Regis patrociniū tutiores se putant, quā parato & semper in castris exercitu.

III. Florentini plerasque belli tempestates pecuniis à se depellere soliti sunt. Auro libertatem contra ferrum defendebant. A quo instituto cū ultimis illis bellis, quibus Medici in urbem restituti sunt, per avaritiam recessissent, rempublicam perdiderunt. Constat potuisse quadraginta millibus aureorum numūm Cæsarem, & exiguā summā

mâ Neapolitanum Pro-regem suæ urbis patronos facere: sed seu negligentia, seu perverso P. Soderini consilio factum est, ut aliud placeret. Unde Medicæi Hispanis viribus subnixi, conjuratione suæ factionis, in urbem redierunt. (*Guicciard. xi.*)

Pluribus placuit, quod suis viribus IV.
non potuerunt, fœderatâ sibi junctâq;
alienâ potentiâ obtinere. Coeunt igitur plures adversus unum, quem metuunt omnes. Belli Peloponesiaci, quamvis alii erant prætextus, ea fuit causa, quo Atheniensium vires cæteris Græcis formidolosæ erant. (*Thucyd. i.*) Sic Lacedæmonii Siciliae Rēgem in commune contra Persas bellum hortabantur: quòd victis reliquis Persæ ad Siculos quoque arma translaturi sint. (*Herod. 7.*) Sic Perseus, sic Mithridates adversus Romanam potentiam movebant alios in communia fœdera. (*Salust. in Fragm.*) Nec tamen expressis V.
semper fœderum contractibus in salutis

tis & libertatis suæ defensionem ita cō-
 eunt principes & respublicæ : sed &
 tacita interdum inter quosdam est con-
 ventio, ne quem nimis magnum velint.
 Quâ in re nobilitata est maximè Lau-
 rentii Medicæi prudentia; qui cùm Rei-
 publ. suæ periculosum animadverteret,
 si unius ex Italiæ Principibus opes ni-
 mium augerentur; omni adhibito stu-
 dio, ut res Italię in eâ æqvitate consiste-
 rent, ne in hanc magis quàm in illam
 partem propenderent, procurabat.
 quod quidem quia sine pacis conserva-
 tione obtineri nullo modo poterat,
 summo studio annitebatur, ne alicubi
 semina bellorum ad maturitatem per-
 venire possent, sed in ipsa herba oppri-
 merentur. (*Guicci. 1. hist.*) Hieron. Syra-
 cusarum Rex populi Romani socius at-
 que amicus, metu Romanæ potentiaë,
 Carthaginēsisibus omnia, quibus in bel-
 lum opus habebant, liberaliter submi-
 nistravit. (*Polyb. 1.*) Lanojus Neapolita-
 nus Prorex dixit, solemne esse Pōtifici-
 bus,

AD CORN. TAC. LIB. VI. 715
bus, timere & odisse Imperatores: (*Guicciard. 16.*) Et Andreas Maurocenus (*2. Ven. hist.*) ait, Imperatorum potentiam semper Pontificibus adversam esse. Et Andreas Grittus, nunquam Imperatorem Romanum in Italia tam parvum habiturum nidum affirmabat, quin ex eo universos Itali nominis sit oppugnaturus: & Pontifici non abs re tam timendum *in temporalibus* Cæsarem, quam *in spiritualibus*. Turcam. (*Guicciard. 7. histor.*) Ergo quancquam nullę contra Cæsaris majestatem fœderum tabulę publicę extent: tamen illò tendunt Itolorum Principum consilia, ne unquam pristina Imperatorum potentia ibi reviviscat. Quod idem de Germanicis Principibus atq; civitatibus scribit Guicciardinus (*7. & 13. histor.*) nolle eas esse Imperatoris opes, quibus ingratis ad imperata facienda cogi possint. Plus est, quod quidam scribit, ideò nec in tempore nec justis viribus, in bello Turcico Germanos Cæsari adesse; quòd ve-

rean-

reantur, ne is recuperatum Hungariæ regnum non imperio, sed suæ familiæ vindicet, & hoc modo major virium Austriacarum jam antè formidandarum accessio fiat. Et M. Antonius Gratianus libro tertio de bello Cyprio, Germanos objectos Turcis fines tueri, quam proferre malle ait: & audacius fortiusque Trajanus Boccalinus, satius esse Germanis atque optabilius, amittere Viennam, quàm recuperare Budam. Ergò suspecta semper est non hostium modò, sed & amicorum fœderatorumque potentia: & quisque à tantæ potentiæ vicino non aliud beneficium expectat, quàm quod Ulyssi Polyphemus apud Poëtam promittit, scilicet, postremùm & post omnes devoratum iri. Dudum nos Hetrusci politici & veterum exempla docuerunt, Principes qui alienis imperiis in vario dominos distractis inhiant, conjunctis sibi minoris potentiæ Regulis majores oppressisse; quibus subactis nullâ priorum

rum foederum , nullâ auxiliorum aut
beneficiorum habitâ ratione,ambitio-
sas & avaras manus ad socios extende-
runt. Romani, latini nominis populos,
post subactos illorum auxilio cæteros
populos regesque in servitutem rede-
gerunt. Quos potentia suâ instrumen-
tum habuerunt, post frustra renitentes,
idem, cujus aliis gentibus ipsi causa fu-
erant, jugum subire coëgerunt. Itaque
non Italia modò, sed & Asia Africaque
tanquam suâ opinione extra pericu-
lum , Romanæ potentia incremen-
ta, sibi olim gravi pondere incubitura,
cum in herba opprimere potuissent, fa-
tali socordia nutriverunt. Lugubris ad-
huc recordatio est, cum Pannonæ Im-
perii Græci ruinam, illos quoque sua
mole afflicturam, riserunt: & Ludovi-
cus XII. Gallia Rex: non ægrè ferenti-
bus Florentinis, Mantuæ, Ferrariæ, Fa-
ventiæ, Pisauri aliarum civitatum Re-
gulis Italiam quanquam non diu re-
tentam, penè universam occupavit. Ex
quo

qvo clarum est, in illis regnis quæ multi principes inter se diviserunt, unius cladem cæterorum esse ruinam, & instrumentū servitutis omnium: honores uni factos, affinitates, foedera, annuas pensiones esse fidei sollicitamenta, hamos toxico illitos, & artificia, quibus sopiti paucis deinde numis, aut vana spe vendant libertatem montibus auri nō compardaam. Nimirum omnibus per-eunt, quæ singuli amittunt; & *singuli dum pugnant, universi vincuntur.* (Tacit. in Agric.) Una hîc omnium salus est, Syrenum cantus auribus excludere, & armorum communium, ut ita dicam, aquâ extinguere ignem, qvo proximus ardet Ucalegon. Hispana potentia tam omnibus suspecta est, ut vix illi se moveant, quia universus orbis, omnesque gentes arma induant. Quæ res omnia consilia cœptaque Hispanis difficiliora reddit. Tot anni sunt, ex qvo Batavi jugum eorum excusserunt. Vereri debebant alii, ne pessimæ rei exemplum alii sibi

AD CORN. TAC. LIB. VI. 719
sibi jus facerent. Omnes eò laborare
debebant, ne orientem morem pellen-
di Reges in ultum finerent.

*Ne sancta quisquam sceptrâ violaret
dolo,*

*Regi tuenda maximè est Regum salus,
(in Oedip.)*

Sed tantum abfuit, cæteros Princi-
pes Hispanis jus suum adseruisse, ut Bri-
tanni, Franci, Germani Batavos milite,
pecuniaque juverint; & hodieque mul-
ti salutem suam cum Batavis conjun-
ctam arbitrantur. Ajunt bellis illis cum
subjectis populis, tanquam necessario
cauterio, nimias opes potentiaëque
Hispanicæ velut humores exhau-
riri.

Alia potentium principum ars fuit,
odia aliis populis subicere: quomodo
Romani Armeniam specie largitio-
nis turbandis animis præbuerunt. (*Ta-
cit. 12. annal.*) Ita Manuel Comne-
nus diffidia inter Pontificem & Fride-
ricum Imperatorem aluit: nec ulla
erat

VI.

erat in Italia cæterisque Imperatoris ditionibus civitas, in qua non addictum sibi hominem haberet Manuel. (*Nicet. 7.*)

VII. Simile huic artificium est, hostem excitare ei, cujus in nos impetum timeamus. Hoc modo Michael Palæologus à Carolo Cæsare bellum metuens Sicilia Regem & Venetos ad bellum illi faciendum exemplo (*inquit Nicephorus Gregorius lib. v. hist.*) Artaxerxis, qui Agesilai impetum formidans Thebanos & Athenienses ad bellum ei inferendum impulit.

VIII. Referendum huc est Alcibiadis consilium, quo Persarum Regem instruxit: eatenus bellum inter Græcos sustinendum. ne inopiâ deferatur. Domesticis bellis Græciam obterendam. inferiores auxilio juvandos, non tam ut vincant, quàm ne succumbant. (*v. quæ dixi ad lib. i. vetb. nam spes, incefferat.*) Quo consilio Hispanum quoque specie tuendæ religionis contra Henricum

cum III. & post adversus Henricum IV. commovisse regni proceres ajunt, & proponendo nunc hunc, nunc illum pro Rege, mittendoque auxilia prompta magis quam magna, operam dedisse, ne aut victoriam daret, aut belli deponendi necessitatem imponeret. Ita dissentientibus seque mutuò consumentibus Gallis se arbitrum pacis ac belli fore, & quos suis non posset, ipsorum armis victurum arbitrabatur. Sed animadvertere fraudem Galli, & Hispanorū amicitia nunciū miserunt.

Iterum aliud sophisma est, quod paulò s. proposui ad verb. *ut genus Arsacis*, &c. & item aliud de quo dixi ad lib. I. verb. *Pompejum imagine pacis* &c.

Barbaris cunctatio servilis: statim exequi regium videtur.] Et sanè interdum imperiosa vehementia plus potest, quam lenta indulgentia. *Prima hostibus prodit tempora belli, qui quos armis pellerè promptum erat, epistolis increpat.* (Tac. 3, hist.) Ita Cyrus Armeniis & Romani

tertium bellum Punicum (*Appian. in pun.*) simul indixerunt ac intulerunt, nullo hosti relicto spacio. Agefilaus Spartanorū Rex, cū transmissō Hellesponto iter faceret per Thraciā, nulli barbarorum, ut daretur transitus, supplex fuit, sed missis ad singulos nunciis; quærebat, utrum per hostium an amicorum regionem iret? cumq; Macedonum Rex, se cum amicis consulturum respondisset: consultet igitur, inquit Agefilaus, nos interim iter faciemus, (*Erasm. in apoph.*) Cū Popilius ad Antiochum à Senatu Romano missus mandata sua exposuisset, & Rex deliberaturum se dixisset, Popilius virgā quam in manu gerebat, circumscripsit Regem: ac, priusquam hoc circulo excedas, inquit, redde responsum Senatui. Obstupefactus Rex tam violento imperio, faciam, inquit, quod jubet Senatus. (*Liv. 25. Justin.*) 34.) Foxius Gallicæ militiæ dux, is qui ad Ravennam occubuit, cum castra Bononiā Brixiam versus movisset,

fe exitinere Mantuano per internun-
 cios mandavit, ut claves arcium, quæ
 transitus munirent, sibi transmitteret.
 Misit Mantuanus, nec enim aliud consi-
 liū tēpore exclusus capere poterat. Su-
 per iob. annis Bavarix Dux (cIo. Io. cxx)
 quinq; dierum spatio dato superioris
 Austriæ proceribus intra quos, velint
 nec ne Cæsaris mandatis parere, deli-
 berarent, interim nō elapsis adhuc illis
 quinque diebus, exercitum ad provin-
 ciæ limites admovit: qua re perculsos
 ad omnia obedientes Austrios habuit.
 Quæ quāquam Alberico Gentili vi-
 deantur vafra, & injusta actiones; quod
 etiam in privatorum litibus postulato
 in jure tempus concedatur expendendi
 secum, cedere magis an contendere
 conducat; mihi tamen utriusque rei ra-
 tio multum diversa videtur. In privatis
 enim actionibus nullâ ex dilatione
 fraus, nullū damnum est actoris, quô jus
 ejus imminuatur: at in ista bellorū con-
 certatione, ante quam se firmet hostis,

tertium bellum Punicum (*Appian. in pun.*) simul indixerunt ac intulerunt, nullo hosti relicto spacio. Agesilaus Spartanorū Rex, cū transmissō Hellesponto iter faceret per Thraciā, nulli barbarorum, ut daretur transitus, supplex fuit, sed missis ad singulos nunciis; quærebat, utrum per hostium an amicorum regionem iret? cumq; Macedonum Rex, se cum amicis consulturum respondisset: consultet igitur, inquit Agesilaus, nos interim iter faciemus, (*Erasm. in apopht.*) Cū Popilius ad Antiochum à Senatu Romano missus mandata sua exposuisset, & Rex deliberaturum se dixisset, Popilius virgā quam in manu gerebat, circumscripsit Regem: ac, priusquam hoc circulo excedas, inquit, redde responsum Senatui. Obstupefactus Rex tam violento imperio, faciam, inquit, quod jubet Senatus. (*Liv. 25. Justin.*) 34.) Foxius Gallicæ militiæ dux, is qui ad Ravennam occubuit, cum castra Bononiā Brixiam versus movisset,

fecit ex itinere Mantuano per internun-
 cios mandavit, ut claves arcium, quæ
 transitus munirent, sibi transmitteret.
 Misit Mantuanus. nec enim aliud consi-
 liū tēpore exclusus capere poterat. Su-
 perioribus annis Baviaræ Dux (c. l. l. c. xx)
 quinque dierum spatio dato superioris
 Austriæ proceribus intra quos, velint
 nec ne Cæsaris mandatis parere, deli-
 berarent, interim nō elapsis adhuc illis
 quinque diebus, exercitum ad provin-
 ciæ limites admovit: quare perculsos
 ad omnia obedientes Austrios habuit.
 Quæ quāquam Alberico Gentili vi-
 deantur vasa, & injustæ actiones; quod
 etiam in privatorum litibus postulato
 in jure tempus concedatur expendendi
 secum, cedere magis an contendere
 conducat; mihi tamen utriusque rei ra-
 tio multum diversa videtur. In privatis
 enim actionibus nullā ex dilatione
 fraus, nullū damnum est actoris, quō jus
 ejus imminuatur: at in ista bellorū con-
 certatione, ante quam se firmet hostis,

aut vires paret, obviam eundum; cum
 omnis mora hîc sit cum irrecuperabili
 damno conjuncta. In bello bis peccare
 non licet. Oportet, inquit Niceph. (*lib.*
5.) occurrere imminentibus malis, &
 prævenire. Sed in his tamen ego eum
 tantum finem probo, quò celeritate
 istâ hostis terreatur, & promptius ad
 pacis petendæ necessitatem adigatur.
 In illum, enim, qui jussu, quanquam
 præsentis armorum vi coactus, facturus
 est, arma stringere, bellicæ justitiæ non
 convenit.

Ministros Arsacis multo auri &c.]
 Vetus est, non nostri tantum seculi ars
 non auro minùs quam ferro bella ge-
 rere.

*Horridam suorum aciem, picta auro
 Medorum agmina &c.*] In scholis inter
 alias politicas quæstiones etiam hanc
 excutiunt: sit ne miles auro argêtoq;
 ornandus? Credo parùm ad summam
 facere, utrumvis dicas.

Metu magis quàm benevolentia subje-
cti]

811.] v. quæ dixi s. hoc lib. verb. *mirum-
que amorem &c.*

*Quam si qui externorum &c. ministri
sceleribus.*] Et tamen his talibus, quales
hîc Tacitus describit, hodiè bella ge-
runtur à Principibus nostris propriâ
destitutis militiâ. Sed quam ab illis ex-
pectes obedientiam, quam constanti-
am aut fortitudinem? quæ inter illos
valeat disciplina castrensis? licentia,
proterviâ, seditionibus tantum se no-
bilitant. Carthaginensibus periculosiss-
imum fuit bellum cum mercenariis su-
is. (*Polyb. I.*) An. Christi c. l. ccc. xxxix.
equites Germani, cum à Ludovico Im-
peratore stipendiis suis fraudarentur,
Lucam occuparunt, quam postea Ge-
rardino Spinulæ Genuensi xxx c. l.
florenis vendiderunt. An. c. l. ccc. lvii.
Germani milites bellis Neapolitanis
exerciti, duce quodam Lando, totâ Ita-
lia vagantur, incendiis, cæde, præda
cuncta miscntes. Senenses incolumi-
tatem suam xlii c. l. Pontifex Inno-

centius Sextus L. c. d. aureorum redimere coacti sunt. Ex horum successu annis sequentibus licentiam aliæ quoque prædonum in manus sibi sumserunt. Alii Capelletos, alii, qui Britanni erant, Albos, alii Stellatos, alii Sanctos se vocabant. Quibus tandem Braccius, Sforzia, Piccininus, egregia bello, sed venalia nomina, operam suam majora offerenti stipendia addicere sueta, successerunt. Hodiernæ militiæ scelera ut nimis nota dicere supervacuum est.

Quoquo modo dicta vulgari malebat &c.] Paulus III. Pontifex, quo suæ per urbem famæ gnarus fieret, singulis diebus propositas apud Pasquinum famosas chartas ad se deferri iussisse dicitur.

Deferri census, pati tributa] dictum latè ad lib. 4.

Quotiens concordēs agunt, spernitur Parthus: ubi dissensere, dum sibi quisque contra amulos subsidium vocant, accitus in partem, adversum omnes valet.] Plerumque externa auxilia vocanti exitio-

AD CORN. TAC. LIB. VI. 727
 fa fuisse ad librum primum dixi ; quod
 nunc exemplis monstrandum est: Se-
 luciensis à Parthis, (*Tac. hic.*) Cari à Cy-
 ro, (*Xenophon 7. Cyrop.*) Rhegini & Mes-
 sanenses à Romanis, (*Polyb. I.*) Cartha-
 ginenses à Gallis, Hispanis, Liguribus,
 Balearibus, Græcis, (*Polyb. I.*) Græ-
 ci à Philippo Macedone, (*Iustin.*)
 Britanni ab Anglo Saxonibus (*Vbbo
 Emm. 3. histor. Fris.*) Hierosolymitani
 à Saladino (*Guil. Neubrig. 3. histor.
 Angl.*) Hiberni ab Anglis (*Guil. Neubr.
 II. hist. Angl.*) Apuli à Normanis, (*Io.
 Bapt. Pigna. 8. hist. Atest.*) Itali à Gallis
 & Hispanis (*Fr. Guicciard. I. hist. Deme-
 trius Palæologus Peloponnesi Princeps.
 (Pigna 8.) & Constantinopolitani à
 Turcis, (Georg. Phrantzes 4. hist.) Frisii
 occidentales à Saxonibus (*Vbbo Emm.
 34.*) aut oppressi aut insidiis appetiti
 sunt, M. Tullius (*in fragm. 3. de Repub.*)
 gloriatur, populum Romanū sociis de-
 fendendis in id fastigium, in quo tunc
 erat, conscendisse. Et Alcibiades*

apologo, quo ajuntequum, ne cervum
ejusdem pabuli consortem haberet,
hominis imperio sese ultrò subjecisse:
atque illum quidem prato abactum,
hunc ex eo tempore vindici subiectum
fuisse.

Plebem primoribus tradidit ex suo usu]

Civitates, quæ populi imperio rege-
bantur, cum à principibus subjungan-
tur, nullo felicius modo continentur,
quàm si summa rei à populo ad Sena-
tum à Principe constitutum, vel in u-
num aliquem ipsi Principi id benefici-
um debentem, conferatur. *Nam populi
imperium juxta libertatem, paucorum do-
minatio regie libidini propior est: & facili-
us est multò que tutius, unius aut pau-
corum inniti fidei, quàm populo, omni
momento variabili, se resque suas cre-
dere.* Hoc modo Carolus V. Florenti-
nam Remp. ad Medicæos, Augustam
aliasque Germaniæ civitates à populo
ad Senatum, quem ipse fecerat, translu-
lit. Singulare regie dominationis arca-
num!

summa scelera incipi cum periculo, peragi cum pramio. (Tacit. 12. ann.) Non opus est cunctatione, ubi perniciosior sit quies, quàm temeritas. Tacit. 1. hist.) Indeq; traditur regula à politicis doctoribus : quando eò quis redactus est, ut sive quiescendo, sive agendo eadem illi supersint pericula; semper ea, quæ agunt, consilia apprehendenda esse. Quippe dum ociosa contemplatione rerum exitum operimur, manent accidentia causæque periculi, quales fuerant : cùm è contrario, qui audacter contrahit, aut invenit, quod depellere periculum potest, aut, si frustra insudavit, monstrat tamen animum se habuisse obsistendi.

Morum quoque tempora illi diversa.]

Rarò Principes imperii sui cursum æquabiliter ad metam decurrunt, inclinant ferè & deteriores fiunt. Nota sūt exempla Alexādrī Magni, Philippi Macedoniæ, Herodis Judææ Regis, Neronis Romanorū Imperatoris, de Tiberio signanter Tacitus hoc loco : *egregius*

vita famaue quoad privatas, vel in im-
 periis sub Augusto fuit; occultus ac subdo-
 lus fingendis virtutibus, donec Germani-
 cus ac Drusus superfuere. Idem inter bona
 malaque mixtus incolumi matre; intesta-
 bilis se vitia, sed obiectis libidinibus, dum
 Sejanum dilexit, timuitque postremo in
 scelera simul ac dedecora prorupit, post-
 quam remoto pudore & metu, suo tantum
 ingenio utebatur. Idem Tacitus de Gal-
 bā: maior privato visus, dum privatus fu-
 it; & omnium consensu capax imperii,
 nisi imperasset. (I. hist.) Et de Vespasiano;
 solum omnium ante se Principum in
 melius mutatum esse (Tac. I. hist.) In
 recentiori historia illustre hujus rei
 documentum est Clemens VII. Ponti-
 fex. Leo qui primus Pontificatus digni-
 tatem in Medicæam familiam intulit, &
 sacræ purpuræ reverentiā se suamque
 familiam, quæ ab excelsa loco in imum
 deciderat sustinuit, ut secundam for-
 tunam revertentem expectare potue-
 rit, homo erat profusissimæ liberalita-
 tis.

tis. Hic inter alia, in quibus maxima est
 usus felicitate, non parum propitiam
 habuit fortunam, quod Julium patrue-
 lem, quem ex Rhodio equite, quamvis
 illegitimis nuptiis ortum, in sacrum
 collegium cooptavit, apud se tenuit.
 Cum enim is naturâ gravis, ac maximis
 quibusque negotiis par, atque à volu-
 ptatum illecebris alienus haberetur,
 ideoque Pontifex ipso in omnibus ma-
 gni momenti rebus uteretur; multos
 errores, qui ex Leonis facilitate orie-
 bantur, moderabatur aut emendabat.
 Quæ causa erat, ut multi Leonem ab
 Julio gubernari, ipsumque tanto oneri
 imparem crederent. Hinc quicquid se-
 vere actum, quicquid magno animo
 susceptum erat, Julii impulsu fieri cen-
 sebatur. Sed quam vana fuerint de u-
 triusque ingenio hominum judicia,
 mox cognitum est. Nec enim Julius
 Leone & mox Hadriano defunctis,
 Pontificatum adeptus, expectationi
 hominum respondit. Non rerum no-
 va-

varum cupiditatem, aut animi magnitudinem, & magnorum operum studium demonstrabat: & apud Leonem minister potius consiliorum, quàm rector fuisse deprehendebatur. In consiliis suscipiendis sumptuum vitandorum præpostero studio & insitâ quadâ hesitantiâ semper erat dubius atque suspensus. Unde cum ad consiliorum executionem ventum erat, quodvis vel minimum momentum, quæcunque vel levissima difficultas sufficiebat ad reducendum illum in eam confusionem, in qua fuerat antequam cōsultasset. Et inde quoque sæpius re jam constituta ad rejectum paulò antè consilium relabebatur. Qua in implicata natura, & perturbata rerum administrandarum ratione potius à ministris regi duci; quàm ipse consilium capere videbatur. (*Guiliard. 16.*) Cæterum hujus rei causa in Clementis ipsius natura ingenioque eodem ante & post susceptum principatum fuit. Quamobrem autem quidam

Prin-

Principes vi dominationis convulsi & mutati sint, solerter Lipsius indagat in notis politicis. Prima est, quod initio principatus major pudor est & famæ studiū: quod paulatim cedit proterviæ & contemptui ex omnium obsequiis sumpto. Alia, infirmitas humani ingenii: coque magis in Principe, quæ nihil tenet, quàm honestum, pudor & metus Numinis. quo respectu quidam dixit, (*Amm. Marcell. 30.*) potestatis amplitudinem nudare semper animorum interna. Est enim imperiū sublime quiddam & excelsum, sibiq; insidentem altius effert, adversus rationem ferociens. (*Theophylact. Simocatt. I. hist.*) Accedūt adulatores, insita aulæ pestis. Quid miremur, Principes violentâ adulationis procellâ inclinatos, quò spontè jã volunt, iis vocibus credere, quas solas accipiūt: præcipuè nemine ruinâ sustinente, ad quã tanta vis impellit. Nam illi sapientes, quos negotiis adhibent, seu verentur frustrà monere, seu medicamentum, quam-

quamvis infundat salubritatem, ingratum esse sciunt, his vulneribus non adhibent manum: aut certè vitia distinguunt, quibus se ipsum Rex maculat, ab iis quibus perdit Rempublicam: & contenti utcunque mederi publicis, non restitunt Principi oculos, quibus ipse suam sortem & blandientium fallaciam damnet. Quis familiarium Reges admonet, si avaritia infames sunt si nimio venationum studio omittunt reip. curam, aut cùm libidinis exemplis inficiunt seculum, vel inconsultis amicitiiis publicam invidiam concitant? Laborant omnes virtutum nomina his cupiditatibus fœdare. Cura futuri, laborum assuetudo, comitas, liberalitas appellantur. Nisi igitur majorem Regibus genium, quam qui populum informat, natura dedisset, quotusquisque ex his plagis evaderet, quæ vel ipsa consuetudine placent, quia nascentium cunas circumdant, nec eas meminerunt sibi poni? Senectutis etiam vitium est,

ti-

timidum esse, & plus justo suspicacem, indeque crudelem. Putant enim senes, alios lætari suis infortuniis: & quia multos à se læsos recordantur; malè quoque de suorum fide sentiunt ideòque suis similes ab Æliano dicuntur: quos si quis manibus tãgat, protinus gruñire occipiunt, malè sibi ominantes; quod nec vellerà habeant, nec lac, nec aliud præter carnes. Etiam non rarò accedit, ut Princeps, qui sæpiùs conjurationibus & insidiis appetitur, ex bono malus fiat. Conjurationes enim timorem incutiunt, qui timet securitati suæ prospicere cogitur, quod sine multorũ exiliis & cædibus fieri nequit. Cædes deinde & proscriptiones popularium odia cõcitant: ex odio Principis exitium sequitur. Et hæc quidem causæ in ipso Principe sunt. Est alia in nobis ipsis. Teme- rè enim initiò, & de malis aut ambiguis benè vana credulitate, & insita plerisque hominum levitate speramus. Nec igitur mirum est falli nos & decipi.

Sanè

Sanè historiæ Florentinæ scriptor sapienter monet, Principi non esse optabilem nimiam de se expectationem: cui si non ubique respondeat, in contemptum & mox odium degenerare inconsultum istum affectum. Denique ex perpetuâ gestorum infelicitate & fortunæ contumaci adversitate tædium sæpè omnium rerum & fastidium oritur. Tunc fortunæ & subjectis, quamvis immeritis, succenset Princeps, & dat vela ventis, priyatim oblectamenta quærit in conviviiis, ludis, mulierculis, morionibus: publicum decus omne aspernatur.

F I N I S.

Gratias tibi, Domine IESU!

ORATIO,

Quâ Serenissimo Venetiarum

PRINCIPI,

IOANNI CORNELIO,

Nomine Nationis Germanicæ,
quæ Patavii studiis operatur,

Novum honorem gratulatus est IV.

Idus Iul. clō 15 c xxv. Venetiis

in Excellentissimo Collegio

CHRISTOPHORUS FORSTNERVS
AVSTRIVS.

Illustrissimo, Excellentissimo

DOMINO,
D. DOMINICO
MOLINO, &c.

Christophorus Forstnerus Austrius

S. P. D.

ORATIONEM, quam apud SERENISSIMUM VENETIARUM PRINCIPEM in Excellentissimo Collegio pro natione nostra habui, ad te mitto: non ut cedat in partem solutionis ejus debiti, quotibi maximo obstrictus sum: sed ut sit grati animi velut chirographum, & infinita obligationis quaecunque pignus. Et cum tot extent tua non in me modo, sed in quamplurimos Germanorum, beneficia, tot merita; inde se omnes correos debendi tibi merito, lubentesque mecum constituent. Sanè ego suavi conjecturâ mihi, meaque genti blanditus sapè sum, te natura quadam similitudine, & sanguinis cognatione in nostri amorem, & favorem ferri. Docuit enim

enim nos, (nec vana fides est) Laurentius
 Pignorius V. Cl. in Notitiis historicis ad So-
 lymeida Torquati Tassi, nobilissimam MO-
 LINORUM FAMILIAM à fortissima Nor-
 mannorum gente, quæ origine Germanica
 Neustria, Britannia, Apulia, olim domi-
 nata est, descendere. Vt inde omnes te meri-
 to, tanquam domesticum numen, & popu-
 larem Heroa veneremur. ego præcipue: qui
 beneficentiam tuam plus aliis sensi. Certè
 meæ ad Cornelium Tacitum (ad cuius
 majestatem, ac severitatem non nisi ani-
 mus illustres, ac eximias assurgere Hein-
 sius tuus ait) Nota politice te suum secundū
 parentem profitentur: ut si quid inde ad
 Rempublicam, aut rem literariam boni
 perventūrum est; ejus gratiam non minū
 tibi, quam mihi posteritas rependere debe-
 at. Quantum enim aberat, quin foetus ille
 in ipso partu periret? nisi tu difficultates
 subortas discussisses. Ignosces igitur, ILLU-
 STRISSIME, & EXCELLENTISSIME
 DOMINE, magne Patrone, quòd pro tam
 magno beneficio rem tam parvam tibi
 red-

*reddo: quam tamen ut dixi, non in solu-
rum cedere, sed ingentis obligationis quale
quale testimonium esse cupio. Vale,*

**ILLUSTRISIME DOM NE, &
Reipub. nobisque diu vive.**

Patavii Cal. Septembr.

Cl. Id. xxvi.

CHRI-

CHRISTOPHORI
FORSTNERI AUSTRII

ORATIO
GRATVLATORIA

Ad Serenissimum

JOHANNEM CORNELIUM
VENETIARUM PRINCIPEM.

SERENISSIME PRINCEPS,
AVGVSTISSIMI
PATRES.

MIRAMINI, haud dubium est, Nationem nostram in publico omnium gaudio, & reliquarum gentium applausu tacitam hucusque, & nullâ ob publicum bonum, quod orbi Christiano ex novo SERENISSIMI JOANNIS CORNELII honore contigerat, lætitiæ significatione egisse. Nam qui majoribus, quàm alii, beneficiis devincti vobis eramus; quibus solis ex duabus & viginti, qui Universitatem Patavinam componunt, Nationibus

onibus se junctim coram vobis orare
 singulari vestro favore concessum est:
 primi utique officio defungi, lætiti-
 que collegii nostri contestari debeba-
 mus. Sed ignosces, SERENISSIME
 PRINCEPS, quod ad tuarum virtutum
 splendorem caligantes animorum no-
 strorum oculi, in illarum contempla-
 tione defixi stupuerunt: nec ab illo stu-
 pore tam citò se colligere poterant.
 Præterea cum anni tempus itineribus
 faciendis commodum, & innata genti
 nostræ peregrinandi, variosque popu-
 lorum mores, ritus, artes cognoscendi
 lubido quosdam Romam, alios aliò ab-
 duxissent: nolimus tibi, SERENISSI-
 ME PRINCEPS, honorem habere pau-
 ci, quem debebamus universi. Nunc
 autem, cum Italici cœli ardores, & sua
 quemque peracta negotia Patavium
 (cujus civitatis aërem nobis salubrio-
 rem, ac vicinitate Germaniæ penè co-
 gratum putamus) compulissent: nefas
 duximus, ultra gratulationis officio su-
 perfedere.

Non

Non expectabis, SERENISSIME
 PRINCEPS, à nobis virtutum tuarum,
 laudumque præconia. Nam quanivis
 eæ tales tantæque sint, quæ te mortali
 conditioni exemptum etiam in vivis a-
 gentem novâ apotheosi in Divos tran-
 scribere possint: tamen nec hujus loci,
 nec temporis, nec instituti nunc nostri
 est, panegyricum dicere: & mea in di-
 cendo mediocritas, ne dicam infantia
 humilioribus argumētis assuevit. Quā-
 quam etiam, si liceret, reprehensione
 quadam mihi dignus videreris: quod
 durum mortalitati imposuisti onus:
 quam posse ad tantam perfectionem
 pervenire, tuo exemplo docuisti; ad
 superos usque virtutis consortio eve-
 ctus, ut nemo posthac humanæ naturæ
 imbecillitate errores suos tueri possit.
 Sed impræsentiarum nec laudare digna
 oratione virtutes tuas potero: nec Tur-
 pillianum timebo, si ab earum accusa-
 tione destitero. Unum si dixero, te au-
 gustissimi hujus SENATUS Principem
 Ii esse

esse: omnia dixero. Hæc laudum tuarum summa est, hoc fastigium, hæc certissima virtutum tuarum fides. Mirantur alii urbem vestram felici miserrorum fugâ in hanc, quam videmus magnitudinem crevisse: mirantur splendidissimas domos marmoraque & aurum, & tecta operosis minis pendentia: mirantur forum ingentibus spaciis apertum, ædesq; publicas, & armorum, naviumq; perpetuam fabricam: deniq; in stuporem rapiuntur, cum terras velut æquoris victrices ligneis fundamentis in hanc audaciam succrevisse vident, vixque oculis suis credunt. Quæ quamquam per se mirabilia sint: unum tamen est portento proximum, quòd vestra Resp. per tot mala, & cæteri orbis servitutem, sospes, atq; ingentibus inimicitiis superstes, in hunc usque diem non memorabilior est imperio, quàm libertate. Roma quingentos annos libera vixit. Sparta octingentorum annorum libertate gloriatur. Venetiarum urbs ra-

ro, imò nullo exemplo supra mille ducentos annos vitam cum libertate produxit. Quod igitur vobis non allapsa sunt ea mala, quæ alias Respublicas perdididerunt; quod ab externis hostibus tutos nulla tyrannis delibavit; quod nec Syllas, nec Marios, aut Pompeji magnitudinem & ad vestrum fatum gentem Juliam invenistis: id omne, post Deum immortalem, in solidum prudentiæ huius augustissimi ordinis acceptum, ferendum est. Roma armorum infano amore incensa omnium actionum suarum finem gloriam belli habebat & imperii amplitudinem. Quo sanè instituto factum est, ut non modò aliorum in se cohortos impetus sustineret, sed & ipsa alios lacefferet; certissimo semper cum imperii incremento. Inde post perpetrata circummurana beila, post represam igneam Pyrrhi regis vim, post superatum denique Pœnum Hannibalem, aliosque Reges, ac populos; cum inmortali gloria gentes multitudine innume-

rabiles, locis infinitas, imperio suo sub-
 jecit. Verum inter illam portentorum
 felicitatem, inter tot victorias & tro-
 phæa, quæ ubique, quo rerum natura
 diffunditur, figebant Romani cum
 gentibus jugum imponeretur, cum Re-
 ges triumpharentur, interim domi per-
 ibat Reipub. libertas. Nec enim ut ju-
 sti, temperantes, modesti essent cives,
 ut cum armis ferociam ponerent, ut de-
 niqve quietè in civitate agerent, mul-
 tum curabatur. Quo fiebat, ut ex con-
 tinuis bellis majora, quàm quæ libertas
 ferret, ingenia, præferoces ac turbarum
 cupidæ naturæ, nimix privatorum o-
 pes, & unius civitatis partes factionesq;
 enascerentur: in curia in foro cædes,
 civilium bellorum tentamenta. mox ar-
 ma à civibus sumpta non pro libertate;
 sed pro Sylla, pro Mario, pro Pompejo,
 pro Cæsare, nec unquam postea, nisi de
 dominatione certatum: quam postre-
 mò C. Cæsar everfa libertate invasit.

Vestra autem, SERENISSIME PRIN-
 CEPS,

CEPS, Sapientissimi Patres, majestas non solum armis decorata, sed etiam legibus est armata: nec major belli, quàm pacis cura. Bella quidem etiam gessistis maxima; hostes vicistis potentissimos: fines imperii terra mariq; extendistis quàm latissimè. Sed hoc vobis cum Romana potentia commune est, illud proprium, quod civitatem habetis saluberrimis legibus & prudentissimis institutis ita munitam, ut non tutior ab externa vi, quàm privatorum ambitione existat. Nulli vobis Perian dri, nulli Cæsares timendi sunt. Ingens in omnibus, & penè incredibilis patriæ amor; ferventissimum libertatis studi um; in Senatu tam numeroso mirabile, & simillimum oblivioni silentium; rigidissima legum custodia & subita eorum, quæ contra vetera instituta irre punt, emendatio. Hac cura, hac indu striâ, hoc indefesso, & ardenti studio mortalitatem effugistis: & Remp. qua lis cum optima fuit, talem hodieq; cum

immortali prudentiæ vestræ laude, & orbis stupore habetis.

Hujus igitur EXCELLENTISSIMI SENATUS, cujus sapientiâ Reipub. hujus stat salus, cujus prudentiâ Italiæ quies, & tranquillitas conservatur, te caput esse, SERENISSIME PRINCEPS, id verò egregium est, summumque, quod in tuam laudem dici possit. Nam ut ea summa in Rep. dignitas est: ita tam honorificum de te Sapientissimi Senatus judicium, tam magnifica opinio amplissimum sunt divinarum tuarum virtutum testimonium. Quas quidem, cæteraque, quæ in te egregia sunt, satius duco mirari adorareque, quàm jejunâ & impari laudatione libare. Nam FAMILIÆ TUÆ vetustissimam nobilitatem, majorumque tuorum pro Repub. domi forisque fortiter, benèque gesta, quomodo dicendo adæquem? Si vel minimam eorum partem percensere velim:

*Ante diem clauso componat vesper o-
lym-*

lympo. Id solum quantum est quòd CATHARINA CORNELIA JACOBO LUSINIANO GYPRI REGI nupta, florentissimum olim regnum illud, quod ex mariti testamento habebat, Venetæ Reip. donavit. Sunt quibus nihil satis antiquum satisque egregium est, nisi quod à proditoribus, & erronibus Trojanis per incertissimas conjecturas repetatur. Tua gēs, SERENISSIME PRINCEPS, nulla ambitione, certa annalium fide nixa, à Nobilissima CORNELIORUM Romanorum stirpe descendisse se gloriatur. Porrò, ut ab eo, quod viro Principi primum, ac præcipuū esse debet, incipiam, quis tuam in Deum pietatem, religionisq; studium pro dignitate laudare valeat? Pleriq; rerum domini religionem nihil aliud putant, quàm regnandi instrumentum quod bellis, & cupiditatibus suis prætexant, quo gentes laudant, quo populorum divisiones alant, foveantque. Alia tibi mens est, SERENISSIME PRINCEPS:

cui amorem timoremque Dei optimam, eandemque securissimam (quicquid alii Mezentii judicent) regendi populos artem persuasum est. Inde tua in cultib. divinis assiduitas; inde in miseris, & egenis pronus favor, & liberalitas, & penè profusio. Jam verò justitiam tuam, temperantiam, & in summa fortuna eximiam moderationem, humanitatem, cæterasque egregias tuas dotes, quantò in aliis Principibus rariores, tantò magis tibi decoras, qui satis prædicem? quibus verbis, qua orationis vi satis exprimam? Loquantur pro me tot honores (vera in vestra Rep. meritorum argumenta.) tot dignitates certatim in te collatæ. Nam post primos honores obitos summos quosque magistratus ordine gessisti: Patavio, Veronæ, Brixia, præcipuis imperii vestri urbibus, insigni cum integritatis & prudentiæ laude, summo cum imperio præfuiisti: cumque, quod ad nos quam maximè pertinet, quodque

nos

nos tibi æterna beneficii recordatione
 devinciat, Patavinæ Universitatis Re-
 formator esses, singulari semper Nati-
 onem nostram favore profecutus es.
 Postremò, cum in hoc, quo nunc emi-
 nes, solio collocatus esses: quàm faven-
 tes omnes habuisti? quis plausus erat?
 quanta omnium lætitia? quæ gauden-
 tium, gratantiumque exultatio, & penè
 dixerim, intemperies. Nos quoque,
 quanto tumultuantem gaudio animum
 utcumque composuimus, nunc adsu-
 mus, nostro defuncturi officio, no-
 strumque contestaturi adfectum. Tibi
 igitur, SERENISSIME PRINCEPS, sum-
 mum hunc honorem, Serenissimæ au-
 tem Reipub. talem ac tantum Princi-
 pem ex animo gratulamur: Doumque
 veneramur; ut sancta hæc Resp. virtu-
 tis templum, schola prudentiæ, inof-
 fensæ hæctenus libertatis oculatissimus
 Argus, & contra peregrinam ambitio-
 nem validissimum propugnaculum, ve-
 ræ denique dignitatis, & opulentæ a-

lumina sub JOANNE CORNELIO vige-
 at, floreatque quàm felicissimè quàm
 diutissimè. Gloriam ejus, forti-
 tudinem suspiciant timeantque Chri-
 stiani nominis hostes, ipsa eam Salus
 ferat: præveniatq; vota felicitas, si quid
 optaverit. Tbi denique; SERENISSIME
 PRINCEPS, seculi gemma, longævam
 vitam, seramque immortalitatem pre-
 camur. De qua ne dubites, obsecro.
 Virtutes tuas orbis nunc loquitur: fa-
 mam olim præstabit æternam
 historiæ genius.

Dixi.

F I N I S.

CHRISTOPHOR
FORSTNERI

AUSTRII,

OMISSORVM IN NOTIS

AD TACITVM,

Liber singularis.

Illustrissimo Domino

D. PETRO HENRICO

à STRALENDORF L. B.

PRO-CANCELLARIO
IMPERII ROMANI,

Christophorus Forstner. Austrius S.

Illustrissime Domine. Magnam rem ausus sum hoc libello. De Principum, quos hæc aut superior ætas tulit, consiliis & actionibus prudentiâ vel errore aliquo insignibus iudicium mihi ipse sumpsi. Ea licentia excusare se tibi non potest nisi ingenuitate & modestiâ suâ. Nemini infensa est, vel obnoxia: nec aut petulanter exultat, aut rursum fœdâ adulatione se demittit. Innoxia libertas est, & fortasse, plus quàm in censurâ decet, verecunda. Hujus mei iudicii, ego te, Domine, Indicem facio, cui præter mortalitatis legem hætenus soli contigit. Nunquam Errasse. Ratispon. Prid.

Cal. Septemb. M. DC. xxx.

CHRI-

CHRISTOPHORI FORSTNERI

AUSTRII,

Omissorum liber.

Ad librum I. Annalium.

§. **Q**uantò quis servitio promptior: opibus & honoribus extollebantur.]
 Intempestiva libertas plerumque esurit. Obsequium dominantibus magis probatur. Pertinet huc Henrici III. Galliarum Regis consilium, qui cum se bello contra Protestantes nihil proficere cerneret, doleretque; pace, otio, Regni foelicitate debellandos censuit. Nimirum in illo sereno omnia à Regis benignitate pendere: nullas ex turbis spes esse aut præmia: quantò quis Regi obtemperantior, opibus & honoribus extollendum. Igitur, non tam odio eos, quam contemptu prosequutus est, honorum aditu, & ipse regionum munerum omninò præclusa. Procerum filios
 in

in aulam missos ab interiori amicitia gratiaque seponebat : subornato interim Espernonio , qui religionis causa id fieri per amicitiae speciem in arcano moneret. In urbibus, his, qui Magistratum gerebant, si Protestantes essent, negotium molestis litibus facessebatur; quarum cognitionem ipse Rex sibi sumebat, ferebatque contra hos tales sententia. Intercessit his consiliis Henrici Guisii ambitio : qui cum pace nullum sui in regno usum fore metueret , Regem invitum in bellum traxit.

§. *Eadem magistratum vocabula.*] Quomodo hoc eod. libro Tacitus de Tiberio: *Cuncta per Consules incipiebat, tanquam vetere Repub.* Iterum: *Intercessit Valerius Agrippa: increpitusq; est Galli Asinii oratione : silente Tiberio , qui ea simulacra libertatis Senatui praebebat.* Et lib. 3. Annalium: *Tiberius vim principatus sibi firmans, imaginem antiquitatis senatus praebebat, postulata provinciarum ad disquisitionem Patrum mittendo.* IV.

An-

Annal. sua Consulib. sua Prætoribus species.
 Eod. lib. multa adseveratione, quasi aut
legibus cum Silio ageretur, aut Varro Con-
sul, aut illud Resp. esset, coguntur Patres.
 XIII. *Annal. manebat nihilominus imago*
quedam Reipublica. Cætera in Notis
dixi.

§. *Trucem Agrippam, & ignominia*
accensum.] Aspera plerumque & im-
 mitia illorum regnandi initia sunt, qui,
 dum privati essent, injuriis exacerbati,
 earum sensum in solum inferunt. Be-
 nè, & in spem boni principatus appo-
 sitè Nero differuit, *juventutem suam*
armiscivilibus, aut discordiis domesticis
minimè imbutam, nulla odia, nullas inju-
rias, nec cupidinem ultionis asferre (Tacit.
 XIII. *Annal.*)

Præterea hîc monendi sumus, eos
 exercituum duces, qui rebelles civium
 spiritus contuderunt, imprudenter
 domitis provinciis Præfectos imponi,
 Nam truces fore, & belli contumaciâ
 accêsos credere par est. Cujus rei lugu-
 bre

bre exemplum sunt Belgium & Ferdinandus Albanus. Consultius igitur, novos mittere Præsides, qui *sine hostili ira, & superbiâ victoris clementer deditis consulant.* (*Tacitus XIV. Annal.*)

§. *Legiones, Provincias, classes, cuncta inter se connexa.*] Quamdiu libera urbs egit, atque à Senatu populoque Duces legebantur: fuere semper in armis Italiæ populi, quibus terræ sibi marisque imperium pepererunt. Postea verò, quàm Cæsar Augustus bellis civilibus confectis rerum potitus est, omnia Italicis arma ademit: militumque multas legiones descripsit, easque certis auctoramentis habuit stipendiarias; quæ Romanum à barbaris nationibus tuerentur imperium. Tum fluviorum magnitudine atque fossarum, montibusq; asperrimis, desertisque locis atque imperviis circumseptos Imperii limites communivit. (*Herodianus lib. 2.*) Legionum classiumque numerum recenset, lib. IV. Annal. Tacitus. Augusti consilio

lio institit Theodoricus Ostrogothorum & Italiae Rex, qui exarmatis Italis, & Castello Verrucâ ad Athesum munito, apud Augustam Prætoriam Herulos collocavit. (*Orlandus Malavol. in histor. Senen. Hieronymus Rub. in Histor. Ravenn.*) Sultani Ægyptii non aliam, quam Mamaluchorum militiam habebant. Ii autem omnes, ut Leo Africanus, & ex eo Petrus Bizarus scribunt, Christiani pueri erant, Sultanis venditi: qui adjuratâ patria religione Saracenicis moribus, institutis, armis erudiebantur. Turcæ denique Spahorum equitum, & Janizarorum peditum fide & fortitudine, quam pepererunt, imperii molem conservant. Cæteri, ut Renatus Lusinga tradit, non armis, non equis, ac ne cultris quidem, qui mucrones habeant, uti possunt. Ex quibus constat, libertati propius esse, & Reipub. magis proprium, omnes in universum cives, & sine distinctione armatos atque bellicæ rei peritos habere: quales
Ro-

Romani fuerunt. Regiæ verò dominationi securius est, præterquam illis, qui pace belloque perpetua stipendia faciunt, armorum usum omnibus interdicere. Quod Augustum, Theodoricum Regem, Sultanos Ægyptios & Turcarum imperatores facitare solitos dixi. Sed quæ ab armorum immodico studio (sive penes universon populum illud sit, sive principum arte inter paucos retineatur.) mala, quæ item inde bona timenda sperandaque sint, dixi ad lib. IV. Annal. (*plerumque inopes & vagi &c.*)

§. *Inter se connexa.*] Maximorum Imperiorum incommodam molem esse, ad lib. IV. Annal. (*verb. Princeps proferendi imperii incuriosus*) pluribus asserui. Sed hoc maximè locum habet, si disjunctæ sint inter se locis, moribus, ingeniis subjectæ provinciæ: si nostris ditionibus interjecti hostes aut æmuli. Quâ ratione Persicum regnum debile Xenophon, & nostri Politici Gallia

regnum, ut benè compactum corpus Hispaniæ viribus & potentiâ minimè cedere dicunt. Romani ad vastissimi Imperii conservationem limitem legionibus, Castella præsidiis muniebant: Colonias, ad imbuendas legum officiis devictas gentes deducebant. Etiam receptum erat, ut haberent instrumenta servitutis, & Reges (*Tacitus in Agric. de hoc arcano dixi ad lib. 6. verba: ut genus Arsa-*
cis &c.) quibus integra regna, florentissimæque gentes regendas dabant. Idem amicitiae vinculum cum populis quibusdam ipsis intercedebat: quos fœderatos, ut Reges amicos appellant. Tales memorantur Masinissa, Juba, Attalus, Eumenes, Prusias, Cogidunus, *Antiochus inservientium Regum ditissimus* (*Tac. 11. Annal.*) Massilienses, Hedui, aliique Hispaniarum Rex patrocini Genuensium, & affinitate cum Allobrogum Principe contractâ regnorum suorum diffusam magnitudinem connectere tentavit: quod an
 asse-

Romani fuerunt. Regiæ verò dominationi securius est, præterquam illis, qui pace belloque perpetua stipendia faciunt, armorum usum omnibus interdicere. Quod Augustum, Theodoricum Regem, Sultanos Ægyptios & Turcarum imperatores facitare solitos dixi. Sed quæ ab armorum immodico studio (sive penes universum populum illud sit, sive principum arte inter paucos retineatur.) mala, quæ item inde bona timenda sperandaque sint, dixi ad lib. IV. Annal. (*plerumque inopes & vagi &c.*)

§. *Inter se connexa.*] Maximorum Imperiorum incommodam molem esse, ad lib. IV. Annal. (*verb. Princeps proferendi imperii incuriosus*) pluribus asserui. Sed hoc maximè locum habet, si disjunctæ sint inter se locis, moribus, ingeniis subjectæ provinciæ: si nostris ditionibus interjecti hostes aut æmuli. Quâ ratione Persicum regnum debile Xenophon, & nostri Politici Galliæ
re-

regnum, ut benè compactum corpus Hispaniæ viribus & potentiâ minimè cedere dicunt. Romani ad vastissimi Imperii conservationem limitem legionibus, Castella præsidiis muniebant: Colonias, ad imbuendas legum officiis devictas gentes deducebant. Etiam receptum erat, ut haberent instrumenta servitutis, & Reges (*Tacitus in Agric. de hoc arcano dixi ad lib. 6. verba: ut genus Arfacis &c.*) quibus integra regna, florentissimasque gentes regendas dabant. Idem amicitiae vinculum cum populis quibusdam ipsis intercedebat: quos fœderatos, ut Reges amicos appellant. Tales memorantur Masinissa, Juba, Attalus, Eumenes, Prusias, Cogiduanus, *Antiochus inservientium Regum ditissimus* (*Tac. II. Annal.*) Massilienses, Hedui, aliique Hispaniarum Rex patrocínio Genuensium, & affinitate cum Allobrogum Principe contractâ regnorum suorum diffusam magnitudinem connectere tentavit: quod an asse-

affecutus sit, aliorum iudicio relinquo. Sanè non semel infida Allobrogis amicitia apparuit : & Genuenses aurum magis Hispanicum, quàm Hispanorum Imperium amare videntur. Quod autem Joh. Boterus Hispanum maris dominum validâ classe cûctis regnis provinciisque præstò esse posse, & ideò nec disjunctas eas asserit; id me non capere fateor. Quid enim? quomodo in utrasque Indias, aperto ultimi, & quod sine terris putabatur, maris secreto Batavi & Angli penetrare potuerunt? Cur tot ex Indiis redeuntes Hispanicæ naves ab iisdem interceptæ? Quomodo ante non ita multos annos Gades ipsæ vi expugnari, & trucidatis præfidiariis incendi potuerunt? Sanè aut insignem Senatus Hispanici væcordiam esse oportet, aut vires sibi deesse fateantur necesse est, qui hostem toto mari vagantem non coërcent.

§. *Proscriptionem civium, divisiones agrorum.* Quod hic scripsi, vi parta Imperia

peria non nisi per vim servari: & periculum & misericordia: illustratur Vellei Paterculi his verbis: *Laudandum experientia consilium est Pansa atque Hirtii, qui semper prædixerant Cesari, ut principatum armis quasitum armis teneret. Ille dictitans, mori se quam timeri malle, dum clementiam, quam præstiterat, expectat, incautus ab ingratis occupatus est. (III. histor.)*

§. *Pompejum imagine pacis.*] Persto firmus in eo, quod hic scripsi, plus Hispaniæ Regem contra foederatos Batavos duodecennialibus induciis, quam quadraginta annorum bellis profecisse. Nam inde discordiæ, negligentiae, ac incuriæ aperta fenestra, & per eas majori vi, quàm per ruinas urbium & machinarum bellicarum violentiam labefactata est res Belgica. Præfagi malorum fuerunt jam olim Batavi, cum Anno à Christo nato cl^o Id^o xcii. numos cuderent, cum inscriptione: *Tuta salus bello.* Et: *Pax patet insidiis.*

Eod.

Eod. loco dixi, Turcas veteranum
semper militem, nostros novum inex-
pertumque in aciem educere. Huic in-
commodo ut mederetur Rodolphus
Imperator, superioribus annis Ratisbo-
næ in comitiis in continuū quinquen-
nium militem ab Imperii ordinibus pe-
tiit: addito, Matthiam Corvinum Re-
gem parvâ quidem, sed lectissimâ & sub
signis assiduâ fortissimorum militum
manu, quæ ab armorum colore Nigra
vocabatur, sæpè ingentes Turcarum
exercitus fudisse.

§. *Post Antonium Tarentino Bruden-
sinoque fœdere.*] Clemens VIII. Pontifex
Henrico IV. Gallix Regi fœdus cum
Elisabetha Angliæ Regina, alleganti
respondit: Principes sibi omnia permit-
tere, quæ sibi utilia putât: & eò rem de-
venisse: ut ob fœdus neglectum nemo
reprehendatur. Laudabat quoq; Fran-
cisci Mariæ Urbini Ducis dictum, pri-
vatum quidem ob non servatum jusju-
randum meritò culpari. Principibus
autem

autem regni servandi causam licere contrahere, nec contractum implere, inire fœdera, eaque negligere, mentiri, prodere, & quæ his similia sunt. Quod Osatus Cardinalis in epistolis scriptum reliquit. Henricus IV. Galliarum Rex, cum in eo esset, ut pacem cum Hispanis faceret, Anglis fidem reposcentibus respondit: Reges non aliter inter se pacem & fœdera facere, quam cum hac tacita cōditione, ut quod rebus suis utile est, semper amplectantur: quod perniciosum est, cautè devitent. Itaque à se exigere non debere: ut bellum periculosi eventus cum Hispanis, quam cum iisdem pacem rebus suis salutarem habere malit. Vide quæso, ut omnibus in ore fides est: quam tamen rebus suis damnosam nemo servare velit! Omnes Machiavellianam perfidiam ore detestantur; consiliis & actionibus suis exprimunt.

§. *Cum proferri libellum, recitarique jussit.*] Cæteris, quos recitavi, principibus qui breviarium Imperii sibi confecerunt,

runt, adde Guilielmum primum e
 Normannis Angliæ regem, qui quic-
 quid Gentium suo pareret imperio,
 cunctas simul urbes, oppida, vicos, pa-
 gos, Episcopatus, cœnobîa, quantum
 quisque terræ possideret, quantum
 quotannis victigalium acciperet, mili-
 tes quoque, qui stipendia facerent, ac
 singula jugâ boum passim omnibus lo-
 cis recenseri, inque tabulas referri jus-
 sit. (*Polydor. Virg IX. hist. Angl.*) Quod
 dixi, ex præteritâ regnorum conditio-
 ne de hodierno statu judicari non de-
 bere, exemplis demonstrandum est.
 Itali Parisiorum urbem octingentes
 mille hominibus habitatam credunt.
 (*Francisc. Bocch. de magn. Rom.*) & ta-
 men an. post Christû natû cIo Ic Lxxx.
 peste grassante adeò desolata erat, ut
 plebs per vicos aliàs frequentissimos
 trocho luderet. (*Thuan.*) Genuenses a-
 liquando sexcentarum viginti septem
 navium classem in mare deducebant.
 (*P. Bizar.*) Ex urbe Patavina olim in
 ho-

hostem educta centum viginti millia
(*Iac. Cavac.*) Quæ utique præsenticon-
ditioni minimè respondent.

§. *Pollionisque Asinii patris ferociam
retineret*] Non muto, quod integras fa-
milias rebellionē infames in historia
notavi. In Anglia tamen non tam ad in-
famiam, quam generis claritudinem
pertinet, majores habuisse magnarum
conjunctionum duces aut conscios. Et
eorum, qui majestatis crimine damnati
ac supplicio affecti sunt, liberis ad ho-
nores aditus minimè præclusus est.
Quàm prudenter, non dico.

§. *Tam primum è Campo ad Patres
translata comitia.*] De hoc regis domi-
nationis munimento dixi ad lib. VI.
(*verb. plebem primoribus tradidit.*)

§. *Intermiserat munia solita.*] Non in
militia modo & castris salutaris cautio
est, labore subigere militem: sed in u-
niversum inter singulares publicæ tran-
quillitatis tuendæ modos & hîc tradi-
tur, expeditionibus bellicis occupatos

Kk tene-

tenere subjectos populos, ne in alia facinora ociosus ardor erumpat. Ita Romani quanquam Faliscorum obsidionem rem longi temporis & immensi laboris esse haud ignorabant: tamen ne domi resides tribunitiis concionibus ad res novas impellerentur, quibus nulla ex honesto spes, & omne in turbido consiliū: implicari quamvis difficili bello populum satius duxerunt. Et hoc remedio plerumque utebantur, ad motus turbulentos ex civitate ejiciēdos ut Plutarchus scribit in Camillo. Dionysius Syracusarum Tyrannus, grave otii regno suo ratus, copias in Italiam trajecit (*Iust. XX.*) Et Demetrius occupato Syriæ regno novitati suæ otium periculosum ratus, ampliare fines regni & opes augere finitimorum bellis statuit. (*Iust. XXV.*) Porro Dionysius Halycarnassæus VIII. Antiq. pro regula tradit, prudentes Reip. gubernatores semper alere bellorum semina: quippe satius esse foris conflictari, quā domi. Qui in causas

fas accuratiùs inquirunt, cur Hispania
 hodiè nullis bellorum civiliũ fluctibus
 agitetur: cum ex cōtrario Gallia ab iis-
 dem ferè nunquam interquiescat, inter
 alias eam quoq; meo iudicio mirè pro-
 bam adducunt: quod Hispania perpe-
 tuò bellis externis insudet: cum Gallia
 ferè solis civilibus armis robur suũ vi-
 resquo impendat. Nec regnum Hispani-
 ense ab intestinis tantum discordiis trā-
 quillum hæc causa præstat, sed & ab ex-
 ternâ vi tutum reddit. Nullibi non Hi-
 spana arma sunt: omnibus bellis immix-
 ti Hispani sunt: omnia tentant, omnia
 movent Hispani. In Italia, Gallia, Ger-
 mania, ubiq; postremò Hispani summæ
 rei arbitrium sibi sumunt, nullibi quàm
 domi suæ imbecilliores. Ita dum omnes
 occupatos tenent, dum bello alios ex-
 ercent, dum dissidiorum semina aut
 ipsi ferunt, aut callidè foveant: procul
 externa arma ab Hispania tenent, & se-
 curi ex litore alienum naufragium
 contemplantur: Duos tamen hic sco-

pulos offendo. Nam qui hoc pacto subjectis sibi securitatem procurant, dum externos temerè laceſſunt, ruinam sibi sæpè accersunt. Injuria enim vindictam provocat. Ita sæpè fit, ut qui alieno inhiant, sua perdant. Hæc enim bellorum spargendorum solertia non minorum dominorum, sed potentium principum est, qui uno loco acceptam cladem è vestigio refarcire possunt. Ceteri aliis artibus insunt. Denique meminerit, qui hæc leget, internæ pacis conservandæ hunc esse, non ampliandi regni modum. Sæpè enim accidere solet, ut qui pluribus manum injicit, nihil apprehendat. Alter scopulus, quem hic signo, est: semper nimium armorum studium perpetuitati regnorum & Rempub. adversum fuisse: quâ de re quam amplissimè dixi ad lib. IV.

§. *Ferrum parabant: ni miles Nonanus, preces & adversus aspernantes minas interjecisset.*] Non erit alienum hoc loco quærere, an Princeps civium suorum in
fe

se mutuò favientium alteri parti, cuius æquior causa videbitur, se jungere, an spectator potiùs alieni furoris esse debeat? Sanè, ubi sperari potest, Principem interventu suo alteram partem perterrefacere, & hoc modo ad officium cogere posse: quin consilio & adversum aspernantes minis, denique civili bello finem imponere debeat, dubitandum non est. Quomodo Ferdinandum Gonzagam Germanorum & Hispanorum militum jamjam in mutuum cladem eruptura dissidia, minitando, iis se cum Italis accessurum, qui pacem respuerent, composuisse Julianus Goselinus tradit. Sed ubi dubius exitus esse potest, & longo bello materia: nemini uni adeò indulgere Princeps debet, ut ipse in partes & factionum odia descendat. Nam *& indecorum est at-
trectare, quod forsitan non obtineatur*, & utrique parti coli, nec suspectum haberi, quàm alteram sibi hostem facere præstat. Quò pertinet, quòd Leonem

X. Pontificem imprudenter egisse nonnulli differunt, cum damnata Lutheri causa, quæ initio Pontificis majestatem in dubium non revocabat, Sylvestro Prierati & sociis accessit. Quin imò fatius fuisse, libertatem calami, quem utique utrinque Pontificis censuræ subiciebant, in Monachis ferre, sibiq; semper integrum servare judicium, quàm precipiti damnatione alterius exasperare ingenium. Et hæc distinctio servanda erit, quotiescunque altera dissidentium partium Majestatem principis manifestè non oppugnat. Nam si id fiat, omnino alteri factioni Princeps nomine, auctoritate, vi suâ robur addere debet. Quâ in re Henricum III. Franciæ Regem graviter errasse censent, qui cum Guisianam factionem sibi & regno perniciem machinari non ignoraret neutri tamen favere, quàm Henrici Navarræi partibus accedere maluit. Sed quia hac de re dicere occepimus: porrò explicemus, an duobus inter se principibus

bus bella gerentibus, qui uni horum vel utriq; vicinus est, medium se gerere, aut accedere alteri debeat? Sed profectò ad hanc quæstionē vix potest simpliciter, & sine multâ cautione responderi. Illud certum est, magnum & suæ potentiæ vix nixum, principem utrumq; tutò facere: Nam si uni suas vires jungat; prona erit victoria, & certus victoriæ fructus. Ex diverso, qui nimia virium imbecillitate alienæ injuriæ exponitur, sive alterius partis amicitiam, sive neutrius profiteantur: vix unquam impediunt, quin præda victoris & ludus esse cogantur. Nam priori casu, si belli fortuna tibi & fœderato contrà dederit, uterque tantum habebitis, quantum victoris libidini placuerit: sin viceritis; ad leoninæ societatis legem victoriæ commodum socio, tibi labores, sanguis impensæ cedent. Posteriori casu utramq; partem, etsi non verbis, re tamen hostē senties. Transitum militibus & com meatum concedere, insolentiam & avaritiā Du-

cum, licentiam militum perferre necesse habebis. Nec hujus patientiæ ullum est precium. Nam quæ uni imputas, eadem illius hosti concessa gratiam omnem corrumpunt. Postremò, qui vincet, idè te pro hoste habebit, quia amicus non fueris.

§ *Tristissima quaque maximè occultantem.*] Dixi supra (*hoc lib. verb. Latique interdum nuntii*) velocissimè plerumq; de principum morte famam diffundi: ideoque excessum eorum supprimendum: donec provisus, quæ in rem sunt, de certo successore transactum sit. Sed & cæterorum quoq; negotiorum publicorum, cladum, victoriarum casus fama portentosa celeritate procul dissitis locis sæpè nuntiasse memoratur: quod non nisi Spirituum Geniorumque per aërios tramites incredibili pernecitate volantium, ministerio fieri potuit. Plura ex veteri historia exempla prudens prætereo. Ex recentiori, clarissima duo recensebo. Florentinis, grave bellum e-

rat cum Gregorio XI. Papa: quod non nisi post triennium Pontificis ipsius morte finire potuit. Anno post mundi Redemporē natū M. CCC. LXXVIII. Serezanam Papa, Florentinorum Procuratores, aliorumque Italix principum, oratores, pacis conficiendæ causa convenerant. Cumque Florentiæ summum in omnibus & impatiens desiderium pacis esset, & quicumque per portam, quâ Serezanâ venit, ingredi ebantur, anxîâ curâ de negotii successu per plures dies interrogarentur: tandem VI. Kal. April. circa secundam noctis horam immanibus pulsibus porta civitatis cohorruit. Accurrunt vigiles, & quis? unde? quare hoc temporis veniat? quærunt. Respondet ille quisquis erat oleæ ramum manu prætendens, Serezanâ se venire, prosperæ rei nuncium. Aperta igitur porta, nuncius quidem nullus, cæterum oliva ibi appensa videbatur: & illicò quasi certæ pacis rumor totâ urbem pervagabatur. Subita

igitur hilaritas : & ubique concurrebant : manibusque , ut quisque advenerat, plausis , novam tranquillitatem , sibi gratulabantur. Inde festus clamor , choreæ, ignes, & cætera lætitiæ ostentamenta Constitit postea, ipsa horâ, quâ Florentia isto spectro turbata est, Pontificem Serezanæ mortuum : & sublato è rebus humanis hoste , pax tantopere desiderata populo Florentino contigit. Hanc, aliasque id generis historias narrat in disput. politicis Apollinaris Calderinus Ravennas. Ego his geminam addo ex Thomæ Fazelli historiâ rerum Sicularum (*lib. XXVI.*) Syracusæ à Saracenis gravissimâ obsidione premebantur. Adrianus Brasinus patricius à Basilio Imp. ad succurrendum missus, ignavo mari & malaciâ in Peloponneso apud Hieracis portû detinebatur. Quæ causa fuit, vi captæ interim urbis : Ejus rei nuncium Adrianus eodem die in Peloponneso habuit. Quippe pastores paludem portui, ubi stationem Græci habebant.

bebant, proximam accolētes pridie captas Syracusas constanter asseverabant, interrogati, unde id scirent? à dæmonibus in suâ palude habitantibus id se accepisse responderunt. Cùmq; Adrianus pastoribus fidem adhibere nollet, & ipse ad paludem accessisset. percontantibus pastoribus Spirituum voce ipse triste responsum suis auribus accepit. Nec multò post, qui ex clade evaserant; dæmonum indicium confirmârunt.

§. *Nullis certis mandatis.*] Satiùs esse, quædam ministrorum, in bello maxime, prudentiæ relinquere, quàm nimium strictis mandatis rerum gerendarum occasiones corrumpere, recenti exemplo docemur. Immanis ille virium maritimarum apparatus, quem in Angliam effudit Philippus II. Hispaniarum Rex, non aliam magis ob causam successu caruit, quàm quòd Medinæ Sidoniæ Dux Classis Imperator, semper Regis cōtraria mādata causatus, omnes rei benè gerendę occasiones omitteret. Nā ut

terrestri expeditione ducis potestas
certis limitibus circumscribi possit: Ita
in maritimis tam strictè itineris & rei
peragendæ ratio præscribi non potest.
Maximè fortuitorum capax mare est.
Opportunitas venti, temporis, cœli,
fluxus ac refluxus, tenebrarum, lucis, &
locorum profunditatis diversa consilia
exposcunt.

§. *Vt sunt mobiles ad superstitionem per-*
cussa semel mentes] Ferdinandus Catho-
licus Hisp. Rex omnes suas cupiditates
colore religionis textit. Et tamen juris-
jurandi religionem hic tantæ pietatis
Princeps adeò neglexit, ut ipse Confal-
vus Magnus non semel in magnorum
virorum coronâ de fluxu ejus fide con-
questus feratur. Inde ejusdem jocus in
vulgus emanavit, dicentis: ejus se Nu-
minis metu adstricturum Principem
suum, cujus majore reverentiâ tange-
retur. Quo dictorio parum sinceram in
eo de religione Christianâ opinionem,
adeoque Judaismo infectam (quâ labe
ho-

hodieque ex Lusitanis plurimi laborare dicuntur) notabat (P. Bizar. XIII. hist. Genuen) Idem Ferdinandus cum aliis principibus acturus, non ex optimatibus oratorem legebat, sed ab alicujus monasterii solitudine extractum: quod hodieque Hispaniæ Regibus usitatum est. Ita præter recisos Legationis sumptus fidem quoque ejusmodi feciales & reverentiam negotio conciliant.

§. *Quamquam rudis dicendi, nobilitate ingenti.*] Ostentatio multiloquentiæ, & verborum anxius delectus in Principe nescio quid Scholasticum sapit. Indigna tanto rege oratoria erat, cum Jacobus Magnæ Britanniæ Rex orationem ob temporis brevitatem minus elegantem in Comitibus regni excusaret. Est aliquid in Principum sermone ipsa horriditate, libertateque, cui à dicentis dignitate gratia accedit, commendabile; aliquid denique, quod nisi in magnis viris (quos quia magna faciunt, parum verbis

bis valere, parùm interest) non laudes.
 Henricus IV. Galliaæ Rex promptâ ac
 profluenti eloquentiâ erat, & quæ dece-
 ret Principẽ. Melchior Cardinalis Clefe-
 lius, siue loquatur siue scribat, vehemẽti
 quadã naturali ac omni fūco aliena e-
 loquentia pollet. Nihil arti, omnia na-
 turæ & negotiis exercito ingenio debet.

§. *Extractum cubili Casarem tradere
 vexillum, intento mortis metu subigunt.*]

Non carebit utilitate adnotare hîc, qui-
 busdam Principibus, quibus suorum fi-
 des suspecta est, usitatam cautionem,
mutare cubilia. Abas Persarum Rex qui
 superiori anno decessit, singulis diebus
 plures sibi lectos in diversis cubiculis
 parari iussit: unde nemo, ubi Rex dor-
 miret, scire poterat: maximè, cum una
 nocte pluries surgere, & ab uno loco in
 alium transire soleret. Quæ providentia
 Henricum quoque III, Angliæ regem
 morti eripuit. Nam cum miles quidam
 incognitas ob causas Regi infensus per
 fenestram noctu cubiculum Regium
 ingres-

ingressus esset, & ferro pulvinar, Regē
 se fodere ratus iteratis ictibus percus-
 sisset: commodū accidit, quòd Rex ea
 nocte alibi dormiret: uti libro decimo
 sexto hist. Anglicanæ tradit Polyd. Vir-
 gilius. Similis cautio fuit, qua usus est
 Ladislaus Neapolis Rex, quē in castris
 rarò solum, sed prout in militum cōtu-
 berna incidisset, cum gregalibus, pane,
 caseo, allio vesci solitum, refert Scipio
 Amiratus, (*in lib. de vita Ladislai.*) nō tā,
 quod popolare rebatur, misceri militū
 vulgo, quam quod à venenis, quæ aurea
 regū pocula miscere solent, hoc modo
 se tutum arbitrabatur. Denique scitum
 est, quod idem Amiratus in parallelis
 scribit: Heleonoram Toletanam Cosmi
 Magni Hetruriæ Ducis uxorem, pri-
 mis imperii annis & invalidis adhuc no-
 vi principatus fundamentis longissima
 noctium spatia lusu & alea transegisse:
 non prava ludendi libidine, sed contra
 crebras, quæ tum in maritum detege-
 bantur, conjurationes.

§. Quia

§. *Quia plerumque ad concilianda vulgustudia eo tegmine pedum induebatur.*]

Abas Persarum Rex, de quo modò dixi, jucundissimâ comitate exterorum regum gentiumque legatos apud se habebat. Tartari animalium cornibus pro poculis utebantur: Igitur in his Tartarorum legatis vinum miscebat. Moschovitas largis compotationibus ad hilaritatem provocabat. Hispani equis donabantur. Hiberis (quos Georgianos hodiè appellamus) suilla caro, quâ mirè delectantur, apponebatur, quanquam eâ vesci Mahumedis lege interdictum sit. Apud eosdem Iberos honoris & reverentiæ genus est, propinatos scyphos humili manu tradere: cùm ex contrario Persis in more positum sit, alterius ori quàm proximè admoveere, ac penè infundere: sed & hac in re patrium morem omittere, & quæ grata exteris, usurpare Rex solebat.

§. *Et quidam bonorum casi.*] Nihil tam suâ naturâ bonum & sanctum est, quod
non

non corrumpat hominum improbitas! Publicis nominibus privatos affectus tegimus. Majestatis judicium, aliorumque criminum persecutio res est sanctissima: & tamen, quoties illa medicina in toxicum evaluit? Inimicitiae, aut judicantium avaritia, quot hominis vita & fortunis everterunt, hodieque evertunt? Domitius Corbulo, plurima per Italiam itinera fraude mancipum, & incuriâ magistratuum interrupta & impervia clamitando executionem ejus negotii susceperat. Sed id haud perinde publicè usui habitum, quàm exitiosum multis: quorum in pecuniam atque famam damnationibus & hastâ sæviebat (*Tacit. III. Annal.*) Inter initia Imperii Flaviani, cum nihil æquè fatigaret, quàm pecuniarum conquisitio: non jus aut verum Mucianus in cognitionibus, sed solum magnitudinem opum spectabat. passim delationes, & locupletissimus quisque in prædâ correpti. (*Tacit. II Histor.*) In Franciâ, regnan-

gnante Henrico II. severissimâ proscripti-
 ptione ibatur in illos, quos vulgus per
 mutatam religionem invisos, Hugono-
 tas appellat: non religionis curâ: sed ad
 satiandam cupidinem Dianæ Valentiaë,
 amicæ Regiæ: cui Rex damnatorum ex
 causa Hæreseos bona donaverat. Po-
 • strems tributâ & vestigalia publica re-
 rum gerendarum nervos esse, quis non
 lubes admittat? sed quis ex diverso adeo
 nostrorum imperitus morum est, ut
 nesciat, ex illâ messe uberrimos fructus
 non tam ad Principem, quàm exacto-
 res, quæstores, canonicarios, opinato-
 res pervenire? His commodum, Prin-
 cipi invidia cedit.

§. Nam spes inceserat dissidere hostem.]

Quas factiones externum principem in
 alieni regni possessionem introducere
 hic dixi, eadem plerumque instabilis
 hautque diuturni Imperii causa fue-
 runt. Cave enim credas, proditiōe a-
 lienī domini jugum quemquam emere
 velle. Inimicitia sunt, æmulationes, me-

tus

tus ambitio, quæ peregrinam amicitiam commendant: quas ubi causas removeris: qui tuâ opera non ultrâ egébunt, odisse te incipient, ex saturatis odiis, & subversis æmulis aut conciliatis: gravis est amicitia, quam ut necessariam ante ambiveramus. Ut taceam, quòd vel nimia cupiditatum suarû professione, vel superba beneficii conscientia, vel alia aliqua causa suspecti plerumque fiunt, aut invisi, quos ut tutelares Genios paulò antè colueramus. Carolus VIII. Galliaæ Rex à Ludovico Sforza, ut se contra Aragoniorum potentiam munit, in Italiâ accitus fuit. Ubi metus cessit, & suspecta Caroli fortuna erat: Ludovicus ipse cum foederatis ejiciendo ex Italia Carolo egregiam operam navavit. Nuper Philippus II. Hisp. Rex unicû labantis religionis in Gallia fulcrû vulgò audiebat. Guisus, Meduanus, Mercurius, Aumalius, Nemorosius in hunc, ut fidei columē respiciebant: hūc velut Medusæ, caput Henrico Navarræo oppo-

opponebant. Et tamen, cum ille sui, Ernesti Aurii, & Claræ Isabellæ Eugeniæ filia in novi Regis electione, rationem haberi vellet, & nimis properè animi sui cupiditates renudaret; repudium Hispanicæ amicitia miserunt, quotquot antè ei innexi erant. Angli olim penè universum Gallia regnum habebant; à Philippo Burgundo, potenti Principe, qui patris necem ultum ibat, velut in possessionem missi. Rex emota mente Anglum filia maritum, & Genero regnum, Carolo filio posthabito, in dotem dederat. Videbatur Deorum hominumque consensus esse & conspiratio in Anglicanam fortunam: cum ecce subitò in pejus omnia labi, cunctaque retrò ferri Henricus, ille Regum flos, illud belli fulmen, & suorum delictum, in medio victoriæ cursu, fatis ostensus tantum moritur; infanti regni bellique hærede relicto. Moritur & Carolus Gallia Rex, (cogita, quàm facilè DEO sit, partium vertere fortunam.)

ob læsa in mentē eorū rerum statu, nō inutilis modò regno, sed perniciosus. Ita non tantum hostis morte, sed & sui Regis excessu res Gallica respirabat, pro fatuo Carolum sapientem impostērū Regem habitura. Is cunctando publicam rem restituit, fortunæ minimum permissio. Avaricum Biturgium, quod tutissimum ē præsētibz, arcem belli elegerat, consiliis & astu, armis procul ostensis, res hostium moliens. Interea Puellæ Aurelianensis ductu, sive prudenti fraude, quod Justus Lipsius mavult, in scenam producta) Aurelianum obsidione liberatum; cūctis ad præsēntissimum DEI auxilium animos recipiētibz. Porro & vivo Henrico Rege, & eo mortuo in Comitibz Sarisberiensibz & Io. Talbotti virtute, fortitudine, prudentia Anglicarum partium fortuna maximè conquieverat. Horum alter in Aureliani obsidio tormenti ictu occisus: alter postea captus est. Igitur senescentibz Anglorum viribz, cum præ-

praterèa Burgundus à Carolo Rege,
promissis, precibus, omni ambitu ad re-
conciliationem invitaretur: deniq; ac-
cedente indignatione, quod, cum Au-
relianenses nō Anglis, sed Burgundo se
debere vellent, intercessissent Angli:
diffiliit foedus & amicitia. Simul Angli
Galliâ cedere coacti sunt.

§. *Spes incesseerat, dissidere hostem.*] Unū
adhuc suprâ notatis addam; Turcicæ
potentiæ ut initium causamque, ab ar-
morum studio, ita occasionem ex Prin-
cipum Christianorum multitudine, æ-
mulatione, discordiis que fuisse. Ita non
modò per nostra diffidia invaluerunt,
sed & hodiè per eadem tuti sunt illi bar-
ri. Dudum finus essent, & solum in hi-
storia nomen, si vires & consilia junde-
remus. Græci Imperatores Occidentis
Principum arma in Turcas pro recupe-
randâ Palestinâ stricta, omni arte, moli-
mine, fraude semper hebetare studue-
runt. Cujus rei nō minima causa fuit re-
ligionum inter Græcos Latinosque dif-
fe-

ferentia: quæ fiebat, ut alteri alterorum
 periculum vel læti, vel sine curâ contē-
 plarētur. Expulsis igitur Palestinâ Chri-
 stianis, Turcæ arma in ipsos Constanti-
 nopolitanos verterunt, dignū perfidiæ
 præmiū: accessere odia inter ipsos Byzā-
 tinos Principes accensa, quibus occæca-
 ti, Turcas ipsos, ut ex hystoria Joh. Can-
 tacuzeni & Georgii Phranzæ constat, in
 mutuam perniciē acciverunt. Quod itē
 non sine perpetua nominis sui infamiā
 factitârunt superiorum temporū Prin-
 cipes: Alfonsus II. Neap. Rex, Ludovi-
 cus Sforza, Isabella Hungariæ Regina,
 Franciscus I. & Henr. II. Franciæ Reges.
 Porro quæ Christianorū discordia Tur-
 cis immanis potentia occasio fuit; eadē
 facit, ut de illâ destruenda nemo cogi-
 tet, & quisque in lucro deputet, non la-
 cessi. Causæ dissidiorū sunt vel ab odiis
 intestinis, vel à positu terrarum, quibus
 hic aut ille imperat, vel deniq; à mutuis
 suspicionibus. Satis loquūtur odia, qui-
 bus nos mutuò prosequimur, tot bella,
 quæ

quæ potioſiorem Europæ partem in hunc
 uſque diem infeſtant, affligunt, exhau-
 riunt. Pleræque nationes, nullis privatis
 ſimulatibus, ſed Principum inclinatio-
 nem & utilitates ſecutæ, velut juſſas ini-
 micitias acerrimè exercent. *Hiſpani*
Gallos, & hi illos, & utroſque Angli,
& univerſi Italos, & Itali univerſos in-
fenſos averſosque habent. Et quod lu-
 gubrius eſt, unius nationis homines in
 bella pluſquam civilia & profanis odiis
 decertata exarſiſſe aut meminimus, aut
 videmus. Nescio quæ infaniæ, quæve
 furia noſtras mentes lymphavit? *Belgæ*
Hiſpanici imperii vel aſſerendi vel ex-
cutiendi cauſa in Belgas, Galli contra
Gallos, & adverſus Germanos, Ger-
mani infauſta arma aut ſtrinxerunt o-
lim, aut tenent hodieque. Sic occupatos
 quæ ſalutis publicæ & juſtiſſimi belli in
 Chriſtiani nominis hoſtes cura ſubire
 poſſet? Nunquam de bono publico aut
 de communi periculo cogitare vocat
 iis, qui in ſuam tantum ultionem, in ſu-

am avaritiam, ambitionemque explendam vigilant. Richardus II. Angl. Rex in Syriam olim exercitum duxit, & ad eos metus Sultanum adegit, ut jam Hierosolyma tradere, & sic cum Christianis pacisci cogitaret: cùm ecce Philippus Augustus, Gallorum Rex, reversus & ipse è Syria, & Richardo infestus, cum exercitu in Normanniam, quæ tùm Anglici juris erat, movet: & Richardum tùm publici orbis rebus intentum ad rerum suarum tutelam in Europam revocavit. Vix seculum inde effluxerat, cùm Philippus Valesius omni regni sui mole ad hæc bella transmarinæ pietatis conversus est. Et aderrant in auxilium Navarræ, Aragoniæ, & Bohemiæ reges, multique prætereà mortales, quos pietas tangebatur. Jam in anchoris classis stabat, quæ quadraginta armatorum millia veheret: trium annorum commeatus additus. Exercitus terra iturus trecentorum millium erat. Tam gravem apparatus tantamque

Ll

spem

spem mundi intervertit Eduardus III. Anglorum Rex, tunc primum Franciæ sceptrum, tanquam matris Isabellæ hæreditatem aggressus vindicare. Sic in nostra viscera acti sumus; & à nobis superati, triumphos Saracenis Turcisque congeffimus.

Præter mutuas inimicitias, Christianorum consilia foedusque in Turcas disjungit periculi à cōmuni hoste impendentis major, aut tanquam ex longinquo minor & incertior vis ac metus. Quò fit, ut propiores tam voraci incendio aut miserè absumantur, aut iniquis pactionibus salutem redimant. Diu est, quod Pannonæ & Austriacæ ditiones (Italorum Germanorumque auxilia mediocria erant) tanti hostis impetum sustinuerunt: cæteris Principibus Christianis securitati suæ indormientibus, Gallis, Anglis, Batavis foedus quoque cum Turcis intercedit, non eâ opinor necessitate, quâ Veneta Resp. coactam cum Turcis amicitiam colit. Nā populus

lus ille mediis undis velut innatans, ne-
 quit arare terram, quæ urbi panem sug-
 gerat: & insulæ in mari sparsæ, vix in ter-
 tiam anni partem frumenta proferre di-
 cuntur: quæ minimo à Turcis petunt su-
 ptu. Præterea mercaturis crevisse urbem
 illam scimus: quas intercidere, & conse-
 quenter ruere urbem necesse, commercio
 cum Turcis, & navigationibus in Ori-
 entem sublatis. Denique præcipua hujus
 foederis necessitas est, quod Veneti ubi-
 que Turcis finitimi primi eorum impetus
 excipere necesse habeant quibus cum soli
 resistere nequeant, & in reliquorum Prin-
 cipum Christianorum ut res sunt, fœ-
 deribus parum spei sit: fatius ducunt, qua-
 lem cunq; cum potentissimo Principe pa-
 cem habere, quam certissimo cum rerum
 suarum damno bellum. Nunquam enim
 aut moverunt arma, aut deposuerunt si-
 ne imperii sui diminutione. Tertiâ dis-
 fidiorum inter Christianos Principes
 velut nutricem esse dixi, mutuas suspi-
 ciones, ob quas nulla tam sancti fœderis

spes esse possit. Nam qui ex fœderatis vel portuum commoditate vel aliâ opportunitate bellum expeditiùs profectui, aut bello capta faciliùs tueri poterit: reliquorum æmulatione nunquam carebit. Austriaci Principes commo-
ditionû, quibus imperât, situ, armis, pecuniâ, milite penè soli Turcicæ potentia opponi possent. Sed plerique fortunas ipsorum augeri non æquis visuri sunt oculis: imò infringi illorum vires omnes præoptabunt. Adeoque auxilia Imperii Principum tuendis potius, quàm proferendis finibus mittuntur: ut Trajanus Boccalinus alicubi scribere non sit veritus: Satius esse Germanis, amittere Viennam, quam recuperare Budam.

His igitur obicibus publicum bonum, & communis periculi depulsionem retardantibus nescio sanè, quid in nostris armis, fœderibus, viribus spei ponendum: Legatos belli redemptores hucusque in aulam Byzantinam misimus:

simus: scilicet ne furiis nostris intercederet hostium misericordia, neve ferrum in nostra viscera sæviens, ex manibus nobis eriperent inimici. Sancte Deus, Fortis, Magne, Terribilis! Peccatorum hæc à te nostrorum pœna est. Tu quidem sædam gentem, cum tibi visum fuerit, infortunio & excidio mactabis. Hoc gementes sub tam feræ Tyrannidis mole expectant à te Christiani, hoc templum tuum, quæ vesani deleverunt: hoc denique Justitia tua, cujus est tot innocentium sanguinem fusum, barbarorum libidinem, & cætera nefanda belluarum istarum flagitia vindicare. Sed hoc non faciunt fœdera nostra. Domine: Tu armabis manum ejus, quem elegeris, Tu facies, Domine Sabaoth.

§. *Achajam ac Macedoniam onera deprecantes levare in præsens pro consulari imperio, tradique Cesari placuit.*] Cum Augustus ex S. P. Q. R. voluntate imperium singulare, quod minus legiti-

mum antè videbatur sibi uni stabiliis-
 set: quo regni occupandi omnem à se
 depelleret suspicionem: nequaquã toti-
 us imperii curam sibi uni deposcit: sed
 provincias omnes cum populo divisit.
 Quæ pacatæ erant & imbelles, ac à fini-
 bus imperii longiùs aberant, militumq;
 præsidio non indigebant, populo tradi-
 dit: eas verò, quæ militaribus copiis in-
 structæ erāt, quo exercitus omnes, qui-
 bus sua magnitudo innitebatur, in suā
 potestate haberet, sibi retinuit, tan-
 quam eas quoque pacaturus, & deniq;
 populo rediturus. In eas, quæ populi e-
 rant, Proconsules: quæ Cæsaris, Legati
 Præsidesque, mittebantur. Cæterum,
 ut rectior ambitio esset, potestatem Rei-
 pub. constituendæ & provinciarum or-
 dinandarum in decennium tantum as-
 sumpsit Augustus. Decennio transacto,
 cum adhuc non ex sententia composi-
 tæ res essent, in quinquennium, ac de-
 inde etiam in tertium decennium, &
 petiit & impetravit, ita ut successionem
 quin-

quinquenniorum, & decenniorum perpetuò imperium administraverit. (*v. Onuphr. Panv. III. Comment. de Repub. Rem.*)

Ad librum II. Annalium.

§. *Ceterum Tiberis haud ingratum accidit.*] Occidere, privare oculis, aut naso, in Monasterii solitudinem detrudere viros eminentes, & regnandi suspectos, Tyrannica cautio est. Cui adde, quod Normanici generis in Sicilia Reges super effossos oculos nervos super talum magnis viris incidere, eosq; perpetuo postea carceri mancipare solebant: quod ex Thomæ Fazelli historia constat. Cautione à CHR. Besoldo V. C. Doctore meo, præscripta: adigere magnos viros ad ducendas uxores & suscipiendos liberos: ancipitem esse, & tam nocere posse, quam prodesse dixi. Rationem dicti in notis habes. Certè Hēricus Guisus Gaspari Schōbergio monenti, moderationem servaret, Regis

potentiæ ne nimium insultaret, plebejo favori ne fideret, ad uxorem liberosque respiceret, respondit: *Non se duxisse uxorem, nec liberos suscepisse, ut essent, qui ejus consilia interturbarēt* (Thuanus: XCIII.)

Carolus Emanuel, qui nunc Allobrogibus imperat, Saluciarum Principatus invadendi eam rationem habuit, quod Deum tam pulchrâ & numerosa sobole minimè se auxisse diceret, ut ditione, quàm à majorib. acceperat, exiguâ contentus esset (Thuan. XCII.) Denique sunt, quibus de magnis hominibus audacter, & plerumque in deterius judicare mos est, qui Mauritio Nassovico, foederatorum Belgarum summo Imperatori non constitutam integritatem fuisse putant, si ex unâ & legitimâ uxore liberos sustulisset. Eodem loco necessarium præceptum posui, magna imperia hant diuturna sinere. Quo pertinet, quod Philippus II. Hispan. Rex testamento filium jussit, Proreges Indiæ Occidentalis crebrò mutare:

tare : quique revocabuntur , consilio Indiarum adhibere , alterosque alteris per vices succedentes, quasi exploratores apponi. Ita futurum, ut nec diuturnâ absentiâ corrumpantur, & potius de gloria inter eos per æmulationem , quàm de privato compendio per factiones sit certamen.

§. *Suum militem haud perinde vulneribus, quàm spatiis itinerum, & damno armorum adfici: at si mare intretur , promptam ipsis possessionem, & hostibus ignotam: simul bellum maturius incipi.*] Vires maritimæ magnum pondus addunt expeditionibus bellicis. Nam sine his nec miles cogi in tempore, nec commeatus & instrumenta belli convchi tam commodè possunt: milites quoque & jumenta per inopiam & labores fatiscunt. Denique rerum bello necessariorum subvectio terra longè majores requirit sumptus, quàm mari. Unde fit ut cum Turcarum Imperatores cum Hungaris & Persis bellum habent, eundo &

redeūdo non modò major ætatis pars,
 sed etiam tot milites miseriis & itinerū
 incommodis absumantur, ut ferè nun-
 quam lucrum impensæ respondeat.
 Nectamen iis assentimur, qui mariti-
 mam potentiam terrestribus viribus
 præferunt, quos ipsa satis experientia
 refellit. Neq; enim aut Cretenses olim,
 aut Polycrates Sami Rex, qui mille na-
 ves armatas habuisse dicitur, aut Rhodii
 aut Phœnices, aut deniq; Veneti, Genu-
 enses, Pisani, Britanni, Batavi, quamvis
 mari potentissimi aut fuerint, aut adhuc
 sint, in terra continenti unquam latè
 protulerunt imperium. Ex diverso Ro-
 mani, Carthaginenses, Saraceni Græcos
 Imperatores, Augustus Sextum Pōpe-
 jum, maris dominio solâ terrestri mili-
 tiâ, quam in naves transtulerant, penè
 nullo negotio pepulerunt. Ut proinde
 falli illos manifestum sit, qui maiorem
 fore Venetorum potentiam putant, si
 posthabito Longobardicarum urbium
 imperio, maritimis rebus, quo cœpe-
 rant,

rant, studio incumbere perrexissent.
(*vide Boter. X. della ragion di stat. & lib. I.
dell. Rep. di Venet.*)

§. *Flumen Visurgis.*] Ad hæc verba ad-
notavi, moris esse, ut cum duo Princi-
pes conveniunt, is, qui dignitate anti-
stat, prior ad constitutum locum veni-
at. Honoris enim speciem esse, quod
alter posterior, & ad hunc accedere vi-
detur. Consimilis observationis est,
quod Arnoldus Oslatus Cardinalis in
epistolis tradit, Principū oratores, qui
posteriores advenerunt, à cæteris,
quamvis majorum legatis primos ho-
noris causâ adiri, salutarique.

§. *Haudperinde Germanos vulnera, lu-
etus, excidia. quàm ea species dolore & ira
affecit.*] Templum Diuo Claudio apud
Britannos constitutum, quasi ara æter-
næ dominationis aspiciebat. (*Tacit. XIV.
annal.*) Genuenses Alfonso Regi quot
annis auream pelvim ex pacto mitte-
bant. Hanc cum ille, convocatis omni-
bus proceribus & populo inspectan-

te, non secus ac devictarum gentium manubias in sublimi folio, triumphantis specie recipere solet; Genuenses inde deficiendi ab ipso causam sumpserunt. (*P. Bizar. XII. hist. Genu.*) Prudentius Serenissimus Sigismundus Poloniae Rex, Serenissimum Maximilianum Austriam à Samoscio captum Cracoviam adduci vetuit: ne tantæ dignitatis Princeps potius in triumpho duci, quàm custodiri videretur: neque incensis semel contumelia animis ad reconciliationem via præcluderetur. Ad id, quod odia ultra inimici mortem non extendenda dixi, spectat, quod Elisabetha Angliæ Regina Mariæ Scotæ ipsius sententia damnatæ, & postea capite truncatæ exequias c. florenorum cto. sumptu instruxit. (*Thuan. LXXVIII.*)

§. *Nec minor Germanis animus, sed genere pugna & armorum superantur.*] Retuli hoc loco inter causas, propter quas diuturniora nostrorum tēporum bella sunt, & cur nostri Principes quanquam

potentissimi , non ut veteres parvo temporis spatio extendere regnorum suorum terminos potuerunt , tormentorum bellicorum incommodam molem & pondus. Sed huic difficultati tollendæ facit Abæ, qui superiori adhuc anno Persarum regnum tenuit, consilium : Sermo erat inter Regis familiares de expeditione Ormuzanâ, quam tùm ipse animo agitabat : videbaturque impedita plerisque ac penè impossibilis ; quòd naves regiæ portandis majoribus tormentis, quæ ad arcem feriendam necessaria erant, ineptæ essent. Quibus Rex, Monachis aliquot Lusitanis coram, respondit: Si non potero trajicere integra tormenta ; metallum in frustra concisum transportabo , fundamque tormenta in ipsa Insula. Consilium non aspernandum Ducibus, quibus superare montes , aut minoribus navigiis transire maria necesse est.

§. *Ita moderans, ne lenire neve asperare crimina videretur.*] Præmia ipse Princeps

ceps tribuere, pœnam non nisi per magistratus irrogare debet. Quod Philo Hebræus pulchrè docet in libro de Abrahamo, his verbis: *cum illi sapēti (Abrahamo) oblata esset trium virorum species: duos tantum ad excisam regionem eloquia divina dicunt venisse, ut delerent ejus incolas: cū tertius indignos adventu suo duceret Is quantum equidem intelligo, erat ille, qui verè Est: aquum judicans, ut bona per se ipsum largiretur, contraria verò exequenda suis potentiis relinqueret: & sic solorum bonorum author precipuus, mali verò nullius existimaretur. Id quod mihi videtur, & reges ad imitationem naturæ divinæ facere: dum per seipsos gratias porrigunt, pœnas per alios sanciunt.*

§. *Et quanquam multi è domo Principis sustentasse opibus, juvisse consiliis dicerentur hanc quæstionem.*] Retuli in notis ad librum primum Theodosii Augusti moderationem, qui cæso Valentiniano rebellium duce, de conjuratis quæstionem agitari noluerit. Hujus consilii ratio-

tio-

tionem reddit Ammianus Marcellinus: *ne formidine sparsâ per multos, reviviscerent provinciarum compositi turbines.* Interdum alii respectus à pœnarum immaturitate abstinendum suadent. Quidam crudelitatis famam horrent: alii ex paucorum cæde surgentia pluriû odia verentur. Viennæ urbis magistratus liberes de Ladislao Rege Pragæ veneno sublato in Eizingeri, qui eum in Boemiam deduxerat, invidia jactas voces cohibuere: non tam Eizingeri amore, quàm ne Boëmi irritarêtur: quos pacatos sibi vicinos, quàm infensos malebant. (*Aeneas Sylv. hist. Boem. c. XXI.*) Jovius autor est, quanquâ veneno perempti Leonis X. Pontificis multa & magna suppeterent argumenta, tamen in auctores inquiri vetitum: ne in nomen magni cujusdam Principis inexprabili cum invidia quæreretur.

§. *Invisus Tiberio, quod eum Rhodi agētem nullo officio coluisset.*] Francisci Simonetæ exemplo monstravi, Principes

cipes ferè reconciliari, & depositas iras in ministros primarios vertere, ac velut exacto alteros ab alteris inuisos sibi ad pœnam deposcere. En tibi alia duo hujus rei documenta Hadrianus IV. Pontifex opere procerum Apulorum & Calabrorum, Guilielmo Regi, cùm eas provincias ademisset, non multò post, inconsultis omnibus, cum Rege pacem fecit: Proceribus, qui ab eo defecerant, necessitate, fugâ, sibi salutem quærendi, impositâ. Ex quibus Rober-tus Capuæ Princeps ad Lirim fluvium à suis proditus, oculis privatus, & in carcerem conjectus miserè periit. (*Fazell. XXVI.*) Friderici Siciliae & Caroli Neapolis Regum bella composita sunt, additâ lege, ut Proceres, qui ad alterutrum Regem transierant, omni patrimonio, quod in violatis regnis possederant, in perpetuum privarentur. (*Fazell. lib. XXIX.*)

§. *Tiberius dimoverat Syria Creticum Silanum.*] Notavi hîc, Venetos in majori-

joribus suæ ditionis civitatibus Justitiæ
 curam, cæteramque civilem admini-
 strationem, & armorum præfecturam
 nunquam in unum aliquem conferre.
 Cui addendum est, quod Arnoldus
 Offatus Cardinalis in Epistolis præci-
 pit: Urbis præfecturam, & arcis in ea
 sitæ custodiam nunquam uni alicui
 committendam. Idem Offatus monet,
 nunquam provinciarum præsidibus
 concedi debere, ut ipsi civitatibus pro-
 vinciae suæ Rectores, aut præsidiis Præ-
 fectos imponant. Ipsius Principis id
 munus esse: eaque in re, ut in plerisque
 regnandi capitibus graviter errasse
 Henricum III. Gallorum regem, quod,
 cum maximarum provinciarum admini-
 strationem gratiosis in aula homini-
 bus tradidisset, iisdem, civitatibus, quos
 vellent, Juridicos, quosque vellent Tri-
 bunos centurionesque arcibus impo-
 nere permiserit.

*§. Offensus urbi, propria quoque ira,
 quia Theophilum quendam Areo judicio
 falsi*

falsi damnatum precibus suis non concederent.] Refragari quanquam injustis desideriiis suis, injuriam potentes putant. Piso Atheniensibus iratus erat, quod eum infra justitiam colebant. Rodericus Gomezius Sylva, ille in Philippi II. Hispan. Regis gratiâ adeò potens, Piscaræ Marchioni, tunc Siciliae Pro-Regi, duos, qui se proximo sanguine contingebant, in opulentarum nuptiarum spem (splendidissime enim in illo regno dotés dicuntur) commendaverat. Cum autem, nisi vis adhiberetur, confici negotium nō posset; & Pro-Rex ab omni injustitia abhorreret: duo illi, læsos se, quod Pro-Rex potestate suâ usus non esset, arbitrati, & jus malevolentiam interpretantes, ex Insula se in Hispaniam proripuerunt, questibus aulam & Syllvam implentes. Nec à periculo longè aberat Pro-Rex: cū ipsum opportuna mors rebus humanis exemit.

§. Ambigua gens antiquitus, non modo ingeniis, sed situ terrarum; quo nostris provin-

vin-

vinciis latè pratenta, penitus ad Medos
 porrigitur: maximisque imperiis interjecti,
 & sæpè discordes sunt; adversus Romanos
 odio, & in Parthum invidia.] Similis
 morum Armeniorum descriptio ex-
 tat lib. XIII. Annalium in his verbis :
Armenii ambigûa fide utraque arma in-
vitabant; situ terrarum, similitudine mo-
rum Parthis propiores; connubiisque per-
mixti, ac libertate ignota, illuc magis ad
servitium inclinantes. Hodiè non val-
 de absimilis Armeniæ Hungaria est:
 inter duo maxima imperia, Romano-
 Germanicum & Turcicum posita.
 Cum neutris gentis illius mores con-
 veniunt: Turcæ tamen veteres hostes,
 & religione diversi, quotidianis deniq;
 injuriis infesti, sine exceptione inimici
 habentur. Adde vel præcipuam causam
 (quâ ab Armeniis, quos ignotâ liberta-
 te ad serviitiû inclinare Tacitus ait) dif-
 ferût Hûgari quod nō alia in isto regno
 ingētior nobilitati cura, quā ne quid de
 iis prærogativis decedat, quas à tam
 mul-

multis ætatibus intemeratas habent.
 Turca autem in unam servitutem om-
 nis claritudinis sanguinisque familias
 premit. Inde ex necessitate in Imperio
 & Austriaca Domo quæsitum contra
 inimicam potentiam subsidium; & re-
 ges ex Germania sumpti: quos tamen
 inde petere, quàm habere, hucusque
 maluisse videntur. Nam nec Ferdinan-
 do I. nec Rudolfo II. nec Serenissimo
 nostro Ferdinando II. pacata semper il-
 lius regni possessio fuit. Suspica optimatibus
 ingenium, quod opum & po-
 tentiæ conscientia, ac vicini Turcæ
 prompta auxilia acrius irritant. Step-
 hanus Botscajus non vi, non armis subigi
 potuit: pace obstrictus est. Nuperrimè
 Buthianus cum Turcis incendio, cæde,
 rapina ad Viennæ usque suburbia im-
 punè evagabatur. Rodolfus Imperator,
 sublato è medio Andrea Bathorio Car-
 dinali per Michaelē Valachiæ Princi-
 pem: ipsum Postremò Michaëlem tur-
 bidorum consiliorum insinulatum im-
 misso

misso milite occidit. Sigismundo Bathorio, ex amplissimo principatu in unum Moraviæ hypocauftum deportato otium fecit legendis, quibus impensè delectabatur, Senecæ & Lipsii epistolis, atque studendi puritati latini sermonis. Nec cum Mose Siculorum fortissimo Duce ad ultimum amicitia constitit. Qui reverenter de actis tanti Principis judicabant, infelicitatē temporum accusabant; quibus sine cædibus & injuria optimè meritorum Principum regnum servari non posse videbatur. Alii acriùs, familiare Austriis esse, dicebant, in novis regnis parandis sic indigenarum & primariorum virorum opibus & opera ad res firmandas uti, ut postea pro beneficio maleficia reddant; & subeunte fastidio eos tanquam suspectos, occasione quæsitâ, de medio tollendos curent. Cæterum, quod Tacitus (XII. *Annal.*) barbaros Roma petere Regem, quàm habere malle, eorumque acres impetus cunctatione languere

guescere, aut in perfidiam mutari, dixit; præter id, quod de Pennonum gente nunc retuli, aliud exemplum occurrit in Moschorum populo. Stephanus Barthorius Poloniæ fortissimus Rex Livoniam illis & Plescoviã armis abstulerat: & ad majora aspirabat Theodosius, qui Basilio Patri in magno illo imperio, successerat, nullo judicio juvenis, & nullâ rerum experienciã erat. Itaque ad externas illi opes respectabant. Nec longa consultatione opus. Domus Austriaca propria potentia, fœderibus & haut occultis in Polonum simultatibus tantæ fortunæ capax videbatur. Theodosium juvenia incautum, ut regno inhabilem, vel è vivis tollere, vel monasterio includere animus erat. Igitur secreti nuncii Pragam ad Rodolfum Cæsarem mittuntur, resq; tam magna in aula Imperatoris summo cum silentio agitabatur. Et jam parum ab exitu res abesse videbatur: cum maximè alieno tempore Stephani Regis mors intervenit; magno qui-

quidem inaperitorum gaudio, qui domus Austriacę emulum, ac penè profectum hostem mortuum publicè lætabatur. Verùm prudentiores, & quibus hujus secreti notitia, excessu Stephani Austriacos à tantâ spe excidisse, haud vanè augurabantur. Nam Moschi metu, qui ipsos ad consilium petendi ex Germania Principis adegerat, soluti, omisso negotio domum abierunt.

§. *Petere interim, ne Vonones in Syria haberetur, ne proceres gentium propinquis nuntiis ad discordias traheret.*] Ita de Rhescuporide Thraciæ Rege hoc eodem libro Tacitus inquit: *Damnatum in Senatu, ut procul regno suo teneretur. Et Antistio Veteri è primoribus Macedonia, ut turbido, & Rhescuporidis consilio permixto aquâ & igni interdictum est: additumque, ut insulâ teneretur, neque Macedonia, neque Thracia. opportunâ (Tacitus III. Annal.)* Hoc argumento Plautum & Syllam Neroni invisos reddidit Tigellinus: nobilitatem eorum

rum & propinquos, huic Orientis, illi Germania exercitus commemorans. (Tacitus XIV. Annal.) Et Valerius Asiaticus Claudio suspectus fuit, quod genitus Vienna, multisque & validis propinquitatibus subnixus turbare gentiles nationes promptum haberet. (Tac. XI. Annal.) Cæsari Atestino inter alias transactionis cum Clemente VIII. Pontifice leges, ea quoque dicta fuit: ut intra præstitutum tempus omne patrimonium, fundosque, quos in Ferrariensi ditione habebat, divenderet. Henricus III. Galliarum Rex Britanniarum Armoricarum præfecturam Philippo Emanueli Lotharingo Mercurii Duce concessit contradicentibus prudentioribus, & præcipuè Philippo Huralto Cevernio : Quod Mercurianus ab uxore Maria Luxemburga tanquam Pentauriarum Domus hærede Jus in Britanniam sibi vendicaret. Et cum postea Henricus IV. Carolo Gvisio Provincia præfecturam detulisset: idem Cevernius regni Cancellarius

rius intercessit:regni arcanum esse dicens,ne ulli procerum,qui jus in aliquâ provinciâ haberet, præfectura ejus attribueretur atqui notum esse, ab Jolanda, Renati Andini, Siciliae Regis F. prognatos Lotharingos jus in Provincia Comitatu sibi semper vindicasse. Denique quibus mortalium actiones profanis tantum finibus metiri solens est, Sigismundum Bathorium Transylvaniæ Principem imprudenter fecisse disputant,quod cum Rodolfo Cæsare contra Turcas foedus fecerit : & pro foedere cum Turcis rupto uxorem ex Domo Austriacâ, atque in dotem bellum Turcicum acceperit ! Ita enim ei belli cum potentissimo hoste gerendi necessitatem impositam : nec in Cæsare satis virium & auxilii : Denique iis qui Transylvaniam Regibus Hungariæ subjectam olim fuisse dicebant, aditum esse factum. (*Adde quæ scripsi ad lib. VI. verb. Ut genus Arfacis &c.*

§. *Arctâ cum Rege amicitia, eoque ac-*

Mm

commo-

commodatiorem ad fallendum.] Pari fallaciâ Archelaum Cappadociæ Regem Tiberius matris literis Romani elicit (Tiberius V. h. lib.) & Otto III. Imperator Crescentium in Mole Hadriani obsessum fide per Tanaum hominem sibi familiarissimum præstitâ sese dedit, suspendio necavit. Denique Henricus IV. Galliæ Rex Bironum per Petrum Fugæum Elcurium, & præsidem Janinum, quibus ille multum tribuerat, alter etiam castrorum metatoris munere sub eo defunctus erat) in aulam ad supplicium pertraxit.

§. Remmius Evocatus priorî custodiæ Regis oppositus, quasi per iram eum gladio transigit. Unde major fides, conscientia sceleris, & metu indicis mortem Vononi inlatam.) Nota hæc facinorosorum ars est. Henricus VII. Angliæ Rex Johannem Lincolniensem, quem fabulam de Pseudo Eduardo cudisse suspicabatur, ut de sociis ex eo rescisceret, interfici vetuerat. Interfectus tamen est in prælio

orælio à consciis, metu indicii. (*Polyd. Virg. XXVI. Angl.*) Comprehenso Scario quodam Turcâ, qui Cantacuzeno Imperatori insidias struxerat, cùm qui circumfistebant ad eum trucidandum profilirent; edixit Imperator, pro hoste habiturû, qui ei manus intulerit: sumpturumque in argumentum communicati cum eo consilii, (*Ioh. Cantacuz. lib. III. Hist.*)

§. *Missi à Pisone incusabantur, ut varetudinis adversarimantes*] Suspectû est omne nimium officium: & vix unquam suspicione carent ab hoste profecta amicitia ostentamêta, Cùm Domitianus Cn. Agricola[m] ægrotantem crebrius per nuncios viseret, & libertorû primi, & Medicorum intimi, quotidie adessent, nō tàm curam illud quàm inquisitionem fuisse Tacitus ait, (*In Agric.*) Fredegundis Chilperici Gallia Regis primò pellex, mox justa uxor, Prætextatum Rhotomagensem Antistitem in templo sacra peragentem percuti-

adef
inquisi
Agric.
Regi

endum curavit; lethali quidem vulnere
 sed cui aliquandiu supervixit. Mœstus
 eo ipso venit visere: sive ut exploraret,
 sive ut oculos in ejus angore pasceret.
 Atque ibi bellè, ut putabat, dissimulans,
 questus & iram miscuit, quòd in talem
 virum tantum patratum esset facinus,
 & author lateret. Sed prætextatus vicini
 nâ morte liberior: minimè, inquit, la-
 tet; & testor me ejus scelere percussum,
 quæ Reges occidit. Ea Fredegundise-
 rat.

§. *Obsistente Sentio civile bellum inci-
 pi.*] Eadem penè verba eundem in sen-
 sum tendentia sunt lib. I. *Si auxilia &
 socii adversum abscedentes legiones arma-
 rentur: civile bellum suscipi.* Seditiones &
 rebelliones, præterquam uno casu (quò
 notavi ad hunc lib. II. *verb. Cunctaque
 ejus facta. cum prohibere &c.*) adhuc in
 herba, & antequam adolefcant, viresq;
 acquirant, armis, aut quovis modo op-
 primi debèt: certo tùm successu, & nul-
 lo regiæ majestatis periculo. Verùm
 du-

dubiis rebus & ubi ambiguus exitus
 esse potest; omnia prius tentanda sunt,
 quàm arma: nec nisi ex necessitate civi-
 le bellum suscipiendum. Videtur igitur
 minus prudenter fecisse Serenissimus
 Sigismundus Poloniæ Rex, qui, cum
 Carolus Sudermanus Patruus adhuc
 omnia ad Regis obsequium, regnique
 commodum referret, ac, ut verbis fi-
 dem faceret, eodem tempore naves
 bellicas, quæ regem ex Poloniâ in Sue-
 ciam transportarent, Dantiscum misisset;
 non nisi instructo cum exercitu in
 regnum venire maluit. Inde suspicio-
 nibus & querelis patefactus locus, &
 denique regii obsequiij ejuratio. Pru-
 dentius Grimoaldus Longobardorum
 Rex adversus Lupum Forojuliensem
 Ducem defectionem molientem, ne
 Longobardos civilibus armis imbue-
 ret, Cacanum Hunnorum Regem con-
 citavit. (*Sigon. de Regn. Ital.*)

§. *Haut ignavo ad ministeria belli Juve-
 ne Pisone, quanquam suscipiendum bel-*

lam abnuisset.] Meo tamen consilio & iudicio consultius fecerit Princeps, abstinere ministrum ab executione cōsili quod non probavit. Vix enim magnis cœptis debitam alacritatem adhibet, qui de exitu non benè sperat.

Ad librum III. Annalium.

§. *Nam vulgatum erat, missam à Cn. Sentio famosam veneficiis.*] Sæpè mihi mirari contigit improbitatis ingenium, cùm veneficii varias species in historia legi: Ecce, quam solerti scelere Britannicum sublatum Tacitus refert. Claudius veneno delectabili boleto- rum cibo infuso necatus. Otto III. Imperator chirothecis veneno illitis peremptus. Conradus Friderici II. F. infecto venenis clystere à Manfredo fratre extinctus. Ladislaus Neapolis Rex ex coitu cum puella ab ipso patre, pretio conducto, venenatâ periit. Et ô scelus! etiam sacrum panem, in omnium malorum, atq; adeo æternæ mortis antido-

non ab ipso Deo nobis datum, malefi-
 cis succis tinxit, eoque Henrico VII.
 Imper. vitam ademit, unius monachi
 immanis audacia. Taceo, quæ quotidie
 funera faciunt, facis venenatæ fumus;
 corrupta floris suavitas, fatalis cultelli
 illita acies, & quæ alia inhumana homi-
 num excogitavit immanitas! Magis ju-
 vat cautiones hîc referre, quas vitando
 huic malo præscribit Excellentissimus
 Medicus, amicus noster Ludovicus Se-
 ptalius. Initio ait, nihil aut parum præsi-
 dii esse in iis, qui prægustare Principum
 cibos & potus solent. Nam & illos, si fi-
 di sunt, falli posse: nec veneni vires mo-
 mento se exerere: denique perime-
 re posse copiosum cibum potumque,
 qui gustu tantum exploratus sine noxa
 sit. Quod si ipsi hi tales scelesti esse ma-
 lunt; mille modos esse, quibus fallant:
 posse præsumendo medicamenta se ad-
 versus noxiam vim munire: posse ven-
 trem prius multo cibo implere, dein
 vomitare virus: posse illam partem

libare, quam veneni immunem sciunt.
Cæterum præcepta Septalii hæc sunt:

I. Princeps in ministeriis secretioribus puerorum magis operâ, quàm adultorum, & horum, quàm senum, (nisi & illi exploratæ fidei sint,) utitor.

II. Pauci sunt, qui hæc intima ministeria curent. Nam inter multos semper unus erit, sceleri paratus.

III. Indusia, cæteraque linea supellex à fidissimis asservator: sitque infecta fumo odorifero ex foliis lauri & rosarum.

IV. Reconditas & atrâ bile involutas mentes caveto.

V. Aleæ deditos fugito.

VI. Uno ciborum genere nimis impensè se delectari ne monstrato. (*adde quæ dixi in his parolipomenis ad lib. I. verb. Extractum cubili Casarem.*)

VII. Boletos, fungos, ranas ne edito: ne sub prætextu, quod his cibis suâ naturâ maligni aliquid insit, tutius veneficia patrentur.

VIII.

VIII. Plerumque appositum sibi panem, quæsito colore duriores esse, aut non satis coctum, mutato.

IX. Si cibis aut potio peregrinum oluerit, aut sapuerit, expuito.

Hæc Septalius: qui idem falli eos ait, qui se ovorum sorbilibus esu tutos putant: Nam & his venenum facillimè infundi. Quod qui fiat, equidem non me intelligere fateor. Illud sanè scio, DEI & Genii tutelam esse, quæ non à venenis modo, sed cæteris quoque insidiarum dolis securos nos & inviolatos præstat. Absque his nulla cura, nulla diligentia, nulla denique cautio profecerit.

§. *Inter irritamenta domus foro imminens.*] Invidiæ irritamentum Pisonis domus foro imposita hîc dicitur. Quæ eadem res sæpè affectati principatus argumentum fuit, aut rebellionis cogitatæ suspicionem præbuit. Valerius Poplicola ex eo, quod Romæ in summa Velîâ ædificarat, atroci invadendæ

Reip. crimine notatus est. (*Liv. II.*) Genuæ olim privatorum turres depressæ sunt, & ad altitudinem LXXX. pedum reductæ. (*Sigon. XV. de reg. Ital. P. Bizar. I. hist. Genuens.*) Et ante illa tempora iidem Genuenses Pisanos hostes suos pertinaci obsidione coëgerunt, ædes suas usque ad unam contignationem demoliri (*Sigon. XI. de reg. Ital.*)

§. *Atque utinam ego potiùs filio juveni, quam ille patri seni cessisset.*] Cantacuzenus Imperator, in historia gloriæ suæ adscribit, filios habuisse, quorum haud rarò consilium exquirebat, & sequebatur. Scipio Amiratus in Parallelis tradit; Philippum Valerium jamjam cum Patre, Cosmi Medicæi jussu capite truncandum, his verbis usum: alii quod patrum monita negligant, ego, quod nimis patris authoritati obsecutus sum, ad mortem adigor.

§. *Sibi tamen adversus eum integras.*] Principes nullo se pacto, nullo fœdere aut reconciliatione cum perduellionis reo

reo teneri putant. Cùm apud Sixtum V. Pontif. de Henrici Guisii in urbem Parisiorum adventu referretur, exclamasse ajunt: ô temerarium hominem, qui omnis salutis suæ posthabita curâ irritatum Principem vitæ & mortis suæ arbitrum fecit: dein cum à Rege benignè acceptum intellexit. clariore voce inclamasse: ô fatuum & ignavum Principem, qui inimicum hominem exitio suo natum sibi è manibus elabi passus est. (*Thuan. XC.*) Cætera vide sis in Notis.

§. *Quàm solus & nullis voluptatibus avocatus mœstam vigilantiam &c.*] Nimirum frequens Principale secretum, aut in arcanarum libidinum, aut sævæ cogitationis argumentum plerumque trahitur. In Tiberii secessu fœdæ libidines & crudelium consiliorum digestio erat: in Julio III. Pontif. nulla publici curâ marcidæ voluptates: in Henrico III. Franciæ rege, cùm solus esset, atrox & magni alicujus facino-

ris prævia meditatio: hyberno maximè tempore, quo Melancholiâ plerumque vexabatur. Tunc enim domesticum tractabile ejus, reliquo anni ingenium morosum & difficile experiebantur: tunc parci somni erat, & totam noctem vigilans, aut temporius surgens: IV. viros à secretis epistolis, & Cancellarium tractandis assiduè negotiis fatigabat. Denique parum illo tempore à furore aberat. Naturam ejus Cevernius, qui pueritiæ ejus admotus erat, optimè noverat: qui & forè prædixit, ut, si Gvissius eum ultrà laceßere pergat, ab eo sine strepitu in cubiculo quodam die interficeretur. (*Thuan. XCV.*)

§. *Romana Civitas olim data.*] Id nisi virtuti olim Romæ premium erat. Veneti quoque summis Principibus volentibus, cupientibusque, jus suæ civitatis tribuerunt. Ut ineptus sit Cantuzenus Imperator, qui lib. IV. suæ historiæ Crali Triballorum Principi exprobrat, quod se in Senatum Venetum adlegi passus esset.

§. *At*

§. *At hercule nemo refert, quod Italia externa opis indiget, quod vita populi Romani per incerta maris & tempestatum quotidie volvitur.*] Certè Claudianis temporibus quindecim dierum alimēta non ampliùs urbi superfuisse. Tacitus refert: (*XII. Annal.*) cùm magnâ Deûm benignitate, & modestiâ hyemis rebus extremis subventum est. At hercule olim ex Italiæ regionibus longinquas in provincias commeatus portabant: nec tunc infæcunditate laborabatur. Sed Africam potius & Ægyptum Romani exercebant: navibusque & casibus vita populi permittebatur. (*Tacitus XII. annal.*) Verùm hodiè, quanquam Italia aliquot locis, ut apud Benacum, in Gallia-Cisalping & Campania, amœna & fertilis sit, supra cæterarum regionum felicitatem: tamen alibi tellus frequentia montium aspera est, aut nimio & maximè sterili æstualet. Malis quidem aureis, punicisque, & diversa ficum stirpe, olivis quoque abundat: sed fru-

frumento à Siciliâ & ex Oriente, denique à Belgicis Anglicisque navibus ad-
 vecto (ipsi Gedano. Lubecâ, Håburgo petunt) vivit. Ut inde dicendum videatur, quod hodiè navibus & casibus Italiæ vita permiffa est, non tam hominum ignaviâ & agriculturæ neglectu quàm foli infœcunditate fieri. Quod nec Turcis ignotum est: qui superioribus annis Amurathi Imperat. suo, post res in Persia cõpositas, quò arma verteret, ambigenti, suadebant pluribus partibus eod. tempore, maturâ jam messe vim in Italiam faciendâ esse. Ita populos in urbes compulso, annonâ deficiente ad deditiõẽ, & imperata facienda nullo negotio cogi posse. Nam vix in pace, cùm messis per otium colligitur, ad tot populos alendos eam sufficere, & è Sicilia ac Oriente, atq; longinquis ad Septentrionem positis regionibus frumentum difficillimis subvectionibus cõmere. His accedere, quod homines ferè in Italia opificio vivunt: quo per bella sub-

sublato protinus seditiones & defecti-
ones secuturas : & prægrandes illas ci-
uitates fame & egestate pressas facilè eò
adductum iri, ut tributum pactæ, legem
ab Othomanidis accipiant. (*Lazarus
Superant. in Othom.*)

Hispaniam autem non soli vitio ste-
rilem esse, sed habitatorum & agricola-
rum infrequentia laborare verius pu-
to. Erat enim olim fertilissima, & omne
genus frugum feracissima. hominibus
quoq; abundabat. Nec vanum est Ro-
derici Archiepiscopi Toletani elogiū,
quod extat lib. III. rerū Hispan. Hispania „
quasi paradysus Domini verè prin- „
cipalibus fluminibus navigatur, scilicet „
Ibero, Doriâ, Tago, Anâ, & Beti: mon- „
tanis inter quælibet interjectis mediæ „
que valles sui latitudine deserviunt u- „
bertati, & humore fluminum fæcundâ- „
tur, & pro magna parte rivis & fontibus „
irrigantur. Sed & puteorum suffragia „
rarò defunt. Fœcunda frugibus, amœ- „
na fructibus, deliciosa piscibus, sapi- „
da

„ da lacticiniis, clamosa venationibus,
 „ gulosa armentis & gregibus, superba
 „ eqvis, commoda mulis, privilegiata ca-
 „ stris, curiosa vino, deses pane, dives me-
 „ tallis, gloriosa sericis, dulcis melle, co-
 „ piofa oleo, lata croco, præcellens inge-
 „ nio, audax in prælio, agilis exercitio,
 „ fidelis domino, facilis studio, pollens
 „ eloquio, fertilis in omnibus &c. Et
 cultoribus ac habitatoribus olim fre-
 quentem fuisse, ut vetera omittam, ar-
 gumento esse potest, quod Joh. Bote-
 rus (quamquam non ignorem, Ælium
 Antonium Nebrissensem in decadibus
 multò minorem numerum edere) scri-
 bit, Regem Granatensem contra Fer-
 dinandum & Isabellam in aciem edu-
 xisse ccl. eqvitum. Porro idem Nebris-
 sensis ex solâ urbe Granata xxi. cl. pe-
 dites per septem portas effundi solitos
 testatur. Quod autem hodiè ad tantam
 hominum paucitatem redacta sit Hi-
 spania, tribus non immerito rationibus
 adscribas. Prima est bellum inter Mau-

ros & Hispanos per aliquot secula magnis odiis ; & si Roderico Toletano credi par est , non minoribus viribus gestum. Boterus rationem subduxit , intra tres menses utrinque cæsa septingenta hominum millia Ex quo nosse possumus, quantum sanguinis ab utraque parte septingentorum annorum bellum hauserit. Pax secuta, & barbarorum fuga non reddidit vaginæ suæ enses Hispanicos, Bella Africana, Neapolitana, Mediolanensia, Indica, Batava immensum absumpserunt numerum. Altera solitudinis Hispanicæ ratio est , quòd Ferdinandi Catholici & Emanuelis Lusitaniæ Regis edictis plus quàm octingenties mille Hebræi ex regnis illis exacti & in Turcarum oras deportati sunt. Tertiò quod & naturâ sua & arte Regum, quibus otium sibi periculosum amovere, & externa arma continuis bellis procul Hispaniâ tenere inter regni arcana est , assveti sunt Hispani odisse ocium, tractare arma, & perpetuò

tuò militiam sequi (*vide, quæ dixi in his paralip. s. ad lib. I. verb. intermiserat munia solita.*)

Anglia quidem felicibus pascuis, & pabuli bonitate excusat ut spontaneâ, sic utilissimam & ad ovilia factam sterilitatem: & jam Henrico VIII. Rege cœperant rari coloni esse, casæ rusticæ cōplanari, ac solitudines agriculturâ neglectâ armentis & gregibus frequentari. Sed exitiosum hoc fuisse regno consilium tunc quoque patuit: cautumque ideò fuit Principis constitutione, ut domus dirutæ reficerentur, coloni reducerentur, septa pascuorum refringerentur. Verùm tam sanctum præceptum precium, ut ferè semper, & Vuolsæus, apud quem venalia cuncta erant, rescidit. (*Polyd. Virg. XXVII. hist. Angl.*) Post illa tempora, cum Elisabetha per summam iniquitatem à prædecessoribus suis concessas Hanseaticis urbib. immunitates rescidisset, & lanæ Anglicæ pannorumque commercium in Germaniam

am propagasset : adeò lucri dulcedo agriculturæ studium in contemptū neglectumq; adduxit, ut jam tunc Cæcilius Reginae à secretioribus Cōsiliis regno exitium inde prædixerit. Nam valde inde numerum hominum imminutum iri : pro mille agricolis, gregibus pascendis decem sufficere pastores: qui in otio & sub umbrâ, lacte & semper ad os fistulâ vivētes, bellicis laborib. prorsus sint inepti. Et sanè jam tum hominū penuria in nobilium familiis, mercatorum tabernis, & artificum officinis, in militia deniq; laborabatur. Sed præsens commodum futuro damno potius habebatur.

§. *Dites olim familia studio magnificentiæ prolabebantur.*] Hæc causa plerasque in Austria mea dites olim nobilium familias afflixit. Incredibile est, quantum prodegerint in luxu mensæ, vestis, equestrum, domestici instrumenti. Sola Bacchanalium insana pompa, in honorem Cæsaris (ita loquebantur, instituta,)

ta,) integra patrimonia abligurivit. Inde lapidum & serici causâ nostra pecunia ad exteras gentes translata est: Inde nobilium patrimonia, Castella, prædia, mercatoribus & sceneratorum improbissimæ nationi cesserunt: Inde nova rusticis imposita onera, & nihil avaritiæ ac rapinis intactum: Inde virtutum neglectus: & tantum, qui per prodigientiam in aulâ noscebantur, in honore & oculis erant: Virtus obscura delitescere cogebatur. Tantò prudentiùs Sanctissimus Imperator noster Ferdinandus in superioris aîi Bacchanalibus edixit, ne quis ex aulæ Proceribus in paratum ludicri festi ulta C. florenos infunderet. Serenissimus quoque Maximilianus Baviaræ Dux Elector aulam suo exemplo antiquâ parsimoniâ compositam habet. Abas denique, qui paulò antè Persarum Rex fuit, quanquam serico regnum abundet, non nisi lineam vestem Proceribus & populo concedebat: ipse quoque non alio cultu conspicu-

Spicius erat. Sericum aliis gentibus vendebatur.

§. *Sincerâ adhuc inter matrem & filium concordia, sive occultis odiis.*] Ex eo quoque quòd Principum filiorum, etiam contra matres suas odia vetera, nec heri tantùm cognita sunt, apparet: *cunctis affectibus flagrantiorẽ dominandi libidinem esse.* Regina plerumque vel tutelæ potestate, vel saltem quod matri in filium omnia licere putent, tyrannidem nimis intendunt, nec tam filium Principem esse, quàm se matrem, cogitant. Muliebri quoque fastigium pro diminutione principalis potestatis accipitur. Nero in matris usque necem duravit. Tiberius cum Livia, Michael Porphirogenitus cum Theodora, Galeatius Mediolanensis cum Blanca Maria, matribus suis manifestas simulates exercuerunt. Ea Reginae Matris Mariæ Medicææ cum Ludovico Rege dissidia, regnum Gallicum aliquando distraitura, publico bono in tempore com-

composita sunt. Superest denique adhuc Princeps maximæ indolis, qui ministris suis venatum ire recusantibus, matrisque imperium obtendentibus: sibi rerum summam divino munere concessam, matris precarium imperium esse respondit.

§. Pompeji theatrum igne fortuito haustum Caesar extruendum pollicitus est.]

Adnotavi hîc, quæ sint ædificia publica aut privata, quæ Principis magnificentiæ deceant: dixiq; insaniam Neronis, qui domum ædificaverit, in qua haut perinde gemmæ & aurum miraculo essent, quàm arva & stagna, & in modum solitudinum, hinc sylvæ, inde aperta spacia & prospectus. Pyramides quoq; in Ægypto regnum pecuniæ otiosa & stulta ostentatio fuerunt. Tamen faciendi eas causâ à C. Plinio hist. nat. libr. XXXVI traditur, quæ mihi valdè probatur, *ne plebs esset otiosa.* Egrogia tranquillitatis publicæ conservandæ ratio: *occupatum tenere populum, pascereq; plebem.*

bem. Potentiores honorum satietate, oppidani negotiationib. & mercatura, tenuiores victus quærendi occasione subministra in officio continentur. Inde Pisistratus, quos in foro otiosè oberrantes videbat, ad se vocatos his verbis interrogabat: Si tibi boves aratores mortui sunt: de me alios cape: sin femina non habes, de meo dentur tibi. (*Ælianus variarum histor. l. X. c. XXV.*)

Ad librum IV. Annalium.

§. Mox Tiberium variis artibus &c.]

Illorum, qui Sejano similes in animo Principis omnia possunt, primam artem dixi, dominū ab intima rerum cognitione, quam maximè possunt, excludere, atq; ad vitam molli ocio degenerē impellere, sibiq; omnium adrogare arbitrium. Quò pertinet, quod Abas Persarum Rex, cuius jam sæpius mentionem fecimus, cum ab amico reprehensus familiariter esset, quod nimia popularitate,

laritate, assiduoque sui conspectu majestatem minueret, quam Turcarum Rex paucissima sui ostentatione egregiè tueri sciret, respondisse fertur: Has voces à ministrorū fraudibus & ambitione esse; quibus Principes in regiae suae solitudinem deportare inter artes fit: quo ipsi tutius peccent. Veram regnantis magnitudinem esse, audire omnes, omnia scire, & jubere omnia.

Ejus, quod scripsi, vicinos Principes solere tantæ potentiae viros, clam vel muneribus aggredi, vel omni honore cultuque penè ut æquales colere, exemplum est, Thomas Vuolsæus Anglici regni Cancellarius: quem Franciscus I. Galliae Rex literis suis modò dominum, modò patrem vocando, simulandoque, se plurimùm ejus consiliis deferre, adeò suum fecit, ut homo vanissimus Tornaci reddendi negotium paulò post regi confectum daret. Porro mirares est, sed vera tamen, quod in Hispania ex auro Indico cla-

claves fabricari narrant, quibus omnium Principum sacra recluduntur: & quod majus adhuc est, & fidem superat, Tagum aliquando Pyrenæos transcendisse, seque in Ligerim & Sequanam exonerasse, Gallia magno suo malo sensit. Dicam sine ambagibus; aurum Hispanicum in plerorumque Principum aulis immane quantum splendore suo plurimum oculos perstringere dicitur. Et Principes quidem suo jure, quibuscunque modis aliena secreta expiscari se putant: Illorum autem qui muneribus, fumoque honorum fidem suam immolant nunquam excusanda perfidia est.

Quod Reges immensis donis non amari, sed si quid in illis, quos sic extollunt, veræ amicitiae fuit, imprudenti liberalitate extingui dixi: duabus Taciti sententiis comprobatur, quarum prima de Vitellio est; III. *histor. amicitias, dum magnitudine munerum, non constantia morum contineri putat, meruit magis quam habuit.* Altera ibidem: Li-

beralitas, ni adsit modus, in exitium vertitur.

Sejanī artes, quibus ad tyrannidem, & ad eripiendum Tiberio imperium grassatus est, hinc inde Tacitus recenset, & ego velut in fasciculum collegi. Illustria magis erunt, quæ dixi, si, quas his apponam, binas historias cum Sejanī actis contenderimus. Perennius quidam post Marci Antonini Philosophi mortē, à Commodo, qui patri successerat, Prætorio præfectus erat. Is Imperatorē juvenem & infidiis facilem nactus, statim ab initio seleratas spes concepit. Primum illud artificium fuit, voluptatū illicitis adolescentem corrumpere, atq; ab omnī publici cura avertere. Inde immensam auri cupidinē ut expleret, paternos Commodi amicos & nobilissimum quemq; ac ditissimum calumniis, & fictis criminibus ad mortem adegit, bonaq; damnatorum ipse invasit. Filii denique sui, ut Illyricis exercitibus proponerentur, impetravit. Iamque maturum

rum scelus videbatur. Imperator omnium ignarus, paterni ejus amici occisi, prætorianæ cohortes, & Illyrici exercitus, quorum tùm maxima vis, per licita, per illicita corrupti, ingens pecuniæ vis, cætera denique parando regno subsidia & instrumenta: cum subitò patefacta conjuratio Perennio exitium attulit. (*Herodianus lib. II.*) Guilielmus, qui postea Mali cognomentum adeptus est, Sicilia, Apulia, Calabria Rex, Majonem quendam, patre ortum, qui Bari oleum vendere solebat, primum ab epistolis habuit, inde per gradus magnū Regni Nomothetam, & postremò Admiratum fecit. Animus Majoni erat sui obtegens, in alios criminator: arrogantia, avaritia, & cum cōduceret, prodigētia, postremò libidine cuncta offēdebat, ac polluebat: nec malis, bonisque artibus mixtus: pravitate tantum & nocendi vi valebat. Hic igitur summā adipiscendi libidine agitatus, quo facilius voto potiretur, Hugonem Pa-

normitanum Archiepiscopum apud regem, apud proceres, & plebem variis artibus potentem consiliorum socium adsciscere statuit. Ne autem sceleris atrocitate deterreretur Hugo, dissimulatâ regni cupidine, ignavum regem, impuberes ejus filios, pessimam regni conditionem facundè miserari Majo occipit. Amoto rege, pueros regno, & regnum pueris tutò servari posse. Ita salutis publicæ curam ambitio obtentui sumpsit: & juramento firmata est scelestâ actio. Sed quia florētes in aula proceres, & honestis consiliis locus moram cupitis afferebāt: cunctos, quos adversos sibi fore putabat, vi, dolove corripere aggreditur. Regē palatio clausū calumniis & suspicionibus implet, sævitia, immanitate imbuit: & præterquā sibi & Hugoni omnibus aditum ad eū præclufit: ut inde rumores de morte illius divulgati Siciliam & Apuliam universam seditionibus & turbis cōpleverint. Præcipuus erat inter proceres virtute & fide

Gotfredus Montis Canosi Comes. Hūc
 ut ab Rege abalienaret, Regi Neetum,
 naturā & arte situque munitissimam, si-
 mul & amœnissimam sedem, cuius præ-
 fecturam habebat Gotfredus, ei eripe-
 re persuadet. Quā injuriā irritatus Got-
 fredus, ipse quoque rebellibus accessit.
 Sed postea captum, orbatumque ocu-
 lis, perpetuo carceri Rex addixit. Si-
 mon Polycastrensis Comes variis cri-
 minationibus oppressus in carcere pe-
 riit. Robertus Loricelti Comes, Rober-
 tus Surrentinus, Everardus Squillacen-
 sis, Guilielmus Elefinus, Boëmundus
 Tarsensis, Robertus Bovenfis & plures
 alii variis petiti criminibus, & Everar-
 dus Squillacensis ob id tantum, quod
 Majonis consilia, & eorum, qui seces-
 serant, desideria ad regem detulisset,
 vincti, & ex iis, nonnulli vita, alii oculis
 & linguā privati. Sublatis proceribus,
 Majo suæ factionis homines substituit.
 Simonem Sororium totius Apuliæ, & Ne-
 apolitanae regioni, Stephanum fratrem

regiæ classi præfecit. Proximum consilium fuit sacerdotes beneficiis, milites Italos, Longobardos, Francos donis, populum largitione, & per speciem clementiæ allicere: quosdam pecuniâ, aut gratiâ juvare: inferere sæpius querelas, & ambiguos de Rege & nobilitate sermones, duriora Regis edicta molliori interpretatione mitigare: quæque alia turbamenta vulgi: denique eò vecordiæ procedere, ut diadema, aliaque regni insignia novo regno parata multis palàm ostenderet. Unde nova quorundam Apuliæ Magnatum in Majonis necem conspiratio exorta est. Calabri quoq; hætenus immoti in turbas abierunt. Missus deniq; Majonis gener, Matthæus Bonellus, ipse quoq; in partes clàm transiit, sed quò dissimularet defectionem, in aulam rediit. Nec minus interea de Rege tollendo Majo sollicitus erat. Verùm dum de amovendo Rege, de filiorum ejus custodia, de thesauris servandis, de sedandis popu-
li

li rumoribus, ipse & Hugo Archiepiscopus consilium capiunt: tandem de thesaurorum puerorumque custodia, quam uterque sibi deberi ajebat, contentio oritur; quæ in infestissimū utrinque odium desiit, & Majoni tandē exitiosa fuit. Febri decumbebat Hugo: cui cum pro medicamento virus miscuisset Majo, neq; dolus Hugonem lateret: iisdem artibus grassandum ratus hominem per benevolentiaē speciem lectulo assidentem, saluberrimi medicaminis virtutem cōmendantem variis sermonibus in multam noctem detinet: & interea Matthæum Bonellum tempus parandæ diu cogitatę rei advenisse per internunciam monet. Igitur cū infecta tandē re Majo discessisset: per tenebras à Bonello & sociis excipitur, & lethali vulnere cōfossus trucidatur. Nec tamē morte ejus quies regno rediit. Longus tragædię subsequutę ordo est. Bonellus denuò à Majonis factione apud regē delatus, & ad arma cōpulsus, nova Procerū

foedera , Rex à conjuratis captus , & mox à plebe Panormitana liberatus direpta gaza regia, Rogerius Regis filius, dum per fenestram turris incauto prospectu caput exerit, sagitta percussus, Bonellus perpetuo mancipatus carceri, procerum mors aut fuga, urbium everfiones , quæque alia solita regibus, qui mobilitate civium pulsi, arma per dominationem resumunt. Quæ omnia Thomas Fazellus, & Hugo Falcandus Hist. Siculæ scriptores latè exequuntur.

Quod dixi ministros Principum commissa sibi negotia ita plerumque gerere, ut sui magis commodi, quam domini rationē habeant, Domitii Corbulonis, & Andreæ Auria summorum Imperatorum exemplis comprobatur. Corbulo nulla evidenti necessitate coactus exercitum Romanum à Tigrano-certis deduxit: deseruitque per otium, quæ bello defenderat: atque distulit arma, ut Vologeses hostis cum alio, quam cū Corbulone certaret: Corbulo meritæ
per

per tot annos gloriæ periculum non faceret. (*Tac. XV. An.*) Andreas Auria, quanquã ad Nicopolim propè Actiacũ promontoriũ, an. à Christo nato M.D. XXXVIII. certa spes esset vincēdi classē Turcicam, confligere tamen noluit. Amicitia illi cum Hariadeno Ahenobarba hostium Imperatore olim in Gallia contracta: multa hinc inde comēantibus nunciis inter illos acta. Duę rostratę naves, pridie quàm hostis se in conspectum nostrę classis daret, vespere ex Ambracio sinu egressę: quarum una in Siciliã delata Panormi in portu aliquãdiu substitit, altera cum propè ad Auriaę prætoriã accessisset, postea se in sinũ recepit. Augebat suspicionem quod Auria triremiũ Hispanicarum malos, & antennis atro colore infici mandaverat: scilicet ut à cæteris internoscerētur (*Mau-rocen. V. hist. Venet.*)

§. *Dubitare cogor, fato & sorte nascendi.*] Ut negari non potest, aliquos per virtutem sibi ad honores gratum fecis-

se: ita quibusdā fortuna pro virtutibus
 fuit: & multis fata per casū & fortuita fa-
 vorē aulæ conciliarunt, Tiberius vesce-
 batur in villa, cui nomen speluncæ, nati-
 vo in specu. Ejus os lapsis repentē saxi
 obruit quosdā ministros: hinc metus in
 omnes, & fuga eorum qui conviviū ce-
 lebrabant. Sed Sejanus genu, vultuq; &
 manibus super Tiberiū suspēsus, oppo-
 suit se incidētibus atq; habitu tali reper-
 tus est à militibus, qui subsidio venerāt.
 Major ex eo, & quanquā exitiosa suade-
 ret, ut nō sui anxius cū fide audiebatur.
 (*Tac. IV. Annal.*) Aliud exemplū habet
 in Icone animorū Joan. Barclajus; Prin-
 cept, inquit, cum equo in itinere prola-
 psus afflicto latere febricula tentaba-
 tur. Quidā ex aulā tristi perculsoq;, ut
 videbatur, vultu, tota nocte institit
 insomnis. Sive ars sive pietas fuit,
 ita domini animum permulsit, ut nemo
 deinde gratiosior haberetur. David Ri-
 zius cantandi peritia primum in aula
 Scotica innotuit. Qui nuper in Britan-
 niā

niâ sicarii manu cecidit, Buchinganiæ
 Dux ob saltandi scientiâ à Jacobo Re-
 ge primùm in aulam, mox penè in sce-
 ptri societatem adscitus est. Denique,
 tali casu Concinus Mariæ Medicæ
 favorem, opes, dignitates, & cætera
 virtutis præmia obtinuit. Quærebat il-
 la Regi sponso munus: equum tota
 Italia generosissimum. Hunc in ipsa
 urbe Florentiâ Concinus habuit, ob-
 tulitque dono precium offerenti. Inde
 cum Lugduno cæteri ex Italys Proceri-
 bus domum remitterentur, ipse in fa-
 milia Reginae retentus, perpetuam ejus
 gratiam, sibi tamen postremò, non sine
 aulæ Gallicæ magno motu, exitiosam
 habuit.

§. Non Ignarus, quantum ex Rep. pete-
 retur.] Explicavi hunc locum ad lib. I.
 (verb. pride invisus &c.) Illis adde quod
 Gvilielmus I. Siciliæ Rex lege sanxit,
 ne Virginibus nobilibus sine sua veniâ
 nubere liceat (*Thom. Fazell. lib. XXVII.*
hist. Sicul.) Et Paulus IV. Pon. Joannæ A-

ragonix Ascanii Columnæ qui Pontifici hostis fuerat, uxori filias suas sine suo consensu elocare interdixit.

§. *Pacem exuere: nostra magis avaritia &c.*] Vehementer falli Principes, qui à ditibus civibus sibi periculum, ab exhaustis, excarnificatis securitatem promittunt, clarissimè in notis ostensum est. Illa scitissimè illustrantur scitis Parafiti Plautini verbis in Menæchmis.

Homines captivos qui catenis vincunt,

Et qui fugitivis servis induunt compedes,

Nimis stultè faciunt mea quidem sententia.

Nam homini misero si ad malum accidit malum.

Major libido est fugere & facere nequiter.

Nā se ex catenis eximunt aliquo modo:

Tum compediti januam lima proterant,

Aut lapide percutiunt clavum: naga sunt mera:

Quem

*Quem tu asservare rectè, ne aufugiat
voles:*

Esca atque potione vincere decet.

*Apud mensam plenam homini rostrum
deliges.*

*Tum tu illi, quod edat, & quod potet,
præbeas,*

Suo arbitrati, & assatim quottidie.

*Nunquam adipol fugiet, tametsi capital
fecerit.*

Facile asservabis, dum eo vincolo vincies.

Ita isthac nimis læta vincla sunt escaria.

*Quàm magis intendas, tanto adstrin-
gunt altius.*

Præscripti ad hunc locum æquissimā
cautionem ea tributi nomine exigere
quæ quibusque locis vilissima haben-
tur. Hoc modo Romani à Frisiis (Tac.
hic.) & Angliæ Reges ab Hibernis (Po-
lyd. Virg. XIII. hist. Angl.) coria boum,
& præterea Romani à Siculis frumen-
tum, à Corsis ceram sumebant. Veneti
à Justinopolitanis vinum, à Polanis o-
leum exigebant. (P. Marcell. in gest. duc.

Ve-

net.) Edgarus Angl. Rex Rudovallo Vallorum Principi vectigalis nomine in annos singulos tricenos lupos imperavit (*Polyd. Virgil. VI. hist. Angl.*)

Ad Exempla illorum Principum , qui quod frugalitatem & largiendi modum quendam tenerent ad exercitus sustentandos & viros præstantes præmiis afficiendos , cæteramque regiam liberalitatem pecuniæ satis habuerunt , adde , quod Henricus IV. Gall. Rex , ille , qui initio regni paulò ante Arquensem pugnam se Regem sine regno , maritum sine uxore , militum Imperatorem sine pecunia dixerat , ærarium *xVII. millionibus* ditavit : & quod magis mirêre , tantundem Augustus Saxonix Dux & Elector comparfit.

Ad librum V. Annalium.

§. *Dicax idem , & Tiberium acerbis facetiis &c.*] Jocos, qui multum ex ve-

ro trahunt, acrem sui memoriam relinquere, quod dixi hîc: idem à Macrobio in septimo Saturnalium asseritur his verbis: Sunt scommata, quæ in superficie habent speciem contumeliæ, sed interdum non tangunt audientes, cum eadem, si obnoxio dicantur, exigent: ut contra sunt, quæ speciem laudis habent, & personam audientis efficiunt contumeliæ plenam. De priore genere prius dicam. L. Quintus Prætor de provincia nuper reverterat, observatâ (quod mireris Domitiani temporibus) præturæ maximâ castitate. Is cum æger affidenti amico diceret, frigidus se habere manus, renidens ille ait: Atque eas de provincia calidas paulò antè revocasti. Risit Quintus delectatusque est; quippe alienissimus à suspitione furtorum. Contra, si hoc dicerentur male sibi conscio, & sua furta recolenti: exacerbasset auditum.

Et quæ ibi plura in eundem sensum sequuntur.

Ad

Ad Librum VI. Annalium.

§. *Ablata arario &c.*] Nihil magis commune est, quam ad militem alendum, ad urbes, & oppida munienda, ad vim fluminum coërcendam, & cæteras publicas necessitates exigere, quod denique per vanitatem & luxum, atq; prodigiam consumant principes. Pauci sunt qui Athalaricum Gothorum Regem imitari velint : qui cū pecunia pro mœnibus reparandis extorta provincialibus, in alios usus adhibita diceretur, aut restitui illam, aut mœnia, si opus esset, refici scivit. Nimis enim inquit, absurdum est, spondere munitiones, & dare civibus execrabiles vastitates. (*Hiero. Rubens III. Hist. Raven.*)

§. *Vt genus Arfacis ripam apud Euphratis cerneretur.*] Maroboduus Suevorum Rex duo de viginti annos Ravennæ à Tiberio habitus, si quādo insolesceret Svevi, quasi rediturus in regnum ostentabatur. (*Tac. II. Annal.*) Et Cn. Agricola,

cola, qui in Britannia exercitibus Romanis præsidebat, expulsum seditione domestica, unū ex Regulis Hyberniciis recepit, ac specie amicitiae in occasione turbandarum illarum gentium retinuit. (*Tac. in Agr.*) *Cetera dixi ad hunc locum, & ad lib. I. verbo, cuncta inter se connexa.*

§. *Consiliis & astu res externas moliri.*]
De suspecta Proceribus Germaniae Imperatorum potentiā satis multa ad hunc locum dixi. Porro quamquam Pontificis autoritas omnibus Italiae Principibus sacrosancta, est: tamen ob familiarē, quam in Notis attigimus, Regibus æmulationem; nec illi angeri pontificiam ditionem æquis ferunt animis. Et Hisp. quidem Rex non potest non expavescere potentem Pontificem: non modò, quod inter vicinos & accolos odiorum bellorumque causæ facilè exardescunt: sed &, quod injuriis laceffisse Papas conscius sibi sit, vindicemq; metuat: nec ignoret, exosā esse Italīs Hispanien-

nienſem dominationem: eamq; à nullo ſubverti promptiùs poſſe, quam à Pontifice. Venetis quoque nulla potentia placet, quæ nimia eſt: arbitrium rerum Italicarum, quod nunc vel ſoli, vel cum Pontifice conjunctum habent in alium, quicumque tandem is ſit, transferri nollent. Denique agrum Rhodiginum tenent, partem olim ditionis Ferrarienſis, atque adeò Pontificiæ. Magnus Hetruriæ Dux undiq; ditione Pontificis circumcluditur; & Papas in quædam Hetruriæ loca, in quibus eſt Burgus S. Sepulcri: Jura quædam antiqua ſibi aſſerere, ignorare nō poſteſt. Reliqui, minorū, ut ita dicam, gentiū Principes, ac Reſpub. præſentem rerum ſtatū amant, & unius prævalidas vires, quibus utiq; in prædam conceſſuri eſſent, magnopere verentur. Ad eundem locum hunc dixi, pleroſq; Principes opinari, bello inter Hiſpanum, & Batavos ſuam ſalutem contineri: illoq; velut neceſſario cauterio nimias Hiſpaniæ Regis opes egeri.

egeri. Sanè Elifabetha Angl. Regina, toto regni tempore vel patrocinii, vel fœderis prætextu constantissimè Batavos tutata est. Sueciæ Rex quanqvã nihil ab Aurasionensi sperare posset: tamẽ eodẽ Austriacæ potentiæ metu spretis ingentibus Philippi II. Regis promissis, ei magnorũ navigiorũ, quibus abundabat, usum denegavit. Ob eandem causã semel atq; iterum Austriaci Principes à Comitibus Poloniæ rejecti sunt: ne accedente ad Bohemiam & Ungariam, tam latè patente regno, ejus beneficio Germani potentes, interdicto commercio, negatoqve frumento, ad officium Batavos cogèrent.

§, *Quam si qui internorum, &c. Ministri sceler. &c.* Notavi alibi in externum militem has cautiones, I. Numero inferior sit ex nostris civibus lecto milite: ut hujus metu disciplinam pati discat II. ductores accipiat ex nostris, quorumq; nobis explorata fides sit. III. Castris cõtineatur: & in acie virtutem ostendat:

dat:præsidia & loca munita civium fidei concredantur. IV. Aut si urbium custodiam illis quoq; committere necessitas suadeat, vigilias nunquam soli, sed civibus permixti obeant. V. Stipendia, eis justo tempore & maximè posito bello solvantur, ne magno cum subjectorum damno manendi prædandiq; occasionem & prætextum inveniant.

Ac si statim interiora, ceterasque nationes petivisset, oppressa &c.] Turbasset hostes Tyridates, junxisset se amicis, firmasset dubios, & qui ad inimicos inclinabant mutare consilia coacti fuissēt. Nunc assidendo castellum hosti spacium dedit arma virosq; cogendi: & amicos prodidit, & qui ad ipsum transiissent, si tuto licuisset, nūc metu subsistere, & nihil movere adacti sunt. Barbarorū impetus acres cūctatione languescunt, aut in perfidiam mutantur. (*Tac. XII. Annal.*) Et denique generaliter dicendum est, meliori plerumq; conditione esse, qui invadit hostem, quàm qui fusti-

sustinet. Nam & pulsu sonituq; ac nube ipsa operit, ac superfūdīt, & turbat, omnia, disjicitq;, qui aggreditur, & proventus regni nervumq; belli gerendi adimit hosti: fruges, & agrorum reditus, aut in suū ipse usū vertit, aut quō magis incommodet, corrumpit: iis quos in regno infensos habet hostis, occasionem præbet jungendi socia arma: deniq; aut vincit, aut parvo cum damno rerum suarum vincitur: maximè ubi procul à domo bellum geritur.

§. *Consilium, cui impar erat, fato permittit.*] Sæpè desperatis rebus tempus medetur, & quæ ineluctabilia videbantur, fatum, & fortuna confecta dederunt. Florentini non semel in perdendæ libertatis articulo erant: cum salus, unde minus sperabatur, affulsit. Ut cum Castrutius Castracanus subita morte sublatus: iterum, cum Henricus Luxemburgus Imp. Bonconventi, & alio tempore, cum Gregorius Pontifex Serezanæ extinctus est. In eadē felicitatis parte po-
 nen-

nenda fuit Joh. Galeatii ducis Mediolanensis mors: & quod Albericus Cuneus, cum mox urbis potens futurus videretur, majore rerum necessitate in regnum Neapolitanum avocatus est. Alphonfus itidem Aragonius cum potiendæ Genuæ, quam obsidebat, haut dubiâ spe teneretur, morte suâ Genuensibus victoriam peperit. Superioribus annis quorundam Imperii Principum consiliis & molitionibus Henricus IV. Franciæ Rex, Cæsareo nomini & fastigio destinabatur. Consilii hanc fuisse seriem ajunt. Dignierius Allobrogum duci, Venetisque & Liguribus junctis, Mediolanensem ducatum, deinde quicquid restitisset, violentiâ disjecto, Hetruscis, Romanisque supplementis adjunctis Neapolim & Siciliam invadere debebat. Ipse Rex copias, quibus Catalaunici Campi horrebant, in duos exercitus divisurus erat. Unum Mauritio Nassovio, alterum sibi reservabat: quorum ille Alberto Archiduci bel-

bellum illaturus, hic Britannicis auxili-
is robustior Walliæ Principe ductore
ad Imperium properabat. Anhaltinus
Princeps, Marchio Brandenburgus, alii
regem in Lotharingiæ finibus magno
cum exercitu suscipere debebant. Pul-
cherrimus hominum & fortunæ in
Henricum consensus videbatur: cum
ille improvise, & sanè nefario vulnere
orbem feederatorumque spes destituit.

Quæ addi debent iis quæ alibi de
humanæ prudentiæ incerti-
tudine differui.

NE PAGELLÆ QUÆDAM
vacarent, honorifica de Tacito testi-
monia quædam adjungere
visum est.

Plin. lnn. lib. 2. Epist. 1.

LAudatus est Verginius à Consule
Cornelio Tacito. Nam hic felici-
tati ejus supremus cumulus accessit,
laudator eloquentissimus.

In eodem libro Epist. 11.

Respondit Cornelius Tacitus elo-
quentissimè, & quod eximium oratio-
ni ejus inest, *σεμνὴς*,

Idem lib. 7. Epist. 33. ad Tacitum.

Auguror, nec me fallit augurium,
historias tuas immortales futuras.

*Flavius Vopiscus in Imp. Marc. Claudio
Tacito cap. 10.*

Cornelium Tacitum, scriptorem
historiæ Augustæ quod parentem su-
um eundem diceret, in omnibus bibli-
othecis collocari jussit: & ne lectorum
incu-

incuria deperiret, librum per annos singulos decies scribi publicitus in archivis jussit, & in bibliothecis poni.

Sidonius Apollinaris in panegyrico ad Anathemium.

Qua Crispus brevitae placet, quo pondere Varro.

Quo genio Plautus, quo flumine Quintilianus.

Qua Pompa Tacitus nunquam sine laude loquendus.

Idem in Epigram.

Et te qui brevitae Crispe polles:

Et qui pro ingenii fluente nulli

Corneli Tacite est tacendus ori.

Andreaas Alciatus I. C. in epist. ad Galeacium Vicecomitem.

Ut cæterorum historicorum laudi detrahere nihil ausim : ita Cornelium Tacitum nulli cedere constanter affirmo. Certat sermonis gravitas cum elegantia, mavultque aliqua animo lectoris cogitanda relinquere, quam longis

gis cum narrationibus oneratum dimittere. Qua ratione fit ut tametsi delicatioris stomachi lectorem, ejus nunquam satietas capiat, cum hujusmodi viris etiam lactea Livii ubertas plerumque fastidio sit: ut, sicut illi non nisi ineptè aliquid addideris, ita huic non nisi temere quicquam detraxeris.

*Iustus Lipsius in Dedicatione Taciti, ad
Imp. Maximilianum II.*

Acer scriptor, Dii boni & prudens : & quem si unquam in manibus hominum versari utile fuit, his certè temporibus, & hac scena rerum expediat. Hic mihi quisque Principum aulas, Principum interiorem vitam, consilia, jussa, facta consideret ; & obvia in plerisque nostrorum temporum similitudine, ab iisdem causis Pares exitus animo præcipiat. Invenies sub tyrannide adulationes, delationes, non ignota huic seculo mala : nihil sincerum, nihil simplex, & nec apud amicos tutam fidem : frequen-

quentatas accusationes majestatis, unicum crimen eorum qui crimine vacabant: cumulas illustrium virorum nece, & pacem quovis bello favio- rem. Accedit genus ipsum sermonis minimè sordidum aut vulgare, distinctum crebris & nescio unde ex abdito erutis sententiis, quas vel veritate, vel brevitate, vicem oraculi possis accipere.

Idem in allocutione iterata.

Magnus scriptor est (Tacitus) & qui proprie facit magnis: id est, iis qui tractant Reipub. clavum, aut à Consiliis monitisque tractanti adsunt. Quæ pars prudentiæ est, militaris sive civilis: quis affectus hominū, etsi occultus: qui casus aut eventus rerum, quos iste non palam aperit, aut sub velo ostendit? Audeo & debeo asserere, hunc hominem videri in alta quadam specula rerum humanarum fuisse & illinc gnarum scientemque proclamare. Hoc cave, hoc facito: Juvabit, aut lædet: Ille & ille effectus erit, &c. Non est

RERUM PRÆCIPUARUM

INDEX.

A.

Admissionalium morositas. pag. 663.
med.

Adolescentum voluptates excusata. 476.
fin.

Adulatio specie libertatis. 38. fin.

Adulationis aulicæ pestis. 735. fin.

Adulatione princeps ad audiendi patienti-
am disponendus. 447. princip.

Adulteria in aulis, dominationis arca-
num. 374. f. 375. m.

Advocatorum improbitas 318. m. 319. 320
imperitia. 323. 324

Ædificandi studium quale Principi con-
veniat. 542. & seq.

Ægyptum cur Augustus seposuerit. 225.
m.

Ærarii cura sanctissimis hominibus
mandanda. 655. f. & seq.

Affinitates Principum infida. 74. f.

Affinitatibus Principum innexi, iis ferè in-
visi. 83 pr.

INDEX

Agere quàm quiescere satius est, eodem utrobique imminente periculo. 731.

pr.

Albani inconsulta crudelitas. 53. m. *imprudencia.* 218. m. *austeritas Belgium Hispano perdit.* 704. pr.

Alexander Magnus fortuna sua debet. 393. m. *Temirlanco comparatus.* 606. fin.

Alexandro M. mortuo cur non rebellarent populi recens ab eo subacti. 195. p.

Amicitia vera exulat aulâ. 65

Amiratus perstringitur. 256. f. 259. f. 269. f.

Amor an tutius munimentum principis, an metus 692. f. 693.

Annona principi summe curanda. 16 pr.

Annona vilitas plebem in officio retinet. 643 p 644. & seq.

Annulli γεγονητευμένοι. 296. m.

Aragonensium privilegia quomodo abolita. 302. f. 303. 304.

Arcanum dominationis. 475. m.

Arcanum regia dominationis. 629. f.

Ar-

RERUM.

- Arcanum dominationis, de modo privilegia abrogandi.* 302.m.
- Arcana dominationis injusta.* 422.423.424.425.
- Arcana imperii non vulganda.* 33.m. 34.
- Principum non inquirenda.* 79.p.
- Arces castellaque procerum non semper Principi tuta.* 248.
- Archibugiare.* 120.m.
- Armorum potentes, nervos potestatis tenent* 36.
studium an sit utile Reip. an vero damnosum. 546.m. & seqq.
- Artifices eximii propositis stipendiis in aulam vocandi.* 201.f. & seq.
- Artis quam profitearis, ignorantia turpis.* 685.m.
- Astus politici, 625.m. & seqq. an sint liciti,* 629.m. 630. 631.
- Asylorum abusus.* 476.pr.
- Athena conversionibus obnoxia.* 9.p.
- Athenienses injusti.* 413.f. seq.
- Avaritia regentium, causa rebellionis.* 647.f. & seq.

INDEX

- Auctoritatem quibus modis Princeps sibi
paret.* 128.f. 199. & seqq.
- Audacia prompti vulgo magis fidi habentur.* 143.pr.
- Audientia difficultas. vetus malum.* 663.m.
- Augustus Imperat. & tyrannum & bonum principem egit.* 330.f.
- in Aulam propositis stipendiis vocandi preclari quacunque arte viri.* 201
- in Aulis omnia personata & fallacia.* 65.f.
- Aulica gratia num fortuna vel industria concilietur.* 596.m.
- Aulica emulationes.* 157.f.
- Aulici gratiosi, omnium facinorum rei aguntur.* 102.f.
- Aulici gratiosissimi quare tandem plerumque ruant, investigata cause.* 437.f. & seqq. *Talium exempla.* 461.p. & seqq.
- Aulicorum procerum avaritia.* 163. & seqq.
- Aulicorum gratiosorum duo genera.* 433.p.
- Aulicis proceribus salutare preceptum ex Apocalypsi.* 457.f. 427.m.
- Auro*

RERUM.

- Auro vincendum ferrum.* 712.f.724.m.
*Auspicia ex usu negotiorum interpretati
 Romani.* 259
Austria superior à Bav. Duce subacta.
 723.p.
Austriaca potentia formidabilis. 716.p.
Autoris natalis. 677.p.
Auxilia externa vocanti perniciofa. 725.
 m.726.f.728.

B.

- Barclaji laus.* 232 f.
Belgis inducia Hispan. plus bello nocent.
 57.f.
Belgium nimio Philippi II. rigore amissum.
 703.m.
Bellando diu, bellicas artes hostem docemus
 58. & seqq.
Bellicæ artes ex libris non discuntur. 252.p
*Bellum quibus artibus arcere debiliores
 debeant.* 710 m. 711. & seqq.
Belli etiam iusti nefanda scelera. 45. conci-
 tatores exules non audiendi. 707 p 708
Belli gerendi ratio vetus 126. & seqq. *nova.*
 283.m.

INDEX

- Auctoritatem quibus modis Princeps sibi paret.* 128. f. 199. & seqq.
- Audacia prompti vulgo magis fidi habentur.* 143. pr.
- Audientia difficultas. vetus malum.* 663. m.
- Augustus Imperat. & tyrannum & bonum principem egit.* 330. f.
- in Aulam propositis stipendiis vocandi praclari quacunque arte viri.* 201
- in Aulis omnia personata & fallacia.* 65. f.
- Aulica gratia num fortuna vel industria concilietur.* 596. m.
- Aulice emulationes.* 157. f.
- Aulici gratiosi, omnium facinorum rei aguntur.* 102. f.
- Aulici gratiosissimi quare tandem plerumque ruant, investigata causa.* 437. f. & seqq. *Talium exempla.* 461. p. & seqq.
- Aulicorum procerum avaritia.* 163. & seqq.
- Aulicorum gratiosorum duo genera.* 433. p.
- Aulicis proceribus salutare praeceptum ex Apocalypsi.* 457. f. 427. m.
- Auro*

RERUM.

Auro vincendum ferrum. 712.f. 724.m.

*Auspicia ex usu negotiorum interpretati
Romani.* 259

Austria superior à Bav. Duce subacta.
723.p.

Austriaca potentia formidabilis. 716.p.

Autoris natalis. 677.p.

Auxilia externa vocanti perniciofa. 725.
m. 726.f. 728.

B.

Barclaji laus. 232 f.

Belgis induciæ Hispan. plus bello nocent.
57.f.

Belgium nimio Philippi II. rigore amissum.
703.m.

Bellando diu, bellicas artes hostem docemus
58. & seqq.

Bellicæ artes ex libris non discuntur. 252.p

*Bellum quibus artibus arcere debiliores
debeant.* 710 m. 711. & seqq.

Belli etiam justinefanda scelera. 45. conci-
tatores exules non audiendi. 707 p 708

Belli gerendi ratio vetus 126. & seqq. *nova.*
283.m.

INDEX

in Bello quanam vastare licitum 132. m.
celeritas ducum laudata 278. m. seq.
quatenus cunctatio vel celeritas probā-
da. 278. p. *festinatio & imperiosa vehe-*
mentia præferenda lente indulgentia.
 721. f. seq.

Bella orta ex contumelia. 361. m. 362. cum
Rebus pub. Principes cunctando feliciter
gerunt. 490. f.

Bellorum veterum in Italia simplicitas. 61.
 62. *etiam imperium pratextus. Religio.*
 107. f. 108

in Bellis res adversa dissimulanda. 91. p.
 92.

Beneficiati. 501

Beneficia nimis magna odio rependuntur.
 349. f. 595. p.

Beneficiis obligati Principes videri nolunt.
 450. f. 451.

Bombardarum inventio. 285 f.

Breviarium imperii. 79 f.

è Brutis Lucius cur potuerit, Marcus
non potuerit, libertatem recuperare. 4. f.
 567.

C. Ca-

RERUM.

C.

- Cæsaris Cedes an justa.* 39.p.40.
- Callidi temporum & sapientes qui,* 612
- Captivitatis magnorum hominum modus.*
366.p.
- Carthagini excidium non fuit causa Ro-*
mae degenerantis. 312. f. quatenus Ro-
manis nocuerit. 576.m.
- Castalius fons obstructus.* 297.m.
- Castellorum frequentia.* 283.m.
- Celeritas in ducibus priscis laudata.* 271.
m. 272. quatenus probanda. 278.
- Christiana juris prudentia summa.* 430.
m.
- Clades in bello dissimulanda.*
- Clementia imperium inchoantibus utilis.*
705.
- Cleselius Card. fortuna aulicae vicissitudi-*
nem expertus. Ulrico Cilia Comiti com-
paratus. 462.p.
- sub Clipeo pacta fida.* 356.f.
- Cognomine fundatori Principe, mutatur*
aut evertitur imperium. 43. f. 44.

INDEX

- Collega addito coercendi ambitiosi & suspecti* 223 m. 341. f.
Comitiorum Germanorum incommoda. 638. f.
Conjugum Principalium imparitas. 69 I. m. 692 p.
Conjuratōnis vinculum, scelus aliquod insigne. 263 f. seq.
Conjuratōnibus apta tempora. 131. f.
de conjuratōnibus, & earum remediis. 515. p. & seqq.
Conscientia, tyrannorum carnifex. 680. m.
Conscientia casus. 423. f.
Consi ara cur subterranea. 267 p.
Cōsilia secretè habēda. 267. seq. fato regnātur 398. f. seqq. subita & arguta. 540. 541. intricata periculosa 543 m. acuta nimis *Rempub. perdunt.* 544. m. bona saepe infelicia, & contra. 636. m.
Consiliorum humanorum incertitudo. 538. f. 539 seqq.
Contumelia stultorum ultio. 361. p. bello- rum causa. 361. f. 362
Cosmus Medicus Florentinos ut subjugarit. 14. 15. Cremf-

R E R U M.

*Cremsmunsteranus Prasul, Austriacæ Ca-
mena Prasfes.* 656.f.

Crimina exoletæ non objectanda. 689 f.

Crudelitas sub specie clementiæ. 172. p.

Culpæ societas pudorem detrahit. 373. p.

Cyprus injustè à Romanis occupata. 418.
m.

D.

*Damnatorum bona Heredibus relinquunt
boni Principes.* 690. m.

*Debiliores quibus artibus arcere bellum,
& à potentioribus sibi cavere debeant.*
710. & seqq.

Decimatio antiquæ militiæ an justa. 405. m

Defectionem dissimulantes magis noxii.
483. m.

*Delatores quare congressum principis vi-
tare debeant.* 301. f. præmiis illiciuntur.
638. p.

Delatorum artes. 162. & seqq. fides ut ex-
ploranda. 179. m. improbitas. 411 f.

Delatoriæ artes. 587. m.

*Democratia corrupta corrigitur potenti
dominatu unius.* 2. f.

Demo-

INDEX

- Democratia corrupta mala.* 432.m.
Democraticam civitatem à se subactam
Princeps regendam primoribus tradat.
 629.m.
Dempsteri obitus 474.f.
Desperatio, cos fortitudinis. 261.seq. causa
rebellionis. 478.m.
ad Desperationem non adigendus hostis.
 263. m.
Despoti Kyrii. 507.seqq.
Dicta impunè sunt, facta arguantur.
 159 p.
Dies quidam fataliter infasti aut felices
 42 f.seq.
Differendum, ubi largiri flagitiosum, & ne-
gare periculum est. 102.m.
Dissidentia principum erga potentes mini-
stros, periculosa. 695.m. 696
Dionis historici laus. 146.p.
Dissidentis populi pars infirmior auxilio
malignè iuvanda: 142.m.
Dissidentem populum bello feliciter aggre-
ditur, ab alterutra parte vocatus: qui à
neutra, non item. 139. 140. 141. 142.
 Dissi-

RERUM.

*Diffidia inter subditos an Principi serenda
& alenda.* 347.m.348.

Diversio hostium. 143.f.144

*Divinatores de Principe vel Repub. consu-
lere, capitale.* 295.p.296.297.

*Divinatrices artes plerumque fallaces ,
298.m.299.*

*Divitiarum studium emollit populũ.644.f.
seq.*

*Dominationis origo à vi,412.p.seqq.flagi-
tio.423.*

*Domini voluntas , ministri cynosura esse
debet.* 598.p.

*Duces ævi nostri cur ad gloriam veterum
non accedant.* 280 & seqq.

*Ducibus belli , permittendum liberius re-
rum gerendarum arbitrium.94.m.95.
96.97.*

E.

*Eminentes in Repub. quomodo à Principe
in ordinem redigendi.* 217.& seqq.

Fugis fuga, causa panici terroris.149.150.

*Equorum dispositorum (postas vocant) ori-
go.* 180.p.181

Even.

INDEX

- Eventu non aestimanda consilia.* 636 m.
*Exercitus ex variis gentibus, non facile
 seditionibus agitatur.* 130.p.
*in Exercitu, mulierum comitatus ridicu-
 lus.* 474.f.
Externum imperium, Vide Imperium.
*ab Extremo uno ad alterum ne transiliat
 Princeps.* 138.m.
Exules, affligenda patriæ instrumenta.
 220.p.
*Exulum & aliorum sui commodi causa ad
 bellum impellentium infida consilia.*
 207.p.

F.

- Fabula veteres pro veris credita.* 692.m.
Faciliarum leges. 668. & seqq.
Facundi vulgo grati, cavendi Principibus.
 88.m.
*Fœderis pignus, tradita arces aut urbes
 munitæ.* 356.m.
*Fœdera necessitate inita vix servant prin-
 cipes.* 351.f. 352. 353. *tuta mutuo metu.*
 356.f. *inita metu potentioris.* 713. p.
 Fœ-

RERUM.

- Fœderum inter plures inistorum infirmitas
ac dissolutio.* 67. & seqq.
- Fœmina illustres.* 156.f.
- Falsa tempore vanescunt.* 368.p.
- Fama de principum morte velox aut ante-
vertens.* 28
- Fama non nimis metuenda.* 121. seqq.
- ad Famam precipua rerū dirigenda Prin-
cipi.* 617.f.
- Fame urgente quomodo Principi curanda
plebecula.* 646.p.
- Familia ejusdem hominibus officia plura si-
mul conferre, intutum* 341.p.
- Familiis aliorum sese falso inferentes.* 673.
p. & seq.
- Fati vis asseritur contra Machiavellum,*
398 p & seqq.
- Ferdinandi Imper. apophthegma.* 588. p.
- Festinatio in bello.* 721. seqq.
- Fides stratagemate non violanda* 629 630
- Fidem promissorum ex necessitate, raro
servant Principes.* 352.p.
- Florentia pacta libertate servit.* 373.f.
- Florētina Respub. nō capax libertatis.* 10.p.
uni

INDEX

- uni subiecta à Carolo V.* 24.f.
Florentini Principatus initium. 211.f. 215.
m.
Florentini bellica consilia paucis delectis mandant. 97 m.
Florentinorum libertas quibus artibus à Medicis oppressa. 14.15.
Fluminum derivationes frustraneæ. 187.p.
Fortuita ad consilium flectenda. 111.p. ad culpam trahuntur more vulgi. 636
Fortuna quid sit. 401.m. ad extremum destituit. 504.m.
Fortunane an industria in aulis plus valeat. 596.597.
Fortunæ vicissitudo in rebus humanis. 157.
vis in consilia humana. 392. f. & seqq.
Casibus exerciti sunt constantes in utraque fortuna. 148.f.
Francia Reges non moriuntur. 374.p.
Fridericus Palatinus. 635.p.
Friderici Bellicosi, Austriae ducis mors. 666 p.
Friderici Daciae Regis majestas humanitate temperata. 204.f.
Fri-

RERUM.

<i>Frifia primus Comes.</i>	23.f.
<i>Frifiorum factiones.</i>	11.
<i>Fumum vendere , Regum mercatura.</i>	
66.f.	

G.

<i>Gallia Hispaniâ potentior.</i>	604.f.
<i>Gallica turba unde.</i>	212.m.
<i>Gallicum confilium de infringenda proce- rum potentia.</i>	249.f.
<i>Gentium transplantatio.</i>	526.m.
<i>Genuenses in Hispani potestate.</i>	487.
<i>Germanie Imperium feudis hereditariis infirmius redditum. 230. & distractio- ne in varios Principes.</i>	236.p.
<i>Germani, politicas exterorum artes discere, fuomalo negligunt. 612 613. sunt mul- tiplites, Turca uniceps 623. nolunt Im- peratoris fui vires nimium augescere.</i>	715.f.
<i>Germanicus cur Tiberio formidatus & fufpectus.</i>	35. 114.
<i>Gratia tribunal.</i>	306.p.
<i>Gratiosi in aula , cur plerumque cadant, investigata caufe, 437. & feqq. Talium exempla. 461. & feq.</i>	Gy-

INDEX

Gygis annulus.

296.f.

H.

Helvetii cur seditionibus minus obnoxii,
525

Helvetiorum victoria Novariensis. 154

Hispana potentia omnibus suspecta. 600.f.
718.f. 719.p.

Hispanica potentia distracta. 604. m.

Hispanica divitiarum fama minores. 487. 488

*Hispanicus typhus monarchie universalis
obstaculum.* 601 m.

*Hispanus Italicas provincias quo modo re-
tineat,* 189. m. *Belgicis provinciis cur
exciderit.* 190.f. 193.

Hispanus Gallie inhiare dicitur. 721

Hispani, Orbis imperium affectant. 601.p.
613.

*Hispanorum Præsidium in exteris provin-
ciis impotens dominatio.* 602

*cum Hispanis inducia plus bello nocent Bel-
gis.* 56. 57.f.

Historia de vivo Principe, suspecta. 47.p.
scelerum aulicorum incerta. 374. m.
378.f.

Hi.

R E R U M.

- Historica veritatis impedimenta.* 12. m.
Histriones urbibus exigendi. 589. p.
Honor merenti negatus, gloriam auget.
 504. f.
Honoris specie, potentia imminuta. 223.
Honoris specie invisos aut amulos amoliri,
ars aulica. 334. p.
Honoris vulgati vanesunt. 615. m.
Hostilium virium distractio. 143. f.
Hostis ad desperationem non adigendus.
 263. f. eo redigendus, ut nocere aut no-
 lit, aut non possit, 364. p. 367. f. non
 contemnendus. 483 f.
Hosti improvisa, faelicem exitum fere sorti-
untur. 153. 154.
Hostem decipere quatenus licitum. 630
Hostium disparitas. 286. f. 287. ducem suis
suspectum faciendi ars. 521. m.

I.

- Imperator Pontifici tam timendus in tem-*
poralibus, quam Turca in spiritualibus
 714. f. 715
Imperatorem alibi quam Romae fieri, arca-
num Imperii, 125. m.
 Im-

INDEX

*Imperium intra terminos coercendum cur
consuluerit Augustus.* 82. m. externum
odiosum, nec diuturnum. 188. 189

Imperii boni signa. 16. p.

Imperii reditus & onera, in arcano sunt.
81. m. subinde mutantur. 81. f. translatio
in Orientem, Occidentem invasioni Bar-
barorum exposuit. 127.

Imperii genus quodnam optimum. 610. p.

Imperium affectantium artes. 114. seq.

*Imperia sub cognomine fundatori Principe
mutata aut eversa.* 43. f. 44. vi parta
violente conservantur. 49. f. & seqq. po-
tiora sub Principe, temporaria sunt.
226. m. & seqq. nova, pace stabiliuntur.
364. f.

Imperiorum principia violenta. 413. p.
magnorum incommoda vitiaque, 599.
& seqq.

*Imperia magna esse mortalia, exemplis o-
stensum.* 606. p. 607

Imperia suis quare continuavit Tiberius.
585

RERUM.

ad Imperii nova letatur vulgus. 197. f.
198.

Induciarum spe decepti. 625. seq.

*Ingenia subtilia novandis quam gerendis
rebus aptiora.* 545. p.

Initia rerum acris finis incuriosus. 687.

*Injuriarum remedium si non intelligan-
tur.* 300. f.

Inopinata, animum infringunt, 147. p.
153. p.

*Inquirendum non est in complices, oppressa
conjuratone.* 166. f.

Invidia in aulis effugienda ratio. 457. m.
458. 619.

loci grati. 668. *ne sint acerbi,* 669. *neve in
seriis negotiis usurpentur.* 670.

Ira tacita implacabilior. 86.

Irati Principes quomodo tractandi. 494.

Isabelle Infantis votum. 265. p.

*Italia quomodo Germanorum imperio sub-
tracta.* 10.

Italia distractio, 10. *pax unde,* 364. f. 365.
pax Hispano utilis. 617. f. 618.

*In Italia, immodica vectigalia venalium re-
rum.* 186. m. Ita-

INDEX

- Itali nolunt Imperatoris vires in Italia reviviscere.* 715
- Italica bella olim fere incruenta.* 61.62.63
- Iudaei usurarii.* 687
- Iudicium improbitati coercenda remedia.*
121.p.308 p.& seqq.
- Iurisconsulti officium.* 326.327
- Ius an Princeps ipse dicere debeat.* 182. f.
183.p.
- Iuris principia.* 427
- Iusjurandum iudicum.* 312.f.313.314
- Iustinianeuum jus contra Lipsium defenditur.* 428.429
- Iuvenum luxus moroso senum fastidio excusabilior.* 476.f.477

L.

- Latinae linguae honos.* 257
- Laudando evertere, ars aulica.* 334. m.
335
- Legis Papiae Poppae ratio.* 409
- Leges à multis conservandae, ab uno ferendae.* 47.48.abrogatae. 426. p. immotae sunt. 432.p.
- Legum superfluae citationes.* 324.325. multu-

R E R U M.

- titudo non est causa litium, sed contra.*
 428. seq. *restauratio utilis.* 687. 688. à
Legibus in necessitate recedendum. 700
Liberalitati parsimoniam præferat Prin-
ceps. 184
Liberorum multitudo firmat regnum.
 17.p.
Libertas, rebellionis prætextus. 479. seqq.
populorum immodica, causa rebellionis
 621.p.
Libertatis specie adulatio. 38.f.
Libertatem opprimentium artes. 13
Libertatem in servitute usurpare, impru-
dens est. 370. 371
Libido Principum, ipsis & Reipublicæ ex-
itiosa. 664. 665. 666
Libri prohibiti. 613. 614.
Limitares subditi mitius tractandi. 653.f.
Lingua patria ubique uti, ad publicam
autoritatem spectat. 257. 258
Lipsii adversus Iustinianæum jus objecta
refelluntur. 428. 429
Literæ bonæ, in paupertate nata in eadem
ut elemento suo proprio vivunt. 331.f.

P p

Lites

INDEX

Lites non exoriuntur ex multitudine legum. 428.429.

Litium diuturnitas. 318. *quomodo tollenda* 320. & seqq.

Lucretia illatum stuprum non fuit causa Regum Roma exactorum. 194. m.

Luctus in publico, non decet Principem. 372. p.

Lugere à tyrannis peremptos, exitiosum. 372. f.

Luxus nostrorum temporum. 495. *in Luxum remedia.* 498. f. 499.

Lycurgi leges. 570.

M.

Machiavellica politica non est nova 420. p.

Machiavellus notatur. 48.

Machiavelli de fato doctrina refellitur. 397. f. 398. & seqq.

Magica sortes fortuito vera, plerumque fallaces 297. 298.

Magos de Principe vel Rep. consulere, capitale. 295. p. 296. 297

Magistratus precipui, temporarii sunt. 2. m.

RERUM.

2. m. an continuandi. 187. f. non sunt
vendendi. 308. 309. potiores sub Prin-
cipe temporarii sunt 206. p. & seqq.
temporarii sint in Democratia. 574.
*Magistratum improbitati coercenda re-
media.* 308. p. & seqq.
*Magistratus perpetuos quare Tiberius vo-
luerit.* 585.
*Magnum nimis aliquem non fieri, vicino-
rum interest.* 714. & seqq.
*Magni homines aut non fodicandi, aut oc-
cidendi.* 359. f. 360
*Mahumetica leges & instituta, imperii
dilatationem, & militarem gloriam spe-
ctant.* 558. & seqq.
*Majestatis leges, 158. f. falsum crimen.
162. & seqq. crimen nunquam bona
fide remittitur à Principibus. 406 407
pro Majestatis crimine habita levissima
queque apud tyrannos.* 160 161
Majori cedendum. 475.
*Malavolta de origine dispositorum equo-
rum error.* 180. p.
Amaluchorum imperium. 555.
P p 2 Ma-

INDEX.]

- Matrimonium & liberorum intuitus
an reprimat ambiciosos spiritus, & ami-
ciores Reipub. reddat.* 222.223
- Matrimonia Principum infida.* 75
- Medicis, magnitudinis fundamentum,
opes.* 211
- Mediolanenses exactiones.* 618.m.
- Mediolanensium, à milite Hispanico, per
civium domos distributo, calamitas.*
659.660.661
- Mediolanum Hispano Prasidi servit.* 602.p.
- Medium in paciscendo cum hoste, vitiosum*
357.358
- Memoria sui prospera paranda via duplex.*
615.f. 616
- Mercatura facit imbelles.* 489.f. 490
- Mercaturam cum nobilitate pugnare, cur
Principes credi velint.* 491
- Mercenarii milites exitiosi.* 725.726.728
- Merita in Principem, non jactanda.*
449
- Metus amore an tutius munimentum
Principis.* 692.f.693
- Miles an auro argentoq; ornandus.* 724.f.
- Mili-*

RERUM.

Militem in hybernis vel praesidio retentum,
in cives alendum distribuere, dedecus
Principum, & infamia seculi. 658. 659
Milites à commilitonibus affecti supplicio,
 120.

Mulierum encomion. 475

Militum hodiernorum miseria praeter veteri-
bis Romanis, 89 stipendia malignè so-
luta aut intercepta. 290

Militibus praemia dare, solius Principis.
 290

Milites externos esse vocanti perniciosos ex-
emplis ostensum. 725. 726. 727. 728

in Milites gratitudo veterum. 289

Militia hodierna corruptio. 548. 549.
 559

Militari arario praefectorum varia frau-
des, 290. 291. 292.

Militaris seditionis remedium, spargere ac
dividere militem. 515. 582. seq.

Militares seditiones ex otio. 87. f.

Mina stultorum ultio. 361

Ministri scelerum, supplicio affecti, pla-
cando populo. 31. m. 32

INDEX

- Ministri iis adhibendi negotiis, ad quana-
tura & institutione facti.* 97. f. 98. 99
- Ministri dominorum suorum domini,* 507.
& seqq.
- Ministris potentibus diffidere, Principi-
bus intutum.* 695. 696
- a Ministris prava consilia sapius quam ipsis
Principibus orta.* 635. p.
- Miseris favemus.* 391. f. 392
- Moderatio in Repub. necessaria.* 702
- Moenibus nudata suspectae urbes.* 528
- Molinae iudicium.* 327. p.
- Mores eorum, queis conversamur, assu-
mendi.* 119
- Morum mixtura an aulico necessaria.*
434. 435.
- Mors Principum vide Principum.*
- Mortis locus ambigue praedictus.* 298
- de Morte Principum. fama atrox.* 587.
- Mortalium cuncta incerta.*
- Mulieres castris arcende.* 474. f.
- Muphiis apud Turcas autoritas.* 108. 109.
- Mure captus amator.* 467. f.
- Mutinenses.* 10. f.
- N. ex

RERUM.

N.

- ex Necessitate promissa vix servant Prin-*
cipes. 352. 353. *at servare debent.* 354
Nembrodus, politicorum pater. 413
Nobilibus cur interdicta mercatura, 491
Nobilitatis retinentes. 332.p.
Nobilitate virtus, an hac illa prestantior.
 472.f.
Nuptiæ Principum impares. 692.f.

O.

- Obsequio grassandū principi.* 702. 703. *seqq.*
Obsides firmando Principatui. 484. 485
in obsidione castellorum, aut oppidorum,
morum facientes improbantur. 273.
 274.
Odia privata Reipub. remittenda. 55. f. *non*
ultra mortem inimici extendenda, 266.
m. professa perdunt vindictæ locum.
 361.p. 365.f.
Officia non ex grātia, sed merito mandan-
da. 99.f. 100.
Omnia certa quibusdam insunt. 43.f. 44.
Omnium horarum homines. 434. & *seq.*
 P p 4 Opi-

INDEX

*Optimatum in regno potentia, seditionum
causa.* 621

Oracula ambigua. 298.299.349.f.

Oratio quanam apta mulcendis rebellibus,
533.534

Oratores illustres. 321.f.

Ostracismi iniquitas. 219

Otium causa seditionis militum. 87.f.

P.

Palatini ruina trahet alios. 217.f.

Papaverum summa capita desecanda.
217

Papia Popæa lex. 409

*Parsimonia liberalitati præferenda in
Principe.* 184

Parthenius litigiosus. 320

Pasquinus Rom. 852

*Paupertas gignit & fovet bonas literas, 331
subditorum non præstat tutum Princi-
pem.* 640.647.p.

*Pax per interponentes se proxenetas ex di-
gnitate procurata.* 20.f.21

*Pacis leges æquiores, sunt firmiores. 357.358
artibus imperia diuturniora quam bel-
lo 578.579.580.* Pace

RERUM.

*Pace opus est novis imperiis, 364 f. arma
victa.* 711

*Pecuniam sine subditorum injuria com-
parcentes.* 662

*Perduellium punitorum bona heredibus
relinquenda.* 690

*Perduellium posteris, ejusdem criminis su-
specti* 84.f.85

*Peregrinari Senatoribus extra Italiam
cur non licuerit sub Augusto.* 224

Peregrini judices esse debent. 310.311.312

Perezus collatus cum Pisone. 384.f. &
seqq.

Perezio reo confidentia noxia. 382.m.

Periculum commune concordem facit. 140

non Petenda plura simul. 141.142

Petrus Sarpus quis. 21

*Philippi II. Hisp. Reg. modestia in Lusita-
nos recens subactos.* 192.f

Pipnorii laus. 347.f.617.m.

Pipinus. 210.f.

Pisonis errores. 381.p.

*Plebs, alta non spirat, 642.f. annonâ con-
tenta est.* 1643.p.

INDEX

- Plebis natura.* 112 f.
- Plebem subactam primoribus tradat Princeps.* 729
- Pœnas per magistratus irroget, præmia ipsæ det Princeps.* 305. m. 382. f. 806. p.
- Poeta famelici suavius canunt.* 331. f. 332. p.
- Politica prudentia quibus in rebus consistat.* 611
- Politicae disputationes Politicum non faciunt.* 612. f.
- Poloni cur exteros sibi Reges imponant.* 197
- Poloni quatuor pro uno capone promissi.* 264. f.
- Poliarchia mala.* 623
- Polyarchici status incommoda.* 97. m.
- Pompejus à Cesare victus cur desperarit.* 146
- Pontificis majestatem ladentes non reconciliantur.* 407. m.
- Pontifices oderunt Imperatores.* 714. f.
- Populi favor infustus* 36. m. *murmur & questus in Principem inanis.* 87
- Populo nuper acquisito suos mores, sua jura conservet Princeps.* 191. Po-

RERUM.

Postarum, quas vocant, origo. 180. 181

Potentia nimia quomodo frangenda privatorum singulorum. 213. & seqq. *magnatum unius provinciae.* 231 & seqq.

Potentia unius nimia coercenda. 714. 715. 716

Potentia instrumenta. 186. m.

Potentiorum injuria quomodo debilioribus arcenda. 710. m & seqq.

cum Potentioribus competere, stultum. 475. f.

Pottendorffius Baro, Principem suum zelotypus occidit. 665. p.

Præcedentia jus ambiguum. 129. m.

Præda aviditas victoriam corrumpit. 149. m.

Præjudicio nemo damnandus 380 m.

Premia aurea, non laurea, seculi genius poscit. 256. f.

Premia det ipse Princeps, pœnas per magistratus irroget. 305. m 382. m.

Pragensis victoria. 276. m.

Primogenitura jus, 197. f. jure procerum opes in unum collata, intuta Regi. 249. p.

INDEX

Princeps jubeat non disputet. 34. f. ipse ple-
raque tractet, & in ministrorum fidem
cum diffidentia inquirat. 778. p. an
ipse jus dicere debeat. 183. p. gloriosa
certa sibi sumat, periculosa legatis per-
mittat, 269. p. ipse premia *tribuat*, pœ-
nas per alios irroget 305. f. 806. p. mini-
strum rebellem dolo capiat potius quàm
bello petat, 333. p. auctoritatem suam in-
tempestivo rigore in casum ne det. 698.

699

**Princeps bonus, sed mali consiliarii: an hi
boni, iste malus, utrum horum sit opta-
bilis.** 730. p.

**Principis ab educatione bona, salus Reipu-
blica pendet,** 78. m. educatio quibus
committenda 101. propria virtutes,
199. f. sermo, incessus, vestis, 203. reces-
sus & popularitas cum *modo*, 204. irati
conspectui non obversandum. 79. m. ca-
des, exempli causâ vindicanda Princi-
pi 380. pr. exemplum pœnis efficacius,
498. f. 499 f. à jussis ministro non rece-
dendum, si tamen illa sint honesta, 598 p
de

RERUM. I

de principis salute vel Reipublica summa,
divinatores consulere, capitale, 295. p.
& seqq.

Principi quamam deslenda. 372. p.

Principi ministri tribuant à se gestorum
gloriam, 451. p. 452. 453 454. 455

Principem futurum, in occulto fortuna te-
net. 404. m.

Principes colunt amicitias ex utilitate, 66.

in exordio regnandi postulationibus im-
portunis obruuntur, 88. f. 89. an mutato

habitu, dissimulata persona debeant sui
famam exquirere, 259. p. à pactis ferè

resiliunt, 352. 353. 354. in successivo re-
gno sunt immortales, 374. p. censura ple-

bis perpetua subiecti, 383. p. se potiore
è suis neminem a quo animo ferunt, 444.

445. 454. p. quidam servis suis se regen-
dos tradunt, 507. 508. inde redundan-

tia in Rempublicam mala, 509. & seqq.
reprehensionis ac monitionum impati-

entes, 620. beneficiis obstricti viâeri no-
lunt, 634. p. nolunt videri peccasse,

672. p. exules, aut soboles regia, osten-
tati, instrumentum turbandis regnis,

708. 709

Prim-

INDEX

Principes in deterius mutati, 732. 733.
Ejus rei causa. 734.f.

Principes avi nostri, armorum gloria &
 imperii dilatione veteribus minime
 comparandi, 280. 281. *Ejus differen-*
tia causa prima, castellorum ac muni-
 mentorum frequentia, 283. p. 284. *se-*
cunda inventio bombardarum, 285.
tertia, disparitas hostium. 286. 287.
 288

de Principum morte atrocita finguntur.
 26.m.

Principum mors celeriter aut prapropere
nunciata, 28. *occultianda donec ne-*
cessariis provisum. 29.p.

Principum quorumcunque cades divini-
tus vindicata, 39.f. 40. 41. *actiones*
fucata, 65.f. *ira consilio mollienda*,
 a potentioribus *Aulicis*, non incitan-
 da, 86.m. *congressus cum cautione sunt*
instituendi, 252.f. 253. *congregienti-*
um dignior ad destinatum locum pri-
or venire solet, 255. *propinquorum*
 ira,

RERUM.

*ira, post reconciliationem in ministro-
rum primariorum exitium desinunt, 338.339 educatio, 342. scelera per
rationem status frustra excusantur. 423.m. ingratitude in ministros, 514.
m. multitudo, Christianorum poten-
tiam minuit, Turcarum auxilium 622.
m. libido exitiosa. 664 665.666.gra-
tia qui exciderunt, eorum amicitia
nemini fraudi esse debet. 680. f.
681.*

*de Principum potestate disputare pericu-
losum. 427.f.*

*Principibus suspecti generi, & alii qui
uxores ex regio sanguine ducunt.
83. suspecti posterius perduellium,
84. f. & eminentes viri, 85. f. &
qui proximi imperio destinantur,
590.f.*

*Principibus ferenda de se loquendi li-
bertas, 121. & seq. negotia pro solatiis
accipienda, 587.f.*

cum

INDEX

cum Principibus & eorum consanguineis reverenter agendum, in quacunque fortuna. 335. f. 336.

Principalis gratia levitas. 438. & seqq.

Principatus, antiquissima, eoque dignissima Reipublica forma. 1. quo dominationi propior, hoc firmior, 621. p.

Principatus firmandi duae rationes egregiae. 484. & seqq.

Privatorum eminens virtus, potentia, opes, Principi formidabiles. 206. m. 207. & seqq. nimii spiritus, quibus remediis cohibendi. 213. & seqq.

Privilegia subditorum abrogandi modus. 302. in 303. 489. in.

Privilegia, lapis scandalii, seminarium Zaniorum. 621. p.

Procerum in Regem suum potentia quomodo contundenda. 231. p. & seqq. in aula gratiosorum duo genera. 433 p.

Pro-

RERUM.

Proditionis merces ab hoste proposita, ne nostris innotescat curandum: & si innotuerit, ut eludenda. 93

Proditores in visi. 143

Protectionis specie imperium. 23

Proximorum odio acerrima. 139

Prudentia humana incertitudo. 392. f. & seqq. 861.862

Pseudo Alexander, & alii supposititii, 673. p. & seqq.

Pudor placabiliores facit. 392

Pugna ferè incruenta. 61. f. 62. 63

Pugna stataria belli aleam experiri, mos veterum. 270. p.

Q.

Questionarii I Cti. 325. p. 326

R.

Ragion di stato, nefaria Politica. 423

Rebet-

INDEX

Rebellionis crimen à Principibus bonafide non remittitur. 406 407. 408

ad Rebellionum initia connivere, ars Principum. 489

Rebellium animos causa & Imperatorum majestas frangit. 101. f. *Cetera vide in Seditio.*

Recessus ad majestatem facit. 203. f.

Regia soboles. aut injuriâ regno pulsi, instrumentum alliciendis populorum animis, ac turbandis regnis. 708. m.

709

Regnum antiquissima Reip. forma. I. vi partum, violentè conservandum. 49. & seqq.

Regni symbola. 425. f. 426.

Regna sub Principe cognomine fundatori, eversa 44. socium non ferunt. 546. p *mediocria, commendabiliora.* 599. f.

600

Regnorum origo à vi. 412. p 413

Reis contumacia & confidentia noxia est. 380. & seq.

Re-

RERUM.

- Religio prae textus bellorum.* 108
- Religionis (Christianae praecipue) vis
in animis hominum.* 104. & seqq.
- Religione Principes ambitionem suam ve-
lant.* 76.f. 108. 109
- Religione , regnandi instrumento usi.*
259
- Religionum diversarum libertas firman-
do regno.* 347.f. 348
- Religionum libertas.* 368.m.
- Reputatio.* 425.m.
- Reputationis inepti jactatores.* 698.
m.
- Reipublica nomen tributum Regno.* 373.
f. forma quanam optima. 609. f.
- Rerumpub. conversiones ab ambitione vix
praevenerunt.* 213
- in Rerumpublicarum conversione , qua-
dam umbra status pristini relinquen-
da.* 22.p. 23. 24
- Respublicae mori, naturale.* 605. f.
- Roma caput rerum , 124. f. non temerè à
Principe deferenda, 126. m. à lepore ca-
pta.* 151. f.
Ro-

INDEX

<i>Roma privatorum quorundam opes regia,</i>	208.f.209
<i>Romam à Gallis capi, fatale.</i>	402. m.
	403
<i>Romana potentia quibus modis ad fastigium provec̃ta.</i>	549 p. & seqq.
<i>Romana Reipublicæ vitia & exitium</i>	568.
	& seqq.
<i>Romana potentia incrementa & decre- menta.</i>	607.608
<i>Romani auspicia sunt interpretati ex usu negotiorum.</i>	259
<i>Romanorum injustitia.</i>	415. m. & seqq.
<i>à Romulo late leges.</i>	427.p.
<i>ex Rumore non statuendum.</i>	500.f.

S.

<i>Sacris præfectorum negligentia.</i>	501
<i>Scelerum ministri nec ipsis Principibus jubentibus grati.</i>	31
<i>Scena vitiorum schola.</i>	589.p.

R E R U M.

Scirifii.

112 p.

Scortamilitaria.

474.f.

Scripto praesentem etiam Principem adire , mos probus ; in privatis tamen non ferendus.

616. m.

Sebastiani Lusitan. R. temeritas.

P.

Secreta Principum periculose ministri retegunt. 26. Imperii tegere oportet. 33. m. inquirere , capitale.

79.p.

Securitas vitiosa.

133.p.

Seditio militum ex otio.

112.f.

Seditionis magna & implacabilis indicium , leges ordinesque seditiosorum.

113.

Seditionis militaris contagionem praecavenda , 120. f. excitanda modus. 481.

482. praetextus.

673.p.

Seditionem non facile movet è diversis gentibus mixtus exercitus.

130.m.

Seditiones violentis remediis exasperantur interdum 111.f. 112. peregrino milite cur opprimenda.

131.m.

Se-

INDEX

- Seditionum comprimendarū artes.* 31.32.
 111.m.117.118.367.m.489.p.504.
auctores insigni aliquo scelere sibi con-
juratos obstringunt 263.f. *flabella.* 478
 m.479.
de Seditionibus, & earum remediis, 516.
 & seqq.
Senectus timida & suspicax. 736.f.
Senensi Republica quomodo potitus sit Cos-
mus. 591.p.592.593.
Senenses bellica consilia XV111. viris com-
mittunt. 97. m. *Stulti joco dicti.*
 671.m.
Senensium factiones, 10.f. *gratitudo in mi-*
lites. 289
Senes, iuvenularum amoribus obnoxii.
19.f. se viiores sunt. 506.f.
Senum vitia. 477.m.
in Senibus plerumque fortuna deficit.
 506
Senioribus cum juvenibus malè convenit.
 473.f.
Sententia in senatu dicenda ordo 182. p.
Severitas nimia nocet, 496. f. *justa ex-*
pers

R E R U M.

*pers odii, 694. m intempestiva, fugi-
enda Principi. 701. fm. 702. 703*

*Silentium arcanorum principalium, ne-
cessaria ministro virius, 26. f. anima
consiliorum. 266 267. 268*

*Si multitudo cultus & institutorum, grati-
am conciliat. 305. m.*

*Simulacra veteris Reipub. 22. 23. 24.
35 m.*

*Simulatores fidem non inveniunt, etiam
cum sincerè agunt. 586 m.*

*Somnum & inertiam ostentando, peri-
culum ab emulo Principe declinatur.
436. m.*

Spartani iniusti. 414. f.

*Spe sua quique facilimè capitur.
635. m.*

*Spectacula ludorum, instrumentum re-
gnandi. 134. m 135.*

*Stratagemata communia, eoque contem-
pta, facilius fallunt, 156. p. an & qua-
renus licita. 629. m. 630*

Structura, Principis cura digna. 503

Stru-

INDEX

- Struthiocameli aulici.* 690.f.
Studia literarum imbelles faciunt. 138.
 pr.
Subditi in pace armis exercitii bello inutiles
 463
Subditorum in inopia non consistit Prin-
cipum securitas. 640. 641. 642.
 647. p.
Subditorum discordia an principi fovenda,
 347.f.348.
Subditis an armorum tractatio permitten-
da. 565.566.
Subita terrent. 147.148.m.
Successor certus firmat imperium. 17.p.18.
deterior desiderabilem facit principem,
 77. m. *bonus potius exoptandus bono*
Principi. 78.p.
Summa maximè nutant. 157.m.
Superstitio ad multitudinem regendam effi-
cacissima. 103.p.
Superstitionis vis. 260
Supplicium de gratiosis populo, clam su-
mendum. 333.m.

Sup-

RERUM.

<i>Supplicia de viris insignibus in secreto sumantur.</i>	218.p.
<i>Suppliciorum executio tarda sit.</i>	495.p.
<i>Syndicatus plebis.</i>	383.p.
<i>Syndicatores Genuenses.</i>	317.p.

T.

<i>Taciti laus, 422. p. historia scelerum aulicorum scena.</i>	422.423
<i>Taciturnitas in consiliis bellicis, & aliis, necessaria.</i>	267.268.
<i>Tarquini consilium decapitandi summa papaverum, quando valeat.</i>	54.m.
<i>Temerarium esse licet in hostem ignavum aut imperitum.</i>	637.m.
<i>Temeritas felix.</i>	393
<i>Temir lancus Alexandro Magno comparatus.</i>	606.f.
<i>Templis in bello parcendum.</i>	132.m.
<i>Templis mulieres Turca cur arceant.</i>	562.f.
<i>Tempori cedat Princeps.</i>	698. & seqq.

INDEX

Terror Panicus à levissima causa. 150.
151.

Testamentum Augusti cur recitatum,
non item Claudii. 37

Theologi & ICI saepe in speciem consulun-
tur à Principibus. 76.f. 77. p.

de Thesauro politico tripertito iudicium.
81.m.

Tiberius senatui adversatur. 330 p.

Tituli, si novis hominibus collati vulgentur,
evilescent. 251.m.

Titulorum inania contemnat Princeps, dñ-
modo rem teneat. 22. 23. typhus. 368. f.
vanitas hodierna. 614.f.

Tribunalia à corruptelis ut vindicanda.
308 & seqq.

Tributorum diminutio. 350.f.

de Tributorum acerba exactione disserta-
tio. 639. & seqq.

Tributorum necessariorum invidia qua
ratione mollienda. 653. & seqq. & ve-

litigalium abusus. 679

Trophæa dolore & ira hostem accen-
dunt.

RERUM.

- dunt. 265. f. ideoque ex materia non
durabili construenda. 266. p.
- Turca* cur nunquam diuturnum cum
Christianis bellum gerat. 59 f.
- Turcis* Augustus mensis felix. 43. p.
- Turcica* potentia, multitudine, emulatione
& discordiis Christianorum principum
aucta. 622. f. 623. & seqq.
- Turcica* potentia fundamentum. 556. f. &
seqq. corruptio hodierna, & ad interi-
tum inclinatio. 580. m. & seqq.
- Turcicum* regnum quasi difficile, reten-
tu facile. 195. m.
- Turcici* iudices. 309 f. 310.
- Tyrannis* corrigitur aristocratia. 2 p.
- Tyrannidis* arcanum, voluptatibus subdi-
tos enervare. 135. p. 136.
- Tyranni* non omnes violenta morte pere-
unt. 51. m.
- Tyrannorum* tortor, conscientia; 680.
m.
- Tyrannos* an occidere fas sit. 39. m. 40.
41

INDEX

*sub Tyrannis inertiam simulare, sapientia
est. 436. f. virtus invisā & exitiosa est.
443. 444. propinquorum necem flere
non licet. 683. f.*

V.

Vana à scelestis differunt. 159. p.

*Vestigalia venalium rerum. 186. m. vide
Tributa.*

*Veneficia in aulis, dominationis arca-
num & instrumentum regni. 374. f.
& seqq.*

*Veneta cum Pontifice controversia.
618. p.*

*Veneta Reipubl. diuturnitas unde. 688. f.
689. p.*

*Venetia cur seditionum expertes. 524.
pr.*

*Veneti Senatus simillimum oblivioni si-
lentium. 268.*

*Veneti arcana Reipubl. sua tegunt. 34.
med.*

Ve.

R E R U M.

Veneti à fœderatis deserti. 70. fœdera quædam exuunt, servanda Reipub. causa.

72.73.

Veneti ducem belli certis finibus circumscribunt. 96.m.

Veneti in magistratus Provinciarum suarum inquirunt, 178. f. erga milites grati. 290.p.

Veneti maritimam militiam suis patritiis, terrestrem exteris ducibus quare committant. 572 p. cur trophœa, & similia monumenta virtutis in suis non ferant. 574.m.

Venetum Imperium quare tam diuturnum. 577. f. cur non aequè latè ac Romanum extendi potuerit. 579.

Vestitus & mores eorum, quæis conversamur sumendi. 119.m.

Vetera non omnia meliora. 500 p.

Victoriam corrumpit præda aviditas. 149. med. & sæpè levissimum quoddam accidens. 150. 151.

Victoriam certam sibi pollicentium vana confidentia. 264.m.

INDEX.

- Vienna per hac bella civilia purgamentis
suis liberata.* 525.m.
- Viennam cur non petat Turca. 61. amitte-
re satius Germanis quàm recuperare
Budam.* 716.m.
- Violentum non omne tyrannorum.* 48 f.
- Virtus oppressa præfulget.* 504 f.
- Vita spes magnos animos infringit.* 383. f.
384 p.
- de Vita hominis cunctanter ferenda senten-
tia.* 495.p.
- Vitia prævalida non punienda.* 496. f.
- Unius imperium necessarium ad instituti-
onem aut reformationem Rerumpub.*
47.f.
- in Vno sæpè viro plurimum est momenti.*
343.p. 344. 345.
- Voluptatibus, subditorum ferocia frangi-
tur.* 135.p. 136
- Urbs princeps à Principe non temerè dese-
renda.* 126.m.
- Urbes capta, mox recepta.* 156.m.
- Urbes populosas, in officio continendi ratio.*
490.p.

R E R U M.

Vsurarii. 686.p.

Vulgi mina inanes. 87.m *sermonibus mo-*
veri prudentis non est, 121. m. 122.
123. *judicia spernenda Principi.* 159.
pr.

Vxor ne quem magistratum provincialem
comitetur. 317.f.

Vxores ex regio sanguine qui ducunt prin-
cipibus suspecti. 83.p.

Vxorum adulteria, regni causa tolerata.
133.m. 134

Z.

Zelotypiam injicere, politicum artificium.
591.p. 592. 593.

F I N I S.



